

**ЎЗБЕКИСТОН РЕСПУБЛИКАСИ  
ХАЛҚ ТАЪЛИМИ ВАЗИРЛИГИ**

**ЎЗБЕКИСТОН ПЕДАГОГИКА ФАНЛАРИ ИЛМИЙ  
ТАДҚИҚОТ ИНСТИТУТИ**

**Р.Х. ДЖУРАЕВ, С.Т. ТУРҒУНОВ**

# **ТАЪЛИМ МЕНЕЖМЕНТИ**

**Тошкент  
«VORIS-NASHRIYOT»  
2006**

74. 204 - Накибабулоев  
65. 497 - Фан иқтисодчи

Масъул мухаррир:

Педагогика фанлари доктори

Р.Ш. АХЛИДИНОВ

Тақризчилар:

Иктисад фанлари доктори, профессор

А.У. АБДУРАХИМОВ,

Психология фанлари доктори

К.К. МАМЕДОВ,

Наманган шаҳридаги 8-сонли умумий

ўрта таълим мактаби директори,

Ўзбекистон Республикаси Халк таълими аълочиси

БОХОДИР АБДУРАСУЛОВ.


Мазкур кўлланмада замонавий мактаб раҳбарларининг функционал вазифалари ва бошкарув фаолияти самарадорлиги, бошкарув функциялари ва методлари, умумий ўрта таълим муассасаларидаги ташкилий тузилиш, стратегик бошкарув ва режалаптириш, бошкарув жараёнидаги тарбиявий муносабатлар, раҳбарлик услублари, таълим муассасалари раҳбарларининг бошкарув кобилиятлари ва умуминсоний хислатлар, бошкарув алгоритми, бошкарувда меҳнат муносабатлари этикаси, раҳбарнинг иш вакти ва ундан фойдаланиш, ходимлар ва раҳбарлар фаолиятини ташкил этиш ва бошка масалалар ёритилган.

Кўлланма умумий ўрта таълим муассасаларининг раҳбарлари учун амалдаги “Халк таълими муассасалари раҳбарлари ва педагогларини кайта тайёрлаш ва малакасини оширишга кўйиладиган давлат талблари” асосида тайёрланган умумий ўрта таълим муассасалари директорларининг малакасини ошириш курси тингловчилари учун “Таълим менежменти: назария ва амалиёт масалалари” курсининг ўкув дастурига мослаб ёзилган бўлиб, мактаб директорлари, директор ўринбосарлари ҳамда раҳбарходимлар малакасини ошириш курси тингловчилари учун мўлжалланган. Шу билан бирга раҳбарлик фаолияти билан шугулланаётган мутахassisларга, аспирант-тадқиқчиларга, мактаб амалиётчи-психологларига ҳамда мактабдан ташкири таълим муассасалари раҳбарларига ҳам тавсия этилади.

ISBN .....

© “Voris-Nashriyot” нашриёти,

2006 йил.



10 41454  
2 893

Етакчи бўлиш учун ҳаётни билиш, оммага таяниш керак.  
И.А. Каримов

## КИРИШ

Мамлакатимизда таълим тизимининг модернизация килиниши, уни таркибий жиҳатдан қайта қуриш, таълим, фан, техника ва технологиянинг, иқтисодиёт ва маданиятнинг жаҳон миқёсидаги замонавий ютуқларини ҳисобга олган ҳолда таълим дастурларини ўзгаририб, янгилаб боришни кўзда тутади. Илгор технологияларнинг кенг ўзлаштирилиши, иқтисодиётдаги ижобий ўзгаришлар, чет эл инвестициялари кўламларининг кенгайиши, тадбиркорлик, кичик ва хусусий бизнеснинг ривожланиши, шунингдек, узлуксиз таълимнинг фан ва ишлаб чиқариш билан интеграциялашуви, ўқувчиларнинг қобилиятлари ва имкониятларига мувофиқ равишда таълимга табақалаштирилган ёндашувнинг жорий этилиши ҳамда таълим беришнинг илгор педагогик технологиялари, замонавий ўқув-услубий мажмуаларнинг яратилиши, ўқув-тарбия жараёнининг дидактик жиҳатдан таъминланиши таълимни бошқариш тизимини такомиллаштиришга асос бўлмоқда.

Узлуксиз таълимнинг пойдевори ҳисобланган умумий ўрта таълимни ривожлантириш, жамият ва шахс эҳтиёжларини тўлақонли қондириш ҳамда таълим жараёни иштирокчиларига зарурий ва етарли шароитларни яратиш мақсадида “2004-2009 йилларда мактаб таълимини ривожлантириш Давлат умуммиллий дастури тўғрисида”ги фармон, кабул қилинган қатор ҳукumat карорлари умумий ўрта таълим соҳасида амалга оширилаётган ривожланиш ва ўзгаришларга асос бўлиш билан биргаликда мазкур соҳанинг раҳбар ва педагогик ходимларига ўзига хос талабларни белгилаб берди.

Мактаб таълимини ривожлантириш Давлат умуммиллий дастурининг асосий тамойиллари ва мақсадли вазифаларидан бири – умумий таълим мактаблари, биринчи наъбатда кишлоп жойлардаги мактабларни малакали педагог кадрлар билан таъминлаш, улар таркиби сифатини ошириш, ўқитувчилар тайёрлаш, қайта тайёрлаш ва малакасини оширишнинг самарали тизимини яратиш, ўқитувчилар меҳнатини рағбатлантиришни кучайтиришdir. Мазкур тамойилга жиддий муносабат билан

эътибор қаратадиган бўлсак муассаса раҳбарлари учун жуда катта масъулият, талаблар, вазифалар ва ишонч мавжудлигини эътироф этамиз. Жумладан, педагогларнинг малакасини ошириш ва кайта тайёрлаш, уларда ишга бўлган ташаббускорлик – ижодий муносабатни шакллантириш, моддий ва ижтимоий-психологик рағбатлантириш тизимини яратишга муассаса раҳбарларининг тизимли ёндашуви зарур эканлигига иқрор бўламиз.

Президент И.А.Каримов Олий Мажлис Конунчилик палатаси ва Сенатининг қўшма мажлиси ҳамда 2005 йил 7 февраль куни Оксарой қароргохida Вазирлар Маҳкамасининг янги таркиби билан ўтказилган йиғилишдаги маърузаларида мамлакатимизда демократик янгиланиш ва эркин ижтимоий тузумга хос бўлган фуқаролик жамиятини барпо этиш йўлидаги босқичма-босқич изчил харакатнинг концептуал йўналишларини алоҳида таъкидлаб, юртимизда бошланган ислохотлар жараёнини изчиллик билан давом эттириш ва мантикий якунинг етказиш муаммоларининг асосий ечими – бошқарув тизимини эркинлаштириш эканлигини эътироф этди. Бунда раҳбар ходимларнинг масъулияти ва ўз ишининг нечоғлик устаси бўлиши муҳим аҳамият касб этиши таъкидланди.

Мазкур фикрга асосланиб- айтиш мумкинки, замонавий ижтимоий-иктисодий шароит таълим муассасалари бошқарув тизимини ҳам қайта кўриб чиқишини тақозо этади. Чунки, хозирги кунда умумий ўрта таълим муассасаларида яратилаётган шароитлар, замонавий ўзгаришлар барча имкониятлардан фойдалана оладиган, ўзига ва ўз ишига нисбатан талабчан, мактаб, оила ва маҳалла ҳамкорлигини йўлга кўя оладиган, ўз ишининг устаси бўлган, ўзини-ўзи ривожлантирувчи ҳамда ўз қобилияти ва имкониятларини тўла ишга sola биладиган раҳбарларнинг фаолият кўрсатишини талаб қилмоқда.

Бугунги кунда мактаб раҳбарлари бошқарув функцияларининг интегратив сифатларини тавсифловчи хусусиятлар: мактаб бошқарувини ички ва ташки ўзгаришларга мослаштириш; раҳбарлик услубларидан корпоратив фойдаланиш; бошқарув тамойилларини ўзлаштириш ва қўллаш; бошқарувни мактаб фаолиятини ривожлантириш ва такомиллаштиришга йўналтириш асосида белгилашни кўрсатади.

Мактаб раҳбарлари учун тайёрланган ушбу қўлланмада таълим муассасаларида таълим-тарбия жараёнини ташкил этиш ва уни бошқариш йўналишидаги асосий тушунчалар ва уларнинг мазмун-моҳияти, шунингдек, таълим менежментининг назарий жиҳатлари ва унинг таълим муассасаларини бошқаришда қўлланиш услублари келтирилган бўлиб, замонавий мактаб раҳбарлари таълим муассасаси шароитининг турли жараёнларида нафақат менежмент соҳаси йўналишида назарий тушунчаларга эга бўлиши, балки мактаб амалиётида уни татбиқ эта олиши, таълим муассасаси ходимларининг фаолиятини мувофиқлаштиришда ва уларни бошқаришда тўғри ва изчил қарорларни қабул қила олиши зарурияти ҳам инобатга олинган.

Мазкур қўлланма Халқ таълими вазирлиги Ҳайъат мажлисининг 2003 йил 31 октябрдаги 12/1 сонли қарори билан тасдиқланган “Халқ таълими муассасалари раҳбарлари ва педагогларини қайта тайёрлаш ва малакасини оширишга кўйиладиган давлат талаблари” асосида, шунингдек, муаллифлар томонидан умумий ўрта таълим муассасаларининг раҳбарлари ва раҳбар ўринbosарлари ўртасида ўтказилган сўровномалар натижаларига асосан тайёрланган умумий ўрта таълим муассасалари раҳбарларининг малакасини ошириш курси тингловчилари учун “Таълим менежменти: назария ва амалиёт масалалари” курсининг ўкув дастурига мос равишда тайёрланди.

Муаллифлар Ўзбекистон Республикаси Халқ таълими вазирлиги ва Ўзбекистон педагогика фанлари илмий тадқиқот институти, А.Авлоний номидаги XTRXMOMИнинг раҳбарлари ва ходимларига, шунингдек, педагогик тажриба-синов жараёнида иштирок этган умумий ўрта таълим муассасалари раҳбарлари ҳамда раҳбар ўринbosарларига қўлланма қўлёзмаси юзасидан берган маслаҳат, таклиф ва ёрдамлари учун алоҳида миннатдорчилик билдирадилар.

# I БОБ. МЕНЕЖМЕНТ НАЗАРИЯСИ ВА АМАЛИЁТИНИНГ РИВОЖЛАНИШИ

## 1.1. МЕНЕЖМЕНТ ФАНИ ПРЕДМЕТИ ВА ВАЗИФАЛАРИ

Мамлакатимизда амалга оширилаётган ижтимоий-иктисодий ислоҳотлар жараёнида ишлаб чиқаришни ривожлантириш, ташкилот ва корхоналарнинг иктисодий баркарорлигини таъминлаш кўп жихатдан замон талабларига жавоб берадиган раҳбар ва мутахассисларни тайёрлаш сифатига боғлиқ. Бугунги кунда ижтимоий йўналтирилган бозор иктисодиётини барпо этиш шароитида раҳбарларни (бошқарувчиларни) тайёрлаш, уларнинг малакасини ошириш ва қайта тайёрлашда менежмент фани алоҳида ўрин тутади. Менежмент фанининг шаклланиши ва ривожланиш босқичлари узоқ вакт давом этиб келаётган тарихий даврлар билан изоҳланади, менежмент алоҳида, мустақил фан сифатида XIX асрнинг охири ва XX аср бошларида шаклланди.

Менежмент – инглизча сўз бўлиб, ўзбек тилида бошқарувни ташкил этиш (бошқариш, бошқарув хокимияти, ташкил этиш), раҳбарлик килиш (режалаштириш, тартибга солиш-мувофиқлаштириш, назорат қилиш) маъноларини англатади. Менежмент – бу кўзланган мақсадларга эришиш учун фаолиятни, яъни инсонлар ёки уларнинг гурухлари фаолиятини мувофиқлаштириш ҳамда бошқариш усуллари, шакллари ва воситалари мажмуми.

Содда килиб айтганда, менежмент умумий ҳолда у ёки бу фаолият турини ташкил этишни ва унга раҳбарлик қилишни, яъни турли хил соҳаларда фаолият кўрсатаётган инсонларнинг хатти-ҳаракатларини, муносабатларини мувофиқлаштириш, уларнинг имкониятлари ва қобилиятларидан тўғри фойдаланиши ташкил этиш, назорат қилиш ва бошқаришни билдиради. Менежмент энг аввало инсонларни бошқаради, уларни ўз фаолиятига қизиқтириш, тадбиркорликка, меҳнатга ижодий ёндашиш, ўзига ишониш туйғуларини шакллантириш, соҳалар бўйича билим, кўникма ва малакаларни эгаллашига кўмаклашиш,

янгиликка ва ижодкорликка чорлаш, инсонларнинг фаолиятини бошқариш демақдир.

Бошка фанлар катори Менежмент фани ҳам ўз предмети, назарияси ва услубларига эга бўлиб, унинг предмети хўжалик юритишнинг барча бўғинларида бошқаришни ташкил этиш мантиқи, шакллари, услубларини ифодаловчи назарий ва амалий тамойиллар мажмуудан иборат. Менежмент фани ижтимоий-иктисодий муносабатларни тадқик этувчи иктисодий назария билан узвий боғланган ҳолда кун сайин инсонлар эктиёжи ва уларнинг фаоллиги ортиб бораётганилиги сабабли социология, педагогика ва психология фанлари, шунингдек, статистика, бухгалтерлик ҳисоби, молия ва кредит, меҳнат иктиносидиёти, макро ва микро иктиносидиёт ва бошка фанлар билан ҳам узвий боғлик. Ҳукукий фанлар менежментнинг ҳукукий асосларини яратиши, мансабдор шахслар ўртасидаги ҳукукий муносабатлар, раҳбарлар ва бўйсунувчилар, шунингдек, томонлар ўртасидаги ўзаро ҳукуқ ва тартиботни белгилаши унинг маъмурый, фуқаролик ва меҳнат ҳукуклари билан ҳам ўзаро алокадорлигини ифодалайди.

Менежмент фани ҳам ижтимоий, ҳам табиий фанлар билан боғлик ҳолда ривожланиб бориб мақсад ва вазифаларига, хизмат килиш соҳаларига кўра бир неча турларга бўлинади: амалий менежмент, инновацион менежмент, стратегик менежмент, маркетинг менежменти, молия менежменти, технологик менежмент, маъмурый менежмент, таълим менежменти ва х.к., биз уларни менежмент фанининг шохобчалари деб атасимиз мумкин.

Мутахассисларнинг фикрига кўра, умумий менежмент барча хўжалик юритиш тизими учун тааллукли бўлиб, амалий, инновацион ва стратегик менежментни ўз ичига олади. Амалий менежмент ҳам барча бошқарув соҳаларига тааллукли бўлиб, инновацион менежмент (янгилик яратишнинг бошқаруви) ва стратегик менежмент (стратегик режалаштириш) амалий менежментни такомиллаштиришга йўналтирилган бошқарув фаолиятидан иборатdir.

Менежмент фани – бу раҳбарларга бошқарув фаолиятини тўғри амалга ошириш, ходимлар фаолиятини самарали бошқарини ва мувофиқлаштиришда, шунингдек, корхона ва муассаса олдига кўйилган мақсадларга ҳамда кўзланган натижаларга зришишда муҳим аҳамият касб этувчи қарорларни қабул қилиш ва уларнинг бажарилишини назорат ва таҳлил қилишни ўргатувчи фан бўлиб,

унинг асосий мақсади замонавий ижтимоий-иктисодий шарт-шароитларда бошқарувнинг барча бўғинларида самарали ишлай оладиган юқори малакали бошқарувчиларни тайёрлашдан иборат.

Менежмент фан сифатида ўз мақсадига кўра қўйидагиларни ўрганади: бошқариш назарияси ва амалиёти; бошқариш обьекти ва субъекти; бошқариш тамойиллари ва усуллари; раҳбар маданияти; раҳбар ва лидер, уларнинг фазилатлари; раҳбар рейтинги; бошқаришда киришувчанлик ва қарор қабул қилиш; бошқариш функциялари; ходимларни бошқариш; ишлаб чикаришни бошқариш, самарадорликни бошқариш; ўз-ўзини бошқариш; худудий бошқариш ва х.к.

Маъмурий менежмент бошқаришнинг маҳсус қисми бўлиб, бошқарувчи тизим ичидаги муносабатларни, унинг ривожланиш қонуниятлари, тамойиллари, усул ва услубларини ўрганади, яъни турли соҳа ташкилотлари маъмурияти фаолиятларини ташкил этиш, режалаштириш, тартибга солиш, мувофикаштириш, мотивация қилиш (ундаш) ҳамда раҳбарликни оқилона уюштириш усулларини ўрганади.

Маъмурий менежментнинг асосий мақсади – ташкилот маъмурияти ривожланишида уйғунликни таъминлашдан, яъни ташкилотнинг барча ички ва ташки элементлари фаолиятининг самарадорлигини ва мақсадга мувофикалигини таъминлашдан иборатdir. Маъмурий менежментнинг асосий субъектлари – маъмурий бошқариш аппаратлари, уларнинг бўғинлари ва турли поғонадаги раҳбарлар ва ходимлар бўлиб, уларнинг ҳар бир итегиши вазифаларга, ваколатларга ва масъулияtlарга эга бўлади.

Таълим менежменти – бу илмий асосда ташкил этилган, ўзига хос поғонавийлика асосланган бошқарув: раҳбар, педагогик жамоа, таълим олувчилар жамоаси. Шунга кўра бошқарувни турли хил моделлар асосида амалга ошириш мумкин: интеграл модел, биринчи поғона – педагогик жамоа фаолиятини бошқариш, иккинчи поғона – ўқувчилар фаолиятини бошқариш.

Таълим менежментнинг асосий мақсади – таълим муассасаларида ташкил этиладиган таълим-тарбия жараёнини илмий асосдан ташкил этишда, муассаса олдига кўйилган мақсадларга эришиш ва ракобатбардош битирувчилар тайёрлашда

\* Тўхтабоев А. Маъмурий менежмент. Т., "Молия", 2003 йил, 141-бет.

таълим-тарбия жараёни иштирокчилари бўлган раҳбарлар, мутахассислар ва ижрочиликнинг муносабатлари ва фаолиятларини мувофиқлаштириш, назорат қилиш ҳамда самарали бошқаришни таъминлашдан иборат.

Таълим менежменти фани таълим муассасалари раҳбарларининг бошқарув фаолияти, бошқарув маъсулити ва маданияти, бошқарув функциялари ва методлари, бошқаришнинг қонун-қоидалари ва тамойиллари, раҳбар ва лидер фазилатлари, таълим муассасаси раҳбарларининг функционал вазифалари, таълим муассасаларини бошқаришда ахборот ва коммуникация, раҳбарларнинг инновацион фаолиятлари, бошқарувда тарбиявий муносабатлар ва раҳбарлик услублари, таълим муассасаларининг ташкилий тузилиши, стратегик бошқарув ва режалаштириш, раҳбарнинг иш вақти ва ундан фойдаланиш, персонални бошқариш ҳамда таълим муассасаларини бошқаришда мотивлаштириш ва мотивлаштириш назарияларини тадқик этади.

## **1.2. МЕНЕЖМЕНТ НАЗАРИЯЛАРИНИНГ РИВОЖЛАНИШ БОСҚИЧЛАРИ**

Менежмент фанининг шаклланиш даврига қадар, инсоният пайдо бўлган даврдан бошлаб, инсонлар у ёки бу шакл ва мазмунда фаолият кўрсатгандар. Улар ҳаётий эҳтиёжларни қондириш мақсадида меҳнат қилишган ва фарзандлар тарбияси билан шуғулланишган, шу даврларда ёк бошқаришга муҳтожлик вужудга келган, уларнинг меҳнат фаолиятлари давомида ўзаро муносабатлар шаклланиб борган, мазкур жараёнларда ўзаро таъсир, муносабатлар, бошқариш усувлари шаклланиб, ривожланиб борган бўлиб, бу даврларни бошқаришнинг амалиёт даври деб айтиш мумкин.

Кадимда ва айниқса, ўрта асрларда шаклланган давлатлар, империялар фаолияти мураккаб ташкилотларни бошқариш амалиётидан дарак беради. Туркистонда Амир Темур хукмронлиги вақтида барпо этилган ва бугунги кунгача сакланиб келаётган тарихий обидаларнинг яратилиши турли касб эгаларининг ўзаро муносабатлари расмий тарзда шаклланганлигидан ва улар маълум бир мақсад йўналишида бошқарилганлигидан далолат беради.

Бошқариш назариясининг дастлабки куртаклари қадим замонларга бориб тақалиб, Ю. Цезарь, А. Македонский, Туркистонда эса ўрта асрларда Амир Темур хукмронлиги

вактидан бошлаб шаклана бошлаган. Дастьлабки пайтларда у оддий бўлиб, асосан ҳарбий тавсифга эга эди.

Капитализм тузумининг бошлангич даврида тадбиркор – мулк эгаси ишлаб чиқаришни ўзининг шахсий тажрибасига таяниб бошқарган. XVIII асрнинг охиirlарида Англияда бўлган саноат инқилоби бошқарувга бўлган қизиқишни янада кучайтиради. Бошқарув ходимларини тайёрлашга алоҳида эътибор берила бошланади.

Аммо XIX асрнинг иккинчи ярмида ва XX аср чегарасида техника ва технологиянинг такомиллашуви, ишлаб чиқаришнинг кескин ўсиши бошқаришни мураккаблаштириб юборади ва уни фаолиятнинг маҳсус билимларни талаб этувчи маҳсус соҳасига айлантиради. Ушбу муаммоларни ҳал этиш учун бошқарув соҳасидаги тажрибани умумлаштириш, ишлаб чиқариш ва ходимларни бошқаришнинг самарали усуларини излашга олиб келади. Натижада бошқарув тўғрисидаги ишм, фан вужудга келган.

Юкорида келтирилган маълумотларнинг исботи сифатида бошқариш назарияси ва амалиёти ривожланишининг бир неча тарихий даврларга бўлинишини кўришимиз мумкин (I-жадвал).

Даврлар	Ривожланиш боскичлари
I давр (Кадимий давр)	Биргаликда меҳнатни тартибга солиши ва ташкил килишининг энг биринчи, оддий, бошлангич шакли ибтидоий жамоа тузуми даврила вужудга келган. Бу даврда бошқариш уруғ, жамоа, кабила аъзолари билан биргаликда маслаҳатлашиб амалга оширилган. Кадимий Мисрда давлат хўжалигини бошқариш бўйича бой тажрибалар тўпланган бўлиб, бу даврда (эрэмиздан аввалги 3000-2500 йиллар) етарли даражада ривожланган давлат бошқариш аппарати ва унга хизмат қилувчи катлам (амалдор-мирзалар) шаклланади. Бошқарув фаолиятига биринчилар катори тавсиф берган шахс СҮҚРОТдир (эрэмиздан аввалги 480-397 йиллар). У бошқаришнинг турли шаклларини таҳлил килиш асосида бошқаришнинг универсаллик тамойилини тадқик килди. Платон (эрэмиздан аввалги 428-394 йиллар) давлат бошқариш шакли классификасиясини яратди. АЛЕКСАНДР МАКЕДОНСКИЙ (эрэмиздан аввалги 365-323 йиллар) ҳарбийларни бошқариш назарияси ва амалиётини ривожлантирди.

\* Шарифхўжаев М., Абдуллаев Ё. Менежмент. Т., "Ўқитувчи", 2001 йил. 11-12 бетлар.

II Давр (Индустриал давр)	<p>Бу даврда давлат бошқаруви назарияси соҳасида Адам Смитнинг хизмати катта бўлиб, у бошқариши соҳасида мутахассис сифатида танилди, чунки у меҳнат таксимотининг турли шаклларини таҳлил килиб, шоҳ ва давлат мажбуриятларига тавсиф берди. Роберт Оуэннинг таълимоти менежмент мактабларининг шаклланишига катта таъсир кўрсатди. Унинг ишлаб чиқариш бошқаришини инсонпарварлаштириш, ҳамда ўқитиш заруриятини тан олиб, ишчиларнинг меҳнат ва маший шароитларини яхшилаш бўйича гоялари бугунги кунда ҳам долзарб масаладир. Бошқарыш назарияси ва амалиётida биринчи бурилиш хисоблаш техникасининг яратилиши ва кўлланилиши билан боғликдир.</p>
III Давр (Тартибга солиш даври)	<p>Бугунги менежмент XIX асрда содир бўлган саноат инқилоби натижаси бўлиб, ишлаб чиқаришнинг бошлангич тиipi бўлган фабрикаларнинг пайдо бўлиши ва катта гурухдаги кишиларни иш билан таъминлаш зарурияти, уларнинг индивидуал эгаларининг барча ходимлар фаолиятини назорат килиш ва бошқаришини мураккаблиги натижасида энг яхши ходимларни танлаб олиб уларни ўқитишлари биринчи менежерларнинг вужудга келишига сабаб бўлди, чунки улар жойларда корхона эгалари манфаатларини ифодалаishi мумкин эди.</p>
IV Давр (Ахборот даври)	<p>Сўнгги бошқариши назариялари асосан бошқаришга оид "микдорий мактаб" вакиллари томонидан ишлаб чиқилган. Бу мактабнинг пайдо бўлиши бошқаришда математика ва компьютерларни кўллаш билан боғликдир. 60-Йилларда математик таҳлил ва менежернинг субъектив карорларининг интеграциясига эришадиган математик аппарат ердамида фойдаланишига асосланган бошқариш концепциясини ишлаб чиқиш бошланди. Бир катор бошқариш функцияларининг формалашуви, инсон ва ЭХМ меҳнатининг бирга кўшилиши, ташкил килиш элементи таркибини кайта кўриб чиқиши талаб кила бошлади. Ҳозир математик усуллар амалда бошқариш фанининг барча йўналишларида фойдаланилмоқла.</p>

Ф.Тейлор (1856-1915) менежментни ўрганишга киришган биринчи мутахассислардан, уни инсон самарадорлиги эмас, ташкил килиш фаолияти самарадорлиги кизиктирган бўлиб, илмий бошқариш мактабининг ривожланишига асос солди ва "Илмий бошқариш" мактаби асосчиси сифатида меҳнатни меъёrlashi асосларининг методологиясини ишлаб чиқди,

амалиётга ишчиларни танлаб олиш, жойлаштириш ва меҳнатни раббатлантириш илмий ёндашувини татбиқ килди.

Бошқариш фанининг ривожланиши Ф. ва Л. Шилбертлар номи билан ҳам боғлиқ, улар меҳнат харакатлари соҳасида тадқиқотлар ўтказиб, иш жойини ташкил қилишнинг илмий тамойилларини ишлаб чиқдилар.

Бошқарув назариялари асосчиларидан бири А. Файоль бошқариш жараёнининг 5та асосий функциялари: режалаштириш, ташкил килиш, кадрларни танлаш ва жой-жойига қўйиш, раҳбарлик (мотивлаш) ва назоратни ажратиб кўрсатади. А. Файоль томонидан ишлаб чиқилган тамойилларнинг моҳияти қўйидагича: меҳнат таксимоти; авторитет ва хокимият маъсуллияти; интизом; раҳбарлик бирлиги; фармойиш бирлиги; шахсий манфаатнинг умумий манфаатта бўйсуниши; меҳнатни раббатлантиришнинг марказлашган ва марказлашмаган бошқарув мувозанати; бир турдаги менежерларнинг ишини мувофикалаштириш; тартиб; одиллик; самимийлик; ходимлар қатъйилиги; ташаббус.

Р.Оуэн биринчи бўлиб кишиларга эътиборни қаратиш зарур деган фикрни олға суради, унинг гояси бўйича фирмалар станок ва машиналарга қарашга кўп вакт сарфлаб одамлар ҳақида озғамхўрлик қиласди. Унинг гоясининг асосий мазмуни инсонларга ҳам эътибор қаратиш, улар учун ҳам вакт сарфлаш, уларга ғамхўрлик қилиш, дам олишлари учун қурай имкониятлар яратишдан иборат.

Э.Мейо “инсон муносабатлари” мактабининг асосчиси ҳисобланади. У ишчилар гурухи ўз назорат тизимига эга бўлган ижтимоий тизим эканлигини асослаган ҳолда, мазкур тизимга маълум тарзда таъсир этиб, меҳнат натижаларини яхшилаш мумкин, деб ҳисоблаган эди. “Инсон муносабатлари” харакатида асосий эътибор инсонларга қаратилса, илмий бошқариш харакатида эса ишлаб чиқаришга қаратилиши сабабли “инсон муносабатлари” харакати бутун илмий харакатга қарама-қарши туриб қолди. Асосий гоя шундан иборатки, кишиларга оддий эътиборни қаратиш меҳнат унумдорлигига катта таъсир кўрсатади. Ташкилот самарадорлигини ошириш, ундаги инсон ресурслари самарадорлигини ошириш орқали амалга оширилади.

Д.Мак-Грегор (1906-1964) таълимоти “инсон муносабатлари” мактабида алоҳида ўрин тутади. У “X” ва “Y” назарияси асосида

ходимларга қуйидагича таъриф беради. “Х” назарияси – бу тоифага мансуб инсонларни меҳнатта мажбураш, жазолаш ва жарима солиш билан қўрқитиб туриш зарур бўлиб, улар меҳнатдан бўйин товлашга интилади. Уларни назорат қилиб туриш, кисташ ва мунтазам равища мекннатта йўналтириб туриш лозим. Бу тоифадаги инсонлар раҳбар назоратида фаолият қўрсатишни афзал кўради, масъулиятдан бош тортишга интилади, факат ўз хавфсизлиги учун ташвишланади. “У” назарияси – мазкур тоифага мансуб кишилар табиатан пассия бўлиб яратилмаган. Улар фаол, ташаббускор, ғайратли ва уддабурон бўлиб, ташкилотдаги ишлар яхши ташкил этилмагани туфайли лоқайд бўлиб қолган бўлиши мумкин. Бу тоифадаги ходимларда жисмоний ва ақлий меҳнатта интилиш, масъулиятни ҳис этиш хислатлари шаклланган бўлади. Бундай киши нафакат ўзига масъулият олади, балки унга интилади, уларда ўзини-ўзи назорат килишга мойиллик бўлгани учун ташқаридан назоратга ва алохида эътиборга муҳтож эмас.

XX асрнинг 60-80-йилларида Ғарбда замонавий менежмент ривожлана бошлади. Ғарб назариётчилари бошқарувнинг ижтимоий тизимлар мактабини ташкил килиш мақсадида: тизимли ёндашув асосларини ишлаб чиқишган; яхлит тизим билан унинг қисмлари муносабатлари масалаларини кўриб чиқишган; бир қанча ўзгарувчи омилларнинг бошқарувга таъсирини ўрганишган. Бу мактаб намояндадари (америкалик Ч.Барнард, Г.Саймон) замонавий менежментда қуйидаги тўртта: тизимли, вазиятли, функционал ва микдорли ёндашувларни асослаб беришган.

П.М.Керженцев (1881-1940) бошқарув йўналишида жуда катта аҳамият касб этувчи ишларни амалга оширган бўлиб, унинг бошқариш бўйича “Меҳнатни илмий ташкил этиш”, “Бошқаришни ташкил килиш тамойиллари”, “Вакт учун кураш” каби асрлари бошқариш йўналишида дарсликларни ёзишда асос қилиб олинган.

1950 йилларнинг охиридан бошлаб бошқариш назариясининг ривожланиши янада кучаяди ва шу йилларда меҳнатни илмий текшириш институти, бошқариш ва норматив бўйича марказий илмий тадқиқот институтлари ташкил этилади. Мазкур олий ўқув юртларининг “Меҳнатни илмий ташкил килиш”, “Бошқариш” кафедралари ва факультетлари ташкил этилиб, улар бўйича маҳсус фанлар ўқита бошланган”\*.

\* Шарифхўжаев М., Абдуллаев Ё. Менежмент. Т., “Ўқитувчи”, 2001 йил, 25 - бет.

Менежмент назарияларининг ривожланиш тарихи режалаштириш, ташкил қилиш, кадрлар танлаш, бошқариш ва назорат қилиш каби бошқарув фаолиятларининг ривожланиши билан узий боғлиқдир.

Юкорида келтирилган илмий-назарий маълумотлар асосида бугунги кун менежменти шаклланиб, ривожланиб бормоқда. Мамлакатимизда амалга оширилаётган ислоҳотлар жараёнида раҳбарлар фаолиятини такомиллаштириш, бошқарув тизимини ислоҳ қилиш ва ривожлантиришга хам жуда катта эътибор қаратилмоқда.

Мазкур соҳани ислоҳ қилиш, бошқарув фаолиятини такомиллаштириш ва ривожлантиришнинг илмий асосланган йўналишлари, назарий ва амалий асослари Президент И.А. Каримовнинг асарлари ва кўплаб маъruzalарида ёритиб берилган булиб, бошқарув самарадорлигини таъминлаш, бошқариш тизимини демократлаштиришида адолат мезонларини ўрнатишнинг муҳимлиги ва бошқа катор ғоялари бугунги кунда кўплаб ривожланаётган ва ривожланган мамлакатларда ўрганилмоқда.

Мамлакатимизда менежмент назарияси ва амалиётининг ривожланишига ҳисса қўшган академиклар М.Шарифхўжаев, С.С.Гуломов, қишлоқ хўжалиги фанлари академиясининг аъзоси С.С.Ғуломов, профессорлар Ш.М.Зайнуддинов, Ё.А.Абдуллаев, Қ.А.Абдураҳмонов, таълим менежментининг ривожлантириш йўналишида профессорлар Ш.Курбонов, Ж.Ф.Йўлдошев, Р.Ш.Ахлидинов, Э.Сейтхалилов, М.Куронов, Л.В.Перегудов, М.Х.Сайдов, У.И.Иноятов, Х.Ф.Рашидов ва бошқа катор олимларнинг мазкур соҳадаги тадқиқотлари ва илмий ишларини ўрганиш алоҳида аҳамият касб этади.

### **1.3. ТАЪЛИМ МЕНЕЖМЕНТИ ФАНИ ПРЕДМЕТИ ВА УНИНГ ТАЪЛИМ МУАССАСАЛАРИНИ БОШҚАРИШДАГИ ЎРНИ**

Бугунги кунда мамлакатимизда амалга оширилаётган таълим тизимидағи замонавий ислоҳотлар, ижтимоий-иктисодий ривожланиш ҳамда бозор иктисодиёти чукур илдиз отиб бораётган даврда Кадрлар тайёрлаш миллий дастурига мувофиқ бир қатор янги талаблар юзага келди. Улар ичида энг муҳимлари: ижтимоий-психологик диагностика; гурухларда ўзаро шахсий муносабатларни, раҳбарлик муносабатларини таҳлил қилиш ва

тартибга солиши; таълим жараёнини ва ижтимоий ихтилофларни хамда стрессларни бошқариш; таълим тизимини замонавий ахборот технологиялари билан таъминлаш; педагогик ходимларга бўлган эҳтиёжларни таҳлил қилиш; педагогик ходимларнинг касбий ва ижтимоий-психологик мослашуви хамда уларни қайта тайёрлаш ва малакасини ошириш; умумий ўрта таълим муассасаларини бошқариш тизимини такомиллаштириш; таълим тизимини бошқарув жараёнига янгича ёндашув; таълим муассасаларида меҳнат-хукукий муносабатлар масалаларидир. Бу нафакат таълим тизимидағи бошқарув муаммоларини, балки мактаб раҳбарлари томонидан бошқарувни такомиллаштириш хамда унинг услубларини амалиётга татбиқ этиш, шунингдек, турли даражадаги раҳбарларнинг бошқарув фаолиятида муаммоларни олдиндан кўриш ва уларни ижобий ҳал этиш кобилиятларини шакллантиришни олға сурмокда.

Мамлакатимизда амалга оширилаётган таълим тизимидағи ислоҳотлар таълим тизимини бошқариш механизmlарини ўзгартириш, такомиллаштиришни, яъни бошқарувнинг маъмурий буйруқбозлик методларидан воз кечиб, ижтимоий-иктисодий, замонавий талабларга мос келадиган, демократик тамойилларга асосланган бошқарув тизимини шакллантиришни тақозо этмоқда. Бу бугунги куннинг энг асосий талабларидан бири бўлиб, нафакат бошқарув муаммолари, балки субъектларнинг бошқарув фаолиятини ташкил этиш ва уларни шакллантириш замирида, энг аввало, бошқарув тизимининг турли бўғини раҳбарларининг бошқарув фаолиятини такомиллаштиришнинг йўл-йўрүкларини аниклаш, янги шароитларга мувофиқлаштириш ва амалиётга жорий этиш вазифаларини белгилайди.

Шундан келиб чиқиб, таълим тизимини ривожлантириш йўналишида амалга оширилаётган ислоҳотлар барча таълим муассасаларида таълим жараёнини илмий асосда ташкил этиш ва бошқаришда фан-техника ютуқларига асосланган бошқарувнинг энг самарали, инновацион методларидан фойдаланишини, бошқарув йўналишида билим, кўнимка ва малакаларни, янги шахсий ва касбий сифатларни талаб киласди.

Бошқариш амалиётидан маълумки, раҳбарлик фаолияти ўзига хос мураккаб жараён бўлиб, у раҳбардан нафакат олий маълумотга, балки етарли касбий тайёргарликка, бошқарув

Йұналишида билим, күникма ва малакаларга, шунингдек, маълум тажрибага ҳам зға бўлишни талаб этади. Таълим муассасаларини бошқариш жараёнида раҳбарларнинг энг асосий ва мухим аҳамият касб этувчи функцияларидан бирин – бу қарор қабул килиш функцияси бўлиб, уларнинг сифати таълим муассасаси салоҳиятига, таълим-тарбия жараёнининг самарадорлигига, ходимлар билан бир каторда таълим муассасаси фаолиятига ўз таъсирини кўрсатади.

Менежмент фанидан маълумки, ташкилотларни бошқариш тизими икки мустақил, лекин бевосита боғлиқликда бўлган бошқарувчи ва бошқарилувчи тизимлардан иборат бўлади. Таълим муассасаси раҳбарларининг бошқарув фаолиятини иккита субъектнинг, яъни раҳбар билан таълим тизимининг ўзаро боғлиқ фаолияти сифатида қараш мумкин. Бундай ҳолатда раҳбарнинг бошқарув обьекти бошқариш ва ўзини-ўзи бошқариш каби зарурий хусусиятларга зға бўлган таълим тизими хисобланади, турли хил таъсирлар асосида бошқарилаётган таълим муассасаси ҳам ўз ўрнида бошқарув натижаларига ва бошқарув субъектига таъсир кўрсатади.

Таълим менежменти бошқаришнинг маҳсус қисми сифатида ана шу икки тизим орасидаги муносабатларни, уларнинг ривожланиш қонуниятлари, тамойиллари, усул ва услубларини, яъни таълим муассасалари раҳбарларининг фаолиятларини ташкил этиш, режалаштириш, тартибга солиш, мувофиқлаштириш, мотивлаштириш ҳамда бошқарув фаолиятини оқилона ташкил этиш усулларини ўрганади.

Сўнгги йилларда бошқарув гояларининг ривожланиши педагогик менежмент муаммоларини ҳал этиш билан боғлиқдир. Кўпгина илмий адабиётларда педагогик менежмент атамаси оркали мақсадга эришиш ҳамда кўйилган вазифаларни бажаришда инсоний, иктисодий ва самарали йўллар билан инсонларни бошқариш ва воситалардан фойдаланиш тушунчалари келтирилади. Баъзан “педагогик менежмент” ибораси мактабни бошқариш ёки таълимни бошқариш синонимлари сифатида тушунтирилади. Бундай тушунча унчалик тўғри эмас, таълим менежменти, шунингдек, умумий ўрта таълим менежменти тушунчалари синоним сифатида кўпроқ тўғри келади. “Педагогик” сўзи кенг қамровли бўлиб, ўзига бироз бошқача вазифаларни юклайди.

Мактабни бошқариш мазмун-моҳиятига кўра таълимни бошқаришдан фарқ қилади, чунки мактабда факат таълим-тарбия жараёнини ташкил этиш ва уни бошқариш вазифалари амалга оширилмайди, балки таълим-тарбия жараёнини илмий асосда ташкил этишининг ўзиёқ бир қанча вазифаларнинг бажарилишини, яъни талим-тарбия жараёни иштирокчиларига зарурий шароитларни яратиш, уларнинг фаолиятини ташкил этиш, мувофиқлаштириш, назорат қилиш, таҳлил қилиш ва баҳолаш, шунингдек, мазкур жараённи амалга ошириш учун моддий-техника базасини яратиш ва мустахкамлаб бориш, янги педагогик ва ахборот технологиялари билан куроллантириш, юкори малакали мутахассислар билан таъминлаш каби қатор бошқа вазифаларни ҳам амалга оширишни назарда тутади.

Шундай экан, мактабда бошқарув фаолиятини ташкил этувчи раҳбарлар нафақат педагогик тажрибага, балки бошқарув функциялари ва уларнинг вазифалари, бошқарув методлари ва улардан фойдаланиш, бошқарув алгоритми ва унинг моҳияти, бошқарув қарорлари ва уларни қабул қилиш йўллари ҳамда раҳбарлик услублари ва уларни қўллаш каби қатор тушунчаларга ҳам эга бўлмоғи лозим.

Кўриниб турибдики, таълим муассасаларини бошқаришда таълим менежменти фанининг ўрни бекёс бўлиб, у раҳбарларга менежментнинг асосий тушунчалари ва уларнинг вазифаларини, бошқарувнинг мақсади ва вазифалари, замонавий мактабнинг ташкилий тузилиши, стратегик бошқарув ва режалаштириш коидаларини, замонавий бошқарувнинг усулларини, раҳбарлик санъати сирларини ўргатади. Мазкур фан замонавий мактаб раҳбарларнинг бошқарув фаолиятини тадқиқ ва таҳлил қилишда тизимли ёндашув, комплекс ёндашув, таркибий ёндашув, вазиятли ёндашув, иктиносий-математик ёндашув услубларидан ҳамда моделлаштириш, кузатиш (ахборотлар тўплаш), тажриба-синов(эксперимент), социологик кузатув(сўровнома, тестлар, сұхбат) усулларидан фойдаланади.

“Таълим менежменти” курсининг бош мақсади замонавий ижтимоий-иктиносий шарт-шароитларда раҳбарлик қила оладиган малакали бошқарувчиларни тайёрлаш, яъни раҳбарлар малакасини ошириш курслари тингловчиларида замонавий фикрни шакллантира оладиган, шунингдек, раҳбарлик санъати сирларини ўргана оладиган даражада назарий ва амалий билимлар беришdir.

## ТЕСТ ТОПШИРИҚЛАРИ

- 1. Менежмент – бу инглизча сўз бўлиб, ўзбек тилида ..... маъноларини англатади.**
- A. Бошқарув, бошқариш
  - B. Бошқарувни ташкил этиш, раҳбарлик килиш
  - D. Режалаштириш, назорат килиш ва тартибга солиш-мувофикаштириш
  - E. В ва D жавоблар тўғри
  - F. Барча жавоблар тўғри
- 2. Менежмент фани ..... фанлари билан узвий боғлиқ холда ривожланиб боради.**
- A. Иқтисодий назария, социология
  - B. Педагогика ва психология
  - D. Статистика, бухгалтерлик хисоби, молия ва кредит
  - E. Иқтисодий, хуқукий фанлар
  - F. Барча жавоблар тўғри
- 3. Менежмент фанининг шахобчалари:**
- A. Умумий менежмент, маркетинг менежменти, маъмурий менежмент
  - B. Технологик менежмент, таълим менежменти, маъмурий менежмент, молия менежменти
  - D. Умумий менежмент, педагогик менежмент
  - E. А ва В жавоблар тўғри
  - F. Барча жавоблар тўғри
- 4. Маъмурий менежментнинг асосий мақсади .....дан иборат.**
- A. Объект ва субъект муносабатларини тартибга солиш
  - B. Субъектлар фаолиятини мувофикаштириш
  - D. Ташкилот маъмуриятигини ривожлантиришда уйғунликни таъминлаш
  - E. А ва В жавоблар тўғри
  - F. Барча жавоблар тўғри

**5. Маъмурий менежментнинг асосий субъектлари:**

- A. Раҳбарлар ва ходимлар
- B. Маъмурий бошқариш аппаратлари ва уларнинг бўғинлари
- D. А ва В жавоблар тўғри
- E. Факат раҳбарлар
- F. Раҳбарлар ва маъмурий бошқариш аппаратлари

**6. Таълим менежменти ..... асосланган бошқарувни ташкил этиш усулларини ўрганади.**

- A. Педагогик жамоа фаолиятини умумий бошқаришга
- B. Таълим-тарбия жараёнини илмий асосда ташкил этишга
- D. Ўзига хос погонавийликка
- E. В ва D жавоблар тўғри
- F. Тўғри жавоб берилмаган

**7. Таълим менежментининг асосий мақсади .....дан иборат.**

- A. Таълим-тарбия жараёнини илмий асосда ташкил этиш
- B. Таълим мусассасаси фаолиятини бошқариш
- D. Таълим-тарбия жараёни иштирокчиларининг фаолиятлари ва муносабатларини мувофиқлаштириш, назорат қилиш, самарали бошқаришни таъминлаш
- E. A, B, D жавоблар тўғри
- F. В ва D жавоблар тўғри

**8. Бошқариш назарияси ва амалиётининг ривожланиш даври ..... даврларига бўлинади.**

- A. Қадимий ва индустрialiал
- B. Тартибга солиш ва ахборотлар
- D. А ва В жавоблар тўғри
- E. Қадимий индустрialiал, тартибга солиш ва мувофиқлаштириш
- F. A, B, D жавоблар тўғри

**9. ..... “Илмий бошқариш” мактаби асосчиси сифатида, меҳнатни меъёрлаш асосларининг методологиясини ишлаб чиқиб, ишчиларни танлаб олиш, жойлаштириш ва меҳнатни рағбатлантириш илмий ёндашувини татбиқ килган.**

- A. А. Файоль
- B. Ф. ва Л. Шилбертлар
- D. Ф. Тейлор
- E. А. Файоль ва Р. Оуенлар
- F. Ф. Тейлор ва А. Файоль

**10. “Инсон муносабатлари” мактабининг асосчиси ..... ишчилар гурухининг ижтимоий тизим эканлигини асослаган холда, ишчиларга эътибор қаратиш орқали меҳнат унумдорлигига таъсир кўрсатиш ғоясини олға сурган.**

- A. Ф. Тейлор
- B. А. Файоль
- D. Э. Мейо
- E. Д. Мак-Грегор
- F. Р. Оуен

**11. “Х” ва “У” назарияси асосчиси ..... ходимларни иккита тоифага бўлади.**

- A. Р. Оуен
- B. Ф. Тейлор
- D. Д. Мак-Грегор
- E. Э. Мейо
- F. А. Файоль

**12. Таълим менежменти фани таълим муассасаси рахбарларининг бошқарув фаолиятини таҳлил қилишда қуйидаги услублардан фойдаланади:**

- A. Тизимли ёндашув, комплекс ёндашув, вазиятли ёндашув, иктисадий математик ёндашув
- B. Инновацион ёндашув, тизимли ёндашув, миллий-худудий ёндашув
- D. А ва F жавоблар тұғри
- E. А ва В жавоблар тұғри
- F. Моделлаштириш, тажриба-синов, социологик кузатув усуллари.

## **П БОБ. БОШҚАРУВНИНГ АСОСИЙ ТУШУНЧАЛАРИ**

### **2.1. БОШҚАРУВ ТУШУНЧАСИННИНГ МАЗМУНИ ВА МОҲИЯТИ**

“Бошқарув” сўзи одатда аниқ бир мақсадга эришиш учун бошқарилувчи тизим (ёки бошқарув обьекти)га фаол таъсир кўрсатиш тўғрисида гапирилганда қўлланилади. Замонавий адабиётларда бошқарувнинг маъноси бўйича уч хил йўналишда тушунчалар мавжуд.

Биринчисига кўра, бошқарув маъноси фаолият деб келтирилган. Масалан, бошқарув жараёни бўйича илмий изланишлар олиб борган, ўз вактида бошқарув фанининг ривожланишига салмоқли хисса қўшган, бошқарув назарияси асосчиларидан бири француз олими А.Файоль бошқариши:

- келажакни кўрувчи;
- фаолиятни ташкиллаштирувчи;
- ташкилотни идора килувчи;
- фаолият турларини мувофиқлаштирувчи;
- қарор ва буйруқларнинг бажарилишини назорат қилувчи кучли курол деб атайди.

Иккинчи йўналиш вакиллари бошқарувни бир тизимнинг иккинчисига, шахснинг иккинчи бир шахсга ёки гуруҳга “таъсир этиши” деб хисоблайдилар. Бу йўналиш тарафдорлари бошқарув – мақсадга йўналтирилган таъсир этиш бўлиб, субъектнинг обьектга таъсири натижасида обьектнинг ўзгариши, деб таърифлашади.

Учинчи йўналишга кўра, бошқарув – бу субъектлар ўртасидаги ўзаро таъсир, яъни тўғри ва тескари таъсирларнинг ўзлуксизлиги, бир-бирига таъсир этувчи субъектлар ўзгаришининг органик боғлиқлиги деган қарашлар мавжуд.

С.Н.Тидор бошқарув маъносини қуидагича тавсифлайди:

- мақсад йўналишида обьектни мувофиқлаштириш;
- мақсадга эришиш учун обьектга таъсир этиш;
- мақсадга эришиш йўналишида тизимни ташкил этувчи-ларига таъсир этишни вертикал мувофиқлаштириш.

А.И.Китовнинг таъриф беришига кўра: “Бошқарув – бу инсонларни бошқариш, улар билан ишлаш”.

Мамлакатимизда менежмент фанининг ривожланишига салмокли хисса кўшган олимлардан М.Шарифхўжаев, Ё.Абдуллаевлар бошқарув – бу ўзига хос юксак санъат ва маҳоратни талаб қиливчи танлов, шу танлов асосида қарор қабул килиш ва унинг бажарилишини назорат қилишдир деб таъкидлаб, куйидагича таъриф беради: “Бошқарув – бу танлов, қарор қабул килиш ва унинг бажарилишини назорат қилиш жараёнидир”\*.

Хозирги замон амалиётида бошқарув инсонларнинг хатти-харакатини тартибга келтириш билан боғлик бўлган фаолият сифатида изоҳланади.

Кўпгина адабиётларда “менежмент” сўзининг маъноси билан “бошқарув” тушунчаларига таъриф берилганда, худди бир хил маънони англатади дегандек, менежмент бу – бошқарув деб ёзилганлиги кўпчилик ўкувчиларни чалғитиши мумкин. Шуни таъкидлаш керакки, “менежмент” сўзи “бошқарув” тушунчасидан фаркли равишда бошқарув фаолиятини ташкил этиш деган маънони англатиб, у фан сифатида бошқаришнинг сирасорларини ўрганади ва таҳлил қиласди. “Бошқарув” атамаси нисбатан кенгрок маънони англатади, мазкур тушунча орқали маълум бир шахс томонидан бирон-бир обьектнинг бошқарилишини, яъни нафақат инсонларни, балки машина, дастгоҳ ёки технологик курилмаларни бошқаришни, шунингдек, мазкур бошқарувчиларни ҳам бошқаришни тушуниш мумкин.

Мазкур фикрга асосланиб айтиш мумкинки, ишлаб чиқаришни бошқариш ишчиларни бошқаришдан иборат бўлиб, улар ўз навбатида меҳнат воситаларини бошқарадилар, шундай экан, бопқарув тушунчаси бошқариладиган обьект ва бошқарувчи субъект муносабатларини билдиради.

Японлар бошқарувни аввало, тўла берилиб ишлаш, агар керак бўлса, ўзини қурбон қилишга ҳам тайёр туриш, деб тушунадилар. Япония бошқарув соҳасида улкан янгиликлар яратган мамлакатлардан бўлиб, ҳозир ҳам дунёда етакчи ўринларни эгаллайди.

Ҳар кандай фаолият бошқариладиган обьект ва бошқарувчи субъект тизимларидан иборат бўлиб, мазкур тизимлар ўртасидаги алоқа инсонларнинг ўзаро муносабатларидан ташкил топади ва

\* Шарифхўжаев М., Абдуллаев Ё. Менежмент. Т.: “Ўқитувчи”, 2001 йил, 7-бет.

мавжуд ўзаро муносабатлар уларнинг фаолиятини ифодалайди. Шундай экан, ихтиёрий фаолият бошқарувни талаб этади, шахснинг индивидуал фаолиятида инсон ўзини-ўзи бошқаради ва кўзланган натижаларга эришади, ҳамкорликдаги фаолиятни ташкил этиш учун ўзаро таъсир ёки шахснинг боща шахсларга нисбатан таъсири зарур бўлиб, бу ўз мохиятига кўра бошқарувни, яъни маълум бир мақсадга эришиш йўналишида инсонлар фаолиятини ташкил этиш ва мувофиқлаштиришни ифодалайди.

Бошқарув инсонларнинг барча фаолиятлариға тегишли бўлган жараён бўлиб, хаётий эҳтиёжларни кондиришда, кўзланган мақсадларга эришишда маълум бир мақсадга йўналтирилган фаолиятни режалаштириш, ташкил этиш, назорат килиш, таҳлил килиш ва баҳолаш, мазкур жараён иштирокчиларига таъсир кўрсатиш оркали уларнинг фаолиятини мувофиқлаштиришни ифодалайди.

Шундай экан, бошқарувни, яъни бошқарув фаолиятини ташкил этиш заруриятини белгиловчи бош мезон бу инсон олдига ёки муассаса олдига кўйилган мақсад бўлиб, унга эришиш учун вазифалар белгилаш, ташкил этиладиган фаолиятни олдиндан режалаштириш, амалга ошириш йўл-йўрикларини танлаш, вазифаларнинг мазмун ва мохиятига кўра бажарувчилар (мутахассислар)ни танлаш ва бажариладиган вазифаларни таҳсимлаш, белгиланган мақсадга эришиш учун ташкил этиладиган жараён иштирокчилари (ходимлар) фаолиятини мувофиқлаштириш зарур хисобланади. Мазкур фаолият бошқарув фаолиятини, уни амалга ошириш бошқарув функцияларини, амалга ошириш изчилиги (кетма-кетлиги) бошқарув алгоритмини, амалга ошириш йўл-йўриклари бошқарув методларини, ходимларнинг фаолиятини ташкил этиш ва мувофиқлаштириш бошқарув услубларини, мазкур йўналишда қабул қилинган қарорлар бошқарув карорларини ифодалайди. Булар биргаликда бошқарувнинг асосий тушунчаларини ташкил этади. Бошқарувнинг асосий тушунчаларига қисқача тўхталиб ўтамиш.

Бошқарув фаолияти – мактаб раҳбарларининг бошқарув фаолиятини иккита субъектнинг, яъни раҳбар билан таълим тизимининг ўзаро боғлиқ фаолияти сифатида қараш мумкин. Бундай ҳолатда раҳбарнинг бошқарув обьекти бошқариш ва ўзини-ўзи бошқариш каби зарурий хусусиятларга эга бўлган

таълим тизими ҳисобланади, турли ҳил таъсирлар асосида, бошқарилаётган таълим муассасаси ҳам ўз ўрнида бошқарув натижаларига ва бошқарув субъектига таъсир кўрсатади.

Рахбар фаолияти объектининг моҳияти – таълим муассасаси нафақат самарали меҳнатни ташкил этивчи ўзаро алоқалар фаолиятининг мазмуни ва мантиқини назарда тутиши, балки аник объектив ва субъектив шароитларни ҳисобга олган ҳолда уларни олдиндан кўра билишидадир. Касбий маҳорат, кўнгилмалар асосида турли ҳил муаммо ва масалаларнинг ижобий ечимларини топиш бошқарув фаолиятининг мазмунини белгилайди.

Таълим муассасаси раҳбари бошқарув фаолиятининг асосий вазифаси таълим жараёнини ташкил этишда ижобий натижаларга эришиш учун жамоада зарурий шароитларни яратиш, ракобатбардош битириувчилар тайёрлаш ва яхлит таълим тизимини ривожлантириш ҳисобланади ва ўз навбатида раҳбарнинг бошқариш самарадорлигини таъминлай олиш қобилиятига боғлиқдир.

Бошқариш самарадорлигини таъминлай олиш – бу биринчидан, таълим муассасаси жамоасини уюштира билиш, яъни жамоада аҳиллик, бирдамлик ва ҳамкорликни вужудга келтириш, жамоа аъзоларини жисплаштира олиш ва иккинчидан ўзининг шахсий ишини тўғри ташкиллаштира олиш қобилиятидир.

Рахбарнинг ўз ишини ташкил қила билиши деганда унинг бошқарув фаолиятини тўғри режалаштириши, яъни буйрук бериш, топшириқ ижросини текшириш, ходимлар фаолиятини баҳолаш ҳамда турли ҳил қарорлар қабул килиши ва уни назорат қила олиши; бошқаришни коллегиал тарзда таъминлай олиш қобилияти; ишга оид ҳат, буйрук, фармойишлар ёза билиши; турли манбалардан иш учун зарур ахборотларни олиш маданияти; иш ҳакида қисқа ва аник гапириш, нутқ қобилияти, тинглай билиш маданияти; асосланган қарорларни мустакил ва тез қабул қила билиш, мақсадларга эришишдан ходимларнинг моддий ва маънавий манфаатдорлигини таъминлаш қобилияtlари; юкори ташкилотлар қарорларини бажариш устидан назоратни таъминлай билиш, бошқариш жараёнини такомиллаштириб бориш қобилияtlари ва ҳ.к. назарда тутилади.

Бошқарув услуби – бу муассаса олдига қўйилган мақсадларга эришишда ходимларни бошқариш ҳамда бошқарув жараёнда вужудга келадиган муаммоларни ҳал қилишда кўлланиладиган усуllар, йўллар мажмуидир.

Бошқарув фаолиятининг услубларини шакллантириш маълум даражада раҳбарнинг яшаш ва меҳнат қилиш шароитларига асосланади (мамлакатдаги ижтимоий-иктисодий вазият, бошқарув фаолияти мухити ва х.к.) ва бошқарув субъектининг ҳаракатларига тизим орқали таъсир кўрсатган ҳолда унинг индивидуал услубларини ривожлантиради.

Бошқарув фаолиятининг самарали услубларини шакллантиришда раҳбарнинг шахсий хусусиятлари, унинг маълумоти, касбий малакаси, ёши, соглигининг ҳолати, шунингдек, билим даражаси мухим аҳамият касб этади.

Билим даражаси – раҳбарнинг бошқарув жараёнида энг зарур бўлган асосий шартлардан бири бўлиб, бошқариш, назорат қилиш, карорлар кабул қилиш, буйруқ ва кўрсатмалар, насиҳат ҳамда маслаҳатлар беришида илмий асосланган маътумотларга таяниши зарур хисобланади. Таълим муассасасини ривожлантириш, бошқарув жараёнини такомиллаштириш ва таълим самарадорлигини оширишда замонавий ахборот технологиялари, компььютерлаштириш ва компььютерлар тармоқлари негизида таълим жараёнини ахборотлар билан тъминлашни ривожлантириш учун техника ва технологияни билиши ва улардан фойдалана олиши, иқтисодиётни билиши, бошқариш услубларини, функциялари ва структурасини билиши, истиқболни белгилаш ҳамда бошқарув жараёнини лойиҳалаш технологияларини жорий эта олиши талаб қилинади. Таълим муассасасини ривожлантириш, бошқарув жараёнини такомиллаштириш ва таълим самарадорлигини оширишда биоритмлар назарияси мухим аҳамият касб этади.

Биоритмлар назарияси – шундан иборатки, бунда ихтиёрий таълим муассасаси шароитида фаолият кўрсатувчи педагоглар ва бошқа ходимлар ўргасидаги ўзаро таъсир ва субъект билан объектнинг ўзаро таъсирлари билан бир қаторда ташки мухит таъсири мавжуд бўлади. Педагог ходимларга бўлган ташки мухитнинг таъсири уларнинг ўз фаолиятига нисбатан мойиллигини ўзгартиради. Мазкур назарияга кўра меҳнат фаоллигини оширишнинг икки чўққиси мавжуд бўлиб, биринчisi соат 11 дан 12 гача ва иккинчisi 16 дан 18 гачадир. Шундан келиб чиқиб куннинг биринчи ярмида педагогларни асосий фаолияти бўлган таълим-тарбия жараёнига жалб этиш, йигитлиш ва шунга ўхшаш тадбирларни иккинчи чўққига мўлжалалаб ўtkазиш максадга мувофиқидир.

Бошқариш структураси – “структурা” лотинча сўз бўлиб, нарсалар таркибий қисмларининг ўзаро боғлик равиша

жойлашиши, ташкилий тузилишини билдиради. Бошқарув мақсадларини амалга оширувчи ва функцияларини бажарувчи бир-бири билан bogланган турли бошқарув органлари ва бўғинларининг мажмую тушунилади. Бошқаришнинг мақсадлари, функциялари, вазифалари, обьектлари ва унинг ташкилий тузилишини белгилаб беради.

Таълим муассасалари олдида турган мақсадларга эришиш умумий ўрта таълим муассасалари педагогик ходимлари ва бошқа техник ходимларнинг биргаликдаги самарали фаолиятни назарда тутади. Бу жараён таълим муассасаларида фаолиятни мувофиқлаштиришни, муайян ички тартиб-қоидаларнинг ўрнатилишини талаб килади. Мазкур тартиб-қоидалар ташкилий тузилиш шаклида намоён бўлади.

Бошқарув погонаси – ташкилий тузилишга кўра таълим муассасининг юқори бўғини (раҳбарлар) билан куйи бўгини (ижрочилар) ўргасидаги масофанинг катта-кичиклиги – погонавийлиги, яъни бу бир звенонинг (ходимнинг) бошқасига бўйсуниш кетма-кетлигидир. Раҳбар билан оддий ижрочи ўргасидаги масофа қанчалик катта бўлса (даражалар сони) таълим муассасаларидаги погонавийлик даражаси шунчалик катта бўлади.

Бошқариш босқичи – таълим тизимининг бошқарув органлари таркибий қисмларининг ўзаро боғлиқ равища жойлашиши, тузилиши бўлган ташкилий структураларни хосил киладиган бир бошқариш бўғинининг иккинчисига, яъни куйи бўғиннинг юқори бўғинга изчиллик билан бўйсунишини кўрсатади. Ташкил этувчи қисмларнинг юқоридан куйига караб йўналган тартибда ҳамда раҳбарлар билан ходимларнинг лавозимига, яъни бўйсунишига кўра юқоридан куйига караб жойлашуви грекча (“*hierarchia*”) иерархия деб аталади. Иерархияни ташкил этувчиларининг ўзаро бўйсуниш тартиби, ҳар бирининг хукук ва бурчлари ҳамда уларнинг ўзаро муносабатлари тартиби бошқариш тизимини ташкил килади. Бу вертикал бўйича бўйниш ҳисобланади, масалан:



Бошқарув бўғини – бу бошқаришнинг айрим ёки катор функцияларини бажарувчи мустакил таркибий тузилишга эга бўлган бўлимларидир. Таълим муассасасини самарали бошқариш нафақат кучли, мажбурий ва кенг қамровли таъсир кўрсатиш каби бошқарув усуллари асосида амалга оширилади, балки ташкил этувчи қисмлар, локал, бўғинлар бўйича аник белгиланган тартибда таъсир кўрсатиш, таълим муассасасининг барча бўғинларининг самарали ривожланишида яхши натижаларга эришишга асос бўлади. Бу бўлимлар ўртасидаги боғланиш ва алоқалар горизонтал характерга эга бўлади.

Бошқарув ваколатлари – таълим муассасасини бошқаришда мактаб раҳбари ёки бошқа раҳбарлар томонидан ўз кўл остидаги ходимларга ўзи жавобгар бўлган вазифаларни, маълум бир масалани ҳал этиш ёки ташкилий ишларни амалга оширишда раҳбарлик қилиш хукуқини вактинча беришидир.

Бошқарув жараёни негизи – хар қандай таълим муассасасининг асосий вазифаси ҳисобланган таълим жараёнини илмий асосда ташкил этиш ва уни такомиллаштириш негизи бошқариладиган объект ва бошқарувчи субъект тизимларидан ташкил топади. Бу тизим ўқитувчилар, педагогик ходимлар ва ўкувчилар (объект) ва раҳбарлар, раҳбар ходимлар (субъект) ўртасидаги алоқа, яъни жамоа аъзоларининг ўзаро муносабатларидан ташкил топади.

Бошқарув масъулияти – таълим муассасаси олдига кўйилган максадларга эришиш, таълим-тарбия жараёнини замонавий талабларга мос, илмий асосда ташкил этиш, педагогик ходимлар фаолиятини мувофикалаштириш ҳамда умумий манбаатларни кўзловчи натижаларга эришини учун қабул килган қарори, унинг ижроси, ўз хатти-харакати ва фаолияти учун жавобгарликнинг раҳбарлар томонидан хис қилинишидир.

Бошқарув маданиятининг долзарблиги бошқарув тизимида ижтимоий-сиёсий вазиятларнинг вужудга келиши сифатида ва ижтимоий эҳтиёжларга мос келиши билан белгиланади. Раҳбарнинг мустакил аҳамият касб этувчи вазифаларидан бири бу қарор қабул қилиш функцияларидир. Турли хил ташкилий ва шахсий масалалар бўйича қарорлар қабул қилишда раҳбар ўзига ишониб топширилган ташкилотнинг ривожланиши ва натижалари ҳамда қабул қилган қарорнинг мақсади, тўғри қабул қилинганлиги бўйича жавобгарликни ўз зиммасига олади.

Бошқариш қарори – бошқарув жараёнида турли масалалар юзасидан, турли даражада хилма-хил моҳиятга ва мазмунга эга бўлган стратегик, тактик, умумий, анъанавий, тезкор ва бошқа турли қарорлар кабул килинади. Булар турли масалаларни ва муаммоли вазиятни ҳал қилишга йўналтирилган бўлиб, уни ишлаб чиқиш раҳбарлар фаолиятида ижодий жараён ҳисобланади. Муассаса раҳбари, у бўлмаганда унинг ўринбосари томонидан чиқариладиган бошқарув ҳужжатларидан яна бири бу буйруқдир.

Буйрук мазкур муассаса ваколати доирасида, амалдаги конунлар, юқори ташкилотлар қарори ва фармойишлари асосида шу қарор ва фармойишларни бажариш учун чиқарилади. Буйрук юридик ҳужжат бўлиб, уни ижро этиш мажбурийдир. Агар буйрук умумий қоидаларни белгиласа меъёрий ҳусусиятга, унга асоссланиб лавозимга тайинланса, ташаккур зълон қилинса, у холда буйрук индивидуал ҳусусиятга эга бўлади. У муайян вазифанинг муҳокамасиз бажарилишини талаб қилувчи мулоқот шакли бўлиб, у раҳбарлар фаолиятида кенг кўлланилади. Ифода усулиги қараб буйруқлар ёзма ва оғзаки кўринишда бўлади.

## 2.2. БОШҚАРУВ ФУНКЦИЯЛАРИ

Таълим муассасаси раҳбари бошқарув фаолиятининг асосий вазифаси таълим жараёнини ташкил этишда ижобий натижаларга эришиш учун жамоада зарурӣ шароитларни яратиш, рақобатбардош битиравчилар тайёрлаш ва таълим муассасаси фаолиятини такомиллаштириш ва ривожлантириш ҳисобланар экан, улар ўз бошқарув фаолиятларида таълим муассасасида мавжуд барча жараёнларни тартибга солиб туриш учун бошқарув функцияларининг мазмун ва моҳиятини билиш зарур ҳисобланади.

“Функция” сўзи лотин тилидан келиб чиққан бўлиб, бажариш, вазифа, фаолият, мажбурият маъносини билдиради. Бошқарув вазифалари – бирор объектга раҳбарлик қилиш учун зарур бўлган фаолият тури деб тушунилади. Бошқарув вазифалари ўзининг таркиби билан бошқарув технологиясини бунёд этади. Бошқарув вазифасининг маъносига иккита элемент киради: у аввал тизимда нима қилинаётганини белгиласа, сўнгра “кандай қилиб?” саволига жавоб беришни билдиради\*.

\* С.С.Фуломов Менежмент асослари. Т., “Шарқ”, 2002 йил, 107-бет.

Бошқариш назарияси асосчиларидан Анри Файоль XX асрнинг бошларида бошқарувнинг бешта функциясини ажратиб кўрсатган: режалаштириш, ташкил этиш, фармойиш бериш, мувофикалаштириш, назорат.

А.Т.Тўхтабоев мазкур функцияларнинг фақат маъмурий эканлигини таъкидлаб, маъмурий бошқарув функцияларининг уч гурухини ажратиб кўрсатади:

1. Умумий функциялар;
2. Ижтимоий-психологик функциялар;
3. Технологик функциялар.

Умумий функциялар – бошқарув жараёнининг асосий босқичлари мазмунини англатади. Барча ташкилотларда муваффакиятли бошқариш қуйидаги умумий функцияларни амалга оширишни кўзда тутади:

- мақсадларни шакллантириш;
- стратегик режалаштириш;
- ташкил қилиш;
- тартибга солиш (мувофикалаштириш);
- рагбатлантириш;
- назорат қилиш (хисоб-китоб юритиш ва таҳлил қилиш).

Бошқаришнинг ижтимоий-психологик функциялари – жамоадаги ижтимоий-иқтисодий муносабатлар характеристи билан боғланган. Улар икки хил функцияларни ўз ичига олади: ваколатлар тақсимоти ва мотивация (ундаш).

Маъмурий бошқарувнинг технологик функциялари – хар қандай даражадаги раҳбарлар меҳнати технологияси мазмунини англа-тади ва улар фаолиятининг қуйидаги икки томонини белгилайди: қарорлар ва коммуникациялар (алока, муносабат йўллари).

Юкорида келтирилган функциялар ўзаро бир-бирини тўлдириб, маъмурий бошқарувнинг ягона тизимини ташкил қиласди.

Мамлакатимиз олимлари бошқариш фаолиятининг турларига кўра қуйидаги функцияларни ажратиб кўрсатишиади:

- бошқаришнинг иқтисодий функциялари, яъни: маблағларнинг доиравий айланишини амалга ошириш, маҳсулот ишлаб чиқариш ва хизматлар кўрсатиш, маркетинг хизматини ўюштириш, фойда олишни таъминлаш ва х.к.;

---

\* Тўхтабоев А. Маъмурий менежмент. Т., “Молия”, 2003 йил, 63-бет.

- бошқаришнинг социал функциялари, яъни: меҳнат шароитини яхшилаш, ходимларнинг социал маданий-маънавий эҳтиёжларини қондириш, моддий рағбатлантиришни таъминлаш, ижтимоий ҳимояни таъминлаш ва ҳ.к.;

- бошқаришнинг маънавий-маърифий функциялари, яъни: ходимларни инсонийлик, яхшилик, меҳр-шафкатли ва ўзаро муносабатларда сабр-тоқатли бўлиш руҳида тарбиялаш, ходимларни ватанга мухабbat, инсонпарварлик руҳида тарбиялаш, ҳалолликни, адолат туйғусини, билим ва маърифатга интилишни тарбиялашга хизмат қилиш ва ҳ.к.;

- бошқаришнинг ташкилий функциялари, яъни: ишлаб чиқаришни ташкил қилиш, ўзаро алоқаларни ўрнатиш ва мувофиқлаштириш, барча бўғин ва бўлимлар ўртасида вазифалар тақсимоти, ваколат ва бошқариш аппарати ходимлари ўртасида масъулиятларни белгилаш, бошқаришнинг аник услубини танлаш ва карор қабул қилишда иш тартиби изчилиги, ахборотлар оқимини ташкил қилиш ва ҳ.к.

Қайд килинган функциялар бир-бири билан боғлик ва маълум даражада тартибга солинган кўп унсурлардан, таркибий қисмлардан иборат бўлиб, яхлитликка эга. Шунинг учун ҳам эътибордан четда қолмаслиги керак<sup>\*</sup>.

Менежмент назариясида асосан тўртта функция: режалаштириш, ташкил этиш, мотивлаштириш ва назорат функцияларининг ажратилишини ва уларни биринчи даражали деб ҳисоблаш қабул қилинганинг таъкидлаш жоиз. Бундай холатларда бошқарув фаолиятининг функционал таркибини аниклашга вазиятли ёндашув кўлланилади. Бошқарувда вазиятли ёндашувнинг оммалашини натижасида мутахассислар бошқарувнинг бошка функциялари – мақсадни белгилаш, коммуникация, рағбатлантириш каби функцияларни ҳам алоҳида ажратиб кўрсатишган.


Н.К.Новиков мактабга тааллукли тўртта бошқарув функцияларини – режалаштириш, ташкил этиш, йўл-йўрик кўрсатиш ва назоратни белгилаган бўлса, Е.С.Березняк эса, учта – режалаштириш, раҳбарлик ва назорат функцияларини мактабга тааллукли деб ҳисоблайди.

\* Шарифхўжаев М., Абдуллаев Ё. Менежмент. Т., "Ўқитувчи", 2001 йил. 78-79-бетлар.

Бугунги кунда мактаб раҳбарлари бошқарув функцияларининг интегратив сифатларини тавсифловчи хусусиятлар: мактаб бошқарувини ички ва ташки ўзгаришларга мослаштириш, раҳбарлик услубларидан корпоратив фойдаланиш, таълим менежментининг тамойилларини ўзлаштириш ва қўллаш, бошқарувни мактаб фаолиятини ривожлантириш ва такомиллаштиришга йўналтириш асосида белгилашни кўрсатади.

Раҳбарнинг таълим муассасасидаги бошқарув фаолиятини яхширок тушуниш учун бошқарувнинг функция ва методларини кўриб чиқиш ҳамда раҳбарларни бошқарув фаолиятининг таркибий тузилишини белгилаш мақсадга мувофиқ хисобланади.

Муассаса раҳбарларининг бошқарув функцияларини шартли равишда иккита турга бўлиш мумкин: профессионал ва ижтимоий-психологик функциялар (1-шакл).



1-шакл. Профессионал ва ижтимоий психологик функциялар

Ахборотлар билан ишлап турли маълумотларни тўплаш, қайта ишлаш ва узатишдан иборат бўлиб, гурухлар фаолиятини мувофиқлаштириш жараёнида қўлланилади. Бу жараёнда раҳбар

муассасага келиб тушаётган асосий маълумотларнинг генератори сифатида фаолият кўрсатади ва унинг учун асосий меҳнат предмети ахборотлар бўлиб, улар асосида қарорлар – бошқарув жараёнининг маҳсулотлари ишлаб чиқилади. Унинг асосий хусусияти раҳбарлар томонидан ходимларнинг меҳнат жараёнидан кониқишиларига кизиқишиларнинг вужудга келиши билан белгиланиб, бу хусусият раҳбарнинг бошқа функциялари ва ахборотлар билан ишлаш функциясининг қолган кўрсаткичлари билан боғлик бўлади.

Ташкилотчилик функциялари ходимларга берилган топширикларни бажариш учун жамоанинг фаолиятини ташкил этишда амалга оширилади. Ташкил этиш раҳбарнинг асосий ва масъулиятли функцияларидан ҳисобланади ва у бир неча босқичларни ўз ичига олади (2-шакл).



2-шакл. Ташкилотчилик функцияси босқичлари

Ижтимоийлаштириш – ходимларда юксак маънавият, маданият ва ижодий фаолиятни шакллантиришдан иборат бўлиб, жамоада ижобий мухитни яратишга хизмат қиласди.

Бошқарув жараёнида турли хил масалалар юзасидан, турли даражадаги, мақсади, вазифаси ва мазмунига кўра бир-биридан фарқ килувчи стратегик, тактик, умумий, анъанавий, тезкор ва бошқа турли қарорлар қабул қилинади. Мақсадга эришиш йўналишидаги масалаларни ва муаммоли вазиятни ҳал қилишда мухим аҳамият касб этувчи мазкур қарорлар, муассаса фаолиятини мувофиқлаштиришга йўналтирилган бўлади. Қарор қабул қилиш функцияларини амалга

оширишда раҳбарларнинг демократик тамойилларга асосланиши, барча ходимларни мазкур жараёнга жалб этиш, юқори самарадорликка эришишда ўз таъсирини кўрсатади.

Таълим муассасаларини бошқаришнинг ўзига хослиги куидаги функцияларда (3-шакл) аникрок ифодаланади – ахборот-таҳлил, мақсадли-мотивлаштириш, олдиндан кўриш-режалаштириш, ташкилий-ижрочилик, назорат-ташхис ва тартибга солиш-мувофикалаштириш.



3-шакл. Таълим муассасаси раҳбарларининг бошқарув функциялари

**Ахборот-таҳлил функцияси.** Унинг асосий вазифаси педагогик тизимлар (педагогик жараён) тўғрисида узлуксиз равишда ахборотлар тўплаш ва уларни чукур ўрганиш ҳамда объектив баҳолашдан иборат. Бу вазифаларни бажариш асосида бошқарув фаолиятининг стратегияси, ривожланиш омиллари, бажарилишини ташкил этиш ва назорат қилиш йўллари аникланади. Шунинг учун, ахборотлар нафақат ишончли, балки янги ва фойдали бўлиши ҳам зарур.

**Максадли-мотивлаштириш функцияси.** Мотивлаштириш олға сурилаётган мақсадга эришиш бўйича барча бошқарув субъектларида қизиқишилар уйғотишга йўналтирилган тадбирларни ташкил этишни назарда тутади. Мотивлаштириш харакатлар ва тадбирларни етарли даражада ташкил этиш учун

зарур. Бунда мотивларнинг хусусиятларини ҳисобга олиш зарур бўлиб, қандай мотивлар бошқарув фаолиятини йўналтириши ва қайсилари самарали ҳаракатлар режасини тузишга имконият яратишини билиш ўзига хос аҳамият касб этади.

Максад ихтиёрий тизимнинг ташкил этувчи компоненти ҳисобланади, педагогик тизимни бошқаришда мақсаднинг аҳамияти аниқ фаолиятнинг мақсади сифатида белгиланади. Бунда аввал мақсад умумий ҳисобланади, уни лойиҳалаштириш жараёнида тактика ва вазиятлар ҳам инобатга олинган ҳолда топшириклар бўйича тақсимланади. Яъни, бошқарувда мақсадни шакллаштириш бир неча даражада амалга оширилади: умумий мақсадни белгилаш; умумий (стратегик) мақсадни аниклаштириш; вазиятта кўра мақсадларни ишлаб чиқиш.

Бошқарув тизимида мақсадга самарали эришишнинг асосий шартларидан бири мақсадни белгилаш талабларига риоя қилиш: мақсадлар олдиндан белгиланган ва аниқ шакллантирилган бўлиши; бажарувчилар томонидан қабул қилинган ва уларга тушунарли бўлиши; мақсадлар таҳлил қилинган ва бажарилиш муддати белгиланган, шунингдек, бажарувчиларнинг ҳаракати мотивлаштирилган бўлиши; вертикал ва горизонтал бўйича келишилган турли хил топшириклар йўналишида тақсимланишида мақсадларнинг бирлиги сақланиши зарур ҳисобланади.

**Олдиндан кўриш–режалаштириш функцияси.** Бошқарув фаолияти-ни олдиндан кўриш (англ. *lead*) ва режалаштириш функцияси учун мақсадли-мотивлаштириш бошлангич асос бўлиб хизмат қиласи, олдиндан кўриш-режалаштириш функцияси ташкилий шакллар, усуллар, таъсир этувчи воситаларни аниклади, назоратнинг меъёри ва натижаларини баҳолашга хизмат қиласи, шунингдек, педагогик тизимни ва унинг иштирокчиларининг ҳаракати ва фаолиятини мувофиқлаштириш ва тартибга солишга имконият яратади.

Шундай қилиб, олдиндан кўриш-режалаштириш функцияси, энг аввало, ташки мухитнинг таъсирини ва мавжуд имкониятларни ҳисобга олган ҳолда, белгиланган мақсадга эришиш йўлларини аниклашни назарда тутади ва у ўз навбатида қуидаги учта вазифаларни бажариш билан боғлиқ бўлади:

1. Педагогик тизимнинг эришган даражасини (холатини) аниклаш ва ривожланишга ҳаракат қилиш даврини аниқ белгилаш.

2. Педагогик тизимнинг келажагини аниқлаш, уни социум ва таълим муассасасининг имкониятлари ва эҳтиёжларига мос равишда ташкил этиш ва ҳаракатлантириш.

3. Педагогик тизимнинг эгаллаб турган ҳолатидан келажакка йўналтириш, ривожлантириш стратегияси ва тактикаларини аниқлаш.

**Ташкилий-ижрочилик функцияси.** Бу функция бошқарув фаолиятининг барча йўналишларида ўз аксини топади. Яъни, у кадрлар танлаш ва жой-жойига қўйиш, ижрочиларнинг ўзаро таъсир этиш тизимини шакллантириш, ахборотлар тўплаш ва уларга ишлов бериш фаолиятлари билан боғлиқ бўлади. Бунинг натижасида у ёки бу педагогик тизимга хос таркибий тузилиш вужудга келади.

**Ташкилий-ижрочилик функциясини самарали амалга ошириш ўзаро ишонч ва ёрдам, хар кимга танлаш хуқукини бериш, факат мақсадни белгилаш эмас, балки унга эришиш мезонларини хам белгилаш, ходимларнинг шахсий имкониятлари ва қобилиятларини тўла намоён этишлари учун шароитлар яратиш, бажарилган ишлар учун рағбатлантириш ва хар бир ходимнинг меҳнатини объектив баҳолаш билан боғлиқ бўлиб, жамоада мухим ижтимоий мухитнинг вужудга келишида ўзига хос аҳамият касб этади.**

**Назорат-ташхис функцияси.** Назорат – бу бошқарув жараёнининг фаол босқичларидан бири бўлиб, у бошқарувнинг барча функциялари билан боғлиқ бўлади. Умумий холда назорат режалаштирилган натижа билан ҳақиқий эришилган натижаларни ўзаро солишириш жараёни бўлиб, у фаолиятнинг муввафакиятини аниқлашга имконият яратади.

Педагогик тизимни бошқариш жараёнида кўзланган йўналишдан четга чиқишлиар хам вужудга келиши мумкин, бундай вазиятларда назорат йўл қўйилаётган хатоларнинг сабабини ўз вактида аниқлаш ва уларни тузатиш усулларини белгилаш имкониятларини яратади. Шунинг учун бошқарув фаолиятининг барча босқичлари учун назорат зарур ҳисобланади.

Давлат таълим стандартларининг жорий этилиши, таълим муассасаларига ижодий эркинлик имкониятларининг берилиши, таълим жараёнларининг диверсификациялаштирилиши натижасида назорат-ташхис функцияси педагогик жараённинг асосий мазмунига айланиб бормоқда. Шуни хам тасдиқлаш мумкинки, назорат ва педагогик тизимнинг ҳаракатланиш стратегияси синонимлар ҳисобланади. Шунга асосан бошқарувда назоратнинг мухим хусусиятларидан бири педагогик жараённинг барча иштирокчиларининг

муваффакиятларини қўллаб-куватлашни назарда тутади, бунинг учун унга қатор талаблар белгиланади: стратегик йўналишга эга бўлиши; фаолиятнинг ижобий натижаларига йўналтирилган бўлиши; назорат ўтказиладиган обьектга мувофик бўлиш; ўз вактида ташкил этилиши, ихчам ва тежамли бўлиши ва х.к.

Бошқарув назоратининг асосланганлиги ташхис орқали ифодаланади. Махсус восита ва методларни қўллаш, ҳар томонлама ўрганиш йўллари билан обьектнинг ички ҳолатини тавсифловчи ходисаларнинг мазмун-моҳиятини аниклашга йўналтирилган ташхис англашнинг алоҳида кўринишини ифодалайди. Бошқарувда ташхис қўйишнинг кўп кирралилиги уни амалга оширишнинг тўртта турини таснифлашга имконият яратади – компонентлар бўйича ташхис, структуравий ташхис, тизим ташхиси, олдиндан кўриш (англаж). Ташхис қўйишнинг ҳар бир тури ўзига хос белгиланган функцияни бажаради, уларни танлаш эришишимиз зарур бўлган натижаларга кўра амалга оширилади.

**Тартибга солиш-мувофиқлаштириш функцияси.** Мазкур функция педагогик тизимнинг ҳолатини зарурий, белгиланган даражада ушлаб туриш, уни янги сифат даражасига кўтариш ва педагогик жараёнда йўл қўйилаётган хатоликларни тузатиш хамда педагогик жараён иштирокчиларининг хатти-харакатларини тартибга солиш учун хизмат қиласи. Бу функция ёрдамида педагогик тизим субъектларининг турли харакатлари мувофиқлаштирилади. Ўз навбатида мувофиқлаштириш педагогик тизимнинг харакатланиш йўналиши билан барча бўғинларининг ўзаро уйғулашувида юкори даражадаги тезкорликни талаб этади.

### 2.3. БОШҚАРУВ АЛГОРИТМИ

Мактаб раҳбарларининг асосий функцияси таълим муассасаси олдига қўйилган мақсадларга эришишда мактабнинг ҳаётий фаолиятини таъминлаш бўйича бошқарув йўналишидаги масалаларнинг ижобий ечимини топиш, ҳал этиш ҳисобланади.

Алоҳида таъкидлаш зарурки, бошқарув фаолияти ёки ихтиёрий фаолият инсон-инсон муносабати, шунингдек, инсоннинг ташки мухит билан муносабатлари, тарбиявий муносабатлар шаклида, яъни шахснинг эҳтиёжлари талабларидан келиб чиқиб кўзланган мақсадни амалга оширишдаги ўзаро алоқалар шаклида таҳлил килинади ва ўрганилади. Фаолият максади обьектив бўлиб, ўз ўрнида шахс томонидан белгиланади ва у фаолиятнинг асосий компоненти

хисобланади. Шунингдек, фаолият субъектни маълум бир харакатга келтирувчи сабабларни аниклади ва унда аник бир шахснинг фаолияти ва мақсад ифодаланади.

Маълумки, бошқарув фаолияти субъектлар томонидан лавозими йўналишидаги функцияларини бажаришлари жараёнида амалга оширилади. Бошқарув фаолияти олдиндан белгиланган хатти-харакатлар мажмуаси, шунингдек, бошқарув жараёни боскичлари сифатида мактаб раҳбарининг мақсадга йўналтирилган функцияларининг структураси бошқарув предметлари оркали белгиланади. Демак, бошқарув ўзига хос хусусиятларга эга бўлиб, улар мақсадга эришишда харакатлар изчилити билан белгиланади. Бу жиҳатлар ўз-ўзидан мақсадга кўра аникланмайди, балки мақсадга эришишдаги шарт-шароитлар оркали белгиланади. Агар мақсад ўзгармаса, у белгиланган вақтдаги шароитлар ҳамда харакатлар таркиби ўзгариб боради.

Таълим-тарбия жараёнини ташкил этиш ва унинг мазмунини такомиллаштириш йўналишидаги ихтиёрий инновацион фаолият мавжуд бўлган бошқарув функцияларининг маълум бир изчилликда амалга оширилишини талаб этади. Замонавий мактабни бошқариш функцияларини амалга оширишни режалаштиришда, энг аввало, бошқарувнинг мақсади, функцияларининг мазмун-моҳияти ва вазифалари инобатта олинади. Умумий мақсадларга эришишда мазкур функцияларни амалга ошириш тизимини ташкил этувчи вазифаларнинг бажарилиш кетма-кетлиги белгиланади ҳамда мазкур вазифаларни бажаришда қўлланиладиган бошқарув методлари танлаб олиниб, бошқарув фаолияти бошқарувни ташкил этиш тамойиллари ва қонуниятларига асосан амалга оширилади. Объектив бошқарув фаолияти факаттина мақсадга йўналтирилган харакатларнинг тўлиқ тўплами ёки харакатлар занжирини шаклида мавжуд бўлади. Мавжуд бўлган мазкур занжир бошқарув алгоритмини ифодалайди.

“Алгоритм” сўзи жаҳон илм-маърифатининг буюк намояндаси, бобомиз Муҳаммад ибн Мусо ал-Хоразмийнинг номи билан боғлиқ бўлиб, унинг математика фанини ривожлантирган асарларидан бири бўлган “Алжабр вал муқобала” асари туфайли “Ал-Хоразмий” номи лотинча транскрипцияда “Алгоритм” шаклини олган.


“Алгоритм” – Ўрта Осиё математиги ал-Хоразмий [Algorithmī] номининг лотинча шакли бўлиб, қўйилган масалаларнинг ечимини топиш учун маълум бир изчилликда,

\* К.Хошимов ва бош. Педагогика тарихи. Т., “Ўқитувчи”, 1996 йил, 72-бет.

белгиланган коидаларни кўллаш ёрдамида бажариладиган математик амаллар кетма-кетлиги тизимини билдиради. Алгоритмлар назарияси – математика фанининг алгоритмларнинг умумий хусусиятларини ўрганувчи бўлими<sup>\*</sup>.

Бошқарув алгоритми – бу мактаб раҳбари бошқарув фаолиятининг кетма-кетлиги (изчиллиги) бўлиб, у еттига босқич: педагогик жараённинг ҳолати тўгрисида ишончли ахборотлар тўплаш, қайта ишлаш ва объектив баҳолаш; бошқарув фаолияти мақсадини белтиш; бошқарув фаолиятини олдиндан кўриш (англаш) ва режалаштириш; кадрлар танлаш ва жой-жойига қўйиш; жамоа фаолиятини назорат килиш ва ташхис; жамоа аъзоларининг фаолиятларини мувофиқлаштириш; мактаб фаолиятининг ривожланиш мойиллиги ва динамикасини аниqlашдан иборат, мазкур босқичлар изчиллигида, бошқарув методлари: маъмурий, ижтимоий-психологик, иқтисодий, шунингдек, ахборотлар тўплаш методларини кўллаш ёрдамида юқорида келтирилган функцияларнинг бажарилиши амалга оширилади.

### БОШҚАРУВ АЛГОРИТМИ



4-шакл. Бошқарув фаолиятининг агоритми

Умумий ўрта таълим муассасаси раҳбари бошқарув фаолияти давомида ўз муассасасининг фаолияти, таълим-тарбия жараённинг ҳолати, ходимларнинг ўз вазифасига бўлган муносабати, ўзаро муносабатлар, яъни ўқувчи ва ўқитувчиларнинг муносабатлари,

\* Хорижий сўзлар лугати. М.: "Русский язык", 1988 йил, 26-бет.

шунингдек, умумий мақсадга эришиш учун амалга оширилаётган ишларнинг кўлами ва самарадорлиги, ўкувчиларнинг ўзлаштириш кўрсаткичлари хамда ташкил этилаётган дарсларнинг сифати тўғрисида етарли маълумотта эга бўлиши учун зарурй ахборотлар тўплashi лозим.

Тўпланган ишончли ахборотлар таҳлил қилиниши ва умумий ҳолатни ўрганилиши бошқарув фаолиятини ўзгартириш, такомиллаштиришга, яъни бошқарув фаолиятининг мақсадини белгилаб олишга хизмат қиласди. Ахборотларга асосланган ҳолда, бошқарув фаолиятининг самарадорлигини ҳам таҳлил қилиш имконияти туғиласди ва шунга асосан уни такомиллаштириш йўналишлари ва муассаса фаолиятини яхшилаш учун амалга оширилиши зарур бўлган вазифалар белгиланади. Белгиланган вазифаларни ходимларнинг билими, кўникма ва малакалари, шунингдек, касбий тажрибаларига кўра тақсимлаш амалга ошириласди, яъни зарур ҳолларда муассасанинг фаолиятини, таълим-тарбия жараёнини ривожлантириш учун юкори малакали мутахассислар жалб этиласди, шу асосда жамоа аъзоларининг фаолиятлари мувофиқлаштириласди. Мазкур жараёнларда амалга оширилган ишларнинг натижаларига ва йигилган маълумотларга асосланган ҳолда таълим муассасасининг ривожланиш имкониятлари аникланиб, белгиланган вазифаларни амалга ошириш йўналишида қарорлар қабул қилинади.

Шундай қилиб, юкорида келтирилган маълумотларга асосланиб айтиш мумкинки, бошқарув алгоритмининг мазмун-моҳияти бошқарув функциялари ва методларини амалга оширишда ўз ифодасини топади ва улар биргаликда бошқарув жараёнида таъсир кўрсатишнинг тартиби, кетма-кетлиги, йўллари ва уларнинг тугалланиш даврини акс эттиради.

## 2. 4. БОШҚАРУВ МЕТОДЛАРИ

Таълим менежментида бошқарув методлари мухим аҳамият касб этиб, улар бошқарув жараёнида ходимлар фаолиятини ташкил этиш ва уларни мувофиқлаштиришда кўлланиладиган таъсир этиш йўллари ва усулларининг йигиндиси хисобланади. Бошқарув методлари асосини мазкур таъсир кўрсатиш усуллари мажмуюи, яъни таъсир кўрсатиш механизми ташкил этади.

Бошқариш методи бошқариш фаолиятини амалга ошириш усуллари ва йўллари мажмуудан, бошқариш тизимига самарали, максадга мувофиқ таъсир кўрсатишдан, яъни бошқариш функцияларини амалга ошириш механизмидан иборатdir.

Лекин шуни зътиборга олиш лозимки, метод – бу тамомила объектив, раҳбарга боғлиқ бўлмаган ва мустақил тушунчадир. Услуб, гарчи у ҳам таъсир ўтказиш усуллари мажмуудан иборат бўлса-да, методдан фарқ қиласди, у ёки бу раҳбарнинг субъектив, индивидуал хусусиятлари билан белгиланади. Қиёслаш учун шуни айтиш мумкинки, мусиқа нотаси ҳамма учун бир хил бўлса-да, лекин мусиқачиларнинг ижро этиш услуб(манера)лари ҳар хилдир.

Олдинги вактларда бошқарув методларини тавсифлашда асосий зътибор фақат ижтимоий-иктисодий ва маъмурий методларга каратилар эди. Замонавий ижтимоий-иктисодий шарт-шароитларда умумий ўрта таълим муассасаларини бошқаришга кўп даражада мос келадиган методларнинг тўртта асосий гурӯхлари: иктисодий, ташкилий-маъмурий, ижтимоий-психологик ва ахборотлар туплаш методларини ажратиб кўрсатиш мумкин (5-шакл).



5-шакл. Бошқарув методлари

**Иктиносодий методлар.** Бу методлар ўзаро боғлиқ бўлган иктиносодий кўрсаткичларнинг йигиндисини тавсифлаб, ҳар бир ишчи ва бутун муассаса учун талаблар белгилаш билан биргаликда замонавий талаблар даражасида фаолият кўрсатишлари учун шароитлар яратади. Таълим муассасаси фаолиятини такомиллаштириш, инновацион жараёнларни кучайтириш, яъни ходимларнинг инновацион фаолиятларини ташкил этиши, таълим-

\* Шарифхўжаев М., Абдуллаев Ё. Менежмент. Т., "Ўқитувчи", 2001 йил, 204- бет.

тарбия жараёни иштирокчиларининг фаолликларини ривожлантиришда иқтисодий методлардан фойдаланилади. Раҳбарлар томонидан бошқарув жараёнида, ходимларнинг фаолияти тўла ўрганилгандан кейин, фаолиятни такомиллаштириш ва ривожлантириш учун бажариладиган вазифалар режалаштирилади. Бунда раҳбарлар ўз ходимларини фаолиятлари натижаларига кўра рағбатлантириш, мукофотлаш, жазолаш (жарима солиш) ёки моддий ёрдам кўрсатишларида бошқаришнинг мазкур методидан фодаланишлари зарур бўлади. Иқтисодий қайта ташкил этишлар мазкур методларни кучайтиришга йўналтирилади.

**Ташкилий-маъмурӣ методлар.** Ушбу методлар хам иқтисодий методлар бажарадиган вазифаларни бажаради, факат уларнинг таъсир кўрсатиш усуллари ва шакллари ўзаро фарқ қиласди. Иқтисодий методларда белгиланган масалаларни ҳал қилиш учун раҳбарлар таъсир кўрсатишнинг турли хил усул ва шаклларини танлаш имкониятига эга бўлади. Ташкилий-маъмурӣ методлар карорлар, буйруклар, фармойишлар ва кўрсатмалар тайёрлаш, уларни ўз вақтида тегишли шахсларга етказиш ва бажарилишини назорат қилиш оркали таъсир кўрсатишни назарда тутади.

Мазкур метод раҳбарлар ва ходимлар, ўқитувчилар ва ўқувчилар, умуман олганда барча жамоа аъзолари ўртасидаги мавжуд муносабатларни инобатга олган ҳолда, уларнинг қизиқиши, манфаатлари, кўникма ва малакалари, билими ҳамда қобилиятларини ўрганиб, жамоадаги мавжуд шароитларни яхшилаш ва бошқа зарурий чора-тадбирларни амалга ошириш оркали жамоа аъзоларининг фаолиятларини мувофиқлаштиришга хизмат киласди. Ташкилий-маъмурӣ методдан фодаланишдан кўзланган мақсад белгиланган мақсадларга эришишда жамоада мавжуд бўлиши зарур бўлган ўзаро муносабатлар, алоқалар, ташкилий баркарорлик, интизом, ўзаро мутаносиблик ва келишувчанлик, тартибилик ҳамда узлуксиз ривожланишни ҳуқуқий ва меъёрий ҳужжатларга мос равишда таъминлашдан иборат.

**Ижтимоий-психологик методлар.** Жамоа аъзолари ўртасида шундай муносабатларни вужудга келтиришни назарда тутадики, бунда раҳбар бўйсунувчиларнинг bemalol, эркин харакат қилиши, ўзини-ўзи намоён қилиши, турли жараёnlарда эркин иштирок этиши, фикр билдириши учун шароитни ва ижодий мухитни яратиши зарур.

Демак, ижтимоий-психологик методларнинг асосий мақсади таълим муассасаси жамоасида соглом мухитни яратишдан иборат, деб айтишимиз мумкин.

Мазкур метод таълим муассасаси фаолиятининг ривожланиши, ходимлар фаолиятининг такомиллашиши, уларнинг ўз фаолиятларидан қониқишилар ҳосил килишида, шунингдек, жамоада тарбиявий муносабатларнинг шаклланиши, раҳбар-ходим, ўқитувчи-ўқувчи муносабатларининг ижобий тараққий этишида мухим аҳамият касб этиб, педагогик ходимлар ва ўқувчиларнинг қизиқишилари, интилиши ва ташабусларини рагбатлантириш, уларнинг дунёкарашини кенгайтириш, маданий, маънавий ва маърифий тушунчаларини ривожлантириш, шунингдек, билим, кўнишка ва малакаларининг ортиб боришини ҳамда уларда ижодий қобилиятларнинг шаклланишини таъминлайди.

Бу метод кишилар ўртасидаги ижтимоий-психологик муносабатларга таъсир қўрсатишга қаратилган бўлиб, бир неча усулларни ўз ичига олади. Мазкур усулларга қуйидагилар киради:

1. Ижтимоий меъёrlаш йўллари:
  - ички тартиб-қоидалар;
  - жамоат ташкилотларининг низоми;
  - ишчи шарафи кодекси;
  - ишлаб чикириш одоб қоидалари;
  - иштирокчига таъсир этиш шакллари.
2. Ижтимоий-сиёсий (тарбиявий) усуллар:
  - сиёсий тарғибот;
  - меҳнаткашларни сиёсий тарбиялаш ва ишонтириш;
  - маъмурий фаолиятни назорат қилиши;
  - меҳнаткашларни бошқаришга жалб қилиш шакллари.
3. Ижтимоий тартибга солиш усуллари:
  - шартномалар, ўзаро мажбуриятлар;
  - маънавий талаб ва манфаатларни қондириш навбати (тартиби) ва бошқалар.
4. Маънавий рағбатлантириш усуллари икки хил бўлади:  
Жамоавий ва шахсий маънавий рағбатлантиришлар. Булар:
  - “Фахрий ёрликлар” билан мукофотлашлар;
  - фахрий унвонлар бериш;
  - орден ва медаллар бериш;
  - миннатдорчилик изхор қилиш;
  - ҳурмат таҳтасига қўйиш;
  - қўшимча ижтимоий имтиёзлар бериш ва ҳоказолар.
- Психологик усулларга қуйидагилар киради:
  - кичик гурӯҳ ва жамоаларни шакллантириш;
  - меҳнатни инсонпарварлаштириш (гуманизация);
  - психологик рағбатлантириш;

- касб-малака бүйича танлаш ва ўқитиш;
- касбга бўлган манфаатни таъминлаш (бу ходимларда меҳнат фаолиятига ички қизиқиш уйғотади);
- ходимларни бажараётган ишига психологик мос келиши бўйича танлаш.

**Ахборотлар тўплаш методлари.** Барча методлар қатори ахборотлар тўплаш методлари ҳам таълим муассасасининг фаолиятини такомиллаштириш учун раҳбарларнинг бошқарув фаолиятини илмий асосда ташкил этишда педагогик жараённинг ҳолати тўғрисида ишончли ахборотлар тўплаш ва таълим жараёни иштирокчиларининг фаолиятини объектив баҳолашни амалга оширишга хизмат қилади.

Таълим муассасаси раҳбарларининг бошқарув фаолиятида кўлланиладиган методларнинг ичидаги мухим аҳамият касб этувчи методлардан бири ҳисобланган мазкур метод меъёрий ҳужжатларни ва илгор педагогик тажрибаларни ўрганиш, таълимтарбия жараёнини таҳлил қилиш, сўровномалар ўtkазиш, ходимларни аттестациядан ўtkазиш, таҳлилий баҳолаш, умумлаштириш ва тизимлаштириш, статистик ва математик таҳлил ва бошқа кўпгина усулларни ўз ичига олади (6-шакл).



6-шакл. Ахборотлар тўплаш методлари

\* Тўхтабосев А. Маъмурий менежмент. Т., “Молия”, 2003 йил, 75-76 бетлар.

Таълим муассасасининг фаолиятини такомиллаштириш ва зарурий шароитлар яратиш, шунингдек, бошқарув жараёнини қайта ташкил этишда раҳбарлар мавжуд йўналишлар бўйича ишончли ва асосли ахборотлар тўплашда мазкур усуллардан ташкил топган ахборотлар тўплаш методларидан фойдаланади, яъни меъёрий хужжатларни ўрганади ва уларда белгиланган талабларнинг бажарилишини таҳлил қиласи, ўкувчиларнинг билимини ДТС талаблари бўйича текширади, шунингдек, ўзлаштириш кўрсаткичларининг динамикасини таҳлил қиласи, ўқитувчиларнинг дарсларини кузатади, очик дарсларга катнашади ва педагогик ходимлар фаолиятини ўрганади, таълим муассасасидаги муносабатлар, раҳбар-ходим, ўқитувчи-ўкувчи муносабатлари сўровномалар ўтказиши орқали аникланади. Тўпланган маълумотлар йиллик, ярим йиллик, чораклик, ойлик, ҳафталик ва кунлик натижалар бўйича статистик ва математик таҳлиллар асосида солиширилади, замонавий талаблардан келиб чиқкан ҳолда, мавжуд ҳолат олдинги ҳолатга нисбатан таққосланади ва келгусида бажарилиши зарур бўлган вазифалар белгиланади ҳамда мазкур вазифаларни амалга ошириш йўналишларида қарорлар қабул қилинади.

## 2. 5. БОШҚАРУВ ҚАРОРЛАРИ

Таълим муассасаларини бошқаришда педагогик ходимлар ҳамда ўкувчилар фаолиятига таъсир кўрсатувчи, шунингдек, муассаса фаолиятини такомиллаштиришда мухим аҳамият касб этувчи асосий жараёнлардан бири қарор қабул қилиш ва унинг бажарилишини таъминлаш жараёни хисобланади. Мазкур жараёнда қарорларни тайёрлаш, қабул қилиш ва унинг бажарилишини таъминлаш кўп жихатдан раҳбарларнинг бошқарув йўналишидаги билими, кўникма ва малакаси, касбий тажрибаларига, бажариладиган вазифаларнинг хусусиятларига, шунингдек, муассасада яратилган шароитга боғлик бўлади.

Таълим муассасаси фаолиятини ташкил этиш ва уни такомиллаштириш йўналишида қабул қилинган қарорлар бошқарув моҳиятининг сифати ва аҳамиятини белгилайди, бу эса ўз навбатида таълим-тарбия жараёнининг самарадорлигига ўз таъсирини кўрсатади.

Таълим муассасаларини бошқарув жараёнида турли хил муаммоларни ҳал этиш, таълим-тарбия жараёнини илмий асосда ташкил этиш ва таълим самарадорлигини оширишда турли масалалар юзасидан моҳияти ва мазмуни жиҳатидан бир-биридан фарқ қилювчи, шунингдек, муассасанинг ҳамда жамоа аъзоларининг фаолиятида мухим аҳамият касб этувчи қарорлар қабул қилинади. Қарорларни қабул қилиш жараёнида муайян вазиятлардан келиб чиқиб баҳсли масалалар, турли-туман фикрлар ва тортишувлар вужудга келади, бундай пайтларда асосан ахборотларга асосланилади. Ахборотларнинг аниқлиги, уни ташкил этувчи маълумот, хабар ва янгиликларнинг ишончлилиги, яъни исботланганлиги қабул қилинадиган қарорларнинг хусусиятларини белгилаб беради.

**Қарор** – бу бошқарув фаолиятининг шундай шаклини, унда раҳбар меҳнати гавдаланади, меҳнат жамоасига мақсадга йўналган таъсири ўз ифодасини топади. Қарор қабул қилиш – раҳбарнинг етакчи фаолият жараёни бўлиб, кейинги бошқарув муввафқиятини белгилайди.

**Қарор** – бу бажарилиши лозим бўлган ишнинг аниқ бир йўлини танлаб олишдир. Бошқача қилиб айтганда, қарор – бу у ёки бу йўлни танлаб олишда бир тўхтамга ёки муайян бир фикрга келишдир<sup>“”</sup>.

**Қарор** – бу бошқариш фаолиятининг охирги натижасидир. Агар бошқарувда меҳнат предмети ахборот бўлса, унинг меҳнат (натижаси) маҳсулоти – бошқарув қароридир.

Таълим муассасасини бошқаришда қабул қилинадиган қарорлар мақсади, вазифаси, умумий мақсадларга йўналтирилганлиги ҳамда қабул қилиниш хусусиятларига кўра бир неча турларга бўлинади: стратегик, тактик, умумий, маҳсус, стереотип, ташаббусли, анъанавий, тавсияли ва аниқ қарорлар.

**Стратегик қарор.** Бундай турдаги қарорлар таълим муассасаси олдига кўйилган мақсадларга эришишда мухим аҳамият касб этиб, унда муассасанинг узокка мўлжалланган ривожланиш вазифалари ва мақсадлари белгиланади. Стратегик

<sup>“</sup> Муракаев И., Саифназаров И. Менежмент асослари. Т., “Ўқитувчи”, 2001 йил, 34-бет.

<sup>“”</sup> Шарифхўжаев М., Абдуллаев Ё. Менежмент. Т., “Ўқитувчи”, 2001 йил, 349-бет.

<sup>“”</sup> Гуломов С.С. Менежмент асослари. Т., “Шарк”, 2002 йил, 184-бет.

қарорларни қабул қилишда таълим муассасасининг истиқболли ҳаракат дастури асос килиб олинади, узоқ муддатларга кўзланган мақсадларга эришишда бажариладиган вазифаларнинг муддати белгиланади, мавжуд муаммоларни ҳал этиш йўллари ва услублари кўрсатилади.

**Тактик қарорлар.** Мазкур қарорлар таълим муассасаси олдига кўйилган мақсадга эришишда қўлпаниладиган восита ва усуслар йўналишидаги қарорлар бўлиб, жорий ва тезкор қарорларни ифодалайди. Масалан, таълим муассасасининг йиллик ва жорий дастурларини ҳамда режаларини тузиш ва жорий этиш, юкори малакали кадрлар билан тъминлаш йўналишидаги қарорлар юкори ва ўрга бўғин раҳбарлари томонидан узоги билан икки йилгача бўлган муддатга қабул қилинади.

**Умумий қарорлар** – таълим муассасаси фаолиятини ва жамоа аъзоларининг иш тартибини белгилаш, яъни таълим муассасаси регламентини белгилаш йўналишидаги қарорлар бўлиб, улар умумий тавсифга эга бўлади ҳамда барча бўғинлар учун бирдек амал қиласди.

**Махсус қарорлар** – таълим муассасасининг маълум бир бўлими ёки бирон бир гурухи ходимларига таалукли бўлиб, уларнинг фаолиятларини мувофиқлаштириш, тажрибаларини оммалаштириш йўналишида бўлиши мумкин. Масалан, фанлар йўналишидаги методик бирлашмаларнинг фаолиятини такомиллаштириш йўналишида қабул қилинган қарорлар.

**Стереотип қарорлар.** Бундай қарорлар одатда мавжуд меъёрий хужоатлар, йўрикномалар, муассасанинг низоми асосида қабул қилинади. Мазкур қарорлар ходимларни ишга олиш ва ишдан бўшатиш, муассаса фаолиятини такомиллаштириш йўналишида чиқарилган буйруқларни ўз ичига олади.

**Ташаббусли қарорлар.** Бундай шаклдаги қарорлар раҳбарларнинг бошқарув фаолияти жараённида ахборотлар тўплаш методларидан фойдаланилиб тўпланган маълумотлар, амалга оширилган таҳлиллар ҳамда ўрганилган вазиятларнинг натижаларига асосан қабул қилинади ва улар муассасанинг истиқболини назарда тутади.

**Анъянавий қарорлар** – бу таълим жараёнини илмий асосда ташкил этиш, таълим сифатини давлат таълим стандартлари талабларига мувофиқлаштириш, педагогик

ходимларда зарурый кўникма ва малакаларни шакллантириш ҳамда таълим муассасаси фаолиятини такомиллаштириш йўналишидаги иш режалари, турли дастурларни тасдиқлаш, шунингдек, одатий вазиятларда муассасанинг фаолиятига оид қабул килинадиган қарорлардир.


**Тавсияли қарорлар** – таълим муассасасининг фаолиятини такомиллаштириш, таълим-тарбия жараёнига илғор педагогик технологияларни татбиқ этиш, янги ахборот технологияларини жорий этиш ҳамда илғор педагогик тажрибаларни оммалаштириш йўналишида қабул килинадиган қарорлар бўлиб, бунда таълим муассасасини ривожлантириш ва педагогик ходимларнинг фаолиятини такомиллаштириш йўналишидаги тавсиялар ўз ифодасини топади.

**Аниқ қарорлар** – аниқ ҳамда тўла-тўқис исботланган маълумотлар, хабар ва янгиликлардан иборат ахборотлар асосида қабул қилиниб, улар мазкур қарорларнинг бажарилиш хусусиятларини белгилайди.

Таълим муассасаларини бошқаришда қабул килинадиган қарорларнинг сифати ва уларнинг бажарилиш самарадорлиги уни қабул қилиш жараёнида муқобил варианtlар бўлиши, яъни танлаб олиш имкониятларининг мавжудлиги билан бир қаторда ахборотлар билан таъминланганлик даражасига, ахборотларнинг аниқлиги ва ишончлилигига, мазкур жараёнга мутахассисларнинг жалб этилганлиги ва барча ижроиларнинг иштироки таъминланганлигига, шунингдек, маълумотларнинг илмий асосланганлиги, кўйилаётган вазифаларнинг қонунийлиги, йўналишларнинг аниқлиги, белгиланаётган муддатларнинг аниқ ва ҳақиқий бўлишига ҳамда мавжуд зиддиятлар бартараф этилган ҳолда иштирокчиларнинг кўпчилигининг розилиги билан қабул қилинганлигига ва бошқа бир қатор омилларга боғлиқ бўлади.

Юкорида келтирилган қарорларни қабул қилишда, бошқарув фаолиятини самарали ташкил этиш ёки тўпланган маълумотларга асосан қайта ташкил этиш жараёнларида (тўғри ва тескари жараёнлар) белгиланган мақсадларга эришиш учун бажарилиши лозим бўлган вазифаларнинг йўналиши инобатга олиниши зарур хисобланади. Биз уларнинг тўртта асосий йўналишларини келтирамиз (7-шакл).

## БОШҚАРУВ ҚАРОРЛАРИНИ ҚАБУЛ ҚИЛИШ



7-шакл. Бошқарув қарорларини қабул қилиш йўналишлари

Мазкур тартибда қабул қилинган қарорларни расмийлаштириш ва уларнинг бажарилишини таъминлаш йўналишида раҳбарлар томонидан буйруқ ва фармойишлар чиқарилиши мумкин. Қабул қилинган қарорларда белгиланган вазифалар ким томонидан ва қандай муддатда бажарилиши, шунингдек, белгиланган вазифаларни бажаришда қандай усуллар қўлланилиши, назораттахлил фаолиятининг қандай амалга оширилиши ўз ифодасини топади. Шундан келиб чиқиб, қарорда кўрсатилган вазифаларни ўз муддатида ва самарали амалга ошириш учун мазкур қарорни бажариш йўналишида тадбирлар режаси ишлаб чиқилади. Бажариладиган вазифаларнинг мазмун ва моҳиятига кўра тадбирлар режасида масъул мутахассисларни, яъни ижрочи-ларнинг номлари, топширикларнинг бажарилиш муддати, мазкур йўналишда ташкил этиладиган тадбирлар рўйхати келтирилади. Тадбирлар режаси ижрочилар билан ҳамкорликда тузилиб, раҳбарият томонидан тасдиқланади. Қарорлар қабул қилишда ҳамда мазкур қарорларнинг бажарилиши бўйича тадбирлар режасини ишлаб чиқишида ижрочи-мутахассисларнинг иштирок этиши ва уларнинг таклифларининг инобатга олиниши қарорларнинг самарали бажарилишига ўз таъсирини кўрсатади. Қарорлар бажарилишининг раҳбарият томонидан мунтазам

равишида назорат қилиб борилиши, белгиланган вазифаларнинг мутахассислар томонидан бажарилиши жараёнида уларга назарий ва амалий ёрдамларни бериб борилиши ҳам ўз навбатида самарадорликка эришишнинг гарови ҳисобланади.

## ТЕСТ ТОПШИРИҚЛАРИ

- 1. А. Файоль бошқаришни ..... кучли қурол деб атайди**  
A. Қарор ва буйрукларнинг бажарилишини назорат қилувчи  
B. Келажакни кўрувчи, фаолиятни ташкиллаштирувчи  
D. A, B, F жавоблар тўғри  
E. Раҳбарнинг бошқарув фаолиятини амалга оширувчи  
F. Фаолиятни ташкиллаштирувчи, ташкилотни идора қилувчи
  
- 2. С.Н.Тидор бошқарувни қўйидагича тавсифлайди**  
A. Бу мақсад йўналишида обьектни мувофиқлаштириш  
B. Бу мақсадга эришиш учун обьектга таъсир этиш  
D. A, B, E жавоблар тўғри  
E. Бу мақсадга эришиш йўналишида тизимни ташкил этувчиларга таъсир этишни вертикал мувофиқлаштириш  
F. A ва B жавоблар тўғри
  
- 3. “Бошқарув – бу инсонларни бошқариш, улар билан ишлаш” ибораси кимга тегишили?**  
A. Японларга  
B. Француздарга  
D. А.Китовга  
E. А.Файолга  
F. М.Шарифхўжаевга
  
- 4. “Бошқарув – бу танлов, қарор қабул қилиш ва унинг бажарилишини назорат қилиш жараёнидир” ибораси кимга тегишили?**  
A. А.Файолга  
B. С.Н.Тидорга  
D. М.Шарифхўжаев ва Ё.Абдуллаевга  
E. А.Файоль ва С.Н.Тидорга  
F. Японларга

**5. Биоритмлар назариясига кўра меҳнат фаоллигини оширишнинг нечта чўккиси мавжуд?**

- A. Иккита: соат 12 дан 13 гача ва 16 дан 18 гача
- B. Иккита: соат 12 дан 14 гача ва 16 дан 18 гача
- C. Иккита: соат 11 дан 12 гача ва 16 дан 18 гача
- E. Иккита: соат 13 дан 14 гача ва 17 дан 18 гача
- F. Иккита: соат 12 дан 13 гача ва 17 дан 18 гача

**6. Бошқарув ва менежмент тушунчаларининг фарки нимада?**

- A. Фарки йўқ, бу тушунчалар бир хил маънони англатади
- B. Менежмент тушунчаси кенгроқ маънони англатади, бошқарув эса фаолиятдир
- D. Бошқарув тушунчаси кенгроқ маънони англатиб, барча объектларни бошқаришни билдиради, менежмент – бу бошқарувни ташкил этиш демакдир
- E. Менежмент – бу бошқарув дегани
- F. Тўғри жавоб берилмаган

**7. Бошқарув поғонаси тушунчаси нимани билдиради?**

- A. Бошқарув фаолияти босқичларини
- B. Бошқарув бўғинларининг сонини
- D. Раҳбар ва ижрочилар ўртасидаги масофани
- E. А ва В жавоблар тўғри
- F. Тўғри жавоб берилмаган

**8. Бошқариш босқичи – бу .....**

- A. Раҳбар фаолиятининг изчилиги
- B. Бошқарув органларининг ўзаро боғлик равишда жойлашиши
- D. Ўзаро муносабатлар тартиби
- E. А ва В жавоблар тўғри
- F. Барча жавоблар тўғри

**9. Бошқарув ваколатлари – бу .....**

- A. Раҳбарлар томонидан амалга ошириладиган вазифалар
- B. Маълум бир вазифага бўлган масъулият
- D. Раҳбарлик қилиш хуқуқининг берилиши
- E. А ва В жавоблар тўғри
- F. Барча жавоблар тўғри

**10. Бошқарув масъулияти – бу .....**

- A. Берилган топширикларни ўз вақтида бажариш
- B. Ўз хатти-ҳаракати ва фаолияти учун жавобгарликни хис қилиш
- D. Берилган топширикларга бўлган муносабат
- E. А ва В жавоблар тўғри
- F. Барча жавоблар тўғри

**11. А.Файоль бошқарувнинг қуидаги функцияларини ажратиб кўрсатади**

- A. Режалаштириш, ташкил этиш
- B. Фармойиш бериш, мувофикалаштириш, назорат
- D. А ва В жавоблар тўғри
- E. Умумий функциялар, ижтимоий-психологик функциялар
- F. Умумий функциялар, технологик функциялар

**12. Бошқарув функциялари шартли равиша қуидаги функцияларга бўлинади**

- A. Ижтимоий-психологик, технологик функциялар
- B. Технологик, умумий функциялар
- D. Ижтимоий-психологик, профессионал функциялар
- E. А ва D жавоблар тўғри
- F. В ва D жавоблар тўғри

**13. Таълим муассасаларининг ўзига хослиги қуидаги функцияларда ифодаланади**

- A. Ахборот-тахлил, мақсадли-мотивлаштириш
- B. Олдиндан кўриш-режалаштириш, ташкилий-ижрочилик
- D. Назорат-ташхис, тартибга солиш-мувофикалаштириш
- E. А, В ва D жавоблар тўғри
- F. Тўғри жавоб берилмаган

**14. Бошқарув алгоритми – бу .....**

- A. Қарорлар қабул қилиш изчиллиги
- B. Ахборотлар тўплаш ва тахлил қилиш
- D. Бошқарув фаолиятининг изчиллиги
- E. Бошқарув фаолияти мақсадини белгилаш
- F. Бошқарув фаолиятини олдиндан режалаштириш

**15. Бошқарув методлари асосан қуйидаги турларга бүлинади:**

- A. Иқтисодий, ижтимоий-психологик методлар
- B. Ташкилий-маъмурӣ, ахборотлар тӯплаш методлари
- D. А ва В жавоблар тӯғри
- E. Ижтимоий-иқтисодий ва маъмурӣ методлар
- F. Тӯғри жавоб берилмаган

**16. Ахборот тӯплаш методлари –**

- A. Меъёрий ҳужжатларни ва илғор педагогик тажрибаларни ўрганиш, статистик ва математик таҳлил
- B. Таълим-тарбия жараёнини таҳлил килиш, сўровномалар, аттестация ўtkазиш
- D. Таҳлилий баҳолаш, умумлаштириш ва тизимлаштириш
- E. A, B ва D жавоблар тӯғри
- F. Тӯғри жавоб берилмаган

**17. Қарор – бу .....**

- A. У ёки бу йўлни танлаб олишда бир тўхтамга ёки муайян бир фикрга келишдир
- B. Бажарилиши лозим бўлган ишнинг аниқ режаси
- D. Бошқариш фаолиятининг йўналиши
- E. A, B ва D жавоблар тӯғри
- F. A ва B жавоблар тӯғри

**18. Бошқарув қарорларини қабул қилиш қуйидаги йўналишларни ўз ичига олади:**

- A. Бажариладиган вазифалар билан қўлланиладиган раҳбарлик услублари ва бошқарув методларини мувофиқлаштириш
- B. Педагогик тизимнинг истиқболини ва ривожлантириш йўналишидаги вазифаларни олдиндан белгилаш
- D. Энг қулаги ва самарали бўлган бошқарув мақсадларини белгилаш ва уларни амалга ошириш воситаларини танлаш
- E. Таъланган бошқарув мақсадлари бўйича вазифалар белгилаш
- F. Барча жавоблар тӯғри

## III БОБ. БОШҚАРУВДА ПЕДАГОГИКА ВА ПСИХОЛОГИЯ ФАНЛАРИНИНГ ЎРНИ

### 3.1. БОШҚАРУВ ЖАРАЁНИДА ПЕДАГОГИКА ФАНИНИНГ ВАЗИФАЛАРИ

Ўзбекистон мустақилликка эришган кундан бошлаб ўтган киска вақт ичидаги ўзбек халқи сиёсий-ижтимоий, иқтисодий ва маданий соҳаларда катта ютуқларга эришди; ўз тарихига янгича тафаккур асосида ёндашиш, улуғ аждодлар колдирган бой маданий, маънавий меросни ўрганиш шарафига мусассар бўлди, миллий гурури кайта тикланди; республикада илм-фан, жумладан педагогика фани янги тараккиёт босқичига кўтарилмоқда; ўтмишдаги педагогик тафаккур дахоларининг шухратини тиклаш, уларнинг ғояларини халқ ҳаётига татбиқ этишдек улуғ ишлар амалга оширилмоқда.

Инсоният пайдо бўлганидан бошлаб, одамлар у ёки бу шакл ва мазмунда фарзандлар тарбияси билан шуғулланганлар. Қандай бўлишидан қатъи назар, тарбия усуслари муттасил давом этаверган. Улар даврлар ўтиши, ҳаёт ва турмушнинг мураккаблашиши натижасида тобора чуқуррок ва кенг маъно касб эта борган. Тарбия бериш деганда, кимнидир маҳсус бир хонага ўтказиб, факат панд-насиҳат беришни эмас, балки ўйин давомида, уй юмушлари жараёнида, таълим ва хунар ўргатиш вақтида, шунингдек, бошқарув жараёнида ҳаёт ва турмуш сабоқларини қиёсий йўсинда тушунтириш, қолаверса, шахсий ўрнак кўрсатиш ва бу омиллар бир-бира билан қўшиб олиб борилиши керак.

Инсон асосан, икки йўл билан, бирорнинг бевосита таъсири, яъни ўргатиши, донолар фикрлари, ўғитлари ва асарларини ўкиш орқали, шунингдек, инсон ўзининг фикрлаши, одамлар хатти-харакатидан, қилган ва килаётган ишларидан хулосалар чиқариш ва энг асосийси – тафаккури воситасида тарбияланиши мумкин.

Абдулла Авлоний “Тарбия бизлар учун ё ҳаёт – ё мамот, ё најжот – ё ҳалокат, ё саодат – ё фалокат масаласидир” деган эди. Бу фикр ҳозирда таълим муассасаларида таълим-тарбия жараёнини ташкил этиш ва уни бошқаришда алоҳида аҳамият касб этади.

Ижтимоий маънода олиб қаралганда тарбия деганда бутун тузум ва атроф-мухитнинг инсонга тарбиявий таъсири тушунилади. Кенг педагогик маънодаги тарбия маълум мақсадга йўналтирилган бўлиб, жамият томонидан тайёрланган, ажратилган кишилар ёхуд ўқитувчилар ёки тарбиячилар томонидан амалга оширилади ва турли хилдаги машгулотларни, маҳсус ўтказиладиган бир катор тарбиявий тадбирларни ўз ичига олади.

Кўпчилик тадқиқотчилар тарбия деганда факат болага тарбия беришни тушунадилар, бу анча тор тушунчадир. Чунки тарбияга фақат болалар эмас, балки катталар ҳам муҳтождирлар.

Тарбия деганда, умуман инсонларнинг ўзаро муносабатлари жараёнида, улар биргаликда фаолият кўрсатадиган жамоада ёки алоҳида олинган бир ўкув-тарбия муассасасида амалга ошириладиган, маълум мақсадга йўналтирилган маҳсус тарбиявий тадбирлар, маълум бир фаолият йўналишида дунёкарашни шакллантириш билан боғлиқ жараён тушунилади ва бу жараён бошқарув жараёнини ҳам ўз ичига олади.

Демак, педагогика инсонни туғилганидан бошлаб то умрининг охиригача ҳаёт ва турмуш одобига ўргатувчи ҳамда бу жарёйларни таҳлил ҳамда тадқик этувчи фандир. Тарбия ва тарбияшунослик ҳақидаги бу таърифнинг маъно ва мазмунига одамларнинг бутун умри давомидаги хулк-автори, одоб-ахлоқи, бу борадаги миллий анъаналарга садоқат ва буларга тарбиячи ҳамда тарбияланувчининг тўла амал қилиши, миллий қадрият, маънавият ва маърифатга ҳурмат, иймон ва виждан сингари гўзал фазилатлар сингган.

Жаҳон педагогикасининг етакчи қисмларидан бири бўлган педагогика фани узок тарихий тараққиёт йўлини босиб ўтди, ҳозирги вақтда такомиллашган илмий билимларни, бой назарий ва амалий маълумотларни ўзлаштириш билан табакаланиш, яъни унинг алоҳида тармокларга ажralишига сабаб бўлди. Педагогика фанининг барча тармокларининг шаклланиши педагогика фани тарихи билан мустаҳкам боғлиқдир. Педагогика тарихи эса педагогика фанининг маҳсус тармоғи ҳисобланади.

**Педагогика тарихи.** Педагогик таълимотнинг тарихи ва тарбиянинг ривожланиши масалаларини ижтимоий ҳодиса сифатида татбиқ этувчи педагогик билимлар тармоғидир. У илғор педагогик ғояларнинг салбий педагогик ғояларга қарши кураш тарихини намоён этади, хукмрон табакаларнинг демократияга қарши сиёсатини очиб ташлайди, илғор педагогик ғоялар, хур

фикрлар таълим конуниятларининг айрим олинган тарихий даврдаги ривожланиш тамойилларини таҳлил киласи, мухим умумий хуносалар чиқаради ва бугунги кун учун долзарб муаммоларни ўртага ташлайди.

Педагогика фанининг тарихан шаклланиши, педагогика фанлари тизимини юзага келтирди, шу сабабли узлуксиз таълим, педагогика фанлари таркибига кирган педагогикалар ўртасидаги ҳамкорликни тақозо этади.

Педагогикада тарбияланувчиларни ёшига кўра мактабгача ёшдаги, мактаб ёшидаги ва катта ёшдагилар деб гурухларга ажратиш қабул килинган.

**Мактабгача ва мактаб ёшидаги болалар педагогикаси** – мазкур гурух болалари билан олиб бориладиган тарбиявий-ташкилий ишларнинг конунийлигини тадқиқ этади ҳамда энг аввало уларни болаларнинг мактабгача таълим муассасалари шарт-шароитларида амалга ошириш дастурини ишлаб чиқади.

**Мактаб педагогикаси** – умумий ўрта таълим мактабларида ўқувчилар-га таълим бериш ва тарбиялашнинг қонуниятларини тадқиқ этади.

**Касб-хунар таълими педагогикаси** – умумий ўрта таълим мактаблари-нинг юқори синф ўқувчилари ёшида бўлган болалар, академик лицей ва касб-хунар коллежи шарт-шароитларидағи ўқув-тарбиявий жараённинг ўзига хослигини тадқиқ этади.

**Ишлаб чиқариш педагогикаси** – ишлаб чиқаришда ишлайдиган шахсларга таълим ва тарбия бериш конуниятларини ўрганади.

**Харбий педагогика** – миллий армиямиз учун мутахассислар тайёрлайдиган харбий ўкув юртларида ёшларга таълим бериш ҳамда тарбиялаш муаммолари билан шуғулланади.

**Олий мактаб педагогикаси** – олий ўкув юрти шарт-шароитларида талабаларга таълим-тарбия беришнинг назарий асослари ва методикасини ишлаб чиқади.

Умумтаълим мактабларида эмас, балки маҳсус мактабларда шуғулланишлари мумкин бўлган болалар, яъни кўриш, эшитиш, сўзлаш аъзоларида камчиликлари бўлган болаларни меҳнат фаолиятига тайёрлаш, тарбиялаш ва таълим беришнинг ўзига хос томонларини тадқиқ этувчи фанлар педагогика фанининг маҳсус гурухини ташкил этади. Педагогиканинг бу маҳсус тармоқлари дефектология ёки маҳсус педагогика деган умумий ном билан аталадиган маҳсус гурухга бирлаштирилган.

Дефектология фанлари ўз навбатида алоҳида мустақил фанларга бўлинади: кар ва гунг болалар тарбияси ва таълими масалалари билан сурдопедагогика, кўзи ожизлар билан тифлопедагогика, акли ожизлар тарбияси ва таълими билан олигофренопедагогика шуғулланади.

Педагогика фанининг барча тармоклари ўзининг турли ривожланиш, тараққиёт босқичларига эгадир: уларнинг айримлари аник шаклланиб бўлган ва етарли даражада кенг ишлаб чиқилган (масалан, мактабгача таълим педагогикаси, мактаб педагогикаси); бошқалари ўзининг шаклланиш жараёнини бошдан кечирмоқда (масалан, олий таълим педагогикаси, ишлаб чиқариш педагогикаси, педагогик бошқарув); баъзи тармоклар педагогикасининг ажралиб чиқиши эндиғина бошланмоқда.

Педагогика фан сифатида шакллангунга кадар ҳам инсонлар билан ўзаро муносабатда бўлиш, мулокот маданияти, устоз-шогирд муносабатлари, ёшларга оиласда, жамоат жойларида таълим-тарбия бериш, катталар билан ёшларнинг муносабатлари, ота-она ва фарзанд муносабатлари, умумий қилиб айтганда, таълим-тарбия йўналишида илғор тажрибалар мавжуд бўлган ва улардан бугунги кунда ҳам фойдаланилиб келинмоқда.

Қадимий ва Ўрта Шарқ адабиёти намояндалари орасида назарий-педагогик тусга эга қатор илмий карашлар мавжуд бўлган. Улар орасида Ал Форобий, Алишер Навоий, Абу Али ибн Сино ва бошқаларнинг асарларини мисол келтириш мумкин.

Форобий инсонни дунё тараққиётининг энг мукаммал ва етук якуни деб билади. Шунга кўра, ўз асарларида инсонга тарбия ва таълим бериш зарурлигини айтади ва бунда таълим-тарбия усулларидан кутилган мақсад масалалари асосий ўрин эгаллашини қайд этади.

Форобий инсон ҳаётида, асосан, унинг икки томонига: акли-онгига ва ахлоқига эътибор беради. Шунинг учун таълим-тарбия, унинг фикрича, инсонни аклий томондан ҳам, ахлоқий томондан ҳам етук ва мукаммал киши қилиб етиштиришга каратилмоғи лозим.

Форобий таълим-тарбия ишига киришиш, уни бошлишдан аввал одамларнинг шахсий хислатларини билиш лозимлигини айтади.

Форобийнинг таълим-тарбия ҳақидағи қарашларида инсонпарварлик ғоялари алоҳида ўрин тутади. Унинг уқтиришича, инсонни баҳт-саодатга элтувчи жамоа етук жамоа бўла олиши, инсонни тарбиялаш икки хил усул ёрдамида олиб борилиши мумкин.

Тарбияланувчи ихтиёрий равишда зарурий, ақлий ва ахлоқий хислатларни – билимли бўлишга, тўғрилик ва хақиқатни севишига, жасур, дўстларга садоқатли бўлиш сингари фазилатларни згаллашга интилоғи лозим. Бундай инсоний фазилатларга эга бўлиш учун баҳт-саодатга элтувчи жамоа бўлиши керак.

Форобийнинг мазкур фикрларига асосланган ҳолда, юкорида санаб ўтилган педагогика фанларининг мақсад ва вазифаларига эътибор қаратадиган бўлсак, улар инсонларнинг ёшига, касбига ва фаолият турига, психологик ривожланиш хусусиятларига, ақлий ва жисмоний ривожланиш хусусиятларига кўра бир-биридан фарқ килишини, яъни уларнинг тадқикот обьектлари турлича эканлигини кўрамиз. Лекин шуни ҳам таъкидлаш жоизки, ихтиёрий умумий ўрта таълим муассасасида турли йўналишларда, турли хил касб эгалари фаолият кўрсатади, шунингдек, турли ёшдаги ва психологик ривожланиши турлича бўлган болалар ўкув фаолияти билан шуғулланилади, мактабгача ёшдаги болалар гурухлари ҳам фаолият кўрсатади, педагогик ходимлар ўртасида олий, тўлиқсиз олий ва ўрта маҳсус маълумотга эга бўлган ўқитувчи ва тарбиячилар мавжуд бўлади.

Шундан келиб чикиб айтиш мумкинки, умумий ўрта таълим муассасалари педагогика фанининг барча йўналишлари учун обьект ҳисобланади. Шундай экан, умумий ўрта таълим муассасаларини бошқариш жараённида педагогика фанларининг ўрни бекиёс бўлиб, педагогиканинг асосий тушунчаларини барча раҳбарлар билиши ва улардан ўз бошқарув фаолиятларида самарали фойдалана олишлари зарур.

### **3. 2. ТАЪЛИМ-ТАРБИЯ ЖАРАЁНИНИ ТАШКИЛ ЭТИШ ВА БОШҚАРИШДА ПЕДАГОГИКАНИНГ АСОСИЙ ТУШУНЧАЛАРИ**

Мактаб раҳбарларининг таълим муассасасида таълим-тарбия жараёнини илмий асосда ташкил этиши ва уни бошқариши ҳамда жамоа фикрини ўрганиши, шунингдек, ўз устида ишлиши жараёнларида бошқарувчилик кобилиятларини мустақил шакллантириб боришлини шахсий ривожланишнинг асоси бўлган асосий педагогик тушунчалар тизими мухим аҳамият касб этади.

Педагогика фан сифатида шаклланар экан, бошқа фанлардан фарқли равища ўзининг асосий тушунчаларига эга. Педагогиканинг асосий тушунчалари (8-шакл) чизмада кўрсатилганидек ривожланиши белгилайди, бу тушунчалар физиология ва психология фанларидан таниш бўлса-да биз уларнинг ўзаро боғлиқлигига тұхтalamиз.

Шахснинг ривожланиши, аввало унда шахсий хислатларнинг шаклланиши билан белгиланади. Ривожланиш ўзида шахснинг жисмоний, ақлий, ахлоқий ва бошқа хислатларининг такомилини намоён этадиган жараён хисобланади.

Ривожланиш – бу инсоннинг рухияти ва организмидаги сифатий ўзгаришлардир. Бу ўзгаришлар ижтимоий мухит, уй-жой шароитлари, уни курсаб турган кишиларнинг таъсири натижасида юз беради. Инсонга туғма равища хатти-харакатларнинг ҳеч қандай, на ижтимоий, на ноижтимоий дастурлари берилган эмас. Ҳар бир инсон учун, шахс сифатида фазилатларнинг шаклланиш жараёни амалда нолдан бошланади. Шунинг учун ҳам маълум мақсадларга йўналтирилган таълимтарбия шароитлари инсон шахсини шакллантиришнинг умуний конуниятларини инкор этмайди.

Инсоннинг ривожланишида, яъни уни тарбиялашда жамият томонидан ташкил этилган таълим муассасаларининг ва таълимтарбия жараёнига катнашаётган барча кишиларнинг фаолиятлари, яъни тарбия мухим роль ўйнайди.

**Тарбия** – инсонлар ривожланишида асосий роль ўйнайдиган жараён бўлиб, бир авлод ижтимоий тажрибасининг кейинги авлодлар томонидан ўзлаштирилиши ва уларнинг ижтимоий ҳаётга кўшилишларини таъминлаб берувчи зарурий фаолиятдир. Тарбия – инсон тарбияланганлигининг мезони сифатида шахсий хислатларни шакллантириш билан боғлиқ ҳолда тарихан шаклланиб келган педагогик тушунча. Унинг ёрдамида инсоннинг ривожланишига ташки мухитнинг таъсирини фан ва амалиёт исботлаб беради. Инсон бутун умри давомида ҳаётда кимнингдир тажрибасига таянади ҳамда унга асосан ўзининг кўникма ва малакаларини шакллантириб боради. У фактат ўтмиш меросхўри сифатида ижтимоий ҳаётга кўшилиб боради ва келажак учун тайёрланади.

Тарбиявий жараён – ривожланиб бораётган авлоднинг катта ёшдагилар тажрибасини эгаллаб бориши жараёни бўлиб, у инсонлар ривожланишини бошқариш ҳамда уларнинг шахсий хислатлари шаклланишига зарур шароитлар яратиб беради. Айрим ҳолларда тарбия билан ривожланиш ўртасида ўзаро боғлиқлик йўқдек туюлади, аслида улар ўртасида боғлиқлик жуда мураккаб ва аҳамиятлидир. Инсон шахси тарбия жараёнида ривожланиб боради, ривожланиш даражаси унинг тарбиясига ижобий таъсир кўрсатади яъни ўзгартиради, шакллантиради. Яхши ташкил этилган тарбия жараёни шахснинг ривожланиш даражасини тезлаштиради ва яна тарбияга қайта таъсир кўрсатади. Шу тарзда инсоннинг бутун ҳаёти давомида бу таъсир ва акс таъсирлар ўзаро бир-бирини тўлдириб, таъминлаб боради.

“Тарбия” атамасидан кўпгина педагогик атамалар келиб чиқкан: *тарбиячи*, *тарбияланувчи*, *тарбияланган*, *тарбияланганлик*, *тарбиявий* ва хоказо. Буларнинг барчасининг манбаси, негизи ва ўзаги битта.

Тарбиячи – инсон, авлодлар тажрибасини эгаллаш учун мажбурий ёки зарурый таъминотчи. Тарбияланувчи – тажрибаларни эгаллайдиган ва ўрганадиган шахс. Тарбияланган (тарбия кўрган) – тажрибаларни яхши эгаллаган ва унумли фойдаланувчи.

Тарбияланганлик – шахснинг сифат кўрсаткичи, тажрибаларни яхши ўзлаштирганлиги, тарбиявий-ривожлантириш мақсадида йўналтирилганлик. Масалан, тарбиявий алокалар, тарбиявий жараён, тарбиявий тизим, тарбиявий ишлар ва тадбирлар...

Ҳаётда “тарбия” жуда кенг кўлланилади. Тажриба ўргатиш, тарбиялаш оммавий ахборот воситалари ёрдамида, санъат орқали, бошқарув тизими ва ташкилотларда сиёсий, маънавий ва маърифий ишларни ташкил этиш орқали амалга оширилиши мумкин. Буларни амалга оширишда маълумот мухим аҳамият касб этади.

Маълумот – маълум мақсадга йўналтирилган, инсон шахсининг ривожланишини таъминловчи, маҳсус ташкил этилган тизим бўлиб, ўқитиш жараёни ва унинг натижаси хисобланади.

Маҳсус ташкил этилган маълумот берувчи тизим – бу таълим-тарбия муассасаси, қайта тайёрлаш ва малака ошириш институти, ўқув-моддий база, молия, кадрлар, илмий-методик

таъминот. Уларда маълум максадларга кўра тажрибалар ўргатиш ва ўрганиш махсус дастурларга асосан тегишли маълумоти, касб тайёргарлиги бор ва юксак ахлоқий фазилатларга эга бўлган шахслар томонидан амалга оширилади.

Маълумот аниқ бир ёшдаги шахсларда билим, иқтидор ва кўникмаларнинг ўзлаштирилганлигини, интеллектуал қобилияти ўсганлигини ва улар асосида илмий дунёкарош, шахсий сифатлар шаклланганлигини, уларнинг ижобий кучлари ва қобилиятларининг қай даражада ривожланганлигини англатади. Қачонки инсон маълумоти тўғрисида гапирилганда унинг маълумотлилиги тушунилади.

**Маълумотлилик** – шахсий сифат кўрсаткичи, яъни шахснинг ривожланиш даражаси, унинг тажрибаси, кўникма ва малакаларни қай даражада ўзлаштирганлиги ва улардан фойдаланиш хамда улар ёрдамида янги билим-кўникмаларни эталлаб, тўлдириб бориш қобилиятлари тушунилади.

“*Маълумот*” тўғрисида гапирап эканмиз маълумотли бўлиш учун “*тарбия*” ўзи етарли эмас, бунда маълум бир жараёнлар мавжуд бўлиб, бу жараёнларни ташкил этиш негизида “*таълим*” тушунчаси мавжуд.

**Таълим** – тажрибалар алмасиниши жараёни бўлиб, режали равишда амалга ошириладиган “ўқитувчи-ўкувчи-ўқитувчи” мулоқоти, унинг натижасида маълумот, тарбия ва ривожланиш амалга ошади.

Маълумот олиш тизимида таълим асосий роль ўйнайди. Максадига кўра у иккита асосий қисмдан иборат: тажрибаларни ўргатиш (ўқитиш) ва уни ўрганиш (ўкиш). Ўқитиш – миллий қадриятларимизни, ҳаётий тажрибаларни, фан ва техника соҳалидаги ютукларимизни ёш авлодларга ўргатишни таъминлайди. Ўкиш – миллий қадриятларни, фан-техника соҳасидаги ютукларни, тажрибаларни ўрганиш, тушуниш, тафаккурни ривожланиши, мустақил фикрлаш ва улардан ҳаётда фойдаланиш учун кўникма ва малакаларни шакллантиради. Ўқитиш – педагогик фаолият (ўқитувчи, ишлаб чиқариш таълими устаси, тарбиячи фаолияти), ўкиш – ўкувчи (ўрганувчи, тарбияланувчи, таълим олувчи) фаолияти.

“Таълим”, “тарбия” ва “маълумот” тушунчалари бир-бирини тўлдириши ҳамда биринчиси-иккинчисининг, иккинчисини-учинчисининг таъминловчиси.



8-шакл. Асосий педагогик тушунчалар тизими

Педагогика фани “ўзини-ўзи тарбия”, “мустақил маълумот”, “мустақил таълим” тушунчалари орқали инсоннинг тұғма истеъдоди, қобилияти, ҳис-туйғулари ҳамда ички дүнёсининг шахсий ривожланишидаги ахамиятини ёритиб беради. Инсоннинг ички дүнёсида шундай ҳаракатланувчи күчлар мавжудки, булар инсон шахсининг ривожланишида асосий роль йүнайды.

Ривожланиш – бу объектив жараён бўлиб, ташки ва ички бошқарилувчи омиллар томонидан микдор ва сифат жиҳатидан физик ва маънавий шаклланиш, яъни, шахснинг фазилатлари, сифатлар ва хулқларнинг шаклланиши, тушунчаларнинг чукурлашиши, кенгайиши, осондан - кийинга, оддийдан - мураккабга, мавхумдан - билишга, оддий ҳаёт кечириш шаклларидан - олий фаолиятга ўтиш жараёнидир.

**Ўзини-ўзи тарбия** – бу ички туйғулар ёрдамида миллий қадриятларни, инсон ҳаётидаги ютуқ ва муаммоларни, тажрибаларни ўрганиш, кўнукма ва малакалар ҳосил қилиш, яъни, мустақил ривожланиш жараёнидир. Таълим-тарбия жараёни қандай ташкил этилмасин, ўзини-ўзи тарбиялашсиз уни амалга ошириб бўлмайди.

**Мустақил маълумот** – бу авлодлар тажрибасини, фан ва техника ютукларини ўз ички туйғулари асосида мустақил ўрганишга қаратилган ҳаракатлар мажмуасининг натижаси бўлиб, инсоннинг шахсий қобилиятларини ривожлантириш жараёни хисобланади. Мустақил маълумот инсон шахси ривожланишида, тажрибаларни эгаллашида кулагиликлар яратса, мустақил таълим эса таълим олишнинг асоси хисобланади.

**Мустақил таълим** – бу инсоннинг ўзи танлаган воситалар ва адабиётлар ёрдамида авлодлар тажрибасини, фан ва техника ютукларини ўрганишга йўналтирилган шахсий ҳаракатлар жараёни. Бунда инсоннинг ички дунёси, хис-туйғулари, мустақил фикрлаш қобилияти асосий роль ўйнайди. Бир ҳадисда “Сўзда сехр, шеърда ҳикмат бор” дейилганидек, бу ҳақда шеъриятда шундай ҳикматли мисралар бор:

“Кимки ололмаса ҳаётдан таълим,  
Унга ўргатолмас ҳеч бир муаллим”.

Шундан келиб чиқиб, “тарбия” – “ўзини-ўзи тарбия”, “маълумот” – “мустақил маълумот”, “таълим” – “мустақил таълим” тушунчалари бир-бирини тўлдирувчи ҳамда бириккинчисининг, иккинчиси-учинчисининг таъминловчиси сифатида шахснинг ривожланиши ҳамда шахсий қобилиятларини шакллантириш учун хизмат килишининг умумий ўрта таълим муассасалари раҳбарлари томонидан инобатга олиниши, замонавий педагогик ва ахборот технологияларини ҳамда бошқарувнинг инновацион метод ва усулларини, уларни жорий этиш технологияларини мустақил равишда ўрганишлари, шунингдек, таълим муассасасининг интегратив фаолиятига мураккаб педагогик тизим сифатида ёндашувни жорий этишларида, энг аввало, мактабларда таълим самарадорлигини

ошириш учун хизмат қиласы ҳамда тарбиявий муносабатларни амалга оширишларида мухим ахамият касб этади.


### **3. 3. БОШҚАРУВ ЖАРАЁНИДА ТАРБИЯВИЙ МУНОСАБАТЛАР**

Таълим-тарбия жараёнини ташкил этиш ва уни амалга оширишда, таълим муассасаси раҳбари, ўқитувчи-ходим ҳамда ўқувчилар ўзаро маълум бир белгиланган муносабатда бўладилар, бу муносабатларни иктиносидий, сиёсий ва бошка муносабатлардан фарқли равишда тарбиявий муносабатлар деб атаемиз.

Тарбиявий муносабатлар – инсонлар ўртасидаги доимий муносабат (алоқалар) бўлиб, улар инсон шахсини ривожлантиришга, яъни мустақил маълумот, мустақил таълим олиш ва ўзини-ўзи тарбиялашни шакллантиришга хизмат қиласи, шунингдек, бу бошқарув жараёнида раҳбарлар билан ходимлар ўртасидаги муносабатларда турли шаклларда намоён бўлади, яъни, раҳбарларнинг билими, муомала ва мулокот маданияти, кийиниши, гавда харакатлари, бошқарувчилик кобилияти, фантехника, санъат ва табиатга бўлган муносабати ҳамда кизиқиши ходимларнинг фаолиятига ўз таъсирини кўрсатади.

Тарбиявий муносабатлар – бу инсонларнинг ўзаро тажриба алмашиниши, тажрибаларни ўзлаштириши, кўллаши бўлиб, бунга фан, техника, санъат ва табиат билан бўлган муносабатлар ҳам киради. Буларга асосан тарбиявий муносабатларнинг асосий шаклларини ажратиб кўрсатиш мумкин: “инсон-инсон”, “инсон-китоб-инсон”, “инсон-техника-инсон”, “инсон-санъат-инсон”, “инсон-табиат-инсон” шулар жумласидандир. Бу тарбиявий муносабатлар жараёнида инсон иккинчи бир инсонга бевосита ўзининг харакатлари билан ёки воситалар ёрдамида таъсир ўtkазиши мумкин, буни биз қуйидаги (9-шакл) чизмада ҳам кўришимиз мумкин.

Тарбиявий муносабатларни – инсонлар ўртасидаги доимий муносабат, яъни алоқалар тизими деб ҳисоблар эканмиз, бу жараён ихтиёрий таълим муассасаларидағи раҳбарлар билан ходимлар, ўқитувчи ва ўқувчилар ўртасидаги муносабатларни ҳам камраб олади.



9-шакл. Тарбиявий муносабатлар тизими

Юкоридаги чизмага асосланадиган бўлсак, “инсон-инсон” муносабатлари шаклида биринчи ўринда раҳбарнинг ўз ходимлари билан “раҳбар-ходим”, ўқитувчининг ўз ўқувчилари билан “ўқитувчи-ўқувчи” муносабатларини, яъни, бошқарув жараёнида ўзаро бевосита таъсир мавжудлигини кўрамиз.

Бу бевосита таъсир, мулокот жараёнида ёки мулокотсиз масофадан туриб ҳам мавжуд бўлиши мумкин. Мулокот жараёни сўзлар ёрдамида маълумот узатиш, яъни, таъсир этиш бўлиб, бунда раҳбарнинг нутки билан бир каторда гавдасининг ҳолати, кўл ҳаракатлари, овозининг оҳангига ва атрофидаги ҳолат ҳам жуда катта аҳамият касб этади. Шунинг учун раҳбар мулокот жараёнида қандай сўз ва атамалардан фойдаланишига, ургуни каерга кўйишига, қанака интонация билан гапиришига ҳам эътиборини қаратмоғи зарур ҳисобланади.

Мулокот жараёнида раҳбарнинг самимий ва диққат билан ўз сухбатдошига караб туриши ва уни тинглай билиши,

сұхбатдошига ўз фикрини тұла ва түгри ифодалаши ҳамда самимий сұхбатлашиши учун имкон яратиш билан бир каторда үқитувчи-ходимларнинг ўз раҳбарлари билан бемалол сұхбатлашишлари, ўз фикрларини ва таклифларини раҳбарларга билдиришлари, янгиликлар яратиш борасыда ҳам раҳбарларга сұяниш мүмкінлігіга ишонч ҳосил қилишларида, шунингдек, үқитувчи ва ўкувчилар ўртасидаги мұносабатларда ҳам ўзининг ижобий самарасини беради.

Ихтиёрий раҳбар ўз үқитувчи-ходимларининг барчаси билан ҳам доимий жонли мулокотда бўлавермаслиги ҳаммамизга маълум, шунга қарамасдан, барча үқитувчи-ходимлар, шу катори ўкувчилар ҳам раҳбар билан доимий, бевосита ўзаро таъсирда бўлиши тарбиявий мұносабатларда намоён бўлади. Бундай бевосита таъсир масофадан туриб, мулокотсиз тарбиявий жараёнда вужудга келади ва ундан раҳбар ҳам, үқитувчи-ўкувчилар ҳам бир хилда таъсирланишлари мүмкін. Яъни, үқитувчи ва ўкувчиларнинг ташки кўриниши, кийиниши, ютуклари, фан ва спорт йўналишлари бўйича турли мусобақалардаги ғалабалари раҳбарнинг кайфиятига ва унинг рейтингига қандай таъсир кўрсатса, раҳбарнинг ташки кўриниши, кийиниши, билими, жамоадаги мавқеи, ўзи каби таълим муассасалари раҳбарлари ўртасидаги обрўси, фан-техника, спорт ва санъатга бўлган кизиқиши үқитувчи ва ўкувчиларнинг фаолияти ҳамда ўзаро мұносабатларига шундай таъсир кўрсатади.

Инсон ўзига ёқкан, ўзи ҳавас қиласидиган, истараси иссик, хушфеъл, билимдон ва қобилиятли бўлган шахсни кўриши, унинг жилтмайиши, бирдан кайфиятининг кўтарилишига сабаб бўлади. Шундай экан раҳбарнинг соколи олинганилиги, соchlарининг тозалиги ва тартиблилиги, дадил қадам, маънодор ҳатти-харакат, самимий жилтмайишлар унинг ташки кўриниши ҳисобланиб, тоза, дазмол босилган, сифатли кийим кийиши, кийимларининг үқитувчи ва мураббий раҳбарларга мос бўлиши, шунингдек, кабинетининг тоза ва тартибли бўлиши, китоблар шкафида замонавий адабиётлар, дарслик ва қўлланмалар, айниқса, ўз үқитувчилари томонидан тайёрланган методик маҳсулотларнинг бўлиши тарбиявий мұносабатларда жуда катта ахамият касб этади.

“Инсон-инсон” мұносабатларида мулокот жараёнини ва мулокотсиз ўзаро таъсир жараёнларини түгри ташкил этиш билан бир каторда раҳбарлар ўз ходимларининг меҳнатларини түгри

баҳолай билишлари ҳам зарур ҳисобланади. Оддий бир мисол келтирадиган бўлсак, раҳбар бинога ёки кабинетига киришида оёгини пол артиш латтасига артиб кириши, яъни, фаррош меҳнатини кадрлаши, турли тадбирларда илғор тажрибага эга бўлган ўқитувчилар қатори, вижданан меҳнат қилаётган фаррош ва бошка техник ходимларни ҳам мукофотлаб, рағбатлантириб бориши жамоа аъзолари ўртасида мажбурий итоаткорлик ўрнини онгли интизом згаллашига имкон яратади.

“Инсон-китоб-инсон” муносабатларига келадиган бўлсак, инсон бутун умри давомида тажриба орттириб борар экан, у ўз ҳётида дуч келган муаммолар ва уларнинг ечимларини, инсон эҳтиёжи учун зарур бўлган янгиликларни қофозга тушириб китоб яратади ва бу китоб иккинчи бир инсоннинг тарбияланишида, ҳёйтда ўз ўрнини топишида энг асосий манбалардан бири бўлиб хизмат қиласди.

Шундай экан, раҳбарнинг билими, илмий даражаси, илмий-ижодий ишлари, унинг жамоадаги мавқеига ҳамда жамоа аъзоларининг фаолиятига ўз таъсирини кўрсатади. Бунда раҳбарнинг ўз устида тинмай ишлаши, фан-техника янгиликларидан ўз вактида хабардор бўлиши, кўп китоблар ўқиши зарур бўлиб, у ўзи ўтказадиган йигилишларда ҳар бир сўзини илмий асосланган маълумотларга, китоб ва бошка манбаларга боғлаб маъруза қилиши, нутқининг равон бўлиши ўқитувчи-ходимлар ва ўкувчилар билан бўлган муносабатларда ўз самарасини кўрсатади.

Раҳбар яратган янгиликлар, унинг илмий-ижодий меҳнати, ёзган китоблари, кўлланма ёки илмий-услубий маколалари ўз жамоасидаги тарбиявий муносабатларни тартибга солиб бориша асосий воситалардан бири сифатида хизмат қилиши мумкин. Яъни, таълим муассасаси раҳбари шахсан ўзи турли мавзулардаги илмий-амалий конференцияларда ўз мақолалари билан иштирок этиб борса, мактаб кутубхонасини янги адабиётлар билан бойитса, фан ва техника янгиликлари бўйича ўкув семинарларини ташкил этиб борсагина, жамоанинг илмий ижодий фаолият билан шуғулланишлари учун зарурий шароит яратади, шу билан бир қаторда ўқитувчиларнинг ўз устида ишлаши, билим, тажриба ва кўнилмаларни ривожлантириб боришларини талаб қиласди.

Демак, “инсон-китоб-инсон” муносабатларида раҳбар ўз муассасасининг ўқитувчи ва ўқувчиларини янгиликлар билан таништириб боришда, билим олишга ва ижодий ишлашга чорлашда фақат куруқ сўзлар билан эмас, балки, ўзининг ижодий меҳнатининг маҳсулни бўлган китоби ёки илмий-услубий мақолалари билан ижодий таъсир кўрсатиши мумкин.

Таълим муассасаларида экологик тарбия таълим-тарбия жараёнининг таркибий қисми бўлиб, у ўқитувчи ва ўқувчиларда табиатга онгли муносабатда бўлиш, табиат заҳираларини саклаш ва кўпайтиришга оид масъулият туйғуси хамда экологик муаммоларни амалий ҳал килишдаги кўникмаларнинг ривожланишида муҳим аҳамият касб этади. Шундай экан, “инсон-табиат-инсон” муносабатлари ҳам бошқарув фаолиятида раҳбарларга жуда катта вазифалар юклайди, масалан, таълим муассасасининг ташки кўриниши, яъни, ер участкаларидаги дарахт, мевали дарахтлар, гулларнинг турлари, уларнинг парвариши қилиниши хамда уларга берилаётган эътибор раҳбарнинг рейтингига таъсир килиш билан биргаликда ўқитувчи-ходим ва ўқувчиларнинг табиатга бўлган муносабатларига ҳам ўз таъсирини кўрсатади.

Инсон билан табиатнинг ўзаро таъсирини англаш ва унга эътибор қаратиш шахс илмий дунёкарашининг ривожланиш жараёни бўлиб, бу жараёнда “инсон-табиат-инсон” шаклидаги тарбиявий муносабатлар намоён бўлади ва бунда табиат қонуниятларининг инсон томонидан ўзлаштирилиши, табиат қонуниятларига оид таълим-тарбия асосида табиат яхлитлиги хамда атроф-муҳитнинг инсон томонидан ўзгартирилиши хақидаги тасаввурлар шаклланади.

“Инсон-техника-инсон” муносабатларида инсон ўз тафаккури, билими ва қобилияти билан ҳаётий эҳтиёжларни қондириш мақсадида техникани яратади, мураккаб тузилишга ва ишлаш принципига эга бўлган техникадан фойдаланиш учун эса, унинг тузилишини ва ишлаш принципини ўрганиш зарурияти туғилади, шунингдек, бу техникадан фойдаланиш услублари ҳам инсон томонидан яратилади. Бундан кўриниб турибдики, инсонлар томонидан яратилган техника ва техника воситалари бошқа бир инсонларни билим олишга, янгиликларни ўрганишга, илмий-ижодий фаолият билан шуғулланишга чорлайди.

Тарбиявий муносабатларда инсон иккинчи бир инсонга техника воситалари ёрдамида таъсир этиши ёки инсоннинг бирор бир техникага қизиқиб қолиши унинг хаётида жуда мухим роль ўйнаши мумкин. Бутунги кунда турли давлатларнинг оммавий аҳборот воситалари томонидан берилётган маълумотлар, кабель телевидениеларининг кўрсатувлари ёки “интернет-кафе” шахобчаларидаги компьютер ўйинларининг ўқувчи-ёшлар тарбиясига ва уларнинг келажагига бўлган таъсирини турлича таърифлаш мумкин. Биз асосан таълим муассасаларидаги тарбиявий муносабатлар ва раҳбарларнинг вазифалари тўғрисида фикр билдирамокчимиз.

Таълим муассасалари раҳбарларининг ўқитишнинг техникавий воситаларини яхши билиши, компьютер техникаларига қизиқиши ва улардан оқилона фойдаланиши, дарсларда ва йиғилишларда, ўқув-семинарларида слайд, электрон дарслик, ўқув-лаборатория машғулотларининг электрон вариантларидан фойдаланишга эришиши тарбиявий муносабатларда ўзининг ижобий самарасини беради.

Таълим муассасасида компьютер техникаси воситаларининг янги авлодларининг бўлиши ва улардан барча ўқитувчи ва ўқувчиларнинг фойдаланишлари учун, шунингдек, компьютер техникаларидан фойдаланишни ўрганишлари учун шароит ва имкониятлар яратилиши ўқитувчи-ходимлар ва ўқувчиларда раҳбарга нисбатан бўлган хурмат ва зътиборни кучайтиради ҳамда уларнинг компьютер техникаларига бўлган қизиқишини ривожлантириш билан бир каторда, улардан фойдаланишни ўрганишта ҳамда яратилган имкониятлардан мустақил фойдаланишга ундаиди.

“Инсон-санъат-инсон” шаклидаги муносабатлар ҳам таълим муассасаларидаги бошқарув жараёнида ўзига хос аҳамият касб этади, чунки санъат бор жойда янгиликка интилиш, меҳр-муҳаббат, инсонийлик туйгулари ҳукм суради.

Ҳар бир инсон қайсиdir бир санъат турига қизикади, қайсиdir бир санъаткорни севиб тинглайди ва уни кўрганда ёки эшитганда беихтиёр қайфияти кўтарилиб кетади. Таълим муассасаси раҳбарининг санъатга бўлган қизиқиши нафақат бошқарув жараёни, балки, ўкув жараёнига ҳам ўз таъсирини

кўрсатади, чунки таълим олаётган ўқувчи-ёшларнинг ўртасида бир неча бўлажак буюк санъаткорлар ҳам бўлиши мумкин.

Таълим муассасаси раҳбари ҳар доим ходимларнинг меҳнатга ижодий муносабатда бўлишига таъсир этадиган субъектив ҳамда объектив омилларга эътибор бериши керак. Тарбиявий муносабатларда шахсга турли воситалар орқали тарбиявий таъсир кўрсатилади. Бундай воситалардан бири таълим муассасаси раҳбарининг санъатга қизиқиши, санъатга ва санъат турларига бўлган муносабатлардаги шахсий намунаси бўлиб, бу таълим муассасасида санъат турлари бўйича тўғаракларнинг фаолият кўрсатишида, ўқитувчи ва ўқувчиларнинг турли байрамларда, кўрик-танловларда ва фанлар бўйича ўтказиладиган кечаларда ўз қобилияtlари билан иштирок этишларида ҳамда бундай қобилият эгаларининг ўз вақтида раҳбар томонидан рағбатлантирилиб борилишида намоён бўлади.

### 3. 4. ПЕДАГОГИК ТАДҚИҚОТ ФУНКЦИЯЛАРИ

Илмий нуктаи назардан дидактика таълим жараёнларини тушунтириш, ривожланиш истиқболларини кўрсатиш, амалда таълим-тарбия жараёнига таъсир этиш ва уларга баҳо беришни мақсад килиб қўяр экан, куйидаги функцияларни бажаради.

Дискриптив функцияси. “Дискриптив” сўзи инглизчадан олинган бўлиб, “ёритиш”, “тасвиrlаш” деган маънони билдиради. Тасвиrlаш кўпинча ташхис шаклида бўлиб, у таълим-тарбия жараёнида учраётган чекланишларнинг кай йўсингандалигини аниклаш учун хизмат килади.

Педагогик ташхиснинг мақсади фақат содир бўлган чекланишларнинг шакли, ҳажми ва хусусиятини аниклаш эмас, балки бу чекланишлар ўкув тарбия тизимининг қайси бўғинлари сусайганлиги сабабли юз берганини аниклашдан иборат.

Тушунтириш функцияси. Педагогик тадқиқотнинг бу тури экспериментлар ўтказиш билан боғлиқdir. Бунда таълим жараёнининг барча шароитлари сақланган ҳолда, ўкув жараёнига ўзгартирувчи омиллар киритилиши натижасида педагогик тадқиқот таълим-тарбия жараёнининг қонуниятларини очиш имкониятини яратади.

**Олдиндан кўра билиш функцияси.** Педагогик тадқиқотларнинг таълим-тарбия жараёнларини олдиндан кўриш йўналишидаги тадқиқотлар, изланишлар жараёнларининг қандайлигини кўрсатиш билан бирга, жараён юз берадиган даврдан кейинги замонда қандай ўзгаришлар, қандай боғланган қонуниятли педагогик ва бошқа жараёнлар юз беришини олдиндан кўра билишига асос бўла олади. Шу билан бирга олдиндан кўра билиш функцияси содир бўлиши мумкин бўлган жараёнларни биз истаган йўналишда ривожлантириш имкониятларини ва уларга тегишли, етарли даражадаги объектив, ҳар томонлама аниқ баҳо бериш имкониятларини ҳам яратади. Натижада юкорида кўрилаётган тадқиқотлар ўтмиш, ҳозирги замон ва келажак ўртасида мустаҳкам кўприк ясаш, таълим ва тарбия ҳақида кишилик жамияти тўплаган битмас-туганмас тажрибаларни тўла-тўқис келгуси авлодлар фаолиятига татбиқ этиш учун тайёр кўрсатмалар, хулосалар ишлаб чикиш имкониятини яратади.

**Амалий функцияси.** Педагогикада, хусусан дидактикада ўтказиладиган тадқиқотларнинг амалий функцияси таълим жараёнидаги очилган қонуниятларни, объектив дидактик ҳақиқатни янада чуқуррок тушуниш ва бу жараёнларга тадқиқотчи нуқтаи назаридан амалий таъсир кўрсатиш имконини беради.

Педагогик тадқиқотларнинг функциялари бир-бирлари билан узвий равишда боғлиқdir. Нисбатан оддий, оммабоп ҳисобланган таснифлаш, тушунтириш тадқиқотлари таълим ва тарбиянинг ҳозирги ахволини ёритиш ҳамда уни ривожлантириш имкониятини юзага келтиради. Тажриба, экспериментал тадқиқотлар таълим қонуниятларини тушунтирувчи назарияларни яратиш имконини беради. Тушунтириш ва экспериментал маълумотларга асосланиб, келгусида юз бериши мумкин бўлган ҳодисалар хусусида дастлабки хулосалар чиқарилади ва истиқболдаги ишлар режаси ва дастури тузилиб, бевосита амалда татбиқ этиш жараёнига ўтилади.

### **3. 5. ПЕДАГОГИК ТАДҚИҚОТ МЕТОДЛАРИ**

Ҳар қандай илмий хулоса тажриба ва илмий тадқиқотларга асосланади. Педагогика, хусусан таълим ва тарбияда илмий

тадқиқотлар хеч қачон тұхтамайды ва узлуксиз давом этаверади. Педагогик тадқиқотларнинг предмети сифатида мактаблардаги таълим-тарбия жараёни, унинг мақсади, мазмун ва моҳияти, үқитувчи, үқувчи ва раҳбарларнинг фаолияти, ташкилий шакл ҳамда ижтимоий шароитлар хизмат қиласы.

Педагогиканың предмети таълим ва тарбия билан бөглиқ турли шакл ва турларда юз берадиган ходисалар, омиллар хисобланады. Таълим ва тарбия бошқа ижтимоий воқееликпәрдан үзига хослиги билан ажралиб туради. Педагогик тадқиқотларнинг предмети ижтимоий фаолиятнинг алоҳида шакли бўлган педагогик фаолият бўлиб, унинг мақсади таълим-тарбия бериш ва үзгариб бораётган ижтимоий-иктисодий талаблар асосида инсонларни тарбиялашдир.

Педагогик фаолият үқитувчи ва үқувчиларнинг хатти-харакатларидан иборат. Бундай фаолият натижасида үқувчилар билим, иктидор ва кўникмаларга эга бўладилар, ўз дунёкарашини, шахсий кадриятлар тизимини шакллантирадилар. Таълим-тарбия натижасида үқувчи шахсининг турли хислатлари шакллантирилади. Бундай үзгаришларни кузатиш, хисобга олиш педагогик тадқиқотларнинг асосларидан хисобланади.

Юкоридаги үзгаришлар, бир томондан, үқитувчининг педагогик фаолияти таъсиридаги ва ўз шахсий хатти-харакатлари таъсиридаги үзгаришлар орасидаги конуниятларни очишга, уларни таҳлил килишга имкон беради. Үқувчилар ва үқитувчиларнинг үқув фаолиятлари, харакатлари, таълим мазмунни, услугуб ва воситалари орасидаги бөгликлеклар, табиат конуниятлари каби объектив хусусиятларга згадир.

Таълим ва тарбияга тааллукли хатти-харакатларни тафаккурга асосланиб таҳлил килиш педагогика ва дидактикада ятона усул хисобланади. Ян Амос Каменскийнинг “Буюк дидактика”, К.А.Ушинскийнинг “Инсон тарбия предмети сифатида” асарларида масалага шундай ёндашишни кўриш мумкин.

Үқув-тарбия жараёни ҳақида жиддий холосалар чиқариш учун мунтазам равиша олиб борилган кузатишлар, тажрибаларга асосланган тадқиқотлар натижалариға асосланиш таълим-тарбия жараёнини илмий асосда ташкил этиш ва уни бошқаришда муҳим аҳамият касб этади.

## Тадқиқотларни тарихий таққослаш методлари

**Тарихий методлар.** Педагогик тадқиқотлар асосан ўқитувчининг педагогик фаолияти билан ўқувчиларнинг ўқув ва мустакил таълим фаолияти хамда турли тадбирлардаги мустакил фаолияти натижасида уларнинг шахси, билим, иқтидор ва кўнимкамаларининг ўзгариши орасидаги боғлиқликни очишга каратилади. Тарихий тараққиётнинг турли даврларида ижтимоий муносабатлар таълим-тарбиянинг мақсад ва вазифаларини белгилаб берган. Масалан, ижтимоий-иктисодий шароит, ишлаб чикиришнинг ривожланиши, илмий-техникавий янгиликлар таълим-тарбиянинг мазмун ва моҳиятига, таълим жараёнини илмий асосда ташкил этиш ва бошқариш устубларини танлашга ўз таъсирини кўрсатади.

Таълим-тарбия жараёнида тарихан турли шароитларда юз берган ўзгаришларнинг хусусиятлари, тамоиллари, конуниятларини ўрганмасдан туриб, таълим жараёнини ташкил этиш ва бошқариш масалалари ҳакида кенг тасаввурга эга бўлиш мумкин эмас. Тарихий педагогик тадқиқотларнинг мақсади шундай конуниятларни аниклашдан иборатки, бу конуниятлар яқин ва узок тарихни ўрганиш билан бир қаторда замонавий ижтимоий-иктисодий шарт-шароитларнинг таълим-тарбия жараёнини ташкил этиш ва уни бошқаришга кўрсатаётган таъсирини, шунингдек, таълим муассасасининг келажагини белгилаш имкониятини яратиши зарур.

## Назарий таққослаш – солиштириш методи

Бундай педагогик тадқиқот ҳар бир таълим тизимидағи ўзига хос хусусиятларни, уларни тасдиқловчи омиллар тўпламини, турли тарихий даврлардаги ва турли тарбия мухитларига оид ўзига хос томонларни аниклашдан иборат.

Таълим тизимларининг ички хусусиятларини аниклаш, ўхшаш ва фарқли хусусиятларини белгилаб, уларнинг таълим тизимидағи умумий хусусиятлари билан боғлиқлик аломатларини ва алоҳида хусусиятлари сабабларини аниклаш имконини беради. Бу турдаги тадқиқотлар факат статистик маълумотлар ва

анкеталар натижасини таҳлил қилиш билан чегараланмайди. Таълим тизимларининг ўхшашик ва алоҳидалик аломатларини, уларнинг илдизларини, самарадорлигини аниқлаш бирмунча мураккаб бўлиб, таълим тизимларининг ютуқларини тадқик этувчи алоҳида илмий-тадқикот ишларини олиб боришни талаб этади. Таълим-тарбия омилларини тушунтириш ва уларга тасниф бериш назарий тақкослаш-солиштириш усулларининг асосий кисми ҳисобланади.

Бу турдаги изланишларнинг яна бир ўзига хослиги шундан иборатки, табиий фанларда умумий белгилар, атамалар, бирликлар мавжуд, педагогик тадқиқотларда эса бундай умумий ҳалқаро бирлик ва атамалар деярли йўқ. Шунинг учун ҳам олинган натижаларнинг таснифи бирмунча субъектив тус олиши мумкин. Бундай ҳолларда таълим ҳақидаги статистик маълумотларга математик ишлов бериш орқали тўғриланади.

**Кузатиш методи.** Кузатиш методи таълим-тарбиянинг мазкур вақтдаги ҳолатини аниқлаш имконини беради. Кузатиш усулиниң мақсади мавжуд омилларни ёритишдангина иборат бўлмай, олдиндан қўйилган мақсад йўналишида аникланиши лозим бўлган омилларни қидириш ва аниқлашдан иборат.

Кузатиш жарабёнида тадқиқотчими қизиқтирувчи муаммо ва вазифалар кузатишни танлаб ўтказиши такозо этади. Тадқиқотчи муайян танланган муаммони ҳисобга олиб, нимани кузатиш кераклигини танлаб олади. Шунинг учун ҳам у кузатиш натижасида ечилиши керак бўлган муаммони ҳали кузатишни бошламасдан олдинроқ билади. Натижада тадқиқотчининг кузатиш ва натижаларини умумлаштириши бирмунча осонлашади.

Бевосита кузатиш обьектни бевосита кузатиш имконияти бўлмаганда амалга оширилади, бунга шахснинг тутма қобилияти, имкониятлари, интизомлилик, ростлик, камтарлик, камсуқумлик каби хислатларини киритиш мумкин. Бундай хислатларни бевосита кузатиш натижасида аниқлаш кийин. Шунинг учун ҳам тадқиқотчи ўзига куляй кўрсаткичлардан фойдаланади.

Бевосита ва билвосита кузатиш билан бир каторда фаол кузатиш ҳам қўлланилади. Фаол кузатишда дидактик жарабёнда бевосита тадқиқотчининг ўзи катнашади ва жарабённинг боришига таъсир этади. Бунда иштирок этишининг ижобий томони шундан иборатки, тадқиқотчи бўлиб ўтаётган жарабённинг

икир-чикирларини тушуниб етади, бу эса ўкув жараёнини тадқиқот талабларига йўналтириш имконини беради. Бундай усул айрим камчиликларига карамасдан, ижодкор ўқитувчилар томонидан ўкувчилар фаолиятини фаоллаштиришда кенг кўлланилади.

Билвосита кузатиш тадқиқотчини ходисаларни ўрганишга кўпроқ жалб этиш имконини яратади. Машғулотлар стенограммалари, учинчи одам томонидан тайёрланган кузатиш баёнлари, фото-кинолавҳалар, расмлар, диаграммалар, статистик машғулотлар шулар жумласидандир. Бу ҳужжатлар педагогик фаолиятнинг натижаларини ҳамда ижтимоий мұхит, хусусан ўқитувчи фаолиятини, ўкувчи шахсида вужудга келадиган ўзгаришларни кузатиш имконини беради.

Илмий-текшириш максадларини аниқлаш тадқиқотчини кизиктириб колган муаммоли ҳолатни таҳлил қилиш эҳтиёжидан келиб чиқади. Бундай ҳолатни таҳлил қилиш ҳамда унда маълум ва номаълумларни аниқлаш, қўшимча адабиётларни аниқлаш, тажрибали шахсларнинг бу масалага берган баҳоси тадқиқотчининг асосий ва қўшимча муаммоларини аниқлаш имконини беради.

### 3. 6. БОШҚАРУВДА ПЕДАГОГИК ҚОБИЛИЯТЛАР

Таълим муассасаларида таълим-тарбия жараёнини илмий асосда ташкил этиш ва уни самарали бошқариш барча мактаб раҳбарларида педагогик қобилиятларнинг шаклланганлик зарурятини белгилайди. Чунки, педагогик қобилияtlар таълим жараёни иштирокчилари билан сұхбатларда, турли хил тушунтириш, кўрсатмалар бериш, ходимларнинг фаоллигини оширишда уларнинг ўзига хос хусусиятларини инобатта олган ҳолда муносабат билдириш ва бошқариш жараёнларида мухим аҳамият касб этади. Раҳбарлар фаолиятида ташкилотчилик, ташаббускорлик, ижодий, коммуникатив, бошқарув ҳамда бошка кўнкима ва малакалар қатори педагогик қобилият алоҳида ўрин тутади.

Ҳар кандай таълим муассасасининг асосий вазифаси хисобланган таълим жараёнини илмий асосда ташкил этиш ва уни такомиллаштириш негизи бошқариладиган объект ва бошқарувчи субъект тизимларидан ташкил топади. Бу тизим

ўқитувчилар, педагогик ходимлар (объект) ва раҳбарлар (субъект) ўртасидаги алоқа, яъни жамоа аъзоларининг ўзаро муносабатларидан ташкил топади.

Шундай килиб, таълим муассасаларини бошқариш жамоа аъзоларини ҳамда уларнинг фаолиятини бошқаришдан иборат бўлиб, улар ўз навбатида таълим жараёнини ва воситаларини бошқарадилар. Бошқарув юқори савияда олиб бориладиган муассасаларда интизом, педагогларнинг меҳнат унумдорлиги, таълим жараёни самарадорлиги ва ўқувчиларнинг ўзлаштириш кўрсаткичлари юқори даражада бўлади ҳамда таълим жараёни иштирокчилари фаолиятида мажбурий итоаткорлик ўрнини ижодий ёндашувлар эгаллайди.

Таълим муассасаларининг замонавий талабларга жавоб бериши, муваффакиятли ривожланиши учун педагог ходимлар ўртасидаги иш тақсимотини тўғри йўлга кўйиш, ўз вактида уларни кайта тайёрлаш ва малакасини ошириб бориш, фаолиятларини тўғри баҳолаш ва рағбатлантириб бориш, таълим жараёнини илмий асосда ташкил этишга имкониятлар яратиш ҳамда бошқарув жараёнига инновацион ёндашувлар технологияларини лойихалаштириш ва жорий этиш раҳбарларнинг билими, педагогик ва касбий маҳоратлари, шунингдек, уларнинг бошқарув кобилиятларига боғлиқдир.

**Кобилият** дейилганда раҳбарда интеллектуал, касбий малака ва кўнікма, чидамлилик, яратувчанлик, ташаббускорлик, ижодкорлик, ташкилотчилик, ўз фикрини яхши баён эта олиши – нотиқлик, ишонтира олиш, назорат, кузатувчанлик, талабчанлик, хотирада сақлаб қолиш, тарбиявий муносабатларда фаоллик ҳамда педагогик таъсир кўрсатиш, бошқарувчилик ва лидерлик хусусиятларининг шаклланганлигини тушуниш мумкин.

**Педагогик қобилият** – бу бошқарув жараёнида раҳбар учун энг зарурый хусусиятлардан бўлиб, раҳбарнинг педагогик фаолиятга яроқлилигини ва шу фаолият билан муваффакиятли шугуллана олишини, шунингдек, педагогик жараёнларни ташкил этиш ва бошқара олишини белгилайди. Педагогик қобилиятларнинг ташкилий тизим сифатида куйидаги компонентларини ажратиб кўрсатиш мумкин.

**Дидактик қобилиятлар** – бу жамоани бошқаришда, турли вазиятларда кўзланган мақсаднинг мазмун ва моҳиятини, унга

эришиш йўлларини ва мазкур йўналишдаги вазифаларни барча ижрочиларга аник ва равshan, тушунарли килиб етказа олиш, уларда мазкур вазифаларни бажаришга масъулият хиссини ҳамда кизикишини йўғота олиш, шунингдек, мақсаддага эришишда жамоа аъзоларининг барчасининг иштирокини таъминлай оладиган кобилияйтлардир.

Дидактик кобилияйтларга эга бўлган раҳбарлар турли вазиятларда шароитдан келиб чишиб, таълим муассасасида вужудга келадиган муаммоли вазиятларда, муаммоларни ҳал килишга вазиятли ёндашув асосида ҳамда раҳбарларга хос равишда, ўз ваколати доирасида фаолият кўрсатади, стереотипларни, яъни жамоада мавжуд бўлган сунъий тўсик ва муаммоларни ҳал этишда, турли йўналишларда карорлар қабул килишда жамоа фикрини ўрганади. Бу кобилияйтлар асосида жамоа психологиясига хос доимий йўналтириш ётади ва бундай кобилияйт эгаси бўлган раҳбар ўз ходимларининг билими, кўнишка ва малакаси, дунёкарашини, кизикишларини, бошқарув жараённида тарбиявий муносабатлар мавжудлигини ҳамда тарбиявий муносабатларда “раҳбар-ходим” муносабатларининг кўп киррали эканлигини, бошқарув жараённида ўзаро бевосита таъсирлар мавжудлигини тасаввур кила олади.

**Перцептив кобилияйтлар** – жамоа аъзоларининг, педагогик ходимларнинг, шунингдек, ўкувчиларнинг ички дунёсига кира билиш, психологик кузатувчанлик, бўйсунувчиларнинг вактинчалик психик ҳолатлари билан боғлик нозик томонларини тушуна билишдан иборат кобилияйтдир.

Кобилиятли раҳбар бўйсунувчиларнинг ҳар кандай вазиятлардаги хатти-харакатларида, педагогик фаолиятларида, турли хил топширикларни бажаришларида ёркин ифодалана-диган, айрим ташқи ҳолатларида ҳамда ички дунёсида юзага келадиган ўзгаришларни сездирмасдан билиб олади.

**Нутқ қобилияти** – раҳбарнинг ўз фикрини, хистайгуларини нутқ ёрдамида, шу билан бирга мимика ва пантомимика ёрдамида аник ва равshan қилиб ифодалаб бериш ҳамда уларнинг фаолиятини маълум йўналишда ўзгартириш ёки керакли йўналишда ташкил қилиш қобилиятидир.

Раҳбар ўз фикрини ёки топширикнинг мазмун ва моҳиятини бўйсунувчиларга тушунарли тарзда етказа олиши зарур. Баъзи

бир ходимларга бир оғиз сүз кифоя, айримларига эса узок тушунтиришга тұғри келади. Берилетган топширикнинг мазмун-моҳияти, аҳамиятини, шунингдек, топширикни бажариш жараёнидаги ўз вазифаларини ижрочилар тұлық тушуниб етмасалар, берилган топширикни күнгилдагидек бажара олмайдилар.

Рахбарнинг нутки жонли, образли, аник-равшан, интонацияли ва ифодали, эмоцияга бой, дона-дона бўлиб, бунда стилистик ва грамматик хатолар мутлако бўлмаслиги лозим. Шундагина раҳбарни ходимлар тингламайди, балки эшитади ва тушунади.

**Ташкилотчилик қобилияти** – бу биринчидан, таълим муассасаси жамоасини уюштира билиш, яъни жамоада аҳиллик, бирдамлик ва ҳамкорликни вужудга келтириш, жамоа аъзоларини жипслаштира олиш ва иккинчидан, ўзининг шахсий ишини тұғри ташкиллаштира олиш қобилиятидир.

Рахбарнинг ўз ишини ташкил қила билиши деганда унинг бошқарув фаолиятини тұғри режалаштириши, яъни буйруқ бериш, топширик ижросини текшириш, ходимлар фаолиятини баҳолаш хамда турли хил қарорлар қабул килиши ва уни назорат қила олиши назарда тутилади.

**Коммуникативлик қобилияти** – бу ходимлар билан мулокотда бўлиш, бошқарув мулокотини тұғри ташкил этиш, бўйсунувчиларга ёндашиши учун тұғри йўл топа билиш, улар билан педагогик нұктай назардан мақсадга мувофиқ ўзаро алоқа боғлашга педагогик тектнинг мавжудлигига қаратилган қобилиятдир.

Педагогик тектнинг яққол ифодаларидан бири – ҳар кандай педагогик таъсирга нисбатан қўлланиладиган чора-тадбирларни (рагбатлантириш, жазолаш, панд-насиҳат) ҳис эта билишдан иборатдир. Қобилиятли раҳбар ходимларга эътибор бериб зийраклик билан карайди, уларнинг индивидуал психологик хусусиятлари билан ҳисоблашади. Бунда муҳими – бўйсунувчиларга таъсир этишнинг энг қулаг үсулларини топа билиш, тарбиявий таъсирни қўллашда максадга мувофиқ педагогик чораларга эътибор бериш, аник педагогик вазифаларни ҳисобга олиш, ходим шахсининг психологик хусусиятлари ва

унинг имкониятлари ҳамда мазкур педагогик ҳолатларни ҳисобга олиш зарурдир.

Педагогик тақтнинг йўклиги кўпинча бошқарув жараёнида муаммоларни вужудга келтиради. Бошқарув жараёнида ходимларга раҳбар томонидан кўргина талабларнинг қўйилиши, изчилликка амал қилинмаслиги ва шахсий имкониятларнинг инобатга олинмаслиги, шунингдек, бир шахснинг ўзига бир топшириқ бериб туриб, шу шахсга яна бир неча вазифаларнинг бир вақтнинг ўзида юклатилиши ҳамда унга тўғри муносабатда бўлмаслик юкоридаги фикримизни исботлайди.

Раҳбарлик қобилияти ва унинг хусусиятлари йўналишида Президентимиз И.А. Каримовнинг шундай ҳикматли сўзлари бор: “Раҳбарлик қобилияти бўлган, керак бўлса, каттиқўллик хусусиятларига эга, инсофли, диёнатли одамларнингтина раҳбарлик тўнини кийишга маънавий ҳақки бор. Элим, юртим деб ёниб яшаш керак, деган шиор энг аввало ана шу раҳбарларнинг ҳаётий маслаги бўлмоғи лозим”.

Президентимиз И.А. Каримовнинг ушбу ҳикматли сўзларининг мазмунига асосланиб айтиш мумкинки, барча раҳбарлар қатори таълим муассасаси раҳбарларида раҳбарлик қобилиятлари билан бир қаторда инсоф, диёнат ҳамда фидойилик каби бошқа умумисоний хислатлар ҳам шаклланган бўлиши зарур экан.

Бошқарув қобилиятларининг шаклланиши энг аввало шахсий хислатларнинг ривожланиши билан боғлиқ бўлиб, улар ўзаро муносабатларда ривожланиш тизимини ташкил этади (10-шакл). Ривожланиш ўзида шахснинг жисмоний, ақлий, ахлоқий ва бошқа хислатларининг такомиллашишини намоён этадиган жараён бўлиб, бундай хислатлар тугма, баъзилари кейинчалик шаклланган бўлади. Албатта, ривожланиш жараёни меҳнат фаолияти, ўйин фаолияти ҳамда ўқув фаолияти жараёнида амалга оширилади. Бундай фаолият турлари шахснинг ҳаётий тажрибасини бойитади, ижтимоий алоқа, мулоқот кўнікмаларини эгаллашга кўмаклашади ҳамда қобилиятларни ривожлантиришга хизмат қиласди.

\* Инсон баҳт учун туғилади. Т., “Шарқ”, 1998 йил, 38-бет.

Халқимизнинг миллий анъаналари, удумлари, турмуш тарзининг таҳлилларига асосланиб, манбаларда келтирилган умуминсоний хислатлардан фойдаланиб, бугунги кунда барча инсонлар каби раҳбарларда шаклланган қуидаги бошкарув қобилиятларини ва ижобий хислатларни ривожлантириш зарур деб ҳисоблаймиз.



10-шакл. Касбий қобилиятларнинг ривожланиши.

**Шахснинг умумий хислатлари** – ёқимлилик, жозибадорлик, дилбарлик, кўркамлик, ҳурматта сазоворлилик, буюклик, салоҳиятлилик; жиддийлик, босиқлик; мослашувчанлик, маданиятлилик, одоблилик, зиёлилик, табиийлик, одиллик, оддийлик.

**Ахлоқий хислатлар** – одамийлик, қаноатлилик, жонкуярлик, меҳрибонлик, олижаноблик, олихимматлилик, байналминаллик, гоявий содиқлик, кечиримлилик, андишалилик, шахсий манфаатдан ижтимоий манфаатдорликни юкори қўя олишлик.

**Ишбилармонлик, ишчанлик, улдабуронлик хислатлари** – қунтлилилк, тиришқоқлик, масъулиятлилк, ҳалоллик, рақобат-бардошлилк, чакқонлик, абжирлик, ташаббускорлик, тадбиркорлик, чидамлилк, сабр-токатлилк, бардошлилк, мунтазамилк, тежамкорлик, эхтиёткорлик, сахийлик, мардлик.

**Шахенинг заковатлилк, иродалилк, зукколик хислатлари** – зийраклик, эсда саклаб қолишилик, ижодкорлик, танқидийлик, қизиқувчанлик, ишқибозлик, диккатлилк, билимдонлик, савиялилк, ҳозиржавоблилк.

**Эҳтиросли хислатлар** – ўзгалар ютукларидан қувониш, ўз фаолиятидан қоникиш, баҳтиёрлик, кўтаринкилилк, тантанаворлик, қувноқлик, ҳазил-мутайибалилк, уятчанлик, тортиңчоклик, мўмин-қобиллик, диёнатлилк, озодалик, нозик табиатлилк.

Раҳбарлик учун қулай ва маъкул бўлган минглаб шахс сифатлари мавжуд бўлиб, уларнинг кўплари бошқарув жараёнида ўз самарасини кўрсатади. А.В.Петровский ана шундай ижобий сифатлардан бир ярим мингини санаб чиқкан . Уларнинг ҳаммасини умумлаштирадиган айrim сифат ва қобилияtlар барча раҳбарларда шаклланган бўлиши лозим. Қобилияtlар билим, малака ва кўникмаларнинг ўзида кўринмайди, балки уларни эгаллаш жараёнида намоён бўлади. Шундай қилиб, қобилият инсонларни сифат жиҳатидан бир-биридан фарклидиган индивидуал-психологик хусусиятдир. Аввало, ҳар қандай раҳбарда интеллект – ақл-заковатнинг маълум меъёри бўлиши керак. Бу меъёр яхши раҳбар учун ўртачадан юкори бўлмоғи зарур. Раҳбардаги ўртачадан юкори интеллектни коплаб кетадиган яна бошка муҳим сифатлар борки, улар бошқаришнинг самарасига ижобий таъсир кўрсатади. Масалан, раҳбарнинг мустакил фикрлилк, топқирлик, ташаббускорлик сифатлари. Раҳбарда мустакиллик бўлса. унда ўзига ишонч ҳам бўлади, бу эса ўз навбатида раҳбардаги субъектив талаблар даражасининг юкори бўлишига олиб келади.

Юкорида айтиб ўтилган раҳбарлик сифатлари ичида энг муҳими, табиийки, психологик маҳоратни талаб этувчи – раҳбарнинг инсон ресурсларини бошқариш маҳоратидир. Чунки, бунда раҳбар ҳар бир ходимнинг психологик хусусиятларини ва

\* Каримова В.М. Ижтимоий психология асослари. Т., "Ўқитувчи", 1994 йил. 79-бет.

гурӯҳ психологиясини яхши билиши зарур, бу заруриятни инглиз олимлари “ўзгалар психологиясини билиш улар устидан ҳукмронликнинг ягона йўлидир” деб таърифлашган.

**Касбий тажриба** – авлодларнинг ижтимоий тажрибасини ўзлаштириш ва уларни бошқарув амалиётида кўллашни таъминлаб берувчи тушунчалар тизими бўлиб, раҳбарнинг ўз фаолияти давомида фан-техника янгиликларига, илғор тажрибаларга таяниши ҳамда мазкур тажрибалар асосида ўзининг кўникма ва малакаларини шакллантириб бориши билан бир каторда жамоа фаолиятини бошқаришидир.

**Педагогик маҳорат** – педагогик ходимлар ва таълим жараёни иштирокчилари қалбини ҳис қилишни ва миллӣй қадриятларимизни, хаётий тажрибаларни, фан ва техника соҳаларидаги ютуқларимизни ўргатишни таъминлайди ҳамда уларнинг педагогик қобилиятларини ривожлантиришга хизмат киласди.

**Касбий маҳорат ва лойиҳалаштириш** – бошқарувда стратегия, стратегик мақсад ва вазифаларни тўғри белгилаш, қарорлар кабул қилиш, муассасанинг умумий фаолиятини лойиҳалаштириш, инновацион фаолиятни ташкил этиш, бошқарув жараёнига тизимли ёндашувларни лойиҳалаш технологияларини жорий этиш ҳамда бошқарув усуллари, методлари ва тамоилларидан самарали фойдаланишидир.

Қадрлар тайёрлаш миллӣй дастурида кўзда тутилган таълимни бошқариш тизимини такомиллаштириш, жамоат бошқаруви шаклларини ривожлантириш йўналишларида таълим, фан, техника ва технологияларнинг жаҳон миқёсидаги ютуқларини, янгиликларини, шунингдек, бошқарув жараёнини лойиҳалаш, технологияларини амалиётга татбиқ этиш таълим муассасалари раҳбарларининг касбий қобилиятларига боғлиқдир.

### **3.7. БОШҚАРУВ ЖАРАЁНИДА ПСИХОЛОГИЯ ФАНЛАРИНИНГ ВАЗИФАЛАРИ**

Психология – инсон ички дунёси, руҳий ҳолатлари ҳакидаги фандир. Психик-руҳий ҳолат фақат инсонларгагина эмас, балки ҳайвонларга ҳам хосдир, лекин биз инсонларнинг

рухий ҳолатларини ўрганувчи психология фанларининг вазифаларига тўхталашиб.

Психика – юксак даражада ташкил топган материяниң алоҳида хоссаси бўлиб, объектив оламни субъектив ҳолатда акс эттиришдан иборатдир. Психика юонча “псюхе” сўзидан келиб чиқкан бўлиб, “рух”, “жон” деган маъноларни билдиради.

Ихтиёрий психологик хусусиятларга эга бўлган инсонларнинг хулқ-автори ҳамма вақт объектив оламнинг таъсирига боғлиқдир. Одам ташки оламни акс эттирас экан, у табиат ва жамиятнинг тараққиёт қонунларини билибгина колмай, балки ўзининг моддий ва руний эҳтиёжларини яхширок қондириш учун ташки оламни мослаштириб, уларга маълум даражада таъсир кўрсатади. Психика сезги, идрок, хотира, тафаккур, ирова, ҳиссият ва бошқа шу каби номлар билан гурӯҳларга ажратилиб, барчаси биргаликда психика, кишининг психик, ички дунёси, унинг руний ҳаёти ва х. к. деб аталадиган тушунчаларни ҳосил қиласди. Инсон ва жамият ўртасидаги боғланишларга тегишли, инсоннинг ташки оламни ва ўз-ўзини англаб етишига тааллуқли ҳодисалар психик ҳодисалар деб келинган, улар ўз навбатида учта йўналишдаги воқеа-ҳодисаларни ўз ичига олади:

- психик ҳолатлар – кишининг турли вазиятдаги турлича ҳолати, чарчаганлик, тетиклик, уйку ва уйғоқ ҳолати, хотиржамлик ёки ҳаяжонланиш, енгилтаклик ва х.к.;
- психик жараёнлар – ўз навбатида билиш жараёнларини, иродавий-хиссий жараёнларни ўз ичига олади;
- психик хусусиятлар – шахснинг индивидуал хусусиятлари.

Илмий психология предмети деганда, аввало, психик ҳаётга доир аник омиллар назарда тутилади, психик ҳаётга доир ҳар бир фан, ҳам миқдор, ҳам сифат жоҳатидан ўзига хос хусусиятларга эга. Масалан, психология фани инсоннинг теварак-атрофдаги нарсаларни идрок қилиш жараёнини текшириб, жуда муҳим омилни аниқлаган: идрок параметрлари ўзгариб турса ҳам, идрок қилинган предметга нисбатан инсон онгидаги тасаввур ўзгармай қолаверар экан. Психологик омиллар билан биргаликда психологик қонуниятлар психология фанида ўрганиладиган предмет бўлиб юзага чиқади. Шундай килиб, психология – “псюхе” ва “логос” сўzlаридан олинган бўлиб, рух, жон ҳақидаги фан демакдир.

Психология фанларининг вазифаси психологик омиллар ва қонуниятларни ўрганиш билан бир қаторда психик фаолиятнинг механизmlарини аниклашдан иборатдир. Шундай килиб, психология фан сифатида психиканинг омиллари, қонуниятлари ва механизmlарини ўрганади.

Ижтимоий ҳаёт эҳтиёжлари қадим замонлардан буён кишини теварак-атрофидаги инсонларнинг психологик хусусиятларини фарқлай билиш ва уларни ўз хатти-ҳаракатларида хисобга олишга мажбур этиб келган.

Ҳозирги замон психологияси жуда мураккаб ва кўп кирралидир. Шунга мувофиқ унинг вазифалари ҳам турли тармоқлар йўналишида хилма-хилдир. Ҳаёт психология фанининг зиммасига мураккаб бўлган назарий ва амалий вазифаларни юклайди. Психологиянинг асосий назарий вазифаси психик фаолиятнинг моҳиятини, унинг содир бўлиш ва ривожланиш қонуниятларини тушунтиришдан иборатдир. Инсоннинг барча ҳаёти ва фаолияти жараёнида унинг психикасини ўрганиш ва бошкариш психологиянинг амалий вазифаси хисобланади.

Психологияда бир қанча мустақил фанлар соҳалари ажralиб чиқкан бўлиб, уларни шартли равишда учта гурухга ажратиш мумкин:

1. Психик фаолиятнинг умумий қонуниятларини ўрганувчи соҳалари – умумий психология, зоопсихология.

2. Инсонларга таъсир этиш, уларга таълим-тарбия бериш, психологик ривожланишини бошкариш, яъни психик тараққиёт шароитларини ўрганадиган соҳа психологияси (ёш психологияси, педагогик психология).

3. Турли хил фаолият соҳаларидағи инсонлар психологиясини ўрганувчи – меҳнат психологияси, мухандислик психологияси, спорт психологияси, юридик психология, савдо психологияси, тибиёт психологияси, санъат психологияси ва ҳ.к.

Бу тармоқлар ичida яна бир қанча тармоқлар ҳам мавжудки, булар тегишли соҳа иштирокчилари учунгина зарурдир. Масалан, ўқитувчи-тарбиячилар учун – ёш психологияси ва унинг даврлар бўйича тармоқлари педагогик психология, касб таълими психологияси, инсонларнинг жамиятда биргаликдаги меҳнат фаолиятлари натижасида ҳосил бўладиган тасавурлар, фикрлар, эътиқодлар, хиссий кечинмалар ва хулқ-атворларни тушунтириб берувчи ижтимоий психология ва ҳ.к.

Шунингдек, психологияк ривожланишида айрим нуқсонлари бор болалар тарбияси ва таълими билан шуғулланадиган: олигофренопсихология – акли заифлар, сурдопсихология – карсоқов болалар, тифлопсихология – кўзи ожиз болалар психологияси ва ҳ.к.

Юкорида санаб ўтилган психология фанларининг мақсад ва вазифаларига зътибор қаратадиган бўлсак, улар ҳам педагогика фанлари каби инсонларнинг ёши, касби ва фаолият турига, психологияк ривожланиш хусусиятларига, ақлий ва жисмоний ривожланиш хусусиятларига кўра бир-биридан фарқ қилишини, яъни уларнинг тадқикот объектлари турлича эканлигини кўрамиз.

Умумий ўрта таълим муассасасида турли йўналишларда, турли хил касб эгалари фаолият кўрсатишини, шунингдек, турли ёшдаги ва психологияк ривожланиши турлича бўлган болалар ҳамда мактабгача ёшдаги болалар гурухлари фаолият кўрсатишини, шунингдек, турли хил индивидуал психологияк хусусиятларга эга бўлган шахсларнинг фаолият кўрсатишини инобатга олган холда айтиш мумкинки, умумий ўрта таълим муассасаларининг барча раҳбарлари психология фанларининг бошқарув жараёнидаги аҳамиятини хис этишлари, психологияянинг асосий тушунчаларининг мазмун-моҳиятини билиши ва улардан ўз бошқарув фаолиятларида самарали фойдалана олишлари билан бир каторда мактаб амалиётчи психологларига ҳам назарий ва ҳам амалий ёрдам кўрсатиб боришлари зарур.

### **3. 8. ПСИХОЛОГИЯНИНГ АСОСИЙ ТУШУНЧАЛАРИ ВА УЛАРНИНГ БОШҚАРУВ ЖАРАЁНИДАГИ АҲАМИЯТИ**

Психология таъсир кўрсатувчи объектларига эга бўлган субъектнинг ички, психик ҳолатига ташки таъсиротлар натижасида рўй берадиган ўзгаришлар жараёни қандай кечишини ўрганар экан ўзининг бир катор асосий тушунчаларига эга. Инсонларнинг ўзаро муносабатлари, мулокоти, ўзаро таъсир кўрсатиш, яъни ўзаро бошқарув, биргаликдаги фаолият натижаларида ҳосил бўладиган ўзгаришлар, ҳиссий кечинмалар, вужудга келадиган тасаввурлар, фикр ва ғоялар турли хил жараёнларда вужудга келади, бундай жараёнларни психик жараёнлар деб айтишимиз мумкин.

Психик жараёнлар – бу объектив оламни субъектив акс эттиришнинг турли шакллари. Психик жараёнлар психик

функциялар деб ҳам айтилади. Психик жараёнларнинг асосий турлари сезги, идрок, хотира, тасаввур, хаёл, тафаккур, нутқ, хиссиёт, ирода бўлиб, улар ўз навбатида уч гурухга бирикади: билиш жараёнлари, иродавий жараёнлар, ҳиссий жараёнлар.

**Психик хоссалар ёки хусусиятлар** – шахснинг индивидуал-психологик хусусиятлари бўлиб, булар ёрдамида инсонлар бир-биридан фарқланади, уларнинг типологик ва индивидуал фарқлари аниқланади. Психик хусусиятларга темперамент, ҳаракет, кобилият, эҳтиёж ва мотивлар киради.

**Психологик ҳолатлар** – психик фаолиятнинг вактинчалик динамикаси билан тавсифланади. Бу инсон ички дунёсининг муҳим томони бўлиб, фаолиятга таъсир кўрсатади. Психик ҳолатларга чарчаш (толикиш), эмоционал зўрикиш (стресс), монотония ва бошқа психик ҳолатлар киради ҳамда булар ўзаро боғлик бўлади.

**Фаоллик** – бу инсонларда “ўз кучи билан жавоб қилиш” кобилиягини билдиради. Инсонларни муайян тарзда ва муайян йўналишда ҳаракат қилишга ундейдиган эҳтиёжлар унинг фаоллиги манбай ҳисобланади.

**Эҳтиёж** – инсонларнинг ҳаёт кечиришининг аниқ шарт-шароитларга қарамлигини ифода этувчи ва бу шарт-шароитларга нисбатан унинг фаоллигини вужудга келтирувчи ҳолатдир. Инсоннинг эҳтиёжлари ҳам ижтимоий, ҳам шахсий хусусиятларга эга бўлиб, у биринчидан, шунчаки тор маънодаги шахсий тавсифга эга бўлиб туюлганда ҳам ижтимоийдир (масалан, нон – нон бўлиб дастурхонга келгунича кўплаб инсонлар меҳнати сарфланади, бу эса ижтимоий маҳсулотдир). Иккинчидан, инсон ўз эҳтиёжларини кондириш учун мазкур ижтимоий муҳитда тарихан таркиб топган воситалар ва усуllibардан фойдаланади. Учинчидан, инсоннинг кўргина эҳтиёжлари шахсий эҳтиёжларидан кўра ўзи биргаликда меҳнат қиласидиган жамиятнинг, жамоанинг, гурухнинг эҳтиёжларини ифодалайди, яъни жамоа эҳтиёжлари кишининг шахсий эҳтиёжлари тусини олади (йигилишда маъруза билан чикиш учун тайёрланиш эҳтиёжи).

**Фаолият** – бу билиш ва ирода билан узвий боғлик бўлиб, уларга таянади, мазкур жараёнларсиз юз бериши мумкин эмас. Фаолият инсонни белгиланган мақсад йўналишида бошқарилиб

турадиган ички ва ташқи фаоллиги бўлиб, мазкур фаоллик орқали табиетга ва бошқа инсонларга таъсир кўрсатилади.

**Кўникма** – белгиланган мақсадга мувофиқ равишда ҳаракат усулларини танлаш ва амалга ошириш учун мавжуд билим ва малакалардан фойдаланиш.

**Қобилият** – инсоннинг билим, кўникма ва малакаларини орттириш хусусиятларига боғлиқ бўлиб, мазкур хусусиятлар билим, кўникма ва малакаларга тааллукли бўлмайди, яъни қобилиятлар билим, малака ва кўникмаларнинг ўзида кўринмайди, балки уларни эгаллаш динамикасида намоён бўлади. Қобилият инсонларни сифат жихатидан бир-биридан фарқлайдиган индивидуал-психологик хусусиятларидир. Қобилиятлар инсонларнинг аниқ бир фаолиятидан ташқарида мавжуд бўлмайди, балки уларнинг таркиб топиши таълим ва тарбия жараёнида содир бўлади.

**Шахс обруси** – шахснинг жамоа аъзолари томонидан тан олиниши ва ҳурмат қилиниши, унинг субъектив сифатларининг жамоа фаолиятининг объектив талабларига мос келишини билдиради. Бунда шахснинг билими, тажрибаси, касб маҳорати, уддабуронлиги, тадбиркорлиги, фаоллиги муҳим аҳамият касб этади.

**Раҳбарлик** – инсонларга мақсадли таъсир ўтказишга каратилган, уларнинг фаолиятини мувофиқлаштириш билан боғлиқ бўлган фаолиятдир. Раҳбарлар катор функцияларни бажаради: жамоа фаолияти мақсадларини аниклайди ва шакллантиради, мазкур фаолиятни режалаштиради, рағбатлантириш воситаларини ва усулларини белгилайди, уларни назорат қилишни амалга оширади.

**Лидерлик.** Лидер асосан маълум бир гурӯхда ўзи бошчилик қилаётган йўналишларда шахслараро (норасмий) муносабатларни бошқариб, у ўз гурӯхи аъзоларининг кучли ва салбий томонларини, ижобий ва салбий одатларини, шунингдек, уларнинг психологик хусусиятлари, кайфиятлари, мойиллиги, интилишлари ҳамда қизиқишларини яхши билғанлиги сабабли етакчилик қиласи. Ихтиёрий жамоада турли йўналишларда лидерлар бўлиши мумкин. Масалан, турли хил тадбирларни (жамоа аъзоларининг турли хил уй ишларида ҳашарлар, дам олиш тадбирлари, гурӯх бўлиб турли хил зиёфатлар уюштириш ва х. к.) ташкил этиш бўйича жамоатчилик йўналишида, спорт ёки спортнинг маълум бир тури бўйича, ўкув

жараёнини ташкил этиш ёки фанларни юкори даражада ўзлаштириш йўналишларида.

**Мойиллик** – бу англаб етилмаган қобилиятдир. Ўз қобилиятларини англаб етиш меҳнатга қизикишни кескин орттиради ва шахснинг ижодий меҳнат килиши учун маълум имкониятларни яратади.

**Шахслараро муносабатлар** – бу бир жамоа ёки гурухнинг аъзолари бўлган инсонлар ўртасидаги объектив алоқаларни, мулокот ва ўзаро таъсиrlарни ифодалаб, расмий ва норасмий турларга, хизмат ва шахсий муносабатларга бўлинади. Хизмат муносабатлари бирор ижтимоий фойдали фаолият билан – ўкув, меҳнат фаолияти билан боғлик бўлади. Шахслараро муносабатлар ўзаро таъсиr кўrsatiш, мулокот, биргаликдаги фаолиятда вужудга келади ва шакланади.

**Масъулият** – бу шахснинг ўз зиммасига олган ёки унга топширилган мажбуриятларига ҳисоб берса олишида, хатти-харакатларида, кимнидир-ниманидир айбламай, хатти-харакати натижалари ва унинг оқибатлари учун жавобгарликни ўз зиммасига олишида кўринадиган фазилатдир. Психологик ҳодиса сифатида шахснинг кўргина психологик функцияларида намоён бўлиб, инсон хулқидаги муҳим белги ҳисобланади. Масъулиятнинг инсон хулқидаги муҳим белгиси – ўз вазифасини бажаришидаги аниклик, пухталик, ҳозиржавоблик, ўзини мажбур кила олиш, ўз хатти-харакатлари оқибатига жавоб беришга тайёр туриш ва х.к. масъулиятли хулкни амалга ошириш куйидаги иродавий сифатларга эга бўлишни талаб килади: қатъиятлилик, чидамлилик, ўзини тута билиш, барқарорлик ва х.к. Инсонларда масъулият хулкини шаклантириш факат психологик омилларгагина боғлик бўлмай, меҳнатни ташкил этиш ва назорат қилиш билан боғлик бошқа омилларга ҳам боғлиқдир. Масалан, ходимларга бўлган ишонч, турли хил вазифаларнинг топширилиши ва уларни назорат қилиш хусусиятлари таъсиr кўrsатади.

**Ижтимоий-психологик мослашув** – бу шахснинг ижтимоий мухит таъсирига мослашувини назарда тутади ва унинг маълум бир гурухдаги қадриятлар билан яқинлашуви, мазкур янги мухитдаги ижтимоий меъёрларни, анъана ва гурухий маданият элементларини ўзлаштишидир. Ижтимоий-психологик мослашув ҳам касбий мослашув сингари маълум бир имкониятлар даражасида, ташки мухит таъсирини ўз ички

дунёси, кечинмалари доирасида ўз мақсад ва эхтиёжларига мослаштириб олишига боғлик.

**Толиқишиш** – маълум бир фаолиятни бажариш жараёнида меҳнат қобилиятининг пасайишидир. Бу фаолиятта хос тушунча бўлиб, толиқишининг кучайиб бориши натижасида шахс чарчайди. Толиқишининг психологик ҳолат сифатида намоён бўлиши кучсизланиб бориш, диккатнинг чалгиши бошланиши, сезгирликнинг ўзгариши, харакатларнинг ўзгариши, хотира ва тафаккур сифатининг пасайиши, фаолликнинг пасайиши ва уйқу босишида кўринади.

**Ихтилоф** – шахслараро ихтилофлар шахсларнинг бир-бирини англамаслиги, манфаатларининг турли хиллиги, тушунчаларнинг номутаносиблиги, бир-бирини ёқтираслиги, қизиқишлиари, карашлари ва интилишларининг ўзаро мос келмаслиги натижасида намоён бўлади. Ҳар қандай ихтилоф маълум вакт бирлиги давомида содир бўлади, етилади ва бартараф этилади.

**Бошқарув** – ҳар қандай жамиятта хос бўлган, ҳаёт ва турмуш заруриятидан келиб чикадиган фаолиятдир. Бундан кўзланган асосий мақсад меҳнат аҳлиниң моддий ва маънавий эхтиёжларини қондириш учун ишлаб чиқаришни ва шу аснода барча ижтимоий муносабатларни тараққий эттиришдан иборат.

**Тафаккур.** Инсонларнинг ақлий фаолиятининг ва онгли хатти-харакатларининг юксак шакли ҳисобланиб, социум ва ижтимоий мухитни, мавжуд жараёнларнинг вужудга келиш сабабларини ва воқеликни англаш воситаси, шунингдек, барча инсонларнинг эхтиёжларини қондириш йўналишидаги фаолиятларини мувофикалаштирувчи фикрлар, ғоялар ва карашлар натижасида вужудга келган хулоса ёки қабул қилинган қарор. Тафаккур сезги, идрок, тасавурларга нисбатан мавжуд жараёнларни, ҳодисаларни аниқ ва равшан, объектив акс эттирувчи билиш жараёни. Бошқарув жараёнида раҳбар томонидан ҳодимларнинг ёки ҳодимлар томонидан раҳбарларнинг ўрганилиши ва хулосалар чиқарилиши, шунингдек, ўзаро муносабатлар, алоқалар ва ахборотлар алмашинуви мазкур тушунча оркали амалга оширилади. Демак, бошқарув жараёнида муассаса фаолиятини такомиллаштириш ҳамда жамоа аъзоларининг фаолиятларини мувофикалаштиришда раҳбарлар тафаккурининг ҳар томонлама ривожланганлиги ўз самарасини кўрсатади.

**Мулокот.** Инсонларнинг маълум бир жамоада ёки гурухда ҳамкорликдаги фаолиятлари жараёнида вужудга келадиган

эхтиёжлардан бўлиб, фаолиятлари давомида ўзаро муносабатларга киришиш жараёни ҳисобланади. Инсонларнинг барча фаолиятлари давомида ўзаро муносабатлар, таъсир этиш шаклларини ўз ичига оладиган мазкур тушунча уларнинг ўзаро бир-бирларини тушунишлари, ҳамкорлик килишлари ҳамда ўзаро ахборотлар алманишиллари учун зарур ҳисобланади. Ижтимоий психологияда мулокот учта турга бўлинади. Биринчиси, инсонларнинг ўз-ўзи билан мулокоти, иккинчиси, инсоннинг бошка инсонлар билан мулокоти, учинчиси, авлодлараро мулокот бўлиб, мазкур мулокотлар натижасида бир авлоднинг тажрибаси иккинчи авлодга ўргатилади, бу эса пировардида инсонларнинг ривожланишига, хаёт, фан-техника ва технологияларнинг тарақкий этишига замин яратади. Шундан кўриниб турибдикি, мулокот ёки бошкарув мулокотисиз бошкарув жараёнини тасаввур килиб бўлмайди.

**Бошкарув мулокоти** – бу таълим муассасаси фаолиятини ташкил этиш, ходимлар фаолиятини мувофикалаштиришда инсонларга раҳбарлик килиш жараёнидаги мулокот, яъни уларнинг фаолликларини таъминлаш, хатти-харакатларини мақсадга йўналтириш ёки мотивлаштиришдир. Раҳбарлар бошкарув функцияларини амалга ошириш жараёнида ўз жамоаси аъзолари билан турли хил муносабатларда, яъни бажарилиши лозим бўлган вазифалар йўналишида турли шаклларда мулокотда бўладилар, буларнинг ичидаги энг зарури самарали мулокот бўлиб, мақсадни киска вақт ичидаги аник ва тушунарли килиб етказишидир. Самарали мулокот вақтида ёки ихтиёрий мулокот жараёнида сухбатдошларнинг бир-бирларини яхши тушунишлари, аник тасаввурлар мулокотнинг самарадорлигини белгилайди, бундай ҳолатлар учун идентификация, рефлексия ва стереотипизация тушунчалари хизмат килади.

**Идентификация.** Бунда жараён иштирокчилари, яъни сухбатдошлар бир-бирларини яхшироқ тушунишлари учун ўзларини сухбатдошларининг ўрнига қўйиб кўришга харакат қиласидилар. Идентификация – бу билимлар, тушунчалар, тасаввурлар ва шахсий хислатлар орқали сухбатдошни тушунишга харакат қилиш, ўзини иккинчи бир шахс билан солиштиришидир.

**Рефлексия.** Мулокот жараёнида сухбатдошнинг тасаввурини англашга харакат қилиш, яъни унинг ўрнида туриб ўзига баҳо беришга харакат қилиш, яъни бу иккинчи шахснинг

идрокига тааллукли бўлиб, ўзига бирорнинг қўзи билан карашга харакат килиш.

**Стереотипизация.** Мулокотлар жараёнида инсонларнинг онгида шаклланиб ва муҳрланиб қолган тушунча ва тасаввурлардан доимий намуна сифатида фойдаланиш ҳолатлари бўлиб, бундай ҳолатлар ҳамиша ҳам ижобий натижаларга олиб келмайди. Масалан, раҳбарнинг ўзининг маълум бир ҳодимининг мурожаат қилгани келаётганлигини кўриши билан “хозир иш ҳақининг озлигидан шикоят қилишни бошлайди” деган шубҳанинг кўнглидан ўтиши стереотипни англатиб, бўлажак сухбат жараёнига олдиндан ўз салбий таъсирини кўрсатади.

Психология фанларининг асосий тушунчалари ҳақида фикр билдирап эканмиз, шуни ҳам айтиб ўтиш лозимки, психология фанларининг барча тушунчаларини албатта, бир мавзу деирасида тўлиқ ёритиб беришга имконият бўлмайди, шунинг учун биз фақатгина бугунги кунда умумий ўрта таълим муассасалари раҳбарларининг бошқарув фаолиятида тез-тез, деярли ҳар дакиқада қўлланилиб турадиган тушунчаларга тўхталиб ўтдик ва уларни билиш мактаб раҳбарларининг бошқарув фаолиятини илмий асосда ташкил этиш учун зарур.

## ТЕСТ ТОПШИРИҚЛАРИ

### 1. Умумий ўрта таълим муассасаларини бошқаришда педагогика фанларининг аҳамияти нимада?

- A. Таълим муассасаларида таълим-тарбия жараёнини ташкил этишнинг зарурийлигигида
- B. Турли ёшдаги, турли хил психологик хусусиятларга эга шахслар ва турли қасб эгаларининг фаолият кўрсатишида
- D. Таълим муассасаси педагогика фанларининг барча тармоқлари учун объект эканлигигида
- E. A, B ва D жавоблар тўғри
- F. B ва D жавоблар тўғри

### 2. Тарбиявий жараён – бу .....

- A. Инсон шахсининг ривожланиш жараёни
- B. Тажрибалар алмашиниш жараёни
- D. Ривожланиб бораётган авлоднинг катта ёшдагилар

тажрибасини згаллаб бориши жараёни

- E. Инсонлар ривожланишини бошқариш ҳамда уларнинг шахсий хислатлари шаклланишига шароитлар яратиб бериш жараёни
- F. D ва E жавоблар тўғри

**3. Инсон шахси ривожланишида педагогиканинг қуйидаги асосий тушунчалари мухим ахамият касб этади:**

- A. Таълим-тарбия, маълумот, ривожланиш
- B. Тарбия, ўз-ўзини тарбия
- D. Маълумот, мустақил маълумот
- E. Таълим, мустақил таълим
- F. Барча жавоблар тўғри

**4. Тарбиявий муносабатлар – бу инсонларнинг ўзаро тажриба алмашиниши, тажрибаларни ўзлаштириши ва қўллаши бўлиб, қўйидаги муносабатларни ўз ичига олади:**

- A. Инсон-инсон, инсон-китоб-инсон, раҳбар-ходим
- B. Раҳбар-китоб-ходим, раҳбар-техника-ходим, инсон-техника-инсон
- D. Инсон-санъат-инсон, инсон-табиат-инсон, раҳбар-санъат-ходим, раҳбар-табиат-ходим
- E. A, B ва D жавоблар тўғри
- F. Тўғри жавоб берилмаган

**5. Педагтик тадқиқот функциялари қўйидагиларни ўз ичига олади:**

- A. Дискриптив функция, амалий функция
- B. Тушунтириш функцияси, олдиндан кўра билиш функцияси
- D. A ва B жавоблар тўғри
- E. Иктисодий, ташкилий-маъмурий функция
- F. Ахборот-тахлил, назорат-ташхис функциялари

**6. Педагтик тадқиқот методлари қўйидаги методларни ўз ичига олади:**

- A. Тарихий таққослаш методлари, кузатиш методи
- B. Назарий таққослаш-солиштириш методлари
- D. A ва B жавоблар тўғри

- E. Ахборотлар түплаш методи, иқтисодий методлар  
F. Түғри жавоб берилмаган

**7. Қобилияят дейилгандың рахбарнинг қуйидаги хусусиятлари тушунилади:**

- A. Интеллектуал, касбий малака ва күнкіма, чидамлилик, яратувчанлик  
B. Ташаббускорлик, ижодкорлик, ташкилотчилик, нотиклик  
D. Ишонтира олиш, кузатувчанлик, талабчанлик, хотира да сақлаб қолиш  
E. Тарбияйый мұносабатларда фаоллик, педагогик таъсир күрсатыш, бошқарувлылық ва лидерлик  
F. Барча жавоб түғри

**8. Перцептив қобилияrtlар – бу .....**

- A. Инсонларнинг ички дүнёсига кира билиш  
B. Психологик кузатувчанлик  
D. A ва B жавоблар түғри  
E. Нұтқ қобилияты  
F. Ташкилотчилик ва коммуникативлик қобилияты

**9. Рахбарлық қобилиятынинг ривожланишида қуйидаги хислатлар мухим ахамият қасб этади:**

- A. Ахлоқий хислатлар, умумий хислатлар  
B. Ишбилармонлық хислатлари, әхтирослы хислатлар  
D. A ва B жавоблар түғри  
E. Ахлоқий хислатлар, ишбилармонлық хислатлари  
F. Эхтирослы хислатлар, умумий хислатлар

**10. Ихтилофлар қуйидаги вазиятларда вужудға келади:**

- A. Шахсларнинг бир-бирини англамаслиги, қизиқишилари ва интилишларининг мос келмаслиги  
B. Манфаатларнинг түрли хиллиги, карашларининг номутаносиблиги  
D. Бир-бирини ёктираслиги, тушунчаларнинг номутаносиблиги  
E. A ва B жавоблар түғри  
F. A, B ва D жавоблар түрі

## **IV БОБ. УМУМИЙ ЎРТА ТАЪЛИМ МУАССАСАЛАРИДА БОШҚАРУВ**

### **4. 1. МАКТАБНИ БОШҚАРИШГА ЗАМОНАВИЙ ЁНДАШУВЛАР**

Замонавий педагогика фани бошқарув гояларини хар томонлама, турли нуктаи назардан ўрганишга интилиш билан бир қаторда уларни таълим амалиётига татбиқ этишнинг йўл-йўрикларини ишлаб чиқади. Бугунги кун педагогика фанида тизимли ёндашув методологиясиз бошқарув муаммоларининг ҳал этилишини тасаввур килиб бўлмайди. Бундай ёндашувнинг жорий этилиши бошқарувда тасодифий ва кутилмаган ҳолатларнинг олдини олишга хизмат қиласди.

Тизимли ёндашувда таълим муассасаси тизим сифатида, яъни ташки мухитда хизмат қилаётган мураккаб тизим сифатида кўриб чиқилади. Бунда унинг алоқалари ва воситаларининг мазмун ва моҳиятига кўра объектни бир бутун, яъни яхлит ҳолда тасаввур килиш талаб этилади. Таълим муассасасини ўрганишда алоҳида хусусиятларга эга бўлган бир неча қисмларга ажратиб, улар ўртасидаги алоқалар ҳамда ўзаро боғликлик хусусиятлари аникланади, чунки ҳар бир қисм яхлит тизимнинг ўзгаришига ўз хиссасини кўшади.

Кенгроқ маънода тизимли ёндашув – бу фалсафа методологияси билан табиий ҳолдаги илмий тадқиқотларнинг методлари ўртасидаги вазиятни згаллаб турувчи фан, илмий билиш назариясининг методологик асосларидир. Тизимли ёндашув фан сифатида аник бир янги тушунчалар бермайди, лекин объектни ўрганишда ўзига хос яхлитлик, умумийлик, универсаллик, дифференциаллик каби тушунчалар асосида мужассамлаштирилган технологиялар, яъни тадқиқотнинг интеграцион технологияларини ўз ичига олади.

Универсал тушунчалар аппарати, абстракциянинг юкори даражаси, асосий тамойилларнинг интегратив хусусиятлари – инсонларнинг турли хил соҳалар бўйича тушунчалари, фикрлаши ва дунёкарашини ўрганишнинг самарали усули сифатида тизимли ёндашувни қўллаш имкониятини яратади. Тизимли ёндашув

йўналишидаги барча билим, кўнікма ва малакалар мажмуаси ихтиёрий фаолиятни режалаштириш ва ташкил этишда, раҳбарлик килиш, яъни раҳбарларнинг бошқарув фаолиятида энг зарурый шартлардан бири хисобланади.

В.И.Богословский тизимли ёндашувнинг тушунчалар аппарати сифатида кўйидаги тушунчаларни ажратиб кўрсатади: харакатланиш, ташкил этиш, муносабат, тартиба солиш, алоқа, мухит, мустақил уюшмоқ, ташкил топиш, ташкилий тузилиш, бошқариш, чидамлилик, функциялар, яхлитлилик, марказлаштириш, тизим.

Тизимли ёндашувнинг асосий тушунчаси “тизим” бўлиб, алоқа, муносабатлар, интеграция, яхлитлик, ташкил этувчи қисмлар каби тушунчалар оркали ифодаланади. Бу тизимнинг бир-бири билан боғлик бўлган, ўзаро таъсир этувчи қисмларининг мажмуи яхлит объектни ташкил этади.

Педагогикада “тизим” тушунчаси жуда кенг қўлланилади, масалан, таълим тизими, тарбия тизими, таълим-тарбия жараёнини ташкил этиш шакллари ва методлари тизими ва хоказо. Ижтимоий тизимнинг турларидан бири хисобланган таълим тизими – инсонларга ва ёш авлодга таълим ва тарбия бериш, таълим жараёнини ташкил этиш максадларига хизмат килувчи турли структуравий ва функционал боғлик бўлган компонентлар мажмуасидан иборат бўлади.

Таълим тизимини ўзгартириш, уни қайта ташкил этиш ва мослаштириш қайсиdir қисм ёки қисмларнинг ўзаро таъсир кўрсатиш йўналишига боғлик: моддий-техник базани мустаҳкамлаш, мазмунини такомиллаштириш ва ҳ.к. Тизимли ёндашув йўналишида турлича қарашлар мавжуд бўлиб, улар кўйидагиларни ўз ичига олади:

1. Тизимлилик, яхлитлилик – бундай шаклдаги тизимни компонентлар, ўзаро таъсир этувчи қисмлар ва бўғинларнинг ўзаро бирикиши ташкил этади ва унинг функционал вазифаларини амалга ошириш ва ривожлантиришни таъминлайди.

2. Педагогик тизимда тизимни ташкил этувчи омиллардан бири мақсад бўлиб, унга эришиш учун услугуб ва воситалар зарур хисобланади. Мақсадга эришишда тизим ва унинг компонентларининг харакати тизим функциясининг моҳиятини белгилайди.

3. Педагогик тизим таркибий кисмлардан иборат бўлиб, унинг ўзгариши ички зиддиятларга боғлик бўлади.

4. Тизим очик бўлганлиги сабабли ташқи мухит билан кўпина коммуникациялар орқали боғлик бўлиб, мухитнинг муносабатлари тизимнинг ҳаракатланиши ва ривожланишига ўз таъсирини кўрсатади.

5. Ахборотларнинг педагогик тизимга келиб тушиши ва ундан қайта ўзатилиши тизим компонентларининг ўзаро ва бутун бир тизим билан ҳамда тизимнинг ташқи мухит билан алоқа қилиш услублари ҳисобланади.

6. Талаб этилаётган, мавжуд бўлган ва истиқбол тизимлар ўртасидаги фарқни бошқарув жиҳатлари белгилайди.

Мамлакатимизда ва хорижда таълимни бошқаришнинг илмий асослари пайдо бўлиши ўзининг чукур тарихий илдизларига эга бўлиб – бу тизимли бошқарувнинг ривожланиш жараёнидир. Бошқарувга илмий ёндашувнинг барча асослари умумбошқарув, умумтехнологик, умумтизимлилик ёндашувлар бўйича олиб борилган изланишларнинг натижаларига асосланади. Шундан келиб чикиб, тадқиқотчи, олим, раҳбар ҳар бир ҳодиса ва воқеани, ҳар бир бошқарув обьектини ҳамда ўз фаолиятини тизим сифатида ҳисоблаб, тизимли ёндашув тамойилларини кўллаши зарур.

Таълим муассасаси раҳбарлари бошқарув фаолиятининг асосий вазифаси таълим жараёнини ташкил этишда ижобий натижаларга эришиш учун жамоада зарурий шароитларни яратиш, рақобатбардош битирувчилар тайёрлаш ва яхлит таълим тизимини ривожлантириш ҳисобланади.

Шундан келиб чикиб, мактаб билан таълим жараёнини ўзаро боғлик ҳолда яхлит тизим деб ҳисобласак, уларни бошқариш ҳам тизимли ҳусусиятга эга бўлиши керак. Таълим муассасаларининг ўзига хос ҳусусиятларини таҳлил қилишга тизимли ёндашувнинг мазмун ва моҳиятини куйидаги тамойиллар асосида кўришимиз мумкин:

- субъектлар фаолиятининг мақсадга йўналтирилганлиги;
- мажмуавийлилик – обьект ўзаро боғланган ташкил этувчи кисмларнинг мажмуаси эканлиги;

- интегративлик – ҳаракатланип ва ривожланишга хизмат қилувчи ички ва ташқи омилларнинг ўзаро бирлиги;
  - ўзаро боғлиқлик – объект алоҳида бир тизим сифатида ва юкори тартибли яхлит тизимнинг ташкил этувчи қисми сифатида мавжудлиги;
  - коммуникативлик – ташқи муҳит ва бошқа тизимлар билан ўзаро таъсир этиш хусусиятларига эга эканлиги.
- Бошқарув фаолиятининг тизимили обьекти сифатида таълим муассасасининг қуидаги ўзига хос хусусиятлари мавжуд:
- интегратив сифатлар, алоҳида олинган ташкил этувчи қисмлардан бирортаси ҳам бундай сифатларга эга эмас;
  - ташкил этувчи компонентлар, улар мактабнинг ташкилий қисмлари хисобланади;
  - структура – бу ташкил этувчи қисмлар ўртасидаги белгиланган алоқа ва муносабатлар;
  - тизимнинг ва унинг алоҳида компонентларининг функционал тавсифлари;
  - ички ва ташқи муҳитлар ўртасидаги ўзаро таъсир натижасида вужудга келувчи коммуникатив хусусиятлар.

Таълим муассасаси (қонуний ва меъёрий ҳужжатлар, давлат таълим стандартлари доирасида) ўз фаолияти функцияларининг йўналишини, мазмун ва моҳиятини, тартибини белгилаш ва тўлдириб бориш ҳукукига эга. Таълим жараёни функциялари амалга оширилишининг натижавийлиги ўқувчиларнинг шахсий ривожланиши ва тайёргарлигининг давлат таълим стандартлари талабларига мувофиқлик даражасини белгилайди. Таълим муассасаси фаолиятида вужудга келаётган таълим-тарбия жараёнидаги муаммоларнинг кўпкірралилиги ва мураккаблиги, нафакат таълимни бошқаришни сифат жиҳатдан ўзgartириш шартини кўяди, балки таълим муассасаларини бошқаришни такомиллаштириш заруриятини ҳам белгилайди.

Таълим муассасасини ислоҳ қилиш жараёнлари одатда локал, алоҳида, қисмлар бўйича, айрим ўқитувчиларнинг ижодий-педагогик фаолияти доирасида ўзаро боғлик бўлмаган янгиликлардан бошланади. Кейин ислоҳотлар соҳалар, тармоқлар, бўғин ва қисмларни қамраб олади. Ислоҳотлар жараёни тўла обьектни, таълим муассасани қамраб олган даврда барча ўқувчилар,

ўқитувчилар, раҳбарлар иштирок этадилар ҳамда ривожланишга, ижобий натижаларга эришишга йўналтирилган янги мақсадларни ва таркибий тузилишга эга бўлган янги турдаги таълим муасасасини яратиш зарурияти ва имконияти вужудга келади. Бундай холларда таълим муассасаси алоҳида бир ижтимоий организм, ижтимоий тизим сифатида ривожланади.

Мактаб олдиға кўйилган мақсадларга эришиш учун қаратилган, олдиндан яратилган, мавжуд бўлган салоҳиятлар асосидаги фаолиятлар жараёни асосий ва ёрдамчи (таълим жараёнлари) жараёнлар ҳамда уларни таъминловчи ва шароитлар яратувчи жараёнларни ўз ичига олади. Ривожланиш жараёнлари фаолиятлар билан боғлиқ ҳолда, салоҳиятни бойитиш, кенгайтириш асосида янада янги сифатларга, юқори ва самарали натижаларга эришишга йўналтирилган ва унинг самарадорлигини оширишга қаратилган бўлиб, улардан фойдаланишида самарадорликка эришиш ва ривожлантириш учун одатда белгиланган мезонларни алмаштириш; асосий (таълим-тарбиявий) ва ёрдамчи (таъминловчи) жараёнларни ёки фаолият жараёнини такомиллаштириш зарур бўлади.

Фаолиятнинг муваффакиятсизликлари ва натижаларнинг замонавий талабларга мос келмаётгандиги тўғрисидаги маълумотларни олиб, тизим мавжуд бўлган муаммоларни ўз салоҳияти даражасида эски усуллар асосида ҳал қилишга ҳаракат килади. Тангликни бартараф этиш тизимни қайта ташкил этиш асосида амалга оширилади. Мактаб бир бутун организм сифатида ички ўзгаришларга асосан ривожланади ва ўзаро алокалар тизими барқарорлашади. Максадга эришишдаги вазифалар, турли хил янги масалаларни ҳал этиш замонавий усуллар ёрдамида амалга оширилади, натижалар замон талабларига мослашади ва тизим ўз фаолиятини ижобий баҳолайди.

Мактабнинг муаммоларини ҳал қилиш йўналишидаги ёндашувлар, анъаналар, таомиллар, белгиланган тартиб ва меъёрларни ўз ичига олувчи мактаб маданияти педагогик тизимнинг муҳим таркибий қисми ҳисобланади. Мактаб фалсафаси ва мактаб маданиятини (бошқарув, педагогик, ўкув, маънавий) ўзаро мослаштириш жуда зарурдир. Мактабни бошқариш учун раҳбарлар ва жамоанинг бошқа вакилларидан иборат мактабнинг ички бошқаруви, яъни ички назорат ташкил этилади. Мактаб жамоаси – бу мураккаб тизим бўлиб, ўкув ва

мехнат фаолиятини қоникарли ташкил этиш, шунингдек, мактаб фаолиятининг натижаларига ўз таъсирини кўрсатувчи расмий ва норасмий, горизонтал ва вертикал, шахсларо ва меҳнат фаолиятига оид алоқалар ҳамда муносабатларни қамраб олади.

Таълим муассасаси бошқарув фаолиятининг тизимли объекти сифатида қуидаги хусусиятларга эга: зарурят, имконият, таълим муассасасининг кўрсаткичлари ва ўз қобилиятини баҳолаш мезонларини ҳисобга олиш асосидаги ривожланиш йўналиши; унинг салоҳияти, функционал имкониятлари, индивидуаллиги ва маданийлиги; мактабнинг менталитети; унинг яхлит педагогик тизими; ресурслар билан таъминланиш имкониятлари; ички имкониятлари ва ташқи муҳит билан муносабатлари; педагогик ва мактаб жамоаларининг ривожланиши, шунингдек, мактабнинг ички бошқарув тизими ва унинг ривожланиши.

Таълим муассасаларини бошқариш дастурларини лойихалашда тизимли объект сифатида яхлит таълим муассасасининг ривожланиши ва унинг уникал моделини такомиллаштириша ташкил этувчи қисмлар таъсир кўрсатишининг аҳамиятини инобатга олиш, шунингдек, бир хил, тенг шароитда таълим муассасасининг ривожланишига кўпроқ таъсир кўрсатувчи баъзи қисм ва бўгинларни ўзгартиришга имтиёзлар бериш зарур.

Таълим муассасасининг умумий моделини ўзгартириша директор, раҳбарлар ва педагогларнинг ишончларига асосланиш керак, чунки янгиланган модел замонавий талаблар даражасида ўкувчилар ва бўлажак ўкувчилар, ёш авлоднинг ўзгарувчан таълим-тарбиявий, маънавий эҳтиёжларини қондира олиш, юкори даражада кўникма ва малакаларга эга бўлган ўқитувчиларнинг тажрибаларини қўллаш ҳамда педагогларнинг ижодий салоҳиятини ривожлантиришга етарли шароитларни яратиб бериш зарур бўлиб, таълим муассасасини бошқаришнинг асосий тамоилларини (11-шакл) инобатга олиш лозим.

Замонавий мактаб директорларининг ўз-ўзини баҳолаши, ўз фаолиятини ва шахсий сифатларини ўзи ташхис этиши, ички руҳий фаолиятининг механизми орқали амалга оширилишини очиб бериш орқали психологлар томонидан уларнинг касбий ва шахсий позициялари етарли даражада аниқ таърифлаб берилган. А.Г.Выготскийнинг фикрича, директорларда психологик механизmlар асосида вужудга келадиган ижодий изланишлар,

инновацион фаолиятларнинг йўналишлари, ўзини-ўзи идора килишнинг рефлектив тамойиллари белгиланган касбий функцияларни бажариш учун тайёрланишга асосланади.

Педагогик манбаларда “рефлексия” тушунчаси ўтмишга (орқага) мурожаат қилиш сифатида талқин этилади; фикрлаш, ўз-ўзини англаш, ўз-ўзини назорат қилиш; ўзининг шахсий хатти-харакатлари ва уларнинг оқибатларини англаш учун йўналтирилган фаолият, инсоннинг назарий фаолиятлари шакли.

### БОШҚАРИШНИНГ АСОСИЙ ТАМОЙИЛЛАРИ

Самариди ривожланиши юулдари тасдиғини колдайди, таҳханий белтиланини муъмнин шунинг учун мақтаб-ривожланишидан муваффақиятнор раҳбарларнинг жобиниҳолиги, кўлай қизматларни кўра олиши ва уларни кўлдан чиқарма испитига боғлинигни

Бошқарув фаолиятнинг тикимли обьекти сифатида. Мақтабдини мувоффикларни ривожланниш учун бирча тарқиоти кисмларнинг ривожланниш суръатларин, субъектлар ва фаннеларнинг интегративни ҳамда мувоффақиятнинг зарурини

Мақтабнинг ривожленишини ишланиш мувоффикларни таҳтини вакъуд мавқуд бўлган омилларга яоссанлик директорнинг келиложонни кўра олиши ва ривожланниш ининиётларни таҳдидланандай олини маҳоратлашага боллинигни

Мураккаб тузукнинг ўга бўлган тезумлариниң (таҳдиди мувоффиклар) ичке эхинёйлорини ширкетларнинг улар ривожланишларнинг тузумларини маълумлан

бешинчлини муъмни эътишибни

Таълим муассасасини самарали бошқариш нафакат кучли, мажбурий ва кенг камровли таъсир кўрсатиш каби бошқарув усуслари асосида амалга оширилади, балки ташкил этувчи кисмлар, локал, бўгинлар бўйича аниқ белгиланган тартибида таъсир кўрсатиш, таълим муассасасининг барча бўгинларининг самарали ривожланишида яхши натижаларга зеришишга асос бўлади.

11-шакл. Замонавий мактабни бошқаришнинг асосий тамойиллари.

Мамлакатимизнинг бир қатор олимлари томонидан берилган таърифга кўра, рефлексия – бу самарали фикрлашнинг мухим механизми; юз бераётган ҳодисани кенг тизим контекстида тушуниш жараёнларини алоҳида ташкил этиш (у вазият ва ҳаракатларни баҳолаш, вазифаларни ҳал қилиш усуллари ва операцияларини топишни ўз ичига олади); вазифаларни ҳал қилишга жалб этилган индивид ҳамда бошқа одамларнинг ўзини-ўзи таҳлил қилиши, ўз ҳолати ҳамда ҳаракатларини фаол ўйлаб кўришдан иборат жараён. Шу сабабли рефлексия (орқага қайтиш) ичдан (бир индивиднинг кечинмалари ва ўзига-ўзи хисоб бериши) ҳам, ташқаридан (жамоа бўлиб фикрлаш фаолияти ва биргаликда ечим излаш сифатида) ҳам бўлиши мумкин.

Бундан ташқари, рефлексия фаолият предметига, фаолиятнинг ўзига, индивиднинг ёки бошқа одамларнинг ҳаракатларига, уларнинг ўзаро алоқаларига қаратилган бўлиши мумкин.

Рефлексия – хулқ-авторнинг маъноларини аниқлашга ёрдам беради ва фикрлашнинг шахс учун аҳамиятли бўлган компонентлари билан қўшилиб, самарали вазиятларни ҳал қилиш чоғида етакчи фаолият сифатида намоён бўлади. Рефлексия фикрлаш жараёнида ҳамда хулқ-авторда бажарадиган функцияларининг хилма-хиллиги ҳамда бу хулқ-авторни ва ҳаракатларни тартибга солишда ўйнайдиган ролнинг аҳамияти рефлексияни таълим жараёнларининг жуда керакли унсури деб хисоблашга асос бўлади<sup>\*</sup>.

**Рефлексив бошқарув.** Шахс ривожланишига таъсир этувчи турли хил омиллар билан ўзаро алоқага киришади, бунда ҳатти-ҳаракатларнинг мазмун-моҳияти ва максадга йўналтирилган ўзгартирувчи фаолиятнинг эҳтиёжини англаш мумкин бўлади, чунки ўз-ўзини чукур англаб этиш натижасида жамоада ўз ўрнини аниқлаш, ўзини намоён қилиш (ўзини кўрсата билиш), ўз-ўзини (ҳаракатларини, феъл-авторини) маъқуллаш, ўзининг ички имкониятларидан, қобилиятидан фойдаланиш, ўз-ўзини идора қилиш вужудга келади.

**Шахс-фаолият ёндашуви.** Мазкур ёндашув бошқарув жараёнида зарур ҳисобланиб, бошқарув фаолияти жараёнида

\* Курбонов. Э.Сейтхалилов ва бошқалар. Миллтий истиколол гоясини шакллантиришда ташкилий-услубий ёндашувлар. Т., “Академия”, 2002 йил, 237-бет.

педагогик тизимларнинг бошқаришни мақсадга мувофик равишда амалга оширишда, аниқ мақсадларга эга бўлган бошқарув субъектининг мотивлаштириш йўналиши сифатида вужудга келади. Замонавий психологик ва педагогик нашрларда таълимга шахснинг ёндашуви билан алоҳида танлаб олинган, яъни мўлжалланган ёндашувларнинг мужассамлашган фаолияти бўйича маълумотлар кенг ёритилган. Бирок, бу ёндашув шахс-фаолият ёндашувига нисбатан анча торрок бўлиб, И.А.Зимнейнинг таъкидлашича, бундай ёндашувда инсоннинг фаолияти ва хатти-харакатларининг барчаси эътибордан четда қолади.

Шахс-фаолият ёндашувида шахснинг ва фаолиятнинг компонентлари бир-бири билан чамбарчас боғланган, чунки бу ёндашув жараёнида шахс субъект сифатида фаолият кўрсатади ва ўз навбатида, шахснинг субъект сифатида ривожланиши турли хил омиллар таъсирида аниқланади.

Таълим-тарбия жараёни ва педагогик фаолиятнинг тез ўзгарувчан хусусиятлари яна бир методологик ёндашувни жорий этишга эътибор қаратиш заруриятини белгилайди, яъни бошқарилувчи обьектнинг маълум бир шароитдаги ички ва ташки вазиятига қараб бошқаришнинг маъқул услубини кўллашни талаб килади.

**Вазиятли ёндашув** – бошқаришнинг самарадорлигини аниқ вазиятларга кўра аниқлашни кўзда тутади. Вужудга келаётган вазиятларга мувофиқлаштирилган бошқарув энг самараали ҳисобланади.

Вазиятли ёндашувда бошқарилувчи обьектнинг аниқ шароитдаги ички ва ташки вазиятига қараб бошқаришнинг маъқул услуби кўлланилади ва мазкур жараёнда қўйидагилар инобатга олинади: муҳим аҳамиятга эга бўлган муаммоларни аниқлаш максадида таълим-тарбия жараёнининг вазиятларини таҳлил қилиш; турли педагогик вазиятларда эришиладиган натижаларнинг самарадорлигини аниқлаш; таълим-тарбия жараёнини ва педагогик фаолиятни илмий асосда ташкил этишда мавжуд бўлган вазиятлар асосида педагогик тизимнинг ривожланишини олдиндан белгилаш.

**Мувофиқлаштирилган ёндашув.** Таълим самарадорлиги-ни ошириш, кўзланган мақсадга эришишда бошқарув фаолиятига жалб этиладиган сарф-харажатларнинг меъёрдан ортмаслигини

таъминловчи, мактабнинг шароитига мос келувчи, энг қулай бўлган ҳамда бошқарув жараёни ва унинг таркибий тузилишини қайта ташкил эта оладиган тизимни вужудга келтириш мувофиқлаштирилган ёндашувни жорий этишдир. Содда килиб айтганимизда, мувофиқлаштирилган ёндашувнинг амалиётга татбиқ этилиши натижасида бошқарувчи субъектнинг меҳнати ва вакти тежалади, шунингдек, бошқарувда бир томонламалик бартараф этилади.

**Миллий-худудий ёндашув.** Ҳозирги кунда таълим-тарбия жараёнини бошқаришни ривожлантириш тизимида ёндашувнинг мазкур турига ҳам жуда катта аҳамият берилмоқда. Таълим муассасаларини минтақалаштирип жараёнлари турли хил тизимлар ва тизимости бўғинлар ўртасидаги ўзаро муносабатларнинг сезиларли даражада ўзгаришига сабаб бўлмоқда. Бошқарув карорларининг мазмун ва моҳияти турли хил даражада белгиланмоқда: давлат, ҳудудий, шаҳар, туман ва муассасалар миёсида. Бугунги кундаги тизимнинг аввалги тизимдан асосий фарқларидан, афзалликларидан бири таълимнинг демократлашуви – таълим ва тарбия услубларини танлашда ўкув юртлари мустакиллигининг кенгайиши, таълимни бошқаришнинг давлатжамият тизимига ўтилишидадир. Шундан келиб чикиб, таълим муассасасини бошқаришда субъектлар мустақил карорлар қабул қилиш, таълим муассасасининг мустақил сиёсатини олиб бориш, тактика ва стратегияни мустақил белгилаш, ҳудудий ва бошқа ривожланиш дастурларини ишлаб чикиш имкониятларига эга.

Натижалар бўйича бошқарув. Бундай ёндашувнинг асосий тоғаси шундан иборатки, ҳеч бир ташкилот (бошқарув, аввало, муассаса) ўз-ўзича ҳеч қандай аҳамият касб этмайди, аммо, у бошланган натижаларга эришиш учун ўзаро бирлашган индивидларни ёки уларнинг гурухларини тартибга солишини кўзда тутади. Натижалар бўйича бошқарув тушунчалик ривожланиш тизими сифатида амал қиласи, булар ёрдамида таълим муассасасининг барча субъектлари билан келишилган ҳолда белгиланган натижаларга эришиш мумкин. Мазкур жараённинг вазифалари, мазмун ва моҳиятини ҳар бир катнашувчига тушунтириш, маъмурий буйруқбозликтини бартараф этишда ва шахснинг ўз-ўзини англаши ҳамда ўз фаолиятига ижодий ёндашувни жорий этишига хизмат қиласи. “Натижа” тушунчасининг

ўзи бундай ёндашувларда жуда кенг маънони англатиб, асосий тушунча сифатида у куйидаги турларга бўлинади (12-шакл).



12-шакл. Натижа тушунчасининг турлари

Таълим муассасаси фаолиятини ташкил этишда уни мотивлаштириш, ташаббусларни ишлаб чиқиш ва таҳлил қилиш учун шароитлар яратиш, барча таркибий кисм ва бўлимларнинг фаолиятини мувофиқлаштириш, ижтимоий амалиёт ва таълим эҳтиёжларидан келиб чиқкан холда натижаларнинг самарадорлигини таҳлил қилишни ҳамкорликда ташкил этиш, давлат талаблари асосида педагогларни қайта тайёрлаш ва малакасини ошириш орқали амалга ошириш зарур.

#### 4.2. УМУМИЙ ЎРТА ТАЪЛИМ МУАССАСАЛАРИДА ИННОВАЦИОН БОШҚАРУВ

Адабиётларда инновация бўйича жуда кўп тушунчалар келтирилган. Масалан, у мазмун ва моҳияти, ички тузилишига кўра техникавий, иқтисодий, ташкилий, бошқарув ва бошқа инновация турларига ажратилган. Инновациянинг белгилари сифатида, унинг кўлами (глобал ва локал ), ҳаётий даврининг ўлчамлари (боскичларга ажратиш ва таҳлил қилиш), амалиётга татбиқ этиш жараёнининг конуниятлари ажратиб кўрсатилган.

“Инновация” тушунчаси (лот. Novus – янги) тадқикотларда ва илмий ишларда XIX асрларда кўлланила бошланиб, олдинги вактларда у алоҳида элементларни бир соҳадан бошқа соҳага киритишни ифодалаган.

**Инновация** – максадга йўналтирилган ўзгартиришлар бўлиб, маълум бир ижтимоий бирликка – муассаса, уюшма, жамоа ва гурухларга янги ва нисбатан баркарор бўлган элементларни, умумий ҳолда халкнинг маънавий-маданий муносабатлари ва мамлакатнинг ижтимоий-иктисодий ривожланиши билан узвий боғлиқ бўлган янгиликларни киритишидир.

Баъзида инновация жараён сифатида кўриб чиқилади. Бунда янгиликлар киритишининг ривожланиши вактга боғлиқ бўлиб, у аник ифодаланган боскичларга эга деб кўрсатилади.

Мамлакатимиз олимлари Ш.Курбонов, Э.Сейтхалилов, М.Куронов, Р.Аҳлидинов ва И.Мажидовлар инновацияларни таълим маконидаги хилма-хил ташабbusлар ва янгиликларнинг тўпланиши ва шаклини ўзгартириши тамойилларида ўз ифодасини топувчи, таълимни ривожлантиришнинг муҳим унсури сифатида қуидагича таърифлайди.

**Инновациялар** – хилма-хил ташабbusлар ва янгиликлар асосида вужудга келадиган таълим эволюцияси учун истиқболли бўлади ҳамда унинг ривожланишига, шунингдек, анча кенг мультимаданий таълим маконининг ривожланишига ижобий таъсир кўрсатадиган актуал аҳамиятли ва ўзи тизим ҳосил қиладиган янги нарсалардир. Таълимни ривожлантиришнинг инновацион механизмлари қуидагиларни ўз ичига олади:

- барча таълим муассасалари ва тузилмаларида ижодий муҳит яратиш, илмий ва педагогик ҳамжамиятда ташабbusлар ва янгиликларга қизиқиши пайдо қилиш;
- турли янги нарсаларнинг қабул килиниши ва амал қилиши учун ижтимоий-маданий ва моддий (иктисодий) шароитлар яратиш;
- изланувчан таълим тизимларини ҳамда уларни хар томонлама қўллаб-куватлаш механизmlарини яратиш;
- энг истиқболли янгиликлар ва маҳсулдор лойиҳаларни реал амал қилиб турган таълим тизимларига интеграциялаш ҳамда тўпланганди инновацияларни доимий амал қиладиган изланувчан ва экспериментал таълим тизимлари режимига ўтказиш<sup>\*</sup>.

\* Ш.Курбонов, Э.Сейтхалилов ва бошқалар. Миллий истиқбол гоясини шаклантирипда ташкилий-услубий ёндашувлар. Т., “Академия”, 2002 Йил, 237-бет.

Инновация тушунчасига берилган турли хил таърифларнинг таҳлилига кўра, инновациянинг ўзига хос мазмуни ўзгаришларни ташкил этади, инновацион фаолиятнинг асосий функцияси ўзгартиришдан иборат деган хуласа келиб чикади.

“Инновация” тушунчаси доимо бир хил маънода таърифланмайди, кўп

холларда у “янгилик киритиш” тушунчаси сифатида кўрилади, “инновацион жараён” тушунчаси эса, янгилик яратиш ва уларни ўзлаштириш ҳамда таълим муассасаси амалиётида самарали кўллашни ифодалайди.

Амалиётда “янгилик”, “янгиланиш”, “янгилик киритиш” тушунчалари кўпинча тенглаштирилади, лекин уларнинг ўртасида байзи бир фарқлар мавжуд.

Янгилик – янги тартиб, янги услуб, янги метод, янги ихтийорлар бўлиши мумкин.

**Янгилик киритиш** – бу янгиликнинг кўлланишини билдиради. Янгиликларни амалиётда кўллаш ва оммалаштиришга киришилган вактда у янги сифатга эга бўлади ва инновациялар вужудга келади. Янгилик киритишни оммалаштириш ва уларни ташкил этиш инновацион жараённинг ташкил этувчи кисмлари хисобланади.

Инновацион жараённинг учта мантикий шакллари ажратилади: ташкилот ичидаги оддий жараён, ташкилотлараро оддий жараён ва кенгайтирилган жараён. Ташкилот ичидаги оддий инновацион жараён битта ташкилотнинг ўзида, яъни ички фаолиятида янгиликни жорий этишни кўзда тутади, бунда янгилик оммалаштириш шаклига эга бўлмайди. Ташкилотлараро оддий инновацион жараёнда янгиликлар буюмларни алмаштириш сифатида алмаштирилади. Инновацион жараённинг бу шакли янгиликни яратганларнинг функцияси, истеъмолчиларнинг функциясидан фарқ қилишини кўрсатади. Янгиликларни ишлаб чиқкан ихтирочиларнинг танҳо хукуқларини (монополия) бузган ҳолда, мавжуд янгиликларни амалиётга жорий этувчи янги ишлаб чиқарувчиларнинг вужудга келишида кенгайтирилган инновацион жараён юзага келади ва ўзаро рақобат туфайли натижанинг хусусиятлари такомиллашиб боради.

Инновацион жараён шароитида энг камида иккита субъект: янгилик киритишнинг ташкилотчилари ва истеъмолчилар

(фойдаланувчилар) фаолият кўрсатади. Агар янгилик технологик жараён бўлса, унинг ташкилотчилари (ишлаб чикарувчи) ва истеъмолчилари бигта субъект сифатида фаолият кўрсатиши мумкин.

Оддий инновацион жараён иккита давр оркали ҳаётй одат тусига ўтади: 1) янгиликларни яратиш ва уларни оммавийлаштириш; 2) янгиликлар диффузияси.

Биринчи давр – бу илмий тадқиқотнинг кетма-кетликдаги босқичлари, лойиҳалаш ишлари, тажриба ишларини ташкил этиш, ишлаб чиқаришни ташкил этиш каби босқичларни ўз ичига олади. Бу даврда янгилик киритиш ва самарадорликка эришиш амалга оширилмайди, факат уни амалга ошириб самарадорликка эришиш мумкинлиги кўзда тутилади.

Иккинчи даврда ижтимоий-фойдали натижа янгиликларни ишлаб чикарувчилар ўртасида, шунингдек, ишлаб чиқувчилар ва истеъмолчилар ўртасида кайта таксимланади.

**Инновацияларни оммалаштириш** – бу ахборотлар жараёни, коммуникацион воситаларнинг қурдатига боғлик бўлган ахборотлар алмашинувининг шакли ва тезлиги, субъектларнинг ахборотларни қабул қилиш хусусиятлари ва мазкур ахборотлардан амалиётда фойдаланиш кобилиятлари ва ҳоказо.

**Инновациялар диффузияси** – ижтимоий тизим аъзолари ўртасида янгиликларнинг коммуникацион воситалар оркали вақти-вақти билан узатилиш жараёни. Маълум бир субъект учун янги бўлган ғоя, нарса ва технологиялар янгиликларни ташкил этиши мумкин. Бошқача сўз билан айтганда, диффузия – аввал ишлатилган ва ўзлаштирилган инновацияларни янги шароитда ёки янги жойда омалаштиришни билдиради. Диффузиянинг натижасида янгиликларнинг ташкилотчилари сифатида янгиликлардан фойдаланувчиларнинг сони кўпаяди.

Бошқарувни субъектнинг максадларига тахминан мос келувчи ташкилий тизимнинг ўзгариши, яъни мураккаб, кўп даражали жараён сифатида изохлашда қуйидаги бир катор хусусиятларни инновацияларга хос хусусиятлар деб ҳисоблаш мумкин: диалектиклик, даврийлик, асосланганлик даражаси, ихтилофлилик, аҳамиятлилик, таваккалчилик, раҳбарлик услубларини тавсифлаш кобилияти, вазиятга алокадорлилик, таркибий тузилишга эгалиги (структуравийлик), инновацион

харакатлар стратегиясини шакллантириш имконияти, бошқарувчанлик, ижтимоий мүлжалланганлик, инсонларни кизикиши бўйича табакалаштириш қобилияти, инновацияларнинг субъект томонидан кабул қилиниши.

**Диалектиклик** – бу инновацияларнинг ривожланиш жараёни бўлиб, унинг меъёрий асослари секин-аста, боскичма-боскич янгиланиб бориш жараёни билан тавсифланади. Инновациялар мавжуд урф-одат, анъаналар билан ижодий зиддиятларни вужудга келтиради ҳамда улар асосида амалга оширилади ва ривожлантирилади. Бу тизимнинг узлуксизлиги муассасанинг инновацион ривожланиш кўрсаткичини белгилайди.

Инновациянинг даврийлиги инсонлар онгида муҳим аҳамиятга эга бўлган маданий анъаналарнинг мақсадга мувофиқ ҳолда, секин-аста алмашиниб боришида тасдиқланади. Чунки, мустаҳкам ўрнашиб қолган тушунчалар, фикрлар, идрок ва хулк-авторнинг бирданига ўзгариши инсоннинг шахсий хислатларига салбий таъсир кўрсатиши ва унинг маънавий-ахлоқий, ўзини-ўзи англаш асосларининг бузилишига олиб келиши мумкин.

**Инновациянинг асосланганлик даражаси** – сифатли ўзгаришларнинг микдори билан ифодаланади. Инновация мавжуд бўлган ҳаракатдаги стандартлардан қанчалик кўп фарқ килса, уни ўзгартириш салоҳияти ва асосланганлик даражаси шунча юкори бўлади.

**Инновациянинг ихтиофилилиги.** Ихтиёрий янгиликни киритиш ўзига хос хусусиятларга боғлик бўлмаган ҳолда ихтиофли вазиятларни вужудга келтириши мумкин, чунки ваколат ва имтиёзларнинг муносабатларининг мураккаблашишига боғлик ҳолда, ташкилотда одат тусиға кирган ўзаро таъсир ва муносабатларни ўзгартиради.

**Инновациянинг аҳамиятлилиги** – инновацион жараён даврида ташкилот раҳбарларида ходимларнинг янгиликларга бўлган муносабатларини объектив баҳолаш имконияти туғилади, жамоада ички муносабатларнинг ўзгариши, кескинлашуви вужудга келади ва ўз навбатида мазкур жараёнга мос келувчи бошқарув тактикаларини ишлаб чиқиш имконияти туғилади.

**Инновацион таваккалчилик.** Инновациянинг эҳтимоллик хусусиятлари билан боғлик бўлади. Натижавийликка ишончсизлик инновация субъектида таваккалчилик ва

хавотирланиш ҳиссиётларини вужудга келтиради ҳамда татбиқ этиш фаолиятининг натижаларига ўз таъсирини кўрсатади.

**Инновациянинг раҳбарлик услубларини тавсифлаш кобилияти.** Инновацион мўлжалланган раҳбарлик услуби инновацион жараённинг натижасига ходимларнинг шахсий кизиқишиларини вужудга келтиришни кўзда тутади.

**Инновациянинг вазиятга алоқадорлилиги.** Инновацияни муваффакиятли амалга ошириш кўп жихатдан жамоа аъзоларининг типологик хусусиятларига ҳамда ташкилий мухитнинг янгиликларни қабул қилиш учун тайёргарлик даражасига боғлиқ бўлади.

**Инновацияларнинг структуравийлиги.** Янгиликлар билан танишиш, баҳолаш, синаш, маъкуллаш ва тўла қабул қилиш инновацияни амалиётта татбиқ этишининг асосий босқичларини белгилайди.

**Инновацияларнинг раҳбарликнинг инновацион услублари стратегиясини шакллантириш имконияти.** Инновацион дастурларни амалиётта татбиқ этишининг самарадорлиги инновациялар субъектининг кизиқишиларига ва бунинг натижасида инновацион жараёнларга индивидларнинг психологик тайёргарлигини шакллантириш ҳамда тайёргарлик даражасини ривожлантиришига боғлиқ бўлади.

**Инновацияларнинг бошқарувчанлиги** – янгиликларни татбиқ этишда ташкилий вазиятларни ривожлантиришнинг дастурлаштириш имкониятларига боғлиқ бўлади.

**Инновацияларнинг ижтимоий мўлжалланганлиги.** Индивидуал мақсад ва вазифаларни ташкилий тизимнинг мақсад ва вазифалари билан мувофикаштириш асосида инновацион жараён субъектларининг ўзини-ўзи ривожлантириши, шахсий ривожланиш истиқболларини белгилайди.

**Инновацияларнинг инсонлар кизиқиши бўйича табакалаштириш кобилияти.** Алоҳида индивид ва гурухлар учун инновациянинг турли хил муносабатлари мавжуд. Маълум бир ходимлар томонидан қўшимча имкониятлар олиниши бошқа ходимларнинг имкониятлари камайишига олиб келади ва бу ўз навбатида янгиликларни қабул қилиш учун аниқ тартиб ўрнатишга ўз таъсирини кўрсатади.

**Инновацияларнинг субъект томонидан қабул килиниши.** Шахс томонидан маълум бир янгиликларнинг қабул килиниши мавжуд харакатдаги тизимнинг ўзига хос

хусусиятларига кай даражада мос келишига ҳамда имкониятларни шакллантиришда субъектнинг ҳолатини яхши ёки ёмон томонга ўзгартиришига боғлик бўлади.

Юкорида санаб ўтилган сифатларнинг аҳамияти бошқарув янгиликларининг ижтимоий-маданий ва ижтимоий-психологик тизимларнинг ажралмас кисми сифатида янги жараёнга мослашувчан, ўз-ўзини янгиловчи механизм эканлигини тавсифлайди.

Инновацион фаолиятга етакловчи омиллар объектив ва субъектив хусусиятларга эга бўлиб, унинг асосий йўналишини белгилайди. Инновацион фаолият жараёнини ташкил этишнинг педагогик шартлари мақсадга йўналтирилган, илмий асосланган жараёнларда инновацияларнинг ривожланишини такомиллаштириш учун имконият яратади.

Инновацион фаолиятни ривожлантиришда уни ташкил этиш жараёнини олдиндан моделлаштириш асосида юқори самарадорликка эришиш мумкин. Умумий ўрта таълим муассасаларида инновацион жараёнларни бошқариш модели муассасада ўзаро таъсир кўрсатувчи, функционал вазифалари аник белгиланган мутахассислар, бошқарув субъекти структурасини тасвирлайди.

Таълим муассасалари амалиётига инновацион моделларни самарави татбик этишнинг бошлангич шартлари сифатида: умумий мақсадларнинг мавжудлиги; бошқарув структурасининг қулаги ва демократик хусусияти; ахборотлар алмашини тизими орқали тизимости тизимларнинг горизонтал мувофиқлаштирилиши; раҳбарларнинг юкори даражада профессионал компетентлиги (ўз соҳасининг моҳир устаси бўлиши); жамоада психологик мухитнинг ижобийлиги; инновацион фаолиятда ўқитувчиларнинг самарави иштирокини таъминловчи чоратадбирларни келтириш мумкин.

Инновацион жараённинг таркибий тузилишини (12-шакл) муаммолар, янгиланишга эҳтиёж; субъектлар; мақсад, вазифалар; мазмун; методлар; натижа ташкил этади.

Куйидаги шаклдан кўриш мумкинки, инновацион жараённи ташкил этиш ҳамда кўзланган натижаларга эришишда, энг аввало, таълим муассасасидаги мавжуд муаммоларни ўрганиш ва таҳлил қилиш, мавжуд муаммоларни бартараф этишда бажарилиши зарур бўлган вазифаларни, мақсадни аниқлаш,

шунингдек, муассасанинг имконияти ва эҳтиёжларидан келиб чиқиб инновацион жараённинг мазмун ва моҳиятини белгилашнинг сифати ва бажарилиш самарадорлиги субъектларнинг фаолиятига қай даражада боғлиқ бўлса, таълим муассасаси фаолиятида белгиланган мақсадларга кўра юкори натижаларга эришиш уларнинг инновацион фаолияти ҳамда инновацион жараёнларни ташкил этиш кобилиятларига шу даражада боғлиқ бўлади. Шунингдек, барча кўрсаткичлар бўйича маълумотлар олиш учун катор методлар ҳам кўлланилади: педагогик тажриба-синов, сўровномалар, хужжатлар таҳлили ва ҳ.к. Бу методларни кўллаш ёрдамида олинган маълумотлар ишлаб чиқилган инновацион моделнинг ҳаётий аҳамиятини аниқлашга имконият яратади.



12-шакл. Инновацион жараённинг таркибий тузилиши

Таълим муассасаларида инновацион жараёнларни бошқаришнинг турли моделларини татбиқ этиш кўйидагиларни назарда тутади: жараёнлар самарадорлигини (бошқарув сифатлари, инновацион фаолиятга қизиқиши ва тайёрланиш) таъминловчи, бошқарув субъекти хусусиятларини ишлаб чиқиш; татбиқ этиш (тажриба-синов ишларини, педагогик таҳлил, ўзаро кузатиш, устоз-шогирд тизими, семинарлар, маслаҳатлар) шакллари, восита ва методларини ишлаб чиқиш.

“Инновация” ва “инновацион жараёнлар” иборалари ўзаро яқин ва ўхшаш, лекин бир хил маънони англатмайди.

**Инновацион жараён.** Инновацияларни вужудга келтириш, амалиётга татбик этиш ва оммалаштириш фаолиятлари билан боғлик. Инновацион салоҳиятига кўра янгиликлар; модернизация, фаолиятни такомиллаштириш, шаклан ўзгартериш, ривожлантириш билан боғлик бўлған модификацион инновациялар; олдиндан маълум бўлған методлар элементларининг янги тизимга бирикишини назарда тутувчи бириккан инновациялар; ўхшашликка ва умумийликка эга бўлмаган радикал инновациялар ислоҳотларнинг асоси сифатида белгиланади.

Педагогик жамоа аъзоларини инновацион жараёнга жалб этиш алоҳида бир жамоа аъзосининг фаолиятига ёки бутун жамоа фаолиятига боғлик бўлиши мумкин. Инновацияларни татбик этишнинг натижавийлигини текшириш уларнинг самарадорлигини баҳолаш масалаларини ҳал этишни талаб этади ва бунга куйидагилар мисол бўлади: педагогик жамоанинг касбий маҳорати ўсиши; жамоада ижтимоий-психологик мухитнинг мустаҳкам ва ижобий хусусиятлари; таълим ва тарбия жараёнини янгилашга жамоанинг тайёрлиги; жамоанинг илмий ва илмий-методик салоҳиятини оширишга мойиллик; педагоглар ўртасида ахборотлар алмашинуви сифатининг ўсиши; ўкувчиларни таълим тизимининг турли босқичларида ўқишини давом эттиришлари учун тайёрлаш сифати.

Шу қатори инновацион фаолиятда педагогларнинг иштирок этиш асослари ҳам мухим аҳамиятга эга (масалан, таълим муассасаларини ўзгартериш, янгилаш жараёнида педагоглар ўз иштирокини мухим ва зарур деб хисоблайдими ёки зарур деб хисобламайдими ва х.к.). Жамоадаги муносабатларни ҳам таҳлил килиш мухим хисобланади, чунки бу педагогик жамоада ижобий руҳий мухитнинг шакллантирилганлиги тўғрисидаги маълумотларни олишга имконият яратади. Жамоадаги ўзаро муносабатлар куйидаги белгилар орқали тавсифланади: “ўзаро ёрдам ва эҳтиросли қўллаб-куватлашлар”, “ишонч ва бир-бирига нисбатан юкори даражадаги талабчанлик”, “жамоага тегишли бўлған масалалар мухокамаси жараёнида ўз фикрини эркин ифодалаш” ва х.к.

Умумий ўрта таълим муассасаларида инновацион жараёнларни самарали бошқаришни амалга ошириш учун куйидаги талаблар қўйилади:

- таълим тизимини бошқаришнинг мавжуд тизими билан унинг интеграциялашувини амалга ошириш;

- умумий ўрта таълимнинг ихтисослаштирилган таълим дастурлари билан боғлиқлигини таъминлаш масалаларига тизимли ёндашувни жорий этиш;

- бошқарув субъекти обьектнинг функциялари ва структурасига мос келадиган қулай ва ривожлантирувчи, инновацион фаолият моделларига эга бўлиши зарур. Яъни, таълим инновацияларининг барча асосий шакларининг интеграциялари амалга ошириладиган таълим муассасаси учун таълим дастурларининг самарали бажарилишини таъминловчи янгиликларни кенгайтириш, ривожлантириш, қўллаб-куватлаш, такомиллаштириш ва мувофикаштириш имкониятларини яратувчи, янгиликлар билан бойитилган мукаммал бошқарув структурасини яратиш зарур.

Бошқарув фаолияти асосан инновацион жараёнлар натижасида ривожланади. Инновацион бошқарувнинг турли хил моделларини самарали татбик этишнинг асосий шартлари: бошқарув структурасининг қулай ва демократик хусусиятлари; тизимости тизимларни мувофикаштиришнинг аниклиги; раҳбар хусусиятларининг таълим тизимининг ривожланиш ва харакатланиш самарадорлигини сақлашга мос келиши; педагогик жамоа хусусиятлари мажмуаси; кадрларни ўқитиш, инновацион жараёнларни қўллаб-куватлаш бўйича чора-тадбирлар белгилаш ва амалга ошириш ҳисобланади.

Умумий ҳолда, таълим муассасалари бошқарувида инновацион фаолиятни таъминлашнинг назарий таҳлили унинг обьективлигини, ёш авлодга таълим-тарбия беришда узлуксиз таълимни ташкил этиш ва ривожлантириш тамойиллари асосида, замонавий талабларга мос янги вазифаларни бажариш, ўкувчиларнинг қобилиятлари ва имкониятларига мувофиқ равишда, таълимга табақалаштирилган ёндашув, таълим жараёнига илғор педагогик ва янги ахборот технологияларини жорий этиш заруриятини исботлайди.

#### **4. З. ПЕДАГОГИК ХОДИМЛАРНИНГ ИННОВАЦИОН ФАОЛИЯТИНИ ТАШКИЛ ЭТИШ ВА БОШҚАРИШ**

Замонавий мактабларда бугунги кунда ўқитувчи узлуксиз инновацион изланишда бўлиши, фикрлаши, психологик муносабатларини ўзгартериши, шунингдек, бошкаларда ҳам инноватик ғояларни шакллантириш асосида фаолият кўрсатиши зарур.

Ўқитувчилар бундай фаолиятга алоҳида тайёргарлик кўриши керак бўлиб, бу ўз навбатида таълим муассасаси раҳбарларининг асосий функцияларидан бири бўлган таълимни ривожлантиришнинг узок муддатли стратегик режаларини тузишда асосий эътиборни ўқитувчиларнинг у ёки бу асосда ижодий фаолият юритишлари учун тушунтириш ишларига қаратиши лозим. Бу ўз навбатида ўқитувчиларнинг касбий кизиқишилари кўламини кенгайтиришга, яъни уларнинг методик адабиётларни ўқиб ўрганишдан то назарий психологик-педагогик ва фундаментал тадқиқотлар олиб боришига ҳам имкониятлар яратади. Яхши илмий-педагогик тайёргарлик инновацион фаолиятнинг самарадорлигини таъминлайди. Инновацион жараёнларда фаол иштирок этувчи ўқитувчилар мунтазам равишда ўзини-ўзи ривожлантириши ва таълим-тарбия тизимини такомиллаштиришининг катализаторига айланади, яъни мазкур жараёнларнинг тезлашишида муҳим аҳамият касб этади.

Бундай педагоглар билан ишлаш, яъни жамоани ўзига эргаштира оладиган ходимларни бошқариш ва уларнинг фаолиятини ташкил этиш ўзига хос хусусиятларга эга. Шунинг учун таълим муассасаси раҳбарлари янгилик яратиш ва уларни татбиқ этиш, ихтирочилар салоҳиятидан самарали фойдаланиш, уларнинг тажрибасини тарғибот қилиш, оммалаштириш, инновацион фаолиятларининг натижаларини баҳолаш бўйича, айниқса мактаб ва педагогик жамоа даражасида зарур билим, кўнишка ва малакаларга эга бўлиши зарур бўлиб, бу уларнинг интегратив маҳоратларини белгилайди.

**Интегратив маҳорат** – бу умумлаштирилган маҳорат бўлиб, таълим муассасаси раҳбарлари бошқарув фаолиятида ижобий натижаларга эришиш, таълим-тарбия жараёнини ривожлантиришга йўналтирилган мактаб ички бошқарувининг

максадини тизимли режалашириш ва амалга оширишида зарур хисобланади. Мазкур кўниkmага эга бўлмасдан максадга эришишнинг йўллари, воситалари ва эришиш муддатини аниқ белгилаш мушкул. Педагогика фанининг ва олдинги тажрибаларнинг интегратив асосдаги хуносалари ва тавсиялари янги гояларнинг манбаси хисобланади, улар ўз навбатида инновацион жараёnlарни бошқариш самарадорлигига ўз таъсирини кўрсатади.

Умумий ҳолда, ўкув юртларида инновацион фаолиятни ташкил этишга объектив ва субъектив омиллар сабаб бўлади. Объектив омилларга давлатнинг янги таълим сиёсати, таълим соҳасидаги фундаментал ва амалий тадқиқотлар, умумий ўрта таълим мактабининг инновацион фаолият йўналишидаги тажрибаларини киритишимиз мумкин.

Субъектив омилларга ижтимоий-худудий эҳтиёж, ўкув юртининг таълим-тарбиявий фаолиятининг ривожланиш жараёни, педагогларнинг илмий-методик билим, кўниkmа ва малакалари, илмий салоҳиятнинг ривожланиши, ўкув юрти салоҳиятнинг ўсиши, бошқарув хусусиятларининг ўзгариши мисол бўлади.

Умумий ўрта таълимга янгича ёндашувларни жорий этиш, биринчи наебатда, таълим мазмунини янгилаш, илғор педагогик технологиялар ва ўқитишнинг замонавий методларини татбиқ этиш, таълим жараёнини илмий асосда ташкил этиш ва уни бошқаришни замонавий ижтимоий-иктисодий шарт-шароитларнинг талбларига мос ўзгаришиш, педагогик ходимларни қайта тайёрлаш ва малакасини оширишининг илмий-педагогик асосларини яратиш ва такомиллаштириш ҳамда инновацион таълим муассасаларининг барча турларига хос инновацион фаолиятнинг структуравий компонентларига асосланишга боғлиқ.

Таълим муассасасининг инновацион фаолияти жараёнини ташкил этишнинг педагогик шартлари сифатида куйидагилар белгиланади:

1. Инновацион фаолиятнинг ўзига хос хусусиятларини акс эттирувчи назарий-педагогик қоидалар мажмуасини ишлаб чиқиши. Назарий-педагогик қоидалар мажмуаси инновацион фаолиятнинг асослари билан белгиланиб, инновацион фаолиятнинг максади, вазифаси, мазмуни ҳамда уни ташкил этиш тамойилларини ўз ичига олади. Ўкув муассасасини инновацион

фаолиятга жалб этувчи омиллар инновацион фаолиятни мотивлаширишга сабаб бўлади. Инновацион фаолиятни ташкил этиш ишлари асосий мақсадга эришишга йўналтирилган бўлади ва шу муносабат билан ўкув муассасасида асосий ўзгаришлар вужудга келади. Мазкур мақсадларга эришишда қатор вазифаларни бажариш зарур:

-жамиятнинг ижтимоий-иктисодий эҳтиёжларига мос, билимли ва қобилиятли битирувчилар моделини амалга оширишга асосланиш (таълим мазмунини янгилаш);

-юкори синф ўкувчиларини касбга йўналтириш жараёнига инновацион ёндашувларни жорий этиш (таълим дастурларини янгилаш), бунда инновацион ёндашувлар қуидагиларни назарда тутади:

- биринчидан, ўкув дарслекларининг мазмунини турли мафкуралардан тозалаш, рақобатни вужудга келтирувчи фикрлар билан тўлдириш;

- иккинчидан, давлат таълим стандартларига мос равишда, харакатдаги дастурларга янги ривожлантирувчи айrim ўзгаришишларни киритиш;

- учинчидан, ўкув режасининг факультатив ва мактаб ихтиёридаги соатлар блокларига янги фанларни киритиш.

- янгиланган технологик ва дастурий-методик маҳсулотларни яратиш назарий ишлаб чиқилган узлуксиз таълим ғояларини амалга оширишнинг долзарб эҳтиёжларини ифодалайди. Мазкур ғоя таълим ва тарбиянинг замонавий технологияларини излаш муаммоларини вужудга келтиради ва булар субъект-субъект, ўкувчи ва ўқитувчи муносабатларига асосланади, бу муносабатлар шахснинг кизикишлари, қобилиятлари ва сифатларини англашга йўналтирилган умумий ривожланиш шартларини белгиловчи асослар хисобланади;

- кўпроқ самарали ҳисобланган ўқитиш воситаларини танлаш.

2. Таълим муассасасининг илмий-тадқиқот салоҳиятини шакллантириш. Муассаса шароитида инновацион фаолиятни ташкил этишининг мухим асослари таълим муассасасининг илмий-тадқиқот салоҳиятини шакллантириши ҳисобланади ҳамда у ўқитувчи ва ўкувчиларнинг ҳамкорлиги асосида ривожланади.

3. Инновацион фаолиятни ташкил этишни таъминлашнинг асосий шартлари алоҳида бошқарув жихатлари, яъни мазкур фаолиятни ташкил этишга йўналтирилган, янгиланган бошқарув структурасини шакллантириш хисобланади. Инновацион фаолиятни илмий асосда ташкил этиш муносабати билан таълим жараёнига инновацияларни киритишда барқарорлик вужудга келади. Бунда энг муҳими, педагогик жамоанинг инновацион фаолиятта тайёргарлиги ва эҳтиёжларини инобатга олиб янгиликларни танлаш хисобланади.

Таълим тизимининг ривожланишини тизимли бошқариш таълим муассасаларининг меъёрий функцияларини бажариш билан, алоҳида инновацион лойиҳаларни бирлаштирувчи, ягона мақсадга қаратилган дастурлар доирасида педагогик жамоа аъзоларини бирлаштиришга йўналтирилади.

Шунингдек, мактаб равожланишини бошқаришнинг янгиланган структурасини амалиётга татбиқ этиш жараёни қўйидагиларни назарда тутади:

1. Субъект – директор, турли масалалар бўйича, директор ўринбосарлари, ўқитувчилар ва ўкувчиларнинг ўзини-ўзи бошқариш ташкилотлари фаолиятини татбиқ этиш. Мазкур жараённинг самарадорлигини таъминловчи субъектларнинг хусусиятларини ишлаб чиқиши назарда тутади (бошқарув сифатлари, шахснинг йўналтирилганлиги, инновацион фаолиятга қизиқиши, фаолиятга тайёргарлик ва х. к.).

2. Татбиқ этиш жараёнининг элементлари инновацион моделнинг мустаҳкам харакатланишини қўллаб-куvvatловчи чоралар мажмуаси сифатида шакл, метод ва воситаларни ўз ичига олади. Татбиқ этишнинг асосий шакли педагогик тажриба-синов ишлари хисобланади ва бунда таҳлил қилиш, натижаларни баҳолаш, бошқарув субъекти фаолиятининг мазмунини такомиллаштириш, бошқарув алокаларини, муносабатларини, ҳуқуқ ва масъулиятларини белгилаш ишлари амалга оширилади. Мазкур жараёнда функциялар тақсимотини таҳлил қилишда бошқарув тизимидағи ахборотлар оқими, ҳужоатлар айланиши, иш режими, муассаса ҳолати ва таснифий хусусиятлари, лавозимлар бўйича кўрсатмалар ўрганилади, шунингдек, бошқарув тизимида муассаса фаолиятини, инновацион жараёнларни амалга оширувчи шахсларнинг функцияларини ва инновацияларни зарур ахборотлар билан

таъминловчи хужжатлар, низом, тезкор мувофиқлаштириш режалари ва бошка меъёрий хужжатлар аниқланади.

Мазкур йўналишда инновацияларни татбиқ этиш методлари ва воситаларига: педагогларнинг таълим-тарбиявий фаолиятини педагогик таҳлил қилишни “кўплаб-куватловчи”, умумий максадга эришишда инновацияларнинг аҳамиятига ишонтириш каби ишбилармон ўйинлари орқали инновацион фаолиятнинг усул ва шаклларини ёритиш, илғор тажрибаларга эга бўлган малакали ходимлар фаолиятини кузатиш; педагогларнинг ўзаро бир-бирини кузатиши ; устоз-шогирд фаолияти; ўқитиш амалиёти бўйича кисқача маълумотлар; инновацион фаолиятни моделлаштириш йўналишидаги семинарлар, маслаҳатлар; инновацион фаолият (инновацион жараёнларни бошқариш) стратегияларини шакллантиришга кўпроқ тажрибага эга бўлган ўқитувчиларни жалб этиш мисол бўлади.

3. Самарали татбиқ этиш шароитларининг мажмуаси. Бу – ташкилий-педагогик ва психологик-педагогик шароитлар бўлиб, бошқарув структурасининг кулайлиги, бошқарувнинг демократик хусусиятлари, жамоада ижодий мухитни яратиш, унинг мустаҳкамлигини кучайтириш, бошқарув субъектларининг ўз фаолиятларидан қоникишларини оширишни ўз ичига олади.

Бошқарувнинг инновацион моделларини татбиқ этиш самарадорлигининг аҳамиятли кўрсаткичлари педагогларнинг методик кўлланма ва кўрсатмалар тайёрлаш, турли хил тадқикот ишларини бажаришдаги фаоллигини ифодалайди. Ўкув ва илмий-тадқикот фаолиятларини фаоллаштириш педагогларнинг касбий маҳоратига боғлик бўлади. Шундай экан, таълим мазмунига янгиликларни киритиш тизими, таълим жараёнини ташкил этиш ва уни бошқаришда илғор педагогик технологиялар ва методларни қўллаш, педагогик ходимларнинг илмий-педагогик асосларда малакасини ошириш ва қайта тийёрлашни амалга ошириш билан тавсифланади.

Умумий ўрта таълим муассасалари педагогларнинг инновацион фаолиятини ташкил этиш ва бошқаришда мактаб раҳбарларини инновацион фаолиятга ундовчи ва мазкур ўйналишидаги харакатларини таъминловчи асослар тўртта асосий гурухга ажратилади:

- биринчидан, бу янгилик киритиш натижасида вужудга келадиган, хурмат-эътибор, ҳокимият, ваколат ва мавқе билан тўғридан-тўғри боғлиқ бўлган шахсий моддий кизиқишилар;
- иккинчидан, ташкилий тизимнинг самараали ривожланишига мос равиша ўзини-ўзи касбий ривожлантиришга интилиш;
- учинчидан, жамоанинг маънавий-психологик мухитида инновацион жараёнларнинг аҳамиятини англаш;
- тўртинчидан, тезкор бошқарувнинг мазмун ва моҳиятини тушуниш ва мантиқан заруриятини қабул қилиш.

Бу жараёнда куйидаги қатор вазифалар таълим жараёнини такомиллаштириш, янгиликлар киритишни амалга ошириша таълим муассасаси раҳбарларининг асосий вазифалари ва уларнинг бошқарув фаолиятининг ҳамда педагогик инновациялар самарадорлигининг асосий шартлари ҳисобланади:

- мактаб жамоаси учун янгилик киритишнинг долзарблиги муаммоларини узил-кесил ҳал қилиш ва стратегик ривожланиши таъминлашнинг асосий омиллари сифатида белгиланиши;
- танланган инновацион воситаларнинг мазкур мактабнинг имкониятларига мос келиши;
- инновацияларнинг тўла илмий асосланганлиги;
- инновацион жараёнларнинг аҳамиятлилиги ва тизимлилиги;
- янгилик яратувчи ва ундан фойдаланувчиларнинг шахсий-профессионал хусусиятларини ҳисобга олиш ва инновацияларнинг аҳамиятини англаш, ҳар бир субъектнинг юкори даражадаги масъулияти ҳамда жавобгарлигини ифодалаш;
- инновацион жараёнларда педагогик ва бошқарув таваккалчиликнинг минимал даражада бўлиши учун етарли шароитлар яратиш, таваккалчиликнинг даражасини тушуниш ва уларнинг асосланганлигининг зарурияти;
- бошқарув функциялари ва бошқарув механизмларида, таълим жараёнининг мазмунида, педагогик технологияларда, таълим муассасасининг дастури ва концепциясида ўзгартеришлар ҳамда ривожланиши тамойилларининг ўз ифодасини топиши;
- раҳбарларнинг бошқарув фаолияти методологиясининг инновацион жараёнларни бошқариш шартлари ва тамойилларига мос келиши.

Хозирги кунда амалга оширилаётган замонавий ижтимоий-иктисодий ўзгартиришлар бевосита таълим тизимиға ўз таъсирини кўрсатади. Таълимни янгилаш уни демократлаштириши, ижтимоийлашуви ва инсонпарварлашувини, бошқарувда маъмурӣ буйруқбозлиқ тизимидан воз кечишни, интегратив жараёнларни кучайтириш, таълимнинг ишлаб чиқариш билан алокасини такомиллаштириши назарда тутади. Бу жараёнлар ижтимоий-маданий вазиятларнинг объектив ўзгаришлари билан боғлиқ холда мазкур тизимнинг инновацион фаолиятларга бўлган эҳтиёжини белгилайди.

#### 4.4. СТРАТЕГИК БОШҚАРУВ ВА РЕЖАЛАШТИРИШ

Таълим тизимини ривожлантириш йўналишида амалга оширилаётган ислохотлар барча таълим муассасаларида таълим жараёнини илмий асосда ташкил этиш ва бошқаришда фантехника ютуқларига асосланган бошқарувнинг энг самарали, инновацион методларидан фойдаланишини, бошқарув йўналишида билим, кўникма ва малакаларни, янги шахсий ва касбий сифатларни талаб қиласди, бу ўз навбатида стратегик бошқарувнинг заруриятини белгилаб беради.

Стратегия [strategos] грекча сўз бўлиб, ўзбек тилида “генерал санъати” деган маънони англатади. Ўзбек тилининг изохли луғатида ҳам мазкур атама уруш олиб бориш санъати, ижтимоий-сиёсий курашга раҳбарлик килиш санъати ва илми маъноларида талкин этилган. Стратегия сўзи бугунги кунда бирон-бир фаолиятга раҳбарлик килиш, корхона ёки муассасалар фаолиятини бошқаришда истиқболни олдиндан аниқлаш, фаолиятни олдиндан режалаштириш, бажариладиган вазифаларнинг йўналишини аниқлаш, шунингдек, мақсадга эришишда натижаларни олдиндан аниқлаш ва назорат қилиш йўналишларида кенг қўлланилмоқда. Мазкур сўздан стратегик режа, стратегик режалаштириш, бошқарув стратегияси, стратегик бошқарув каби тушунчалар келиб чиқсан бўлиб, бу тушунчаларнинг ҳар бири ўзининг мазмун-моҳиятига кўра таълим муассасаларини бошқаришда муҳим аҳамият касб этади.

Стратегик режа – бу муассасада таълим тизимини ривожлантириш, таълим-тарбия жараённида кўзланган

мақсадларга эришиш – ракобатбардош бити्रувчилар тайёрлаш йўналишида узок (беш, ўн йил ва ундан кўпроқ муддатларни ўз ичига олади) муддатларга мўлжалланган вазифаларни ўз ичига олган дастур (истикбол режа) бўлиб, у таълим муассасасининг ҳамда раҳбар-ходимларнинг йиллик ва жорий режалари учун асос сифатида хизмат қиласди.

**Стратегик режалаштириш.** Таълим муассасасининг мақсадларидан келиб чиқиб амалга ошириш зарур бўлган вазифаларни белгилаш, мазкур вазифаларни амалга ошириш учун бошқарув функциялари, методлари ҳамда мақсадларини аниқлаш ва амалга ошириш юзасидан стратегик режалар ишлаб чиқиш жараёни бўлиб, бунда мақсад ва вазифаларнинг илмий асосланганлиги, белгиланган муддатларнинг аниқлиги ва объективилги, ижрочиларнинг билими ва касб маҳорати, ташки мухит таъсири, фан-техника ва технологияларнинг ривожланиши, муассаса имкониятлари, шунингдек, бошқарув стратегияси, яъни стратегияни амалга оширишни бошқариш йўналишлари ўрганилиб таҳлил килинади.

**Бошқарув стратегияси.** Кўзланган мақсадларга эришишда таълим муассасаси фаолиятини такомиллаштириш, педагогик ходимлар фаолиятини мувофиқлаштириш, стратегик режа асосида фаолиятни ташкил этиш ва бошқариш йўналишида асосан бошқарувнинг икки хил турини назарда тутади: стратегик бошқарув, конъюнктуравий бошқарув. Амалий фаолиятда у ёки бу бошқарув йўналишининг устунлиги ташкилий тизимнинг янгилик даражаси кўрсаткичлари билан белгиланади.

**Стратегик бошқарув** – бу таълим муассасасининг стратегик мақсади йўналишида муассаса имкониятларини педагогик ходимларнинг умумий манфаатлари билан мувофиқлаштиришни назарда тутувчи узок муддатга тузилган дастур, режа ва лойиҳалар асосида бошқаришдир. Стратегик бошқарув одатда, мазкур тизимни бошқарув маданиятининг юкори даражасини белгиловчи кенг инновацион дастурларни амалга ошириш имкониятини яратади.

**Конъюнктуравий бошқарув** – маълум бир даврда муассасанинг иктисодий ҳолатини тавсифловчи белгилар мажмуаси билан боғлиқ бўлади.

Таълим муассасаси фаолиятини ривожлантириш ва такомиллаштириб боришда, энг аввало, кўзланган мақсадларга эришишда фаолиятнинг стратегик режасини тузиш ва мазкур режа асосида муассасанинг истиқбол мақсади ва имкониятларини ходимлар манфаати билан уйғунлаштиришни ҳамда таълим муассасасининг фаолиятини замонавий ўзгаришларга мослаштириб бориш, таълим инновацияларини жорий этишни назарда тутувчи узок муддатли бошқарув усулларини бошқарув жараёнига татбиқ этиш зарур. Бу ўз навбатида истиқболни тадқиқ қилиш ва максадларга эришишда, ривожланишга таъсир этувчи омилларни олдиндан таҳлил қилишда зарурый билим, ривожлантирувчи бунёдкор ғоялар ва уларни амалга ошириш санъати заруриятини белгилайди.

Таълим муассасаларида инновацион бошқарув жараёнида муассасанинг истиқбол мақсади ва имкониятини педагог ходимларнинг манфаатлари билан уйғунлаштирувчи узок муддатли бошқарув усуллари – стратегик бошқарувнинг амалиётта қўлланиши таълим самарадорлигини оширишда муҳим аҳамият касб этади.

Бошқарув жараёнини такомиллаштириш ҳамда таълим муассасаси олдиғаги вазифаларни замонавий талаблар даражасида бажариша маҳсус, функционал, мужассамлаштирилган ва диверсификациялашган стратегияларни кўллаш орқали таълим самарадорлигини ошириш мумкин.

**Махсус стратегия** – таълим муассасасида таълим жараёни самарадорлигининг пасайиб кетишини, ўқувчиларнинг ўзлаштириш даражасининг ДТС талаблари даражасидан тушиб кетмаслигини, шунингдек, тажрибали, билимли, ўз касбининг фидойилари бўлган педагогларнинг таълим муассасасидан кетиб қолишлиарнинг олдини олиш мақсадида узок муддатга тузилади.

**Функционал стратегия** – таълим муассасасининг таълимтарбия жараёни иштирокчилари, бўлимлари, жамоавий бошқарув органлари ва маъмурият ҳамда жамоатчилик ташкилотлари олдиғаги вазифаларни амалга ошириш усулларини ўз ичига олган ишчи стратегия ҳисобланади.

**Мужассамлаштирилган стратегия** – таълим жараёнини илмий асосда ташкил этишнинг барча йўналишларини қамраб олган ҳамда таълим муассасасининг яхлит фаолиятини ўзида жамлаган мўлжалдир.

**Диверсификациялашган стратегия** – таълим жараёнини илмий асосда ташкил этиш, иқтидорли ўқувчиларни аниклаш ва уларни ўқитишида табақалаштирилган ёндашувларни жорий этиш асосида ўқувчиларнинг ўзлаштириш кўрсаткичларини кўтариш, мактаб битирувчилари ўртасида ракобатбардош, хорижий тилларни биладиган, билимли, кенг дунёкарашга эга бўлган битирувчилар сонини кўпайтиришга каратилган вазифаларни амалга ошириш ўйларини ифодалайди.

Замонавий ижтимоий-иктисодий ривожланишлар ва таълим тизимидағи ислоҳотлар жараёнида амалга оширилаётган янгиликларга мактаб фаолиятини мувофиқлаштириб боришда таълим муассасаси раҳбарлари жорий режалар билан чекланиб қолмай, ўз муассасалари келажаги ва ривожланишига таъсир қилувчи омилларни (13-шакл) хисобга олган холда “стратегик” узок (беш, ўн йил ва ундан кўпроқ) муддатларга мўлжалланган истиқбол режаларини тузиши ҳамда улар асосида фаолият олиб бориши зарур.

Таълим муассасаларини ривожлантириш ҳамда бошқарув жараёнини такомиллаштиришда муассасанинг ривожланишига таъсир этувчи омиллар, раҳбарлик услублари, функция ва методлари, раҳбар ўзининг бошқарув фаолиятида афзал билган ва асосланган барча усууллар стратегик бошқарувнинг тактика ва стратегияларидан ташкил топган тизим сифатида каралади.



13-шакл. Муассасанинг ривожланишига таъсир этувчи омиллар

Бунда бир томондан стратегиялар билан бошқарув фаолияти мазмуни, бошқа томондан бу тизимнинг ўзи, таълим муассасасида бошқарув фаолиятини такомиллаштиришда, шунингдек, педагогик ходимлар фаолиятини мувоғиқлаштиришда, жамоа мухитида турли аҳамиятга эга бўлган хатти-ҳаракатларни мотивлаштиришда ва шу катори профессионал фаолият билан шуғулланувчи бошқарув субъектларининг кўникма ва малакаларининг ривожланишида ҳамда уларнинг профессионал мутахассис сифатида шаклланишларида ҳам мухим аҳамият каёб этади.

#### 4. 5. ИХТИЛОФ ВА СТРЕССЛАРНИ БОШҚАРИШ

Ҳар қандай таълим муассасаси жамоасининг аъзолари бир-биридан ихтиосслиги, қизикиши, психологик хусусиятлари, умуман олганда маълум бир сифатлари билан ўзаро фарқ қиласиган ходимлардан ташкил топади. Шу каби бир-биридан фарқ қиласиган хусусият ва карашлар баъзан ўзаро мос келмаслиги сабабли ихтилофлар вужудга келиши мумкин, яъни ихтилофли вазиятларни келтириб чиқаради.

**Ихтилоф.** Шахслараро ихтилофлар шахсларининг бир-бирини англамаслиги, манфаатларининг турли хиллиги, тушунчаларнинг номутаносиблиги, бир-бирини ёқтираслиги, қизиқишлари, карашлари ва интилишларининг ўзаро мос келмаслиги натижасида юзага келади.

Кўпчилик раҳбарлар ихтилоф сўзининг ўзига шубҳа ва эҳтиёткорлик билан карайдилар. Улар ҳар қандай йўл билан ихтилофли вазиятлардан қочишига ҳаракат қиласидилар. Бу тушунарли. Чунки инсонлар онгода ихтилоф албатта шахслараро муносабатларни ёмонлаштиришга, ўзаро ишонч йўқолишига, меҳнат унумдорлигининг пасайишига олиб келади, деган тушунча қатгик ўрнашиб колган. Аммо, аслида ундин эмас. Психология нуктаи назаридан ихтилоф одамлар хаёт фаолиятидаги табиий ва конуний жараён бўлиб, ҳамкорликдаги фаолиятнинг ва ривожланишнинг ажралмас қисмидир.

Ихтилофлар бир неча хил бўлади: конструктив ихтилофлар ва деструктив ихтилофлар.

**Конструктив ихтилофлар** – ихтиёрий муассаса ҳаётининг мухим муаммолари ва унга қарашлар кураши, фикрлар хилма-

хиллигидан иборат бўлиб, турғунлик ва қотиб қолишнинг олдини олишга, ривожланишнинг асоси бўлиб хизмат килишга, жамоанинг мақсад сари илгарилаб боришига, янги анъана ва қадриятлар шаклланишига ўз таъсирини кўрсатиши мумкин. Ҳар қандай ихтилоф асосида томонлар ўртасида аввалги муносабатларни инкор қилишга харакатлар ётганлиги учун янги муносабатлар ва янги шароитлар яратишга олиб келиши мумкин.

Конструктив ихтилофнинг ижобий томони шундаки, у жамоа аъзоларининг янги шароитга психологик мослашуви ни тезлаштиришга ёрдам беради, жамоада ягона фикр, умумий мақсад, соғлом мухит яратилиши, ҳар бир ходимни ҳаяжонланиш, ташвишланиш ва қўрқишдан мустаҳкам ишонч сари етаклади. Аммо ҳар қандай ихтилоф таълим муассасаси ёки маълум бир жамоанинг фаолиятига ижобий таъсир кўрсатавермайди. Ҳаётда инсонлар ўртасидаги ўзаро муносабатларни издан чиқарувчи, меҳнат унумдорлигини пасайтирувчи, ўзаро ишонч ва хурмат туйгуларини сўндирувчи, салбий хусусиятларга эга, бузгунчи ихтилофлар ҳам мавжудки, булар деструктив ихтилофлар деб аталади.

**Деструктив ихтилофлар.** Бундай ихтилофлар жамоадаги қадриятларни, меҳр-оқибатни йўқотиб, инсонларнинг ўзаро муносабатларини бузган ҳолда уларнинг бирлиги, жипслиги, уюшқоқлик, ўзаро ҳамкорликни йўқотади, шунингдек, меҳнат унумдорлигини пасайтиради ва муассасанинг ривожланишига тўскинлик килади. Тадқиқотлар натижаларининг кўрсатишича, мазкур ихтилофлар 15 фойизгача иш вақтини йўқотишга, 20 фойизга яқин меҳнат унумдорлиги пасайишига, ҳаттоқи, яхши, ўз қасбининг моҳир устаси бўлган мутахассисларнинг жамоадан зерикиб кетиб қолишларига ҳам асосий сабаб бўлар экан.

Ихтилофлар, яъни келишмовчиликлар инсонларнинг ўзаро бир-бирига таъсир кўрсатиши, ўзаро муносабатлар жараёнида вужудга келади, шунинг учун ҳам улар инсонлар каерда бўймасин (оиладами, жамоат жойларида) мавжуд бўлиб, ўз ҳукмини ўtkазишга харакат килади. Ихтилофлар факатгина инсонлар ўртасида мавжуд бўлиб колмай, балки бир инсоннинг ўзида, яъни ички ихтилофлар ҳам мавжуд бўлади. Масалан, дам олиш кунини қандай ўтказсан экан? деган саволга жавоб топишда ҳам ички ихтилофларнинг вужудга келишига тувоҳ

бўламиз. Масалан, энг яқин ўртоги дарё бўйида якшанба кунини берга дам олиб ўтказиши таклиф қилган, ўзи эса оиласвий дам олишга, яъни фарзандларини айлантириб келишга ўзаро келишиб кўйган, қайси бирини танлаши зарур, бу ҳам ички ихтилофнинг намоён бўлиши.

Инсонларнинг қарашларидаги номутаносибликлар, яъни амалга оширилиши зарур бўлган у ёки бу тадбирни режалаштириш ҳамда унинг натижаларини олдиндан таҳлил қилишда фикрларнинг мос келмаслиги кўпинча муаммоли вазиятларга олиб келади. Агар режалаштирилаётган тадбир катнашчиларидан бирортасининг кўзлаган максадига эришишда хавф сезилса, у ҳолда тадбир ташкил этилгунга қадар ихтилофли вазият келиб чиқади.

**Ихтилофли вазият** – томонларнинг бирон-бир йўналишдаги қарама-карши, зиддиятли нуктаи назари, ўзаро умумий манфаатларга мос келмайдиган максадларга интилиш, уларга эрипиши учун турли-туман воситалардан фойдаланиш ёки фаолиятни амалга оширишни режалаштириш жараёни.

Кўпинча ихтилофли вазиятлар асосида объектив сабаблар ётади, баъзida эса, қандайдир ноўрин айтилган сўз, фикр, ҳаракат ёки бирон-бир максадда олдиндан тузилган режа ихтилофнинг келиб чиқишига етарли асос бўлиши мумкин. Ихтилофли вазиятларда унинг келиб чиқиш сабаблари ёки сабабчилари бўлиши мумкин бўлган субъектлар ёки мухолифлар, ихтилофнинг йўналиши ва мақсади ёки ихтилоф обьекти намоён бўлади.

Ихтилоф субъектлари мазкур жараённинг ташкилотчилари ёки қатнашчилари бўлиб, бундай субъектлар сифатида раҳбарлар, педагогик ходимлар, айрим шахслар, гурӯхлар ёки жамоатчилик ташкилотлари майдонга чиқиши мумкин. Ихтилофли вазиятларнинг келиб чиқиш даражасидан қатъи назар, унинг келиб чиқиш сабабларига ва ихтилоф субъектларининг хатти-ҳаракатларининг натижаларига кўра таълим муассасаларида вужудга келиши мумкин бўлган ихтилофларни ташкилий, функционал ва шахслараро ихтилофларга ажратиш мумкин.

**Ташкилий ихтилофлар.** Бундай ихтилофлар таълим муассасасида педагогик ходимларга ўкув юкламаларини

таксимлашда (фанлар бўйича дарс соатлари ажратишда ҳамда соатлар таксимотида адолатнинг бузилиши), имтиёзлар беришда, мукофотга тавсия килишда, жамоатчилик топширикларини беришда ва бошқа ташкилий жараёнларда раҳбарлар томонидан йўл кўйилган хатолар сабабли ёки раҳбарият томонидан берилган топшириклар маълум бир ходимлар томонидан бажарилмаса, маъмурият талабларини четлаб ўтишга ҳаракат қилса келиб чикади.

**Функционал ихтилофлар.** Бу хилдаги ихтилофлар таълим муассасалари раҳбариятининг ўз вазифасига совуқконлик билан муносабатда бўлиши, яъни ўкув хоналарининг етарли даражада ёритилмаганлиги, қишки мавсумда иситилмаслиги, ўқитувчи ва ўқувчилар учун ишлаш, ўқиш, овқатланиш, спорт билан шугулланиш, дам олиш ҳамда ижодий фаолиятни амалга оширишлари учун етарли шароитлар яратилмаганлиги, шунингдек, мактаб кутубхонасидаги шароит ҳамда ўкув жараёнини илмий асосда ташкил этиш учун илмий-методик маҳсулотлар ва янги ахборот технологиялари, компьютер техникаси воситалари билан таъминланмаганлиги сабабли вужудга келиши мумкин.

**Шахслараро ихтилофлар.** Таълим муассасасида шахслараро муносабатлар жиддий ва нозик бўлиб, раҳбарлар ўртасидаги муносабатлар, раҳбар-ходим, раҳбар-ўқитувчи, раҳбар-ўқувчи, раҳбар-ота-она, ходим-ходим, ўқитувчи-ходим, ўқитувчи-ўқувчи, ўқитувчи-ота-она, ўқувчи-ўқувчи, ўқувчи-ота-она ҳамда педагоглараро муносабатларни ўз ичига олади. Таълим муассасасидаги шахлараро муносабатларни ҳам нозик, ҳам мураккаб дейишимизга асосий сабаб, ёш авлодни тарбиялашда бу муносабатлар муҳим аҳамият касб этади, ҳаттохи ота-оналарнинг ўз фарзандлари билан бўлган муносабатлари ҳам таълим-тарбия жараёнига ўз таъсирини кўрсатади. Шахслараро ихтилофлар асосан инсонларнинг бир-бирини тушунмаслиги, манфаатларнинг номувофиқлиги, бир-бирини кўролмаслиги ёки арзимас сабабларга кўра аразлаб юриши туфайли келиб чиқиши мумкин.

Ҳар қандай ихтилоф маълум вакт бирлиги давомида содир бўлади, етилади ва бартараф этилади. Бу бир неча боскичдан иборат бўлиб, биринчи боскич – объектив ихтилофли вазиятнинг

келиб чикиши. Сабаблари – раҳбар-ходим, ходим-ходим, гурух-ходим, гурух-гурух ва ҳ.к.

Иккинчи босқич – ихтилофли вазиятни ҳеч бўлмаганда бир ходимнинг тушуниб ётиши. Кўпинча эмоционал зўриқиши билан кечади, яъни шахснинг норозилиги очикдан-очик ифода килина бошлади.

Учинчи босқич – ихтилоф хулк-авторга таъсир қўрсатади, яъни томонлар очикдан-очик бир-бирларини рад этишади, хатто “сен-менга” бориб, ўз ҳукмларини ўтказишга уринадилар.

Тўртинчи босқич – ихтилофни ҳал қилиш. Ихтилоф мазмуни объектив сабаблар ва имкониятларга қараб, пировардидага ҳал бўлиши ҳам турлича бўлиши мумкин:

- ўзаро яраштириш асосида томонларни келиштириш;

- компромисс – ҳар икки томон даъволарини қисман кондириш асосида битимга келтириш, бир-бирларидан кечирим сўратиш;

- принципиал, қонуний, ишчанлик билан ҳал қилиш: объектив талабларини қондириш ёки конструктив ихтилофларда бирор томоннинг “баҳридан ўтиш”, ишдан ҳайдаш ёки “айбини бўйнига кўйиб” вазифасидан бўшатиш;

- ташкилий йўл билан ихтилофни бартараф этиш – соҳа ёки бўлимни тугатиш, “штатни қискартириш”, лидерни бошка ишга ўтказиш ёки бўшатиш ва ҳ.к.

Таълим муассасаларида тез-тез содир бўлиб турадиган ихтилофларнинг аксарияти кўпинча асабийликларнинг вужудга келишига сабаб бўлади ва бу ўз навбатида стрессли вазиятларни вужудга келтиради.

**Стресс.** Асабийлик ва кескинлик сўзлари инглизчада стресс [stress] деган маънони англатади. Стресс тушунчаси ижтимоий психологида шахсга нисбатан таъсир этаётган вазиятлар, омиллар натижасида вужудга келаётган ҳолатни ифодалайди. Масалан, инсонлар фаолият кўрсатаётган жамоадаги руҳий мухитнинг таъсири, ходимлар фаолият кўрсатаётган хоналардаги ҳароратнинг жуда юқорилиги ёки паст даражадалиги, ўткир ҳидлар, етарли даражада ёритилмаганлик, ўкув қуролларининг ётишмаслиги, ортиқча ва мураккаб бўлган топширикларнинг берилиши ва ҳ. к. шулар жумласидандир.

Умуман олганда, стрессларнинг вужудга келиши тез-тез учраб турадиган жараён, кучли таъсир этмайдиган, яъни ўта зўрикишга олиб келмайдиган, мухим аҳамиятга эга бўлмаган стресслар муқаррар ва зарарсиз бўлиб, хаддан ташқари зўрикишга, кучли сиқилишга ёки холдан тойишга олиб келадиган стресслар эса шахс учун ҳам, таълим муассасаси учун ҳам қийинчиликлар, қўйилган мақсадларга эришишда муаммолар келтириб чиқаради.

Стресс деганда инсоннинг ташқи мухит таъсирига, стимулларга ёки стрессорларга жисмоний, ақлий ва психологик реакциялари мажмуй тушунилади. Бунда ташқи мухитнинг таъсири ва ички ихтилофлар туфайли вужудга келаётган зўрикишлар инсоннинг физиологик ва психологик функцияларини мувозанатдан чиқаради.

Таълим муассасаларида бошқарув фаолиятининг илмий асосда ташкил этилмаслиги ҳамда раҳбарларнинг эътиборсизлиги натижасида ва қуидаги омиллар таъсирида стрессли вазиятлар келиб чиқиши мумкин:

- педагогик ходимларнинг ёши, билими, қўнишка ва малакаси ҳамда қобилиятлари ҳисобга олинмасдан, имкониятлари даражасидан ортиқча топширикларнинг берилиши, бажарилган топшириклар натижасининг адолатли баҳоланмаслиги;

- ёш педагогларнинг дарс ва дарсдан ташқари ишлар жараёнидаги, янги жамоасидаги ўз вазифаси ва ўрнини унчалик аниқ тушуниб етмаслигидан фойдаланган ҳолда кўпроқ камситилишларга йўл қўйилиши. Бундай вазият одатда ёш мутахассисларга етарли эътиборнинг йўклиги, топширикларнинг ноаниклиги, уларнинг таклифлари, интеллектуал қобилиятлари ва ижодий фаолиятларининг назар-писанд қилинмаслиги;

- ходимларга ўзаро боғлиқ бўлмаган ва уларнинг асосий фаолиятларига халақит кўрсатадиган хилма-хил топширикларнинг бир вактда, шошилинч бажарилиши талаб қилиниши ва маълум вакт ўтгандан кейин уларнинг эътиборга олинмаслиги;

- раҳбарларнинг келиб тушган асоссиз, нотўғри ахборотларни ўрганмай ва таҳлил қилмасдан айрим ходимларга

нисбатан шубҳа билан қараб, кўпчиликнинг ўргасида гумон килинаётган ходимларга очиқдан-очиқ тазийклар ўтказилиши;

• турли хил топширикларни бажаришда ташкилотчилик, таълим-тарбия жараёнини илмий асосда ташкил этишда фаоллик, дарс ва дарсдан ташқари машғулотларни ташкил этишда ташаббус кўрсатиб, инновацион фаолият йўналишида ўз тақлифлари билан чиқаётган ходимларга нисбатан раҳбарлар томонидан худди уларнинг раҳбарлик лавозимларини талашаётгандек қараб турли хил қаршиликларнинг кўрсатилиши;

• барча таълим муассасаларида бўлмасада, афсус учраб турадиган айрим раҳбарлар томонидан ўкув юкламаларини тақсимлашда, ходимларни ишга олишдаги адолатсизликлар. Масалан, таълим муассасаси яқинида олий маълумотга эга бўлган педагог-мутахассислар бўлишига қарамай, ўрта маҳсус маълумотга ва бошқа нопедагогик мутахассисликка эга бўлган шахсларни ишга олиш ва ўкув юкламасини, яъни дарс соатларини тақсимлашда мутахассис бўлмасада уларга алоҳида эътибор қартиш ва ҳ. к.

Юқорида тўхталиб ўтилган ихтилофлар ва улар келтириб чиқариши мумкин бўлган асабийлик ва стрессларнинг олдини олиш, бартараф этиш ва уларнинг оқибатларини олдиндан англаш таълим-тарбия жараёнининг барча иштирокчилари, педагогик ходимлар ва раҳбарлар фаолиятида мухим аҳамият касб этади.

#### 4. 6. ПЕРСОНАЛНИ БОШҚАРИШ

Ўзбекистонда персонални бошқариш мустақиллик шарофати билан, истиклолга эришилган йилларнинг бошларидан эътиборан шаклана бошлаган бўлиб, бунга биринчи навбатда маъмурий-буйруқбозлик тизимидан воз кечилиши, корхона ва ташкилотлар қатори таълим муассасаларига ҳам мустақиллик ва эркинликнинг берилиши, ижтимоий йўналтирилган бозор муносабатларининг ривожланиши ва тадбиркорликнинг авж олиши ҳамда энг асосийси, иктисадиётни ривожлантириш ҳамда бозор муносабатларига ўтилишида инсон манфаатларининг улуғланиши сабаб бўлди.

Таълим муассасаларида персонални бошқариш ўзига хос хусусиятлага эга бўлиб, узлуксиз таълим-тарбия жараёнини ташкил этиш ва бошқаришда, бошқарувчи-раҳбар ҳам, мутахассислар ҳам, ижрочилар ва ишлаб чиқариш маҳсулоти ҳам инсон ҳамда инсон ресурслари хисобланади. Таълим муассасаларида персонални бошқариш ўз хусусиятига кўра таълим-тарбия жараёнини, тарбиявий муносабатларни ва уларнинг иштирокчиларини бошқариш сифатида намоён бўлади, у педагогик ходимларнинг самарали меҳнат қилиши, ўқувчиларнинг ўқув фаолиятлари билан шуғулланишлари учун етарли шарт-шароитлар яратиш, мазкур жараёнда энг юкори натижаларга эришиш, рақобатбардош битирувчилар тайёрлашга қаратилган бўлади.

Мактабда умумий таълим-тарбия жараёни иккита кичик тизимлар доирасида, яъни дарс ва дарсдан ташқари (талим-тарбиявий) фаолият жараёнларида амалга оширилади. Бу жараёнларни ҳамда ўзаро боғлик бўлган ташкил этувчи қисмларнинг ички табиатида мавжуд бўлган жараёнларни ўз ичига олган ҳамкорликдаги фаолиятлар, шунингдек, ички шароит ва имкониятлар педагогик тизимни ташкил этади, бунда тизимнинг субъекти хисобланган педагоглар, ўқувчилар, отаоналар ва бошқарувчиларнинг фаолияти муҳим аҳамият касб этади. Бунда персонални бошқариш мактабнинг мақсади, белгиланган вазифаларни бажаришга қаратилган йўналиши, фалсафаси, таълим муассасаси томонидан танланган модел, стратегия ва тактикаси амалга оширилади.

Таълим муассасаларида персонални бошқариш муассасанинг маҳсус функционал хизматларини амалга оширишда ва кўзланган мақсадларга эришишда тегишли раҳбарларнинг муассаса фаолиятини такомиллаштириш, стратегик режалар асосида ривожлантириш, таълим-тарбия жараёни иштирокчиларидан ва бошқа барча ходимларнинг кобилияtlари ва имкониятларидан янада самаралирек фойдаланиш вазифаларини бажаришга қаратилган турли хил фаолиятлар мажмуасидир.

Персонални бошқариш – бу кўзланган мақсадларга эришишда таълим муассасасининг фаолиятини такомиллаштириш ва ривожлантириш, таълим-тарбия жараёни

иштирокчилари, педагог-мутахассислар ва барча ходимларнинг фаолиятларини мувофиқлаштиришда бошқарувни амалга оширишнинг мухим механизми сифатида таълим-тарбия жараёни иштирокчиларининг ўз вазифасига масъулият, яъни фаолиятлари натижаларига жавобгарлик ҳиссини шакллантириш ҳамда мақсадга эришишда умумий манфаатларнинг уйғунлашувини ҳисобга олган ҳолда бошқаришни самарали амалга оширишни назарда тутади.

Персонални бошқариш ўзаро боғлик бўлган бир неча фаолият жараёнлари, яъни мураккаб бошқарув жараёни сифатида намоён бўлиб, бунда таълим муассасасининг муваффакияти нафакат биргина раҳбарлар фаолиятига, балки ўкувчиларнинг ўкув фаолияти, ходимларнинг фаолликлари, ўз меҳнатларининг натижаларидан кониқиши хосил қилишлари ҳамда бутун бир таълим муассасаси фаолиятининг мувофиқлаштирилганлигига боғлик бўлади. Бунда таълим-тарбия жараёни иштирокчилари, унинг ташкилотчилари ва бошқа ходимларнинг салоҳиятини, яъни таълим муассасасининг илмий-педагогик салоҳиятини ривожлантириш ва ундан самарали фойдаланиш, уларнинг ижодий фаолиятларини ташкил этишга етарли шарт-шароитлар яратиб бериш йўналишида барча зарурий чора-тадбирларни белгилаш ва амалга ошириш зарур бўлади.

Таълим муассасаларида мақсадга эришишга йўналтирилган бундай бошқарув функционал ва ташкилий бошқарувларни ўз ичига олиб, ҳар иккаласи ҳам таълим муассасасининг фаолиятини такомиллаштиришга ва илмий-педагогик салоҳиятини ривожлантиришга қаратилган бўлади.

**Функционал бошқарув** дейилганда кадрлар соҳасидаги ишлар билан боғлик бўлган барча вазифалар ва қарорлар масалан, кадрлар танлаш, улардан фойдаланиш, малакасини ошириш, уларнинг меҳнатига ҳақ тўлаш, рағбатлантириш ва мукофотлаш, лавозимларга тайинлаш, ишдан бўшатиш ва х.к. тушунилади.

**Ташкилий бошқарув.** Бу тушунчага ташкилий жиҳатдан кадрлар билан ишлашга жавобгар бўлган барча шахслар ва институтлар, масалан, раҳбарлар, кадрлар билан ишлаш бўлими, мактаб кенгаши, педагогик кенгаш, илмий-методик кенгаш,

касаба уюшма кўмиталари ва бошқа жамоатчилик ташкилотларини ҳам киритиш мумкин.

Персонални бошқариш таълим муассасаларида ўзига хос жараён бўлиб, бошқаришнинг маълум бир функционал вазифаларини бажаришга йўналтирилган бўлади, яъни персонал фаолиятига баҳо бериш, аттестациядан ўтказиш, рағбатлантириш ва юкори лавозимларга тавсия қилиш каби мураккаб ва зиддиятли вазиятлар билан ҳам боғлиқ бўлади. Юқрида санаб ўтилган вазифаларни яхлит бир тизим сифатида олиб карасак, персонални бошқариш тизими ўзига хос мураккаб бўлиб, у кўйидаги вазифаларни ўз ичига олади:

- таълим муассасаси олдига қўйилган мақсадларга эришишда ходимларнинг фаолликларини таъминлаш;
- барча фанлар бўйича мутахассислар билан таъминлаш;
- педагогик ходимларнинг қобилиятлари ва имкониятларидан самарали фойдаланиш;
- жамоа аъзолари манфаатларининг уйғунлашуви ва уларнинг ўз меҳнатлари натижаларидан қониқиш ҳосил килишларига эришиш;
- таълим-тарбия жараёни иштирокчиларининг фаолиятларини мувофиқлаштириш;
- таълим муассасасининг инновацион фаолиятини амалга оширишда педагогик ходимлар ва ўкувчиларнинг изходий фаолиятини ташкил этишга зарурый шарт-шароитларни яратиш;
- таълим муассасасининг фаолиятини такомиллаштириш ва ривожлантиришда турли таълим муассасалари ва бошқа ташкилотлар билан ходимларнинг илмий-амалий ҳамкорлик ишларига ёрдам кўрсатиш;
- педагогик ходимларнинг илмий-тадқиқот ишларига шарт-шароитлар яратиб бериш ҳамда мазкур йўналишдаги фаолиятларини кўллаб-куватлаш;
- илфор педагогик тажрибага эга бўлган мутахассисларнинг фаолиятини оммалаштириш ва фан-техника ютукларини ўз фаолиятига татбиқ этишга кўмаклашиш;
- мутахассисларнинг ўз устида мустақил ишлаши, билим, кўникма ва малакаларини орттириб бориши, ўзаро тажрибалар

алмашиниши хамда ўз вақтида малака оширишлари учун имкониятлар яратиш ва ҳ. к.

Персонални бошқариш йўналишидаги юкорида санаб ўтилган вазифаларга эътибор қаратадиган бўлсак, булар мазкур йўналишдаги барча вазифаларни камраб олмаган бўлса-да, ўзига хос мураккаб жараён эканлигидан далолат бериш билан бир каторда, уларнинг ҳар бири таълим-тарбия жараёнини илмий асосда ташкил этиш, таълим муассасаси мақсадларига эришиш, замонавий талаблар асосида педагогик фаолиятни ташкил этиш хамда ракобатбардош битирувчилар тайёрлаш йўналишида ҳар бир педагогнинг билими, кўнкима ва малакаси, фаолиятлари қандай бўлиши кераклигига нисбатан баҳо беради, яъни талаблар белгилайди.

Персонални бошқаришнинг мазмун-моҳияти бу раҳбарлар томонидан педагогик ходимлар ва ўқувчилар фаолиятини, умуман олганда жамоа аъзоларининг фаолиятини такомиллаштириш ва ривожлантириш билан боғлик бўлиб, таълим муассасасини бошқаришда ходимлар билан ишлаш ва уларнинг фаолиятини бошқаришни доимий ривожлантириб бориш демакдир.

#### **4.7. БОШҚАРУВДА МЕҲНАТ МУНОСАБАТЛАРИ ЭТИКАСИ**

Бошқарув ҳар қандай жамиятга хос бўлган, яшаш ва меҳнат қилиш эҳтиёжларидан келиб чиқадиган фаолият бўлиб, бундан кўзланган асосий мақсад ҳалкнинг моддий ва маънавий эҳтиёжларини қондириш учун ишлаб чиқаришни ва шу катори барча ижтимоий муносабатларни тараққий эттиришдан иборат.

Таълим муассасаларидағи ижтимоий-психологик мухит жамоанинг шахслараро муносабатлардан қониқиши ва кониқмаслиги билан белгиланади. Ижтимоий-психологик мухит ходимларнинг ҳиссиётлари ва кайфиятларида ифодаланадиган ўзаро таъсирлар сингари барча ҳолатлар мажмуасини акс эттиради.

Таълим муассасаларини бошқаришда жамоа аъзоларининг индивидуал психологик хусусиятлари, шахсий сифатларининг ҳар томонлама ривожланиши ва уларнинг ўзаро

муносабатларининг мувофиқлаштирилиши мухим аҳамият касб этади. Чунки, таълим муассасасининг муваффакияти, мақсадга эришишдаги натижаларнинг самарадорлиги кўп жиҳатдан жамоа аъзолари муносабатларининг такомиллашув даражасига, таълим муассасасидаги “ижтимоий микроиклим”нинг соғлом бўлишига боғлиқдир. Мазкур жамоа аъзоси бўлган шахснинг мухим маънавий сифатларидан хисобланган ахлоқий онг, хиссият ва хулқни шакллантириш, ватанпарварлик, ватанга мухаббат, инсонпарварлик, онгли интизом ва бошқа туйғуларни таркиб топтириш соғлом руҳий мухитнинг вужудга келишида мухим аҳамият касб этади.

Жамоатчилик фаолияти шахснинг хусусиятлари сифатида намоён бўлади ҳамда инсон ва жамоат манфаатларини, мақсадларининг бирдамлигини ифодалайди. У ўз таркибида меҳнат ва жамоатчилик фаоллиги, бурч ва жавобгарлик туйғуси, дўстлик, ҳамкорлик, ўзаро ёрдам, жамоа ва бутун жамоат манфаатлари йўлида бошқаларга ва ўзига талабчанлик туйғуларини қамраб олади. Жамоада соғлом мухитни вужудга келтиришнинг яна бир мухим хоссаси меҳнатга масъулият билан караш фазилатларини шакллантиришdir. Этика (ахлоқ) дейилгандан ижтимоий хаёт жараёнида рўёбга чиқариладиган универсал ва ўзига хос ахлоқий талаблар ва хулқ-атвор меъёрлари тизими назарда тутилади. Шундай экан, ахлоқнинг мухим таркибий қисмларидан бўлган меҳнатга масъулиятли муносабатнинг асосий белгилари бегаразлик, меҳнат мажбуриятларига онгли, масъулиятли ёндашиш, интизомлилик, ижодий изланиш, ташаббус, фаолият натижаларини олдиндан кўра билиш ва мустақил қарор қабул қилиш, жамоатчилик ҳамкорлиги, дўстона ёрдам кўрсатишга тайёрлик, ходимларнинг кадр-киммати ва ўзаро ҳурмат туйғусини ривожлантириш хисобланади. Ахлоқнинг яна бир хислати онгли интизомдир. Онгли интизом ахлоқнинг таркибий қисми бўлиб, давлат ва жамоатчилик мажбуриятларини тўла бажариш ҳамда ижтимоий хаётда инсонларга бегараз ёрдам кўрсатиш ва барча хатти-харакатларни умумий қабул қилинган меъёрлар доирасида амалга оширишdir.

Инсоннинг меҳнат жамоасидаги хулқи ижтимоий меъёрлар асосига курилади. Ижтимоий меъёрлар шахс ўрнини белгилаш ва

вазиятни танлаш мақсадларига хизмат қилади ҳамда хулқни назорат қилишни таъминлайди, бу билан мазкур гурӯх доирасида шахснинг ўзаро таъсир фаолиятини тартибга солади. Ҳар бир меҳнат жамоасида таркиб топган анъана ва ижтимоий меъёрлар ходим хулқини тартибга солишда муҳим аҳамият касб этади. Бунга эса жамоада тарбиявий ишларни олиб бориш орқали эришилади. Ходимнинг бу меъёрларни қанчалик тушуниши, унга риоя килиши унинг меҳнат самарадорлигига таъсир қилади. Таълим муассасасидаги ҳар бир педагогик ходимнинг ўз вазифасини қандай бажаришига караб унинг маҳорати, қобилияти, малакаси ва билими ҳақида хулоса чиқариш мумкин.

Таълим муассасасида таркиб топган анъана ва касбий фаолият меъёрлари шу жамоа раҳбари, педагогик ходимлар ва мутахассисларнинг касбий фаолият сифатлари ҳақида хулоса чиқариш имконини беради. Бу меъёрлар ҳар доим ҳам ижтимоий меъёрларга мос келавермайди. Мазкур меъёрларда кўпинча маълум бир жамоагагина хос карашларга оид тажриба мустаҳкамланади, шунинг учун ҳам бу тажриба мазкур меҳнат жамоасида амал қилади ва кутилган натижаларни беради. Жамоада таркиб топган ижодий анъана ва касб меъёрлари янги келган педагогик ходимнинг муассаса шароитига тез мослашиши учун ёрдам беради, агар салбий хусусиятларга эга бўлган анъаналар бўлса турли ихтилофларнинг келиб чиқишига ва ходимларнинг кўнимсизлигига ҳам сабаб бўлиши мумкин.

Раҳбар ҳар доим меҳнатга ижодий муносабатда бўлишга таъсир этадиган субъектив ҳамда объектив омилларга эътибор бериши керак. Шахсга турли воситалар орқали тарбиявий таъсир кўрсатилади. Бундай воситалардан бири таълим муассасаси раҳбарининг шахсий намунаси ва обрусиdir. Раҳбар шахси қанчалик етук бўлса (билими, муомаласи, ходимларга меҳрибонлиги, сўзи устидан чика олиши, барча муносабатлари), унинг ходимларга тарбиявий таъсири шунчалик самарали бўлади. Таълим муассасасида раҳбар ташкилий ишлар марказида туради. Шунинг учун ҳам раҳбар ўз кўл остидаги ходимларига шахсий намуна бўлиши учун ахлоқий сифатларни яхши ўзлаштирган ва ўзида шакллантирган бўлиши керак. Булар унинг ўз фаолиятини ташкил этишида, меҳнатта бўлган муносабатида, ходимлар билан

бўлган мулокот жараёнида, умуман олганда барча муносабатларида намоён бўлади.

Таълим муассасаларида педагогик ходимларнинг педагогик фаолияти уларнинг ахлоқий меъёрларни, хулқ-автор қоидаларини бажариши ва ўзининг атрофидаги ташки мухит билан (ҳамкаслари, ўқувчилар ва бошқа ходимлар билан) ўзаро муносабатларни яхшилаш ва мустаҳкамлаш, мулокот жараёнини ташкил этиши билан узвий боғлиқ. Ахлоқий меъёрлар умуминсоний меъёрларга ва хулқ-автор қоидаларига асосланади, лекин ўзининг айрим фарқ килувчи хусусиятларига ҳам эга. Педагогик фаолият жараёнида шахслараро ўзаро муносабатларнинг ўзига хос хусусиятларини ҳисобга олиш керак бўлади.

Таълим муассасаларида шахслараро муносабатлар жамоа аъзолари ўртасидаги объектив алоқаларни ва ўзаро таъсир этиш шаклларини ифодалаб, улар расмий ва норасмий турларга бўлинади ва ўз навбатида муносабатларни хизмат муносабатлари ва шахсий муносабатларга ажратиш мумкин. Таълим-тарбия жараёнини ташкил этиш ва такомиллаштириш билан боғлиқ бўлган, яъни педагогик фаолият йўналишидаги муносабатларни хизмат муносабатлари деб атасимиз мумкин. Шахсий эҳтиёж ва шахсий ишлар билан боғлиқ бўлган муносабатлар шахсий муносабатлардир.

Психологияда шахслараро муносабатларни тавсифлашда уларнинг уч таркибий қисми, яъни учта асосий компонентлари кўрсатиб ўтилади: хулқий, эмоционал ва билиш компонентлари.

Хулқий компонентлар – саъи-ҳаракат, килиқ, мимиқа, имонишора, нутқ ва бошқа инсон хулки билан боғлиқ муносабатлар.

Эмоционал компонентлар – эмоционал кечинмалар билан боғлиқ бўлган муносабатлар.

Билиш компоненти – бошқаларни ва ўз-ўзини билишга қаратилган психик жараёnlар: сезги, идрок, тасаввур, хотира, тафаккур, хаёл ва ҳ.к.

Таълим муассасаларида бошқарув фаолиятини ташкил этишда хулқ компоненти етакчи бўлиб, шахслараро муносабатларни тартиба солиб туради. Норасмий муносабатларда эса эмоционал компонент тартиба солувчи функцияни бажаради. Шахслараро муносабатлар мулокот

жараёнида пайдо бўлади ва ривожланади. Мулоқот ҳам ахборотли, ҳам предметли ўзаро таъсир кўрсатишдир. Ўзаро таъсир кўрсатиш, мулоқот, биргалиқдаги фаолиятда шахслараро муносабатларда пайдо бўлади ва шаклланади. Улар кенг кўламдаги психик ҳодисаларни: инсонларнинг бир-бирини идрок қилиши ва тушуниши, шахслараро жозибадорлик (ўзига тортиш, мойиллик, симпатия), ўзаро таъсир этишни ифодалайди. Мулоқот жараёнида энг аввало, саломлашиш муҳим аҳамият касб этади, агарда мулоқот иштирокчилари биринчи марта мулоқотда бўлаётган бўлса, албатта ўзининг кимлигини айтиши, яъни ўзини таништириши зарур хисобланади. Шунингдек, мулоқот қандай ташкил этилишига кўра эшитиш ва сухбатлашиш, танқидни қабул қилиш қоидаларини ва шунингдек, телефонда гаплашиш одобини билиш мулоқот жараёнига ҳамда мулоқотдан қўзланган мақсадга эришишга ўз таъсирини кўрсатади.

Умумий ҳолда оддий кўринишига эга бўлган шахслараро мулоқот жараёни аслида мураккаб жараён бўлиб, инсон ўз ҳаёти давомида ўрганиб боради. Мулоқотнинг психологик жихатдан мураккаб хусусиятларга эга эканлигини Б.Ф. Парыгин қўйидагича таърифлайди: “Мулоқот шу даражада кўп киррали жараёнки, у бир вақтнинг ўзида индивидларнинг ўзаро таъсир жараёнини, индивидлар ўртасидаги ахборот алмашинуви жараёнини, бир-бирларига ҳамдардлик билдириш жараёнини, шахсларнинг ўзаро бир-бирларини тушуниш жараёнларини ўз ичига олади”.

Мулоқотда шахслараро ахборотлар, билимлар, ғоялар, фикрлар алмашинуви жараёни вужудга келиб, бу маълумотлар алмашинуви жараёни, яъни мулоқотнинг коммуникатив жараёни дейилади. Мазкур жараёнда асосий восита нутқ бўлиб, асосий эътиборни нутқга қаратиш зарур бўлади. Оғзаки нутқ диалогик ва монологик турларга бўлинади. Диалогик нутқнинг мазмуни, мулоқотга киришаётган шахсларнинг шахсий қизиқишилари, карашлари, бир-бирларига бўлган муносабатлар ўзаро боғлиқ бўлади. Монологик нутқ эса бир шахснинг бошқа шахсга ёки гурухга нисбатан мурожаати бўлиб, унга нисбатан грамматик қонун-қоидаларга амал қилиш, фикрларнинг аниқ ва тушунарли бўлиши каби бир катор шартлар кўйилади.

Мулоқотнинг интерактив томони ҳам мавжуд бўлиб, бунда мулоқотга киришувчи томонларнинг хулқ-атворларига ўзаро

таъсир жараёни вужудга келади. Мулокотга киришувчи томонларнинг бир-бирларини идрок этишлари ва тушунишлари билан боғлиқ бўлган мураккаб психологик жараён мулокотнинг перцептив томони ҳисобланади. Умуман олганда ҳар бир мулокот турининг мақсад ва вазифаси, ўз конун-қоидалари, таъсир усуллари ва йўл-йўриклари борки, уларни билиш доимо мулокотда бўладиган ҳар бир инсон учун зарур ҳисобланади.

#### **4. 8. БОШҚАРУВДА МОТИВЛАШТИРИШ ВА МОТИВЛАШТИРИШ НАЗАРИЯЛАРИ**

**Мотивлаштириш** – бу маълум эҳтиёжлардан келиб чишиб, кишилар фаолиятини психологик таъсир этиш йўллари билан мақсадга мувофиқ йўналтиришdir. Таълим муассасаси фаолиятини ташкил этишда мотивлаштириш, ташабbusларни ишлаб чикиш ва таҳлил қилиш учун шароитлар яратиш, барча таркибий қисм ва бўлимларнинг фаолиятини мувофикаштириш, ижтимоий амалиёт ва таълим эҳтиёжларидан келиб чиқсан ҳолда натижаларнинг самарадорлигини таҳлил қилишни ҳамкорликда ташкил этиш, давлат талаблари асосида педагогларни қайта тайёрлаш ва малакасини ошириш орқали амалга оширилади.

Таълим муассасаларини бошқаришда мотивлаштириш жуда мухим аҳамият касб этади, таълим муассасаларида нафакат педагогик ходимлар, балки ўқувчиларнинг фаолиятини ҳам мувофикаштириш, давлат ва жамият, шахс, фан ва ишлаб чиқариш эҳтиёжларидан келиб чиқсан ҳолда мотивлаштириш зарур ҳисобланади. Мотивлаштириш таълим-тарбия жараёни иштирокчиларининг хатти-харакатларига йўналиш беради, эришиш зарур бўлган мақсадларни белгилайди. Мотивлаштириш педагогик ходимлар ва ўқувчиларнинг ҳамкорликдаги фаолиятларини, таълим муассасаси фаолиятини ривожлантириш ва такомиллаштириш йўналишида ҳаракатга келтирувчи динамик жараён ҳисобланади.

Мотивлаштириш жараёнида инсон эҳтиёжлари ёки жамоа аъзоларининг умумий манфаатларини ифодаловчи эҳтиёжларни инобатта олиш зарур ҳисобланади, чунки мотивлаштириш эҳтиёжларнинг қондирилиши асосида амалга оширилади.

Эҳтиёж инсонларни маълум бир фаолиятга йўналтирувчи омиллар бўлиб, уларни жисмоний ёки аклий меҳнатга, шунингдек, дам олиш, билим олиш, хунар ўрганиш, умуман олганда яаш учун курашишга чорлайди. Инсон эҳтиёжлари турли хил бўлиб, уларнинг психологик хусусиятларига, яъни одати, диди ва кайфияти, ёши ва соғлиги, жинси, оиласвий ахволи, меҳнат қилиш ва янаш шароитларига ҳам боғлик бўлади. Масалан, таълим муассасасидаги кекса ёшли педагог билан янги оила курган ёки уйланмаган педагогнинг, ўқитувчи билан ўқувчининг, раҳбар билан ходимнинг эҳтиёжлари бир-биридан тубдан фарқ қиласди. Ихтиёрий инсоннинг эҳтиёжлари ўзгарувчан бўлиб, яашава меҳнат қилиш шароитлари ўзгариб, ривожланиб борган сари эҳтиёжлар ҳам ортиб боради. Масалан, эҳтиёжларнинг ортиб боришини эндиғина бир хонали уйга эга бўлган кишида маълум вакт давомида замонавий таъмирлаш ёки кўп хонали уйга эга бўлиш эҳтиёжи, бир қаватли ҳовли-жойга эга бўлган кишида, икки қаватли килиб куриш максадининг вужудга келишида ва бошқа ҳолатларда кўришимиз мумкин. Инсон ўсиб-улғайиб, ижтимоий-иқтисодий шарт-шароитлар ривожланиб, тараққий этиб борар экан, барча эҳтиёжлар ҳам уларга узвий боғлик ҳолда ортиб бораверади.

Инсон ҳаётида мавжуд бўлган хилма-хил эҳтиёжларни қондириш учун турли хил фаолиятларни ташкил этиш ва мазкур фаолиятни мувофиқлаштириш учун бошқарув фаолиятини амалга ошириш ва унда мотивлаштириш мухим аҳамият касб этади. Мотивлаштириш жараёни мавжуд эҳтиёжларга қониқиш ҳосил қилиш учун, яъни эҳтиёжларнинг қондирилиши учун максадни белгилаш ва унга эришиш учун ҳаракат қилишдан бошланади. Мазкур жараёнда эҳтиёжнинг қондирилиш даражаси иштироқчиларнинг муайян фаолиятининг ҳолатини белгилайди.

Таълим муассасаларида бошқарув фаолияти жараёнида мотивлаштириш педагогик ходимларнинг ҳамда ўқувчиларнинг ҳамкорликдаги фаолиятини, яъни таълим-тарбия жараёнини илмий асосда ташкил этиш ҳамда юкори натижаларга эришиш жараёнида уларнинг қобилиятларини ривожлантиришга ундашни билдиради.

Мотивлаштиришнинг руҳий ва ташкилий иқтисодий йўналишдаги турли назарияларини икки гурухга бўлиш мумкин:

1. Мотивлаштиришнинг мазмунли назарияси, у кишиларни бошқача змас, айнан шундай ишлашга мажбур киладиган шахснинг ички руҳий фаолиятининг идентификациясига асосланади (бу А.Маслоу ва Ф.Герцберг ва бошқалар термини).

2. Мотивлаштиришнинг процессуал назарияси – жуда ҳам замонавий услублардан бири бўлиб, кишилар ўзини билиши ва тарбия маъносидаги ўзларини қандай тутишларига асосланади (бу Портер-Лоуларнинг кутиш назарияси, одиллик назарияси ва мотивлаш моделлари). Санаб ўтилган назариялар бъязи масалаларда бир-биридан фарқ килсада, улар бир-бируни инкор этмайди.

Америкалик психолог А. Маслоу инсон ҳётидаги мавжуд эҳтиёжлардан бешта асосийларини ажратиб кўрсатади (14-шакл).



14-шакл. Маслоу назарияси бўйича мотивация босқичлари.

\* Р.Валижонов ва бошқалар. Менежмент асослари. Т., “Шарқ”, 2002 йил, 122 бет.

Маслоу назарияси бүйича барча эхтиёжларни қатый иерархия структураси бүйича жойлаштириш мүмкін. У күйи даражадаги эхтиёжларни қондиришни талаб қилади, үз навбатида инсон хулқига таъсир күрсатади, юкори даражадаги эхтиёжлар эса аста-секин таъсир күрсатади.

Бирламчи эхтиёжлар – бу инсоннинг хаёттый фаолиятини таъминлаш учун зарур бўлган эхтиёжлар. А.Маслоунинг фикрича, инсон, энг аввало ана шу эхтиёжларини қондириш учун ишлайди. Бирламчи эхтиёжлар хисобланган озиқ-овқатга, кийим-кечакка, уй-жойга, уйкуга бўлган эхтиёж қондирилса, бошка даражадаги эхтиёжлар ҳам аста-секин аҳамият касб этиб боради. Юкорида айтганимиздек, бирламчи эхтиёжлар қондирилгач, бошқа заруриятлар кишиларни юкори даражадаги эхтиёжларга караб ҳаракат килишга мажбур қилади. Лекин, инсоннинг барча эхтиёжларни ҳеч қачон тўла-тўқис қондириш имконияти бўлмайди. Шу сабабли эхтиёжларга асосланган мотивация жараёни мавжуддир.

Мак Клелланднинг эхтиёжли назарияси. Бу назарияда асосий эътибор юкори даражадаги эхтиёжларга қаратилади, уларга ҳокимият, муваффакият, мансублик киради. Ҳокимият эхтиёжи – бошка одамларга таъсир күрсатишга ҳоҳиш, бу албатта ҳокимиятта интилиш эмас, балки үз таъсирини күрсатиш эхтиёжи. Муваффакиятга бўлган эхтиёж маълум бир вазифани муваффакият билан бажариш орқали амалга оширилади. Мансублик эхтиёжи Маслоу назариясига ўхашаш бўлиб бирга ишлайдиган ҳодимлар, танишлар хузурида бўлиши, дўстона муносабатлар ўрнатишдан манфаатдорликни ифодалайди.

Фредерик Герцбергнинг мотивация назарияси боисий тозаланиш (мотивационная гигиена) деб юритилиб, унинг асосида кониқиши келтирувчи меҳнат руҳий соғлом бўлишга ҳам ҳамкорлик күрсатади деган фикр ётади.

Агар иш жойи ифлос, қоронги, кўримсиз бўлса бу меҳнатга интилишни камайтиради. Агар иш жойи тоза, эргонометрик нуктаи назардан бенуқсон бўлса, меҳнатга аниқ ифодалангандан.

\* Р.Валижонов ва бошқалар. Менежмент асослари. Т., "Шарқ", 2002 йил. 123 бет.

мотивлар пайдо бўлади. Герцберг бу омилларни “гигиеник” омилларга оид деб хисоблайди<sup>“”</sup>.

Мотивлаштиришда америкалик психолог В.Врум томонидан 1964 йилда ишлаб чиқилган кутиш назарияси ҳам муҳим аҳамият касб этиб, меҳнатнинг натижасини кутиш, яъни меҳнат харажатлари билан олинган натижа ўртасидаги фаркни, фойдани кутиш, натижа билан рағбатлантириш ўртасидаги фаркни кутиш, бу ерда рағбатлантириш меҳнат натижасидан қоникиш ёки қониқмасликни билдиради. Яъни, кутилган натижага эришиш мотивациянинг ҳолатини белгилайди, раҳбарлар томонидан меҳнати натижаларига кўра ходимларнинг ўз вактида рағбатлантирилиб бориши мотивацияни кучайтиради ва ҳ. к.

Ууман олганда таълим муассасаларида педагогик ходимларни мотивлаштириш (раҳбарлар ва бўйсунувчилар) – бу усул ходимларнинг бошқарув жараёнида кенг микёсда иштирок этишига асосланган бўлиб, уни кўллаш орқали соғлом ижтимоий-рухий муҳит яратилади. Бунда ижтимоий-психологик методлар меҳнат фаоллигини оширишга каратилган бўлиб, у ходимларнинг маънавий ва ижтимоий хулкига таъсир этиш орқали амалга оширилади.

#### **4.9.УМУМИЙ ЎРТА ТАЪЛИМ МУАССАСАЛАРИНИ БОШҚАРИШДА АҲБОРОТ ВА КОММУНИКАЦИЯ**

Бошқарув субъекти ташкилий структуралари ўртасидаги алоқаларни таъминловчи, таълим муассасасининг турли хизматларини (ижтимоий, психологик ва б.) амалга оширувчи, таълим-тарбиявий жараёнларни мунтазам тадқик қилишда кўллаб-қувватланган, маъкулланган, педагогик ходимлар, турли хизматлар ўртасида аҳборот алмашинувини таъминловчи тизимни жорий этиш энг муҳим шартлардан бири ҳисобланади.

Аҳборот – бу таълим муассасаларини бошқарув жараёнида педагогик ходимлар ва ўкувчилар фаолиятини ташкил этиш ва уларни мувофикалаштиришда, таълим жараёнини илмий асосда ташкил этиш ҳамда таълим самарадорлигини оширишда ўзига хос, турли хил янгиликларни ўз ичига олган маълумот ва

<sup>“”</sup> Шарифхўжаев М., Абдуллаев Ё. Менежмент. Т., “Ўқитувчи”, 2001 йил, 497-бет.

хабарлардан иборат бўлиб, ишончли ва зарур ахборотлар раҳбарлик фаолиятида муҳим аҳамият касб этади.

Ахборотлар билан ишлаш – турли маълумотларни тўғлаш, қайта ишлаш ва узатишдан иборат бўлиб, педагогик ходимлар фаолиятини мувофиқлаштириш жараёнида қўлланилади. Бу жараёнда раҳбар муассасага келиб тушаётган асосий маълумотларнинг генератори сифатида фаолият кўрсатади ва унинг учун асосий меҳнат предмети ахборотлар бўлиб, улар асосида карорлар – бошқарув жараёнининг маҳсулотлари ишлаб чиқилади.

Ахборотлар билан ишлаш функцияси раҳбарлар билан бўйсунувчилар ўртасидаги шахсий ва технологик ахборотлар алмашувини ташкил этади. Унинг асосий хусусияти раҳбарлар томонидан ходимларнинг меҳнат жараёнидан қоникишларига кизиқишлигининг вужудга келиши билан белгиланиб, бу хусусият раҳбарнинг бошқа функциялари ва ахборотлар билан ишлаш функциясининг қолган кўрсаткичлари билан боғлик бўлади.

Ахборотлар тизими – бу таълим муассасаларини бошқарув жараёнида педагогик аҳамиятга эга бўлган маълумотларни, ўқитишининг янги педагогик ва ахборот технологияларини ҳамда таълим жараёнини ташкил этиш йўналишидаги барча меъёрий ҳужжатларни, шунингдек, иқтисодий-ижтимоий, илмий-техникавий, хукукий ва ташкилий янгиликлардан иборат ахборотлар оқимини, замонавий ахборот технологиялари, компьютерлаштириш ва компьютерлар тармоқлари негизида таълим жараёнини ахборот билан таъминлашни ўз ичига олувчи мураккаб тизим хисобланади.

Ахборотлар тизими кенг бўлиши ва ўз хусусиятига қараб янгиланувчанлигини, яъни ўзгариб бориши, янгиликлар билан бойиб боришини инобатга олиб, бу тизимга раҳбар томонидан тизимли ёндашувнинг жорий этилиши талаб этилади. Бунинг сабаби, тизимнинг ташкил этувчилари ўртасидаги муносабатлар, ўзаро боғликлик ҳамда ташкил этувчилар тизимнинг ўзгаришига ўз хиссасини қўшиши ва ўзгарувчи омилларнинг бошқарув жараёнига таъсир кўрсатишададир.

Шундай килиб ахборот раҳбарлар учун зарурӣ бўлган хабар ва маълумотлар мажмуидан иборат. Таълим муассасаларини бошқаришда ишончли ва керакли ахборотлар муҳим аҳамият касб этади, чунки бошқарувчи ва бошқарилувчи

тизимлар ўртасидаги алоқа шакллари ахборотларга асосланади. Башқаришда ахборотлар билан ишлаш жараёнлари қуйидагиларни ўз ичига олади: ахборотлар түплаш ва узатиш, бошқарув қарорларини ишлаб чиқиш учун олинган ахборотларни қайта ишлаш, зарурий ахборотларни ижрочиларга узатиш, уларни назоратга олиш.

Рахбарнинг иши хакидаги ахборот у чиқарган бошқариш қарорларини асослайди. Мазкур ахборотларнинг тўлиқ, ишончли, аниқ ва сифатли бўлиши бошқарув қарорларининг сифатига ўз таъсирини кўрсатади. Раҳбар ўз муассасасидаги ахборотларнинг ишончли ва аниқ бўлишини таъминлаши учун ўзига ахборот тайёрловчи ҳодимлар меҳнатини ташкил эта билиши, улардан тўғри фойдалана олиши керак. Тўпланган ахборотлар қуйидаги талабларга мос келса унда карор қабул қилиш учун мақбул дейиш мумкин: вазифа мазмунини тўла акс эттиrsa; маълум даврга таълим муассасаси ҳолатини акс эттиrsa; ўз вақтида субъектига етказилса; қийинчиликсиз, қайта ишловсиз қўллаш мумкин бўлса.

Ахборотларнинг ишончли, мазмунли ва тушунарли бўлишидан ташкири ўз вақтида келиши ва ўз вақтида бажарувчиларга етказилиши, яъни тезкорлиги ҳам бошқарув жараёнида муҳим аҳамият касб этади. Ўз вақтида аниқланган ва ижрочиларга етказилган ахборотлар самарали бўлиб, кеч юборилган ахборотлар ўз аҳамиятини йўқотади. Раҳбарнинг ахборотлар билан ишлаш жараёнида, яъни ахборотларни қабул қилиш, қайта ишлаш ва ижрочиларга етказишида тескари алоқа муҳим аҳамият касб этади. Чунки тескари алоқа жараёнида ахборот қабул қилувчи қандай қабул қилганлиги, мазмун-моҳиятини тўғри тушунганлиги тўғрисида ахборот бериш билдиради. Бу жараён ахборот узатувчи ҳамда қабул қилувчиларнинг ўзаро бир-бирларини тушунишлари учун хизмат қиласи. Ахборотлар билан ишлаш вақтида раҳбарлар доимо асосий эътиборни ахборотларнинг қандай шакл ва тартибда ижрочиларга етказилаётганлигига қаратиши лозим, чунки ихтиёрий ахборотнинг нотўғри узатилиши турли хил шов-шувларга ва тушунмовчиликларга олиб келиши мумкин.

**Коммуникациялар** маълум бир таълим муассасасини бошқаришда ўзига хос мураккаб тизим бўлиб, бу жамоа аъзолари ўртасидаги ўзаро ахборот алмашинувидир. Раҳбарлар бажарадиган барча ишлар ахборотларнинг самарали алмашинишини талаб қилади, шунинг учун у ўзининг функционал даражаси билан тавсифланади ва бошқарув маданиятининг ташкилий сифатини белгилайди.

Раҳбарлар томонидан кабул қилинаётган қарорларнинг сифати ва унинг ижрочилар томонидан бажарилиши, шунингдек, таълим муассасасида амалга оширилаётган ишларнинг самарадорлиги ахборотларнинг ўз вақтида ва самарали алмашинувини талаб этади. Содда қилиб айтганда, яхши йўлга қўйилган коммуникация бошқарув фаолияти самарадорлигини таъминлайди.

Икки ва ундан ортиқ инсонлар ўртасидаги ахборот алмашиш жараёни коммуникация жараёни бўлиб, мазкур жараёнда раҳбарлар оғзаки ва ёзма мулокотни амалга оширади. Бу жараёнда самарадорликка эришиш учун педагогик ходимлар ўз раҳбарларига топширикнинг мазмун ва моҳиятини қандай тушунганилиги тўғрисида маълумот бериши, раҳбарлар эса топширикларни қандай ва кай тартибда бажариш ва қандай натижаларга эришиш лозимлигини тушунтириши зарур. Таълим муассасаларида мавжуд коммуникациялар асосан ташки ва ички коммуникацияларга бўлинади.

**Ташки коммуникация.** Таълим муассасаси билан ташки мухит ўртасидаги ахборот алмашинуви жараёни ташки коммуникацияларни ифодалаб, бунга ташқаридан келган ахборотлар, юқори бошқарув органлари, ҳокимият, вазирлик ва халқ таълими бошқармаларидан келган ахборотларни киритиш мумкин.

**Ички коммуникация.** Таълим муассасаларида вертикал ва горизонтал ахборот алмашинуви мавжуд бўлиб, булар таълим муассасаси фаолиятини ташкил этиш ва такомиллаштириш учун зарур бўлган ахборотлар алмашинуви, яъни ички коммуникацияни ифодалайди.

Таълим муассасаларидаги мавжуд коммуникацион жараёнлар раҳбарларга оғзаки ва ёзма мулокот жараёнида сұхбатлашиш, ёзиш, ўқиши, нутк сўзлаш, яъни йигилишларда

маъруза қилиш йўналишларида ўзига хос талабларни белгилайди. Масалан, раҳбар томонидан қарорларни ижрочиларга етказиш жараёнида факатгина саводли ва чиройли ёза билишни эмас, балки маълумотларни, фикр ва гояларни қисқа ва равон, давлат тилида ифодалашни назарда тутади. Оғзаки мулокот жараёнида раҳбарлар диалогик ва монологик нутқлардан фойдалана билиши, сўзлардан ташкари турли хил ҳаракат, ҳолат, кулгу, оҳанг, мимика, тўхташлардан тўғри фойдаланиши зарур бўлиб, булар сухбатдошга таъсир кўрсатиш билан бир қаторда мулокот жараёнини тўлдиради ва таъсирини кучайтиради.

## ТЕСТ ТОПШИРИҚЛАРИ

1. Тизимли ёндашувда таълим муассасаси ..... кўриб чиқилади.

- A. Ташқи мухитда хизмат қилаётган мураккаб объект сифатида
- B. Ташқи мухитда хизмат қилаётган мураккаб тизим сифатида
- D. Ташқи мухитда хизмат қилаётган мураккаб жараён сифатида
- E. Ташқи мухитда хизмат қилаётган педагогик жараён сифатида
- F. Тўғри жавоб берилмаган

2. Тизим – бу .....

- A. Таълим-тарбия жараёнини ташкил этиш шакллари
- B. Таълим-тарбия жараёнини ташкил этиш методлари
- D. Бир неча қисмларнинг ўзаро таъсири ва алоқаси
- E. Ўзаро боғлик бўлган компонентлар мажмуаси
- F. A ва B жавоблар тўғри

3. Мажмуавийлик – бу .....

- A. Бир неча объектларнинг ўзаро боғлиқлиги
- B. Ички ва ташқи омиллар бирлиги
- D. Объект ўзаро боғлик бўлган бир неча ташкил этувчи қисмларнинг мажмуаси эканлиги
- E. A ва B жавоблар тўғри
- F. B ва D жавоблар тўғри

4. Интегративлик – бу .....

- A. Бир неча объектларнинг ўзаро боғлиқлиги

- B. Объект ўзаро боғлиқ бўлган бир неча ташкил этувчи қисмларнинг мажмуаси эканлиги
- D. Ҳаракатланиш ва ривожланишга хизмат килувчи ички ва ташки омиллар бирлиги
- E. A, B, D жавоблар тўғри
- F. Тўғри жавоб берилмаган

**5. Рефлексия – бу .....**

- A. Ўтмишга (орқага) мурожаат қилиш
- B. Инсоннинг назарий фаолиятлари шакли
- D. Самарали фикрлашнинг муҳим механизми
- E. Ўз ҳолати ва ҳаракатларини фаол ўйлаб кўришдан иборат жараён
- F. Барча жавоблар тўғри

**6. Мактабни бошқаришга замонавий ёндашувлар қўйидагиларни ўз ичига олади:**

- A. Шахс-фаолият ёндашуви, рефлексив бошқарув
- B. Вазиятли ёндашув, мувофиқлаштирилган ёндашув
- D. Миллий-худудий ёндашув ва натижалар бўйича бошқарув
- E. A, B, D жавоблар тўғри
- F. B ва D жавоблар тўғри

**7. Инновация – бу .....**

- A. Мақсадга йўналтирилган ўзгартиришлар
- B. Янгилик, янги услуб, ихтиро, метод
- D. Янгилик киритиш жараёни
- E. A ва D жавоблар тўғри
- F. A ва B жавоблар тўғри

**8. Инновациянинг асосланганлик даражаси .... билан ифодаланади.**

- A. Зарурияти ва талабларга мос келиши
- B. Мавжуд шароитларга мос келиши
- D. Илмий асосланганлиги
- E. Сифатли ўзгаришларнинг микдори
- F. Барча жавоблар тўғри

**9. Инновацион жараённинг таркибий тузилишини ... ташкил этади.**

- A. Муаммолар , янгиланишга эхтиёж
- B. Субъектлар, мақсад ва вазифалар
- C. Мазмун, метод ва натижалар
- E. A, B ва D жавоблар тўғри
- F. A ва B жавоблар тўғри

**10. Стратегия грекча сўз бўлиб, ўзбек тилида “генерал санъати” деган маънони англатади ва бугунги кунда ..... маъноларида қўлланилмоқда.**

- A. Фаолиятта раҳбарлик қилиш, муассаса ёки корхона фаолиятини бошқариш
- B. Вазифалар йўналишини аниқлаш ва назорат қилиш
- D. Истиқболни олдиндан аниқлаш, фаолиятни олдиндан режалаштириш
- E. A, B ва D жавоблар тўғри
- F. B ва D жавоблар тўғри

**11. Таълим муассасасининг ривожланишига таъсир этувчи асосий омиллар .....ни ўз ичига олади.**

- A. Стратегик режа, инновацион ёндашув, мақсад ва масъулият
- B. Муассасанинг таълим сиёсати, манфаватлар уйғунлашуви
- D. Стратегик бошқарув, погонавийлик, муассаса имкониятлари
- E. A, B ва D жавоблар тўғри
- F. Тўғри жавоб берилмаган

**12. Ихтилофлар ..... сабабли келиб чиқиб, ..... турларга бўлинади.**

- A. Инсонларнинг бир-бирини тушунмаслиги, манфаатларнинг турли хиллиги, қизикишлари, қарашлари ва интилишларининг ўзаро мос келмаслиги.
- B. Ижобий ва салбий
- D. Шахсий ва конструктив
- E. Конструктив ва деструктив
- F. A ва E жавоблар тўғри

**13. Ихтилофлар субъектларининг хатти-ҳаракатлари натижаларига кўра ..... гурухларга бўлинади.**

- A. Ташкилий ва маъмурий ихтилофлар
- B. Ташкилий ва функционал ихтилофлар
- D. Ташкилий, функционал ва шахслараро ихтилофлар
- E. Ташкилий, функционал ва маъмурий ихтилофлар
- F. Тўғри жавоб берилмаган

**14. Персонални бошқариш ..... ларни ўз ичига олади.**

- A. Стратегик бошқарув, ташкилий бошқарув
- B. Функционал бошқарув, педагогик бошқарув
- D. Функционал бошқарув, ташкилий бошқарув
- E. A ва B жавоблар тўғри
- F. A, B ва D жавоблар тўғри

**15. Мотивлаштириш – бу .....**

- A. Маълум эҳтиёжлардан келиб чиқиб, кишилар фаолиятини психологик таъсир этиш йўллари билан мақсадга мувофиқ йўналтиришdir
- B. Таълим муассасаси фаолиятини ташкил этишда ташаббусларни ишлаб чиқиш ва таҳлил килиш учун шароитлар яратиш
- D. Барча таркибий кисм ва бўлимларнинг фаолиятини мувофиқлаштириш, ижтимоий амалиёт ва таълим эҳтиёжларидан келиб чиқкан ҳолда натижаларнинг самарадорлигини таҳлил килишни ҳамкорликда ташкил этиш
- E. A, B ва D жавоблар тўғри
- F. Тўғри жавоб берилмаган

**16. Мотивлаштиришнинг руҳий ва ташкилий икти-  
содий йўналишдаги турли назариялари қуйидагиларни ўз  
ичига олади:**

- A. Мотивлаштиришнинг мазмунли назарияси, у кишиларни бошқача эмас, айнан шундай ишлашга мажбур киладиган шахснинг ички руҳий фаолиятининг идентификациясига асосланади
- B. Мотивлаштиришнинг процессуал назарияси – жуда ҳам замонавий услублардан бири бўлиб, кишилар ўзини

билиши ва тарбия маъносида ўзларини қандай  
тутишларига асосланади

- D. Гигиеник мотивлаштириш, кутиш назариялари ва х.к.
- E. А ва В жавоблар тұғри
- F. Барча жавоблар тұғри

**17. Америкалиқ психолог А.Маслоу инсон ҳәётидаги мавжуд әхтийәклардан бешта асосийларини ажратиб күрсатади:**

- A. Бирламчи әхтийәклар: физиологик әхтийәклар, хавфсизликка ва химояга әхтийәк
- B. Иккиламчи әхтийәклар: ўзлигини ифодалаш, хурматта әхтийәк ва ижтимоий фаолиятта әхтийәк
- D. А ва В жавоблар тұғри
- E. Бирламчи әхтийәклар: физиологик әхтийәклар, яшаш ва мекнен қилишга әхтийәк
- F. В ва Е жавоблар тұғри

**18. Ахборот – бу .....дан иборат.**

- A. Таълим-тарбия жараёни тұғрисидаги маълумотлар
- B. Маълумот ва хабарлар мажмуси
- D. Бошқарув жараёни тұғрисидаги маълумотлар
- E. А ва D жавоблар тұғри
- F. Тұғри жавоб берилмаган

**19. Ахборотлар тизими – бу таълим муассасаларини бошқарув жараёнида педагогик аҳамиятта зға бўлган маълумотларни, ..... ўз ичига олувчи мураккаб тизим хисобланади.**

- A. Ўқитишининг янги педагогик ва ахборот технологияларини ҳамда таълим жараёнини ташкил этиш йўналишидаги барча меъёрий хужжатларни
- B. Иктисолий-ижтимоий, илмий-техникавий, ҳукукий ва ташкилий янгиликлардан иборат ахборотлар оқимини
- D. Замонавий ахборот технологиялари, компьютерлаштириш ва компьютерлар тармоқлари негизида таълим жараёнини ахборот билан таъминлашни
- E. А ва В жавоблар тұғри
- F. A, B ва D жавоблар тұғри

**20. Коммуникациялар – бу .....дир.**

- A. Мәйлүм бир таълим муассасасини бошқаришда ўзига хос мұраккаб тизим
- B. Жамоа аъзолари ўртасидаги ўзаро ахборот алмашинуви
- D. Ахборотларни түплаш ва амалиётта фойдаланиш
- E. Ахборотларни түплаш ва қайта ишлаш жараёни
- F. Түғри жавоб берилмаган

**21. Таълим муассасаларида мавжуд коммуникациялар асосан ..... бўлинади.**

- A. Ташки ва ички коммуникацияларга
- B. Вертикал ва горизонтал коммуникацияларга
- D. Ички, вертикал ва горизонтал коммуникацияларга
- E. A ва B жавоблар түғри
- F. Түғри жавоб берилмаган

## **В БОБ. ЗАМОНАВИЙ МАКТАБ РАҲБАРЛАРИНИНГ ФУНКЦИОНАЛ ВАЗИФАЛАРИ**

### **5.1. ЗАМОНАВИЙ МАКТАБДА ТАШКИЛИЙ ТУЗИЛИШ**

Замонавий мактаб – бу ижтимоий-педагогик тизим бўлиб, тизимли қайта ташкил этиш натижасида оддийдан-мураккабга, эскилиқдан-янгиликка қараб ривожланган янги имкониятларга, таълим ва тарбия услубларини ва воситаларини танлаш мустақиллигига, замонавий таркибий тузилишга, функционал вазифаларга, мақсадларга, стратегия ва тактика, таълим сиёсатига эга бўлган янги сифатдаги таълим муассасаси ҳисобланади.

Таълим муассасалари олдида турган мақсадларга эришиш умумий ўрта таълим муассасалари педагогик ходимлари ва бошқа техник ходимларнинг биргаликдаги самарали фаолиятни назарда тутади. Бу жараён таълим муассасаларида фаолиятни мувоғиқлаштириши, муайян ички тартиб-коидалар ўрнатилишини талаб қилади. Мазкур тартиб-коидалар ташкилий тузилиш шаклида намоён бўлади.

Ташкилий тузилиш таълим муассасаси педагогик ходимлари ва раҳбар ходимлар бажарадиган вазифалар йўналишини ва бажариладиган вазифалар ўртасидаги нисбатни (ўзаро бўйсунишни) белгилаб беради. Ташкилий тузилиш бошқарув фаолиятида анча қулайтиклар яратади ва уни самарали ташкил этишининг асоси ҳисобланади, чунки муассасадаги таълим-тарбия жараёнини ташкил этиш ҳамда умумий фаолиятга ички баркарорлик бағишлайди.

Таълим муассасаларида анъанавий тамойиллар асосида меҳнат таҳсимотининг амалга оширилиши ташкилий тузилишни ифодалайди. Бажариладиган вазифаларнинг йўналишлари бўйича таълим муассасаси ходимлари анъанавий равишда уч тоифага бўлинадилар – раҳбарлар, мутахассислар ва ижрочилар.

Раҳбарларга таълим муассасаси директори, директорнинг маънавий ва маърифий ишлар бўйича ўринбосари ҳамда ўкув ва илмий ишлар бўйича ўринбосарлари, бошланғич синфлар бўйича илмий бўлим мудири, шунингдек, ўз йўналиши бўйича хўжалик ишлари бўйича бўлим бошлигини ҳам киритиш мумкин.

**Мутахассислар** маъмурий ҳокимиятга эга бўлмайди, лекин таълим-тарбия соҳасида мутахассис сифатида фаолият олиб

борадилар. Мутахассисларга мактаб амалиётчи психологи, етакчилар ва тўғарак раҳбарларини, ижрочилар (бажарувчилар) жумласига ўқитувчилар, тарбиячилар, ёрдамчи техник ходимлар ва ўз навбатида ўкувчиларни ҳам мисол қилиш мумкин.

Ташкилий тузилишга қўра таълим муассасасининг юкори бўгини (раҳбарлар) билан қўйи бўгини (ижрочилар) ўртасидаги масофанинг катта-кичиклиги – погонавийликни ифодалайди, яъни раҳбар билан оддий ижрочи ўртасидаги масофа қанчалик катта бўлса (даражалар сони) таълим муассасаларидағи погонавийлик даражаси шунчалик катта бўлади (15-шакл).



15-шакл. Таълим муассасаси бошқарувини функционал ташкил этиш чизмаси.

Погонавийлик даражаси қанчалик катта бўлса таълим жараёнини ташкил этиш ва унинг натижавий самарадорлиги шунчалик паст бўлади. Таълим муассасасида тузилма ташкилий мақсадларга эришиш учун ташкил этилади. Тўғри, таълим муассасаси ҳар бир ходимининг эгаллаб турган лавозимига кўра вазифалар тақсимланса ва улар ўз функциялари йўналишида масъулиятни тўла ҳис қилган ҳолда самарали фаолият олиб борса ижобий натижаларга эришиш мумкинdir. Лекин, ташкилий тузилишга кўра погонавийликнинг катта бўлиши, шунингдек, умумий манфаатларни кўзда тутувчи фаолиятнинг ташкил этилмаслиги натижасида жамоа аъзолари ўртасида салбий муҳит, яъни, бу тадбирни ташкил этиш амалиётчи психологнинг вазифаси, бу йўналиш – маънавий ва маърифий ишлар бўйича директор ўринбосарининг вазифаси, бу эса – етакчининг вазифаси деган тушунчалар ҳамда “менга нима?”, “ҳар бир киши ўз вазифасини бажариб қўйсинда!” каби “сеники”, “меники” “тамойиллари”нинг вужудга келиши таълим муассасасида мураккаб муаммоли вазиятларни келтириб чиқариши мумкин.

Таълим муассасаси раҳбарлари юкорида айтиб ўтилган учта - *раҳбар, мутахассис ва ижрочи* вазифаларини бирлаштиради, яъни раҳбарлар ҳам ўз мутахассисликлари бўйича ўқувчиларга дарс беради, раҳбар бир вактнинг ўзида мутахассис ҳамда ижрочи сифатида фаолият кўрсатади. Шундай экан, таълим муассасаларини бошқариш жараёнида погонавийлик даражасини энг минимал даражага келтириш мақсадга мувофиқ хисобланади.

Тажрибалар шуни кўрсатадики, таълим муассасаси раҳбари билан нафакат ижрочи - ўқитувчилар, балки ўқувчилар ўртасидаги масофанинг ҳам яқин бўлиши, ўзаро дўстона сухбатлар таълим жараёнини бошқаришда ўз самарасини кўрсатади.

## 5. 2. ЗАМОНАВИЙ МАКТАБ БОШҚАРУВ ОРГАН-ЛАРИНИНГ ФУНКЦИОНАЛ ТАШКИЛИЙ ТУЗИЛИШИ

Замонавий мактабни бошқариш – бу раҳбарлар билан педагогларнинг таълим-тарбия жараёнида ўқувчиларга фанлар бўйича чуқур билим ва ахлоқий тарбия бериш, касб танлашига йўллаш ва ҳар томонлама ривожланган шахсни тарбиялашга

йўналтирилган, илмий асосланган фаолияти бўлиб, мазкур жараённи илмий асосда ташкил этиш ҳамда зарурий шартшароитлар яратиша таълим муассасаларида ташкил этиладиган бошқарув органларининг ҳам фаолияти мухим ахамият касб этади.

Мактабни бошқариш тизими кўпроқ инсонпарварлаштириш ва демократлаштириш тамойилларига асосланади. Бундай шартшароитларда мактаб ишини ташкил этишнинг асосида мавжуд бўлган психологик омилларнинг роли сезиларли ортиб боради. А.М.Столяров шундай омиллар сифатида қуидагиларни келтиради:

- мазкур муассасада ишловчи шахсларнинг психологик хусусиятлари;
- ўзаро муносабатлар ва ижтимоий-психологик ҳодисалар таркиб топган жамоа психологияси;
- персоналнинг мақсадли бирлиги, ташкилий муносабатлар;
- жамоада ўзини-ўзи бошқаришнинг ривожланганлиги;
- муассаса раҳбарининг бошқарув фаолияти мазмуни ва раҳбарлик услуби, касбий-психологик тайёргарлиги, шахсий хусусиятлари.

Таълим муассасаларида таълим-тарбия жараёнини илмий асосда ташкил этиш, мазкур жараён иштирокчиларига зарурий шароитларни яратиб бериш, ташкилий масалаларни ҳал этиш бир қатор педагогик омилларга асосланган ҳолда, қуидагиларни ўз ичига олади:

- жамоа аъзоларининг мавқеи, тарбияланганлиги, ўқимишлилиги, маълумотлилиги;
- раҳбарларнинг касбий-педагогик тайёргарлиги;
- муассасадаги шароитнинг ижтимоий-педагогик таъсири;
- меҳнат жамоасининг тарбияловчи, ўргатувчи ва ривожлантирувчи хусусиятлари;
- шахснинг ижтимоий-педагогик таъсири ва раҳбарларнинг бошқарув фаолиятини ташкил эта олиш кобилиятлари.

Бутунги кунда етакчилик қилаётган, бошқарув йўналишларида ва бошқа барча фаолиятларни замон талаблари даражасида ташкил этаётган умумий ўрта таълим муассасалари бўлмиш мактабларнинг фаолиятига эътибор каратадиган бўлсак, бу самарали фаолият кўпчиликнинг ҳамкорликдаги фаолиятидан иборат бўлиб, у таълим-тарбия жараёни иштирокчиларининг

манфаатларини ифодалайди. Шунинг учун мазкур жараёнда бошқарув жараёни субъектлари хисобланган раҳбарлар хамда бошқарув органларининг ўзаро таъсир кўрсатиш услублари мухим аҳамият касб этади.

Субъектларнинг ва бошқарув органларининг таъсири тўғрисида гапирилганда нафакат таълим-тарбия жараёнини ташкил этиш ва мазкур жараён иштирокчиларининг фаолиятини назорат килиш, балки таълим-тарбия жараёнини илмий асосда ташкил этиш учун етарли шарт-шароитлар яратиш, илмий-методик маҳсулотлар, янги ахборот технологиялари, замонавий компьютерлар билан жиҳозлаш хамда ўкув хоналарини таъмирлаш, ҳомийлар ёрдамини кучайтириш, кам таъминланган ўкувчи ўшларни ўкув қуроллари ва дарсликлар билан таъминлаш хамда иқтидорли ўкувчиларнинг фанлар бўйича ташкил этиладиган турли республика ва халқаро олимпиадалар, спорт мусобақаларида қатнашишларига моддий ва маънавий ёрдам кўрсатиш назарда тутилади.

Мактаб фаолиятини такомиллаштириш ва ривожлантириш, таълим-тарбия жараёнини илмий асосда ташкил эиш, унинг иштирокчиларига зарурий шарт-шароитлар яратиш, ракобатбардош битирувчилар сонини кўпайтириш йўналишида мақсадларга эришиш учун умумий ўрта таълим мактабларида ташкил этиладиган бошқарув органларининг ташкилий тузилишини учта гурухга ажратиш мумкин (16-шакл):

1. Жамоавий бошқарув органлари – жамоавий бошқарув (мактаб кенгashi, педагогик кенгаш, илмий-методик кенгаш, педагогик ходимлар ва ўкувчилар вакилларининг конференцияси). Бу ерда мактаб кенгashi – жамоавий-давлат бошқаруви органи, педагогик кенгаш – педагогик ходимларнинг ўз-ўзини бошқариш органи, илмий-методик кенгаш – ўкув-методик ишлар бўйича мавжуд муаммоларни ҳал этиш йўлларини ишлаб чикувчи, юкори малакали педагоглар ва раҳбар ходимлар уюшмаси.

Уларнинг хар бири қуйидаги вазифаларни бажаради:

-мактаб кенгashi навбатдаги ўкув йили учун тузилган мактаб иш режасини тасдиқлайди, ўкув режасига ўзгартириш киритиш ҳакидаги педагогик кенгаш таклифларини кўриб чиқади ва тасдиқлайди, хўжалик ва иқтисодий масалаларни ҳал қиласди ва х. к.;

- педагогик кенгаш таълим-тарбия жараёнини ривожлантириш йўналишларини белгилайди, мактаб фаолияти самарадорлигини

ҳамда илғор педагогик тажрибалар ва педагогика-психология фанларининг ютукларини татбиқ этиш натижаларини баҳолайди;

- илмий-методик кенгаши мактабнинг умумий тадбирларини, педагогик кенгашларни режалаштиради; синф раҳбарлари ва ўқитувчиларнинг турли фаoliyatlарининг таҳлилий натижаларини кўриб чиқади; ўқувчиларнинг ўзланишириш кўрсаткичларини, билимини жамоавий кўриб чиқади ва таҳлил қиласди; педагогик хафталар, назорат ва танловларни режалаштиради ва ўтказади ва ҳ.к. Методик хизматнинг мақсад ва вазифалари мактабнинг ички бошқарув тизими билан узвий боғлик бўлади.

2. Мамъурият, бунга директор, унинг ўринбосарлари ва илмий бўлим мудири тааллукли бўлиб, улар куйидаги масалаларни ҳал қиласди:

- бошқарув функцияларини амалга оширишда ҳамкорлик ва келишувларни мувофиқлаштириш;

- демократия ва ошкораликка амал қилиш;

- мавжуд бўлган асосий муаммоларни ҳал этишда барча имкониятлардан фойдаланиш;

- қарорлар қабул қилиш учун барча ходимлар масъулиятини жалб этиш;

- жамоада ижобий руҳий мухитни таъминлаш;


- мунтазам назорат;

- рағбатлантириш ва мукофотлаш. Шунингдек, зарурий ахборотлар тўплаш; турли хил метод ва воситалар ёрдамида қарорларни мувофиқлаштириш.

3. Жамоатчилик ташкилотлари – ўқувчилар кенгаши, касаба уюшма қўмитаси, методик бирлашма, ота-оналар қўмитаси.

Ўқувчилар кенгашининг мақсади ўқувчиларнинг маънавий-маърифий ишлар йўналишидаги иштирокини, интеллектуал қобилиятларини ривожлантириш, шунингдек, ҳуқуқий, демократик, ўз-ўзини бошқарувчи мактабнинг шаклланишига ёрдам кўрсатиш, ўқувчиларда бошқа шахсларнинг ҳуқуқларига нисбатан ҳурмат, фуқаролик бурчи, масъулият туйгуларини, ижтимоий фаолликни шакллантириш.

Касаба уюшма қўмитаси касаба уюшма аъзоларининг ҳуқуқлари, манфаатлари ва қизиқишлигини ифодалайди, такдим этади ва химоя қиласди.



16-шакл. Замонавий мактаб бошқарув органларининг  
функционал ташкилий тузилиши

Ўз аъзоларининг мактаб маъмурияти, шунингдек, маҳаллий ўз-ўзини бошқариш органларининг муносабатлари билан боғлик бўлган касбий қизиқишлари, манфаатлари ва ижтимоий-мехнат хукукларини химоя қиласди. Мактаб маъмурияти билан ўзаро келишувларга асосан меҳнат жамоасининг яаш ва ишлаш шароитларига тааллукли бўлган масалаларни ҳал этиш учун ҳамкорликда йиғилишлар ўтказади.

Ота-оналар кўмитасининг мақсади мактабни ривожлантириш ва фаолиятини такомиллаштиришда яқиндан ёрдам кўрсатишидан иборат бўлиб, таълим муассасасининг бошқа ташкилот ва муассасалар билан ўзаро фойдали ҳамкорликларини ривожлантириш йўналишида фаоллигини шакллантириш, мактабда таълим-тарбия самарадорлигини яхшилаш йўналишида тадбирлар уюштириш, шунингдек, таълим муассасасининг имкониятларини кенгайтириш бўйича ҳомийлик кўрсатиш йўналишидаги тадбирларни ташкил этади.

Методик бирлашмалар мактаб таълимини ривожлантириш, таълим-тарбия жараёнини илмий асосда ташкил этиш, ўқувчиларнинг ўзлаштириш кўрсаткичларини кўтариш, педагогларнинг билим, кўникум ва малакаларини ривожлантириш, илгор педагогик тажрибага эга бўлган ўқитувчилар тажрибаларини оммалаштириш йўналишида фанлар бўйича очик дарслар, олимпиада, конференция, фан кечалари ташкил этади ва ўтказади.

Фанлар йўналишида ўқув дастурлари, ўқитиш технологиялари ва методлари, баҳолаш мезонлари, таълим мазмунини ривожлантириш стратегияларини ишлаб чиқади ҳамда турли йўналишлардаги мактаб тадбирларини ташкил этиш ва ўтказишга ёрдам беради.

Шундай қилиб, замонавий мактабни бошқариш – мураккаб, кўп компонентли ташкилий тузилишга эга бўлиб, бунда асосий мақсадга, яъни ўқувчиларни хаётта тайёрлаш, уларнинг меҳнатта ва мураккаб ижтимоий-иктисодий шарт-шароитларга мустакил равишда тезрок мослашишларини таъминлашга эришишда таълим муассасаси барча субъектларининг мақсадга йўналтирилган ўзаро таъсирини кўриб чиқиш зарур; иккинчидан, кўзланган мақсадга эришиш учун таълим муассасаси бир бутун, яхлит механизм сифатида фаолият кўрсатиши керак; бунинг учун мактабнинг барча ташкилий бўлимлари ўртасида ўзаро келишув, ҳамкорлик зарур.

## **5. 3. РАҲБАРЛарНИНГ бошқарув фаолияти САМАРАДОРЛИГИ**

Таълим муассасаларида таълим-тарбия жараёнини илмий асосда ташкил этиш ҳамда умумий манфаатлар уйғунлиги асосида муассаса олдига кўйилган мақсадларга эришишга қаратилган фаолиятлар жараёнини бошқариш раҳбарларнинг барча жамоа аъзоларига таъсир этиши бўлиб, педагогик ходимлар ва ёрдамчи персонал фаолиятларини ташкил қилиш ва мувофиқлаштиришда, шунингдек, муассасанинг ички имкониятларидан ва маблагларидан фойдаланишда ўз ваколати доирасидаги тўғри мақсадга йўналтирилган фаолиятдир.

Таълим муассасаси раҳбарлари муассаса олдига кўйилган мақсадларга эришишда педагогик ходимларнинг фаолияти, билим, кўнікма ва малакалар даражасини, қобилиятларини, шахсий хислатларини, шунингдек, таълим жараёнини илмий асосда ташкил этишнинг мураккаб томонларини фаол ўрганишлари ва шулар асосида бошқарув жараёнини такомиллантириш, самарадорлигини оширишга ёрдам берадиган қарорларни қабул килишлари ҳамда уларни амалга ошириш учун турли тадбирларни ишлаб чиқишлари зарур.

Таълим муассасаларини бошқаришни илмий асосда ташкил этишда кўйида келтирилган муаммоларни инобатга олиш ва уларнинг ижобий ечимларини топиш бошқарув фаолиятида самарадорликка эришишнинг асосий сабабларидан бири сифатида хизмат қиласди:

- таълим-тарбия жараёни ва педагогик ходимларнинг барча фаолиятларига таъсир этувчи ҳамда муассаса фаолиятида янгиликларни жорий этиш суръати билан ўқитувчиларнинг билими, кўнікма ва малакалари ўргасидаги номувофиқликларни вужудга келтирувчи омиллар;

- республикамизнинг ижтимоий-иктисодий ва маънавий соҳаларида кисқа вакт ичida амалга оширилаётган ҳамда ҳаётимизда жуда катта аҳамият касб этаётган ислоҳотлар билан таълим жараёнидаги инерцион тенденциялар ўргасидаги зиддиятлар;

- педагогик ходимларнинг шахсий хислатлари ва касбий қобилиятларини шакллантириш даражаси билан таълим муассасаларига кўйилаётган замонавий талаблар ўргасидаги зиддиятлар;

- таълим тизимида вужудга келаётган ташаббус ҳамда кўлланилаётган ва яратилаётган янгиликларни жорий этиш суръати билан илмий-методик таъминотлар ўртасидаги номувофиқлик;

- таълим муассасасининг интегратив табиятига мос ёндашувлар ва уларни шакллантириш технологияларининг мавжуд эмаслиги.

Таълим муассасаларини бошқариш фаолиятининг самара-дорлиги – бу бошқарув конуниятлари, усул ва методлари ҳамда инновацион технологияларга асосланган бошқарув фаолияти асосида ташкил этилган таълим-тарбия жараёнининг натижавийлиги ҳисобланади. Таълим муассасаларида бошқариш самара-дорлиги ўқувчиларнинг фанлар бўйича олган билимлари, замонавий техника ва ахборот технологияларини ўрганиши, интеллектуал кобилиятларининг шаклланиши даражасини ҳамда ўқитувчи ва педагогик ходимларнинг билими, кўникума ва малакалари, шунингдек, педагогик маҳорати ва касбий кобилиятларининг ривожланиш даражаларининг ўсишини белгилайди.

Бошқарув самара-дорлигига эришиш учун таълим муассасаси раҳбарлари муассасанинг асосий мақсадлари йўналишида стратегик режалаштириш сирларини, бошқарув усуслари, методлари ҳамда тамойиллари, инновацион технологияларни билиши ва булар асосида жамоанинг интегратив фаолиятига мураккаб педагогик тизим сифатида ёндашувларга йўналтирилган инновацион фаолиятни ташкил этиши зарур ҳисобланади (17-шакл).



17-шакл. Бошқарув самара-дорлигига таъсир этувчи омиллар.

Таълим муассасаси раҳбарларининг бошқарув фаолиятида самарадорликни ривожлантириш учун бажарилиши зарур бўлган шартлар:

- таълим муассасаларини бошқариш жараёнига, инновацион тузилишга эга бўлган мураккаб педагогик тизим сифатида ёндашиш;

- раҳбарнинг бошқарув маданияти, шахслараро муносабатлар ҳамда тарбиявий муносабатларни илмий асосланган тамойиллар асосида шакллантириш;

- таълим муассасасининг инновацион фаолияти жараёнида раҳбарнинг касбий маҳорати ва ўзи ҳакидаги фикрларига илмий ёндашиш; раҳбарлар томонидан бошқарув фаолиятининг таҳдилий йўналиши, педагогик тизимни концептуал ва дастурий бошқаришни ўзлаштирилишини амалга ошириш;

- таълим муассасасини бошқариш жараёнида инновацион ёндашувларнинг натижалари бўйича тескари алоқани йўлга кўйиш.

Бугунги кунда мактаб раҳбарлари бошқарув функцияларининг интегратив сифатларини тавсифловчи хусусиятлар: мактаб бошқарувини ички ва ташки ўзгаришларга мослаштириш, раҳбарлик услубларидан корпоратив фойдаланиш, таълим менежменти тамойилларини ўзлаштириш ва қўллаш, бошқарувни мактабнинг фаолиятини ривожлантириш ва такомиллаштиришга йўналтириш асосида белгилашни кўрсатади.

Замонавий ижтимоий-иктисодий шароитларнинг ривожланиши натижасида қиска муддат ичida вужудга келаётган ва амалга оширилаётган ўзгаришлар, янгиликлар самарасида таълим муассасаси раҳбарларининг касбий билими, кўникма ва малакаси ҳамда бошқарув фаолияти бўйича янада янги талаблар вужудга келмоқда.

Юқорида келтирилган маълумотларга асосланиб мактаб раҳбарлари бошқарув фаолиятини такомиллаштиришда бугунги куннинг куйидаги талабларини инобатга олиш зарур:

- бошқарув фаолияти ва унинг ҳукукий асосларини, иш вактини тақсимлаш ва ундан самарали фойдаланиш, бошқарувга ёндашув ва бошқарув фаолиятларининг турларини, қарор қабул килиш, карорларнинг ижросини таъминлаш шакллари, стратегия

ва стратегик бошкарув сирлари, мотивлаштириш назариялари ва ходимлар фаолиятини баҳолаш турларини билиши;

- муассасанинг ривожланишидаги умумий қонуниятлар, персонални бошқариш сирларини билиш ва стратегик тафаккурга эга бўлиши;

- бошкарувнинг функционал жиҳатларини ўзлаштириш ва мотивлар билан боғлиқ омилларни бошқариш (моддий ва ижтимоий-психологик рағбатлантириш тизимини яратиш);

- самарали меҳнат, ишга бўлган ташаббускорлик-ижодий муносабатни шакллантириш, мақсадга эришишда жамоа ва шахс эҳтиёжларини ҳисобга олиш, дам олиш вақтидан унумли фойдаланиш имкониятларини яратиш;

- муассасада соғлом ижтимоий-психологик вазият, шахслараро ва гурухлараро энг мақбул алокаларни вужудга келтириш ва қўллаб-куватлаш, ходимларнинг батартиб ва дўстона ишлашига, ҳар бир шахснинг аклий ва ахлокий салоҳиятини намоён этишига шароитлар яратиш;

- педагоглар ва бошқа ходимларнинг биргаликда амалга оширадиган меҳнат натижаларидан уларнинг тенг даражада коникиш хосил килишларига эришиш;

- раҳбарлик услубларини вазиятта боғлай билиш ва улардан корпоратив фойдаланиш, мактаб бошкарувини ички ва ташки ўзгаришларга мослаштириш;

- бошкарувнинг инновацион технологияларини лойихалаштириш ва амалиётта татбиқ этиш.

## 5. 4. ПЕДАГОГЛАРНИНГ КАСБИЙ ФАОЛЛИГИНИ ОШИРИШДА РАҲБАРЛАРНИНГ ВАЗИФАЛАРИ

Мамлакатимиз мустақилигининг дастлабки кунларидан бошлиб ўқитувчилик касбининг аҳамияти ва нуфузини юқори кўтариш бўйича аник мақсадга қаратилган ишлар изчиллик билан рӯёбга чиқарилмоқда, педагогларнинг моддий турмуш шароитини яхшилашга йўналтирилган чора-тадбирлар амалга оширилмоқда. И.А.Каримовнинг “Ўзбекистоннинг ўз истиклол ва тараққиёт йўли”, “Ўзбекистон – келажаги буюк давлат” асарларидаги умуминсоний кадриятларни тиклаш ҳакидаги мулоҳазаларида таълим-тарбия масалаларини фаолликка асосланган тамойилларга ўтказиш, ўсиб келаётган ёш

авлодни янгиликларни тез қабул килишга ундаш, истиқолол яратган кенг имкониятлардан фойдаланиб, фаолиятилизнинг ҳамма соҳаларида юксак натижаларга эришиш хақида гап боради.

Бугунги кунда давлатимиз томонидан кўрсатилаётган зътибор ва ғамхўрлик барча ўқитувчиларнинг ўз устида ишлаши, тинмай изланиш олиб бориши ҳамда ўкув жараёнини замон талаблари даражасида, илмий асосда ташкил этишлари учун зарурый шароитларни яратиб бериш билан бир каторда ҳалқ таълими соҳасига ёш мутахассислар келиб қўшилишига имконият яратмоқда, бу эса ўз навбатида мактаб раҳбарлари олдига янада янги вазифалар қўяди.

Маълумки, инсон ҳар доим ўсиш ва ривожланишдадир. Шундай экан инсон камолотига таъсир этувчи омилларнинг илмий-назарий моҳиятини барча педагогик жамоа раҳбарлари тўғри тушунишлари лозим. Ҳар бир педагог ўз педагогик фаолиятини турли хил шароитларда ва жамоа ташкилотчилари бўлган инсонлар таъсирида амалга оширади. Педагогнинг фаолиятига таълим муассасидаги бугунги шароит ва жамият учун фойдали ва зарур мақсадларни амалга оширишда шахс ривожига ва шаклланишига кучли таъсир киладиган одамлар гурухи бўлган педагогик жамоадаги руҳий мухит ўз хукмини ўтказади. Жамоа жамиятнинг бир бўлаги сифатида унинг барча хусусиятларини қамраб олади. Фоявий, сиёсий, иктиносий, ахлоқий-маънавий ва бошқа жабҳалар шулар жумласидандир. Бугунги кунда ихтиёрий педагогик жамоани маълум бир сайлаб кўйилган ёки тайинланган раҳбар бошқаради.

Раҳбарлик – одамларга мақсадли таъсир ўтказишга қаратилган, уларнинг хулкини тартибга солиш билан боғлиқ бўлган бошқарувнинг таркибий қисмидир. Шундай қилиб, “бошқарув” тушунчаси, “раҳбарлик” тушунчасига қараганда анча кенг тушунчадир. Раҳбар бошқарув фаолиятида катор функцияларни бажаради: педагогик жамоанинг илмий-педагогик фаолияти мақсадларини аниклади ва шакллантиради, шу фаолиятни режалаштиради, рағбатлантириш воситалари ва усулларини белгилайди, уни назорат килишни амалга оширади ва ҳоказо. Шунинг учун ҳам раҳбар ёш педагогнинг ўзи танлаган касбга меҳр қўйиши, ўқитувчилик қасбининг сирларини мукаммал ўрганиши ва унда ўз келажагига нисбатан ишонч туйғулари ривожланишига кўп қиррали таъсир қиласи, дейишимиз мумкин. Ўз навбатида раҳбар жамоада ўз ўрнига эга бўлиб, у билими, муомаласи, илмий дунёкараши,

педагогик ходимлар билан ўзаро муносабатлар, мақсадга интилиш, ижтимоий хулк ва бошқаларда намуна бўлиши зарур, бундан жамоанинг ҳар бир аъзоси ўзига хос таъсирланади. Раҳбар бошкарув фаолиятида ўзаро таъсирнинг икки йўналишини, педагогнинг жамоага ва жамоанинг педагогга таъсирини ва бу ўзаро таъсир ижобий ёки салбий бўлиши мумкинлигини хисобга олиши зарур.

Педагогнинг жамоага таъсири унинг обрўси, билими, дунёкараши, ўзи танлаган касбга қизикиши ва қобилияти, ўз фанини пухта билиши, ўқувчилар билан муносабати, ўз устида ишлаши, ташкилотчилик қобилияти, пешқадамлик қилиши ва ташаббускорлиги сингари кўринишларда намоён бўлади. Унинг обрўси деганда жамоа ўқитувчини мутахассис сифатида тан олиши, субъектив сифатларининг жамоа фаолиятининг объектив талабларига мос келиши тушунилади. Бунда мутахассиснинг билими, кўникма ва малакаси, тажрибаси, касб маҳорати, уддабуролиги, тадбиркорлиги ва ижодкорлиги унинг бошқалардан кўра кўпроқ кўзга ташланишига ва обрў орттиришига сабаб бўлади.

Обрўта эга бўлган мутахассис шахслараро муносабатларда юқори мавқега эга бўлади, жамоада унинг фикр-мулоҳазаларига кулоқ соладилар, ундан маслаҳат сўрайдилар, унинг нуқтаи назари билан ҳисоблашадилар. Аммо обрў орттиришда шахсий сифатларнинг ўзигина етарли бўлмай, у ёки бу мутахассис ҳақидаги жамоатчилик фикри ҳам сабаб бўлади. Шунинг учун ҳам мутахассиснинг жамоатчилик фикри билан ҳисоблашмай иложи йўқ, бу эса жамоанинг педагогга бўлган таъсиридир. Яъни, жамоа педагогнинг айрим саъи-харакатларини рад этиши, қабул қиласлиги, аксинча бундан сакланишига интилиши мумкин.

Юқорида айтиб ўтганимиздек, жамоа билан мутахассиснинг ўзаро таъсири икки хил, яъни ижобий ва салбий бўлиши мумкин, бунда раҳбарнинг роли яққол намоён бўлади. Ижобий таъсирни вужудга келтиришда раҳбар педагогик жамоа ва таълим муассасасининг манфаатлари бир-бирига мос келишини истаган ҳолда, кўл остидаги ходимларнинг муваффакият ҳамда кайфиятлари билан қизикиш, табассум билан муомала қилиш, ходимларни исмини ҳурмат билан айтиб мурожаат қилиш (ҳар кимга ўз номини бошлиқ оғзидан эшитиш ёқимли бўлишини эсда тутиши), мутахассисларга нисбатан диккат-эътиборли бўлиш, сухбатдошини ўзи ҳақида гапиришига руҳлантириш, ошкора ахборот алмашишдан чўчимаслик, ходимга унинг иш учун керакли эканлигини сездириш, ҳар бир ходимнинг

камчиликларини қайд қилганда, албатта, унинг муваффакиятларини ҳам эътироф этиш каби раҳбарликнинг энг мақбул услубларини ўз фаолиятига татбиқ этиши зарур.

Жамоада турли дунёкараш ва маданиятга эга, феъл-автори, ақлу заковати ҳар хил, ишга лаёқати алоҳида намоён бўладиган кишилар меҳнат қилади. Бу ҳол уларнинг меҳнати ва иш вазифасига бўлган муносабатида ҳам ифодаланади.

Таълим муассасасига янги келган ёш педагоглар жамоадаги мутахассисларнинг фаолиятини, уларнинг ўз вазифасига бўлган муносабатини ва у ердаги шароитни тўла ўрганишунга кадар турлича тасаввурга эга бўладилар. “Қуш инида кўрганини қилади” деганилариdek, ёш мутахассис жамоадаги шароитни, ўша ерда мутахассисга қўйилаётган талабларни бажариш учун қай даражада билим, кўнкима ва малакалар зарурлигини, кадрлар салоҳиятини ва уларнинг ўз ишларига бўлган муносабатларини, раҳбарларнинг мавқеи ҳамда кўл остидагилар билан муносабатларини ўрганиб, таҳлил қилиб, хулоса чикарган ҳолда ўз устида ишлаши, изланиши, илғор тажрибага эга бўлган ўқитувчиларга эргашиб фаол фаолият олиб бориши ёки аксинча локайд бўлиб қолиши мумкин.

Тажрибалар шуни кўрсатадики, кўпгина ёш педагоглар анча вактгача таълим муассасаси шароитига психологик жихатдан мослашинга кийналмоқдалар, айрим мослаша олмаганлари қобилиятли бўлишларига қарамай педагогик фаолият билан шуғулланишдан воз кечиб, бошка турли соҳаларда фаолият кўрсатишмоқда. Бунинг сабаблари турлича бўлиши мумкин. Айрим таълим муассасаларида жамоанинг ёш педагоглар билан ўзаро таъсири салбий хусусиятларга эга бўлиб, раҳбар ва унинг кўл остидаги ходимлар ёш педагогга нисбатан тўғри муносабатда бўлмаслигида намоён бўлади. Ёш мутахассиснинг изланиши, билими, ўз фанига бўлган қизиқиши туфайли жамоа ва ўкувчилар ўртасида тез обрў топаётганидан хурсанд бўлиш ва уни рағбатлантириш ўрнига унинг ўшлигини рўкач қилиб, турли хил арзимас сабабларни баҳона қилиб йиғилишларда уялтириш, обўсими тушириш учун қилинган харакатлар таълим муассасасидан безиб кетиб қолишларга сабаб бўлади.

Яна бир сабаби, таълим муассасасига янги келган ёш мутахассис етарли тажриба, кўнкима ва малакага эга бўлмаганлиги учун жамоага тез киришиб кетишга кийналади. Раҳбар ёки ўқитувчилар томонидан ўз вактида методик ёрдам кўрсатилмаслиги, унга берилган ўкув юкламаларининг

камайтирилиши ёки олиб қўйилиши ҳамда берилиши зарур бўлган методик ёрдамлар ўрнига тез-тез берилган танбеҳлар ёш педагогнинг ўз фани бўйича етарли билимга эга бўлса-да, ўзи танлаган касбга нисбатан кўнгли совиб кетишига олиб келади. Ҳар бир ёш педагог маълум касбий ижодий имкониятлар потенциалига эга бўлиб, у ёки бу аниқ бир меҳнат жамоаси шароитида педагогик фаолиятини бошлайди. Шунинг учун ҳам раҳбарлар ҳар бир ходимнинг шахсий фазилати, касбий лаёкати, ишга муносабатини ҳисобга олиб турлича ёндашиши, жамоа билан ёш мутахассисларнинг ўзаро муносабатларини тўғри таҳлил қилган ҳолда, мукаммал тузилган педагоглар билан ишлаш режасига эга бўлишлари ва шу режа асосида мунтазам фаолият олиб боришлари шарт. Буни бошқарувчилик тамойили ҳам тақозо этади. Бир катор тадқиқотларга асосланган ҳолда, раҳбарларнинг педагоглар билан ишлаш режаларини тузишлирида қуидагиларни инобатга олишларини тавсия этамиш:

- олий ўкув юртларининг битирувчилари билан учрашувлар ташкил этиш;
- ёш мутахассисларнинг таълим муассасаси шароитига психологик мослашувини тезлаштириш учун семинар ва учрашувлар ташкил этиш;
- ўз мутахассисликлари бўйича ўкув юкламалари билан таъминлашга зришиш;
- ёш мутахассисларни йўналишлари бўйича илғор педагогик тажрибага эга бўлган ўқитувчиларга бириктириш;
- барча педагогик ходимларнинг илмий-амалий конференция ва ўкув семинарларига мунтазам равишда иштирок этишларини назоратга олиш;
- педагогларнинг олий ўкув юртлари ва малака ошириш институтларининг профессор-ўқитувчилари билан мунтазам алоқаларини йўлга кўйиш;
- уларнинг дарсларга тайёргарлиги ва дарс ўтиш методларини кузатиб, алохидаташкил килиб бориш;
- дарсларни илмий асосда ташкил этишлари учун дарс жараённида зарур бўладиган техник воситалар билан таъминлаш;
- илмий-методик журнал ва газеталарда маколалар билан иштирок этишларини назоратга олиш ва рағбатлантириб бориш;
- очик дарсларга мунтазам равишда жалб этиш;
- ўз устида ишлаши ва бошқа таълим муассасалари билан тажриба алмашишлари учун шароитлар яратиш;

- фанлар бўйича олимпиадалар ва турли хил танловларда доимий иштирок этишларига эришиш;
- илмий-тадқиқот ишларига қизиқтириш, ижодий фаолият олиб боришлари учун зарурий шароитлар яратиб бериш;
- фанлар бўйича яратган янгиликларини оммалаштириш ва рағбатлантириб бориш.

Бугунги кунда таълим муассасаларидаги мутахассисларнинг салоҳияти мазкур муассаса раҳбарларининг рейтингини белгиловчи энг асосий мезонлардан бири хисобланади.

Шундай экан, билимли, етарли тажриба ва кўникмага эга бўлган, ўз фанини яхши биладиган, ижодкор ва ташкилотчи педагогларни қўллаш, уларга етарли шароитлар яратиб бериш, илмий-педагогик фаолият билан шуғулланишлари учун якиндан ёрдам бериш, ёш педагогларни кўп йиллик илгор педагогик тажрибага эга бўлган ўқитувчиларга бириктириб кўйиш, фаолиятни “Устоз – шогирд” тамойиллари асосида ташкил этиш, ёш мутахассисда ўзи танлаган касбга муҳаббат ва келажакка ишонч туйғуларини шакллантириш ушбу куннинг долзарб муаммоларидан бири бўлган халқ таълими муассасаларини мутахассислар билан таъминлашда ўз самарасини беради.

## **5. 5. ЎҚУВЧИЛАРДА ВАТАНГА МУҲАББАТ ТҮЙҒУСИНИ РИВОЖЛАНТИРИШДА РАҲБАРЛАРНИНГ ВАЗИФАЛАРИ**

Бугунги кунда, соғлом авлодни шакллантириш масаласи давлат сиёсати даражасига кўтарилиган бўлиб, уни амалга ошириш эса барча таълим муассасалари ўқитувчилари, тарбиячилари ва раҳбарларининг, ота-оналар, маҳалла-кўй, қолаверса, юртимизда яшаётган ҳар бир фуқаронинг энг асосий вазифаларидан бириди. Биз тарбиялаётган ўқувчи-ёшлар мамлакат мустакиллиги тушунчасини, унинг мазмун-моҳиятини англаб етишлари зарур.

Жамият тараққиёти жадал ривожланаётган бир даврда, ўқувчи-ёшларни Ватанг мұхаббат рухида тарбиялаш жараёнида террорчи вахшийларнинг хатти-харакатларининг олдини олиш билан боғлиқ ишларни амалга оширад эканмиз, Президентимиз И. А. Каримовнинг “Ватанимизнинг тинчлиги ва хавфсизлиги ўз куч-кудратимизга, халқимизнинг ҳамжиҳатлиги ва букилмас иродасига боғлиқ” номли маърузасидаги қуйидаги сатрларни эътиборга олиш

зарур деб ҳисоблаймиз: «Биз ҳаётга катта орзу-умидлар билан кириб келаётган ёшларимизга бир ҳақиқатни, яъни, «Эй болам, сенинг Ватанинг битта – барчамизга азиз, бетакрор мана шу Ўзбекистон. Ота-боболаримизнинг хоки шу ерда ётибди. Шу мукаддас замин сени дунёга келтирган, сен уни обод этишинг, химоя қилишинг шарт. Нафакат сенинг ўз ҳаётинг, балки сенга умид кўзини тикиб турган ота-онанг, опа-сингилларинг, ёш гўдаклар, нуроний қарияларимизнинг ҳаёти ҳам ана шу бурчингни нечоғлик адо этишингга боғлик» деган тушунчани уларнинг қалбига, онгу шуурига сингдиришимиз даркор».

Маърузанинг асосий мазмуни ҳозирги даврнинг умумбашарий муаммоси терроризм ва унга карши кураш масаласига қаратилган бўлиб, Ўзбекистондаги барқарорликни кўролмайдиган сиёсий кучлар ва ҳалқаро экстремистик марказлар томонидан эл тинчлигини бузиш, одамларнинг юрагига ғулғула ва вахима солиш, уларнинг мамлакатимизда олиб борилаётган ички ва ташки сиёсатга бўлган ишончини сўндириш, ҳалқимиз танлаган тараққиёт йўлига ғов бўлиш максадида олдиндан тузилган режа асосида амалга оширилган террорчилик харакатлари кескин қоралантган.

Таъкидлаш жоизки, маъруза мазмунида ҳалқаро террорчи кучлар қайтадан бирлашиб бош кўтараётган, ўта маккор ва ёвуз услубларни кўйлаётган бутунги мураккаб вазиятда ҳалқаро ҳамжамият, жумладан, минтақамизда жойлашган барча давлатлар бу балога карши курашида ҳамкорликни кучайтириш, бир ёқадан бош чикариб, бундай уринишларга кескин зарба бериш, ҳар қандай тажовуз ва террорчилик хуружларининг олдини олиш, уларнинг мафкуравий заминини йўқотиш ва аввало, ёшларимизнинг қалби ва онги, соғлом тафаккури учун курашишнинг мухимлиги эътироф этилган.

Маърузанинг асосий мазмунини англаб етган ҳар бир шахс бугунги ўзига хос зиддиятли бир даврда ер юзининг турли минтақаларидағи куролли можаролар, ҳалқаро террористик ҳатти-харакатлар, уларнинг аянчли оқибатларига бефарқ, локайд қараб тура олмайди. Буюк келажагимиз фарзандларимиз кўлида экан, биз уларни рухан тетик, қалбан пок инсонлар килиб тарбияламоғимиз зарур. Зоро, келажак бугундан бошланади. Диний ақидапарастлик ҳамда терроризм ва унинг салбий оқибатларини ўқувчи-ёшлар онгига сингдириш, уларга бериллиб кетиши хавфининг олдини олиш, уларнинг бўш вақтларини тўғри

ташкил этиш ҳамда ота-оналарга оиласа соғлом турмуш тарзини яратиш борасида кўрсатмалар, маслаҳатлар бериш, турли мавзуларда давра сухбатлари ташкил этиш умумий ўрта таълим мактабларининг раҳбарларига аниқ вазифалар юклайди.

Мактаб директори – мактабнинг бутун фаолиятига раҳбарлик килиш жараёнида ўқувчилар билан олиб бориладиган таълимтарбия ишларининг ташкил этилиши ва сифати, ўқувчиларнинг соғлигини мустаҳкамлаш, жисмоний жиҳатдан ривожланиши, яъни болалар спортини самарали ташкил этиш ва ривожлантириш ҳамда ўқув жараёнини ҳозирги замон талаблари даражасида илмий асосда ташкил этишда мактабнинг бошқа раҳбарлари ва педагог ходимларининг педагогик фаолиятининг самарасига, шунингдек, унга ишонч билдирилиб топшириб кўйилган мактабнинг хўжаликмoliaвий ахволи учун давлат олдида жавобгар шахс ҳисобланади.

Ўқувчи-ёшларни баркамол инсон килиб тарбиялашда мактаб директори болага ташқи таъсир этувчи омилларни тўла ҳисобга олган ҳолда, мактаб раҳбарлари, амалиётчи психолог, синф раҳбарлари, етакчи ва ўқитувчилар ўртасида белгиланган аниқ режа асосида иш тақсимотини ва унинг назоратини амалга ошириши билан бир қаторда таълим-тарбия соҳасидаги ишларни муваффакиятли амалга оширишда мактаб билан оила ўртасида мустаҳкам алока ўрнатиш, ота-оналар ўртасида таълим-тарбияга оид ташвиқот ишларини кенгайтириш, ижтимоий ва тарбиявий мухитни соғломлаштириш берасидаги ишларни жонлантириш ҳамда такомиллаштиришга асосий эътиборини қаратмоғи керак.

Ўқувчи-ёшларга таълим-тарбия бериш самарасига мактаб директори фаолиятининг қуйидаги йўналишлари ўз таъсирини кўрсатади:

- педагогик ходимларни тўғри танлаши;
- уларнинг мутахассислиги, қобилияти, билими ва ташкилотчилигини ҳисобга олган ҳолда иш тақсимлаши;
- ўқитувчи ва тарбиячиларнинг ғоявий-сиёсий савиасини ва малакасини ўз вактида ошириб боришга эришиши;
- мактабнинг ўқув-моддий ва техникавий базасини мустаҳкамлаб бориши;
- ўқув жараёнининг илмий асосда ташкил этилишига эътибор каратиши;

- синфдан ва мактабдан ташқари ишларнинг мазмуни ҳамда ташкил этилишини жиддий назоратга олиши;
- ўқувчиларнинг касб танлаши ва касбга йўллаш ишларини тўғри йўлга кўйиши;
- ўқувчиларнинг ўзини-ўзи бошкариш ишларини мувофиклаштириб бориши;
- ота-оналар ва жамоатчилик билан ҳамкорликни йўлга кўйиши;
- мактабда ота-оналар қўмитаси фаолиятини мувофиклаштириб туриши;
- фанлардан аъло баҳоларга ўқийдиган, иктидорли ва ташкилотчи ўқувчиларни ўз вақтида рағбатлантириб бориши;
- иктидорли ёшларни аниклаб, қизиккан йўналишлари бўйича қўшимча машғулотлар ташкил этиши;
- фанлардан ўзлаштиришга қийналаётган ўқувчилар билан ўқитувчиларнинг алоҳида ишлалари учун шароитлар яратиши ва назоратга олиши;
- фанлар, турли касблар ва спорт йўналишлари бўйича тўғраклар фаолиятини йўлга кўйиши.

Маънавий-маърифий ишлар бўйича директор ўринбосарининг иш режасига “Ўқувчи-ёшларни Ватанга мухаббат руҳида тарбиялаш”, “Терроризмга карши кураш ва унинг олдини олиш” йўналишлари бўйича мавзулар киритилиши ва шу мавзулар бўйича турли тадбирларни ташкил этиш зарур. У ўз фаолияти давомида:

- ўқувчиларнинг мактаб ва мактабдан ташқари фаолиятидан хабардор бўлиши ва уларни назоратга олиши;
- маданий ва маърифий тадбирларга кенг жалб килишнинг самарали йўлларини қўллаши;
- мактаб, маҳалла, оила ҳамкорлигини йўлга кўйиши;
- оммавий спорт секциялари ва мусобақаларига ўқувчилар иштирокини таъминлаши;
- фан ва спорт тўғракларининг фаоллигини ошириши;
- ўқувчи-ёшлар ва ўқитувчилар ўртасида ҳуқуқшунослар, ички ишлар ҳамда оммавий ахборот воситаларининг ходимлари билан давра сухбатлари ташкил этиши;
- «Ўзбекистон – менинг Ватаним», «Конституция – бахтимиз пойdevори», «Огоҳлик – давр талаби» мавзуларида иншо, расм, бадиий ўкиш ва бошқа кўрик-танловлар ўтказиши;

- ўқитувчиларнинг маънавий-маърифий мавзулардаги маколалари билан илмий-методик журнал ва газеталарда ҳамда оммавий ахборот воситаларида иштирокларини таъминлаши;
- синф раҳбарлари билан ҳамкорликда ота-оналар йиғилишларини ташкил этиши;
- ўқувчиларнинг ўзини-ўзи бошқариш фаолиятларини назоратта олиши;
- синф раҳбарлари билан ота-оналар ва етакчиларнинг ҳамкорликдаги фаолиятини мувофиқлаштириб бориши;
- ўқувчи ёшларнинг бўш вактларини мазмунли ўтказиш, уларнинг онгига миллый истиқлол ғоясини сингдиришда мактабдан ва синфдан ташқари ишларни самарали ташкил этиши;
- мактаб кутубхонасининг маънавий-маърифий фаолиятини кучайтириши;
- ўқувчиларни касбга йўллаш ва бошка тарбиявий жараёнларни амалга оширишда мактаб амалиётчи психологига етарли шарт-шароитлар яратиб бериши зарур.

Мактабнинг ўқув ишлари бўйича директор ўринбосари – хар бир фан ўқитувчиларининг иш режаларини тасдиқлаш ва дарсларга тайёргарлигини назорат килишда, ўқув жараёнини ташкил этишда тарбиявий максадларга эътибор каратиши, ўқув жараёнининг тарбиявий максади ўқувчиларни ватанга мухаббат руҳида тарбиялашга қаратилган бўлиши, антитеррор масалалари бўйича ўқув семинарлари ташкил этиши, ўқувчилар билан терроризм ва унинг салбий оқибатлари бўйича сұхбатлар ўтказиши ва бу борада олиб борилаётган ишларни назоратта олиши лозим.

Таълим-тарбия жараёнини илмий асосда ташкил этиш, ўқувчиларда Ватанга мухаббат туйғусини шакллантириш жараёни мактаб директори ва унинг ўринбосарлари билан бир қаторда мактаб амалиётчи психологи ҳамда синф раҳбарларининг зиммасига ҳам жуда катта масъулият юклайди.

Психолог ҳамда синф раҳбари таълим-тарбия жараёнида мактаб маъмурияти, ўқитувчилари, ота-оналар ҳамда ўқувчилар билан ҳамкорликда ишлашга масъул шахсdir. Ўқувчиларнинг қобилияти, билим олиш ва хунар ўрганишга бўлган кизикиши, улардаги ижобий ва салбий хислатларни келтириб чиқарувчи сабабларни аниқлаш ва болага таъсир этишининг энг мақбул йўналишларини белгилаш синф раҳбарлари билан амалиётчи психологларнинг энг асосий вазифаларидан бири хисобланади. Улар болалар психологияси, умумий психология, ижтимоий психология ва педагогика фанлари бўйича

мавжуд илмий-назарий билимларни бевосита амалиётта татбик этишлари ҳамда ўқувчиларнинг психик тараққиёти ва ривожланишини белгиловчи шарт-шароитларни яратишлари лозим. Маълумки, мактаб амалиётчи психологи ҳамда синф раҳбари болага таъсир этувчи (18-шакл) шахслар ва воситалар ўргасида ўзига хос ўринни эгаллайди.

Қуидаги чизмага асосланган ҳолда фикр юритадиган бўлсак, мактаб амалиётчи психологи боланинг психик тараққиётига таъсир кўрсатувчи ана шу омилларнинг моҳиятини чукур ўрганиши, таҳлил килиши ҳамда керакли хulosалар чикариши лозим, жумладан, аввало бола руҳиятининг шаклланишига бевосита таъсир кўрсатувчи мактаб жамоасининг фаолиятини, яъни ўқитувчилар билан ўқувчилар, отона билан мактаб ҳамда ўқувчилар ўргасидаги муносабатларни ўрганиши, йўл қўйилаётган камчиликларни таҳлил килиши ва олинган натижалар асосида мактабда психопрофилактик ҳамда психоконсультатив ишларни йўлга кўйиши лозим. Чунки ўқувчи ёшларнинг тероризм таъсирига берилиши мумкин бўлган асосий сабабларидан бири ундаги “мен”лигининг катталар томонидан кўп ҳолатларда етарли ҳисобга олинмаслиги ва бунинг оқибатида ёшларда ўз “мен”лигини кўрсатишга бўлган эҳтиёжини ҳар хил йўллар билан исботлашга харакат килишидир. Боланинг руҳий тараққиёти босқичларида, унинг ҳаётда ўз ўрнини топшишида оиланинг роли алоҳида ахамият касб этади.



18-шакл. Ўқувчи шахсига ташки мухит таъсири

Шунинг учун амалиётчи психолог ва синф раҳбарлари ўкувчиларнинг оиласарини мукаммал ўрганиши, оиласа отонанинг болага бўлган муносабати, эътибори ҳамда ака-ука ва опа-сингилларнинг ўзаро муносабатларини таҳлил килган ҳолда бола тарбиясига ёндашиши зарур.

Маълумки, ўкувчиларнинг психологик ривожланишларида, шахсининг шаклланишида ташки муҳитнинг роли бекиёсdir. Олиб борилган тадқиқотлар ва шахсий кузатишларимиз шуни кўрсатмоқдаки, ёшлардаги кўпгина салбий иллатлар, жумладан, диний оқимларга тасодифан кириб қолиш ҳолатларининг вужудга келишида ҳам айнан ташки муҳитнинг таъсири катта бўймоқда. Чунки боланинг кўча-кўйда танишган кўплаб дўстлари орасида оз бўлсада салбий характеристерга эга бўлган шахслар учраб туради. Демак, мактаб амалиётчи психологи ва синф раҳбарлари ўкувчиларнинг кимлар билан дўстлашаётгани ва улар нималар тўғрисида кўпроқ фикр юритаётганлигини ҳам яхши билмоғи зарур.

Бугунги кунда оммавий ахборот воситалари орқали террористик ҳаракатлар, унинг келиб чиқиш сабаблари ҳамда оқибатлари тўғрисида кўплаб фильмлар, кўрсатувлар берилмоқдаки, синф раҳбарлари ва амалиётчи психолог ушбу маълумотлар билан ўз вактида танишиб боришлари, зарурий хуросалар чиқаришлари, оммавий ахборот воситаларининг бола рухиятига кўрсатадиган ижобий ва салбий таъсиirlарини чуқур таҳлил қилишлари ва ундан унумли фойдаланиш мақсадида методик тавсиялар яратишлари ҳамда ушбу хуроса ва тавсияларни болаларга етказишлари зарур.

Хуроса қилиб айтадиган бўлсак, ҳозирги даврда ўкувчи ёшларни Ватанга муҳаббат руҳида тарбиялаш жараёнида мактаб амалиётчи психологи ва синф раҳбари жуда муҳим ўринни эгаллайди. Ушбу ҳолатни хисобга олган ҳолда бугунги кунда мактаб директори, ўкув ҳамда маънавий ва маърифий ишлар бўйича директор ўринbosарлари ўз функционал имкониятларидан келиб чиқсан ҳолда синф раҳбари ва мактаб амалиётчи психологининг вазифаларига жиддий эътибор беришлари, уларнинг мактаб жамоаси ўртасида етарли мавқега эга бўлишларига имкон яратишлари, қолаверса таълим тизимида

педагогика ва психология фанларининг илмий-назарий ривожлантирувчи имкониятлари мавжудлигини кўрсатиб беришлари лозим.

## 5. 6. ПЕДАГОГЛАРНИНГ МАЛАКАСИНИ ОШИРИШГА РАҲБАРЛАРНИНГ ТИЗИМЛИ ЁНДАШУВИ

Мактаб таълимини ривожлантириш Давлат умуммиллий дастурининг асосий тамойиллари ва мақсадли вазифаларидан бири – умумий таълим мактаблари, биринчи навбатда қишлоқ жойлардаги мактабларни малакали педагог кадрлар билан таъминлаш, улар таркиби сифатини ошириш, ўқитувчилар тайёрлаш, қайта тайёрлаш ва малакасини оширишнинг самарали тизимини яратиш, ўқитувчилар меҳнатини рағбатлантиришни кучайтиришдир.

Мазкур тамойилга жиддий муносабат билан зътибор каратадиган бўлсак муассаса раҳбарлари учун жуда катта масъулият, талаблар, вазифалар ва ишонч мавжудлигини эътироф этамиз. Жумладан, педагогларнинг малакасини ошириш ва қайта тайёрлаш, уларда ишга бўлган ташаббускорлик – ижодий муносабатни шакллантириш, моддий ва ижтимоий-психологик рағбатлантириш тизимини яратишга муассаса раҳбарларининг тизимли ёндашуви зарур эканлигига икрор бўламиз.

Ўзбекистон Республикаси Президентининг 2005 йил 25 ноябрдаги “Халқ таълими ходимлари меҳнатига ҳақ тўлаш тизимини такомиллаштириш ва уни моддий рағбатлантиришни кучайтириш чора-тадбирлари тўғрисида”ги қарори ўқитувчиларнинг масъулиятили меҳнати ва уларга ғамхўрлик кўрсатиш ҳамиша давлатнинг диккат марказида туришини яна бир бор исботлаб берди.

Мазкур қарорни бажаришда, яъни педагогик ходимларни моддий рағбатлантиришда мактаб раҳбарлари уларнинг қайси сифатларини асосий мезон сифатида белгилайди ёки кўнишка, малака ва касбий маҳоратини белгилашда қайси тамойилларга асосланишмоқда каби саволларнинг вужудга келиши аниқ. Чунки, ўқитувчиларни моддий ва ижтимоий-психологик рағбатлантиришда, шунингдек, малакасини оширишга ҳамда педагогик фаолиятини такомиллаштиришга раҳбарлар томонидан

талаблар қўйилишида маълум бир мезонларга асосланиш зарур хисобланади.

Бугунги кунда кўпгина таълим муассасаси раҳбарлари, туман ҳалқ таълими бўлими услубчилари ўз фаолиятларида педагогик ходимларнинг малакасини оширишни қачон ва қайси йили малака ошириш институтида ўқиб келганлиги билан белгилайди, яъни малака ошириш тушунчасига бир томонлама ёндашишмоқда. Бу ўз навбатида педагогларнинг янгиликлардан орқада колишига асосий сабаб бўлиш билан бир қаторда ракобат муҳитининг вужудга келишига қаршилик кўрсатмоқда.

Педагог ходимларни моддий рағбатлантиришга, фаолиятини такомиллаштиришга асосий мезон бўлиб хизмат қилиши мумкин бўлган билими, кўникма ва малакаси, касбий маҳоратини ривожлантаришда муҳим аҳамият касб этувчи малака ошириш ва қайта тайёрлашни мураккаб педагогик тизим сифатида хисоблаб, унга тизимли ёндашувни жорий этиш зарур.

Чунки, ҳар қандай тизим ўзининг ташкил этувчиларига, яъни компонентларига эга бўлади. Мураккаб педагогик тизим хисобланган малака ошириш тизимининг асосий компонентларига: таълим муассасасида ташкил этиладиган ўқув семинарлари, семинар-тренинглар, очик дарслар, ўзаро дарс кузатишлар, фан кечалари, илмий-амалий конференциялар, илғор педагогик-технологияларни оммалаштириш, ўқитувчилар томонидан тайёрланадиган методик маҳсулотлар, жумладан, малака ошириш институтидаги назарий ва амалий машғулотлар ҳамда масофадан ўқитиши киритиш мумкин.

Ихтиёрий тизимнинг ташкил этувчи компонентларидан бири мазкур тизимнинг ўзгаришига ва ривожланишига ўз таъсирини кўрсатади. Шундан келиб чиқиб, педагогларнинг малакасини ошириш ва қайта тайёрлашга тизимли ёндашувни жорий этиш зарур бўлиб, бунда ўқитувчининг билими, кўникма ва малакаси ҳамда касбий маҳорати даражасини аниглаш мезонларининг элементи сифатида тизимнинг ҳар бир компонентини олиш мумкин. Мазкур йўналишда ўқитувчининг рейтингини белгилаш мезонини ишлаб чиқиша компонентларнинг ўзига хос хусусиятларидан келиб чиқиб балларнинг тақсимланиши, уларнинг фаолиятини такомиллаштиришда ўзига хос аҳамият касб этади. Масалан, 100

баллик тизимда баҳолаш мезонини куйидагича белгилаш мүмкін (2-жадвал):

№	КОМПОНЕНТЛАР	Максимал балл	Баллар тәксимоти
1	2	3	4
1	Илмий даражаси	20	Фан доктори – 20 балл, фан номзоди – 10 балл
2	Тажрибасининг оммалаштирилиши	15	Республика ва вилоят мікёсіда оммалаштирилган бўлса – 15 балл, туман мікёсіда оммалаштирилган бўлса -10 балл, мактаб мікёсіда оммалаштирилганлиги учун - 5 балл
3	Малака ошириш институтида ва масофадан ўқитишда ўз вақтида ўқигани учун	9	Мутахассислиги бўйича – 5 балл, киска муддатли курсларда – 4 балл
4	Илмий-методик маколалари	8	Республика илмий-методик журналларидаги ҳар бир маколаси учун – 4 балл, бошка журнал, газета ва тўпламларда – 2 балл
5	Методик маҳсулотлар	9	Методик кўлланма – 5 балл, методик кўрсатма - 4 балл
6	Илмий-амалий конференцияларда маколаси билан иштироки	8	Халкаро ва республика конференцияларида - 5 балл, вилоят ва туман мікёсіда - 2 балл
7	Ўкув семинарлари, семинар- тренинглар	15	Семинарларни ташкил этгани учун - 4 балл, иштироки учун -2 балл

1	2	3	4
8	Очиқ дарслар	8	Ташкил этгани учун ҳар бир соатига – 1 балл, бошқа очиқ дарсларга катнашгани учун уч соатига – 1 балл
9	Ўзаро дарс кузатишлар	8	Дарс кузатиши, ҳар ўн соатига – 1 балл

2-жадвал. Педагог-ходимларнинг ўз устида ишлаши ва малака ошириш йўналишларидағи фаолиятларини баҳолаш мезони.

Тизимли ёндашувда барча компонентлар тизимнинг ривожланишига ўз таъсирини кўрсатишини инобатга олиб, юкорида келтирилган барча катталикларни ҳисобга олиш зарур ва бу ўз навбатида педагогик ходимларни рағбатлантиришда ҳам асосий компонентлар сифатида хизмат қилиши мумкин. Баҳолаш жараённида демократик тамойилларга асосланган ҳолда баҳолаш мезонларини ўқитувчиларнинг ўзига тарқатиш ва белгиланган мезонлар асосида ўзини-ўзи баҳолашни ташкил этиш уларнинг ижодий фаолиятини шакллантириш ва ривожлантиришда муҳим аҳамият касб этади.

## ТЕСТ ТОПШИРИҚЛАРИ

1. Замонавий мактаб – бу ижтимоий-педагогик тизим бўлиб, ..... эга бўлган янги сифатдаги таълим муассасаси ҳисобланади.

- A. Тизимли қайта ташкил этиш натижасида оддийдан-мураккабга, эскилиқдан-янгиликка қараб ривожланган янги имкониятларга
- B. Таълим ва тарбия услубларини ва воситаларини танлаш мустақиллигига
- D. Замонавий таркибий тузилишга, функционал вазифаларга, мақсадларга, стратегия ва тактика, таълим сиёсатига

- E. A, B ва D жавоблар тұғри  
F. A ва B жавоблар тұғри

**2. Ташкилий тузилиш – бу ..... ифодалайди.**

- A. Таълим муассасаси педагогик ходимлари ва раҳбар ходимлар бажарадиган вазифалар йұналишини ва бажариладиган вазифалар ўртасидаги нисбатни (үзаро бўйсунишни)  
B. Таълим муассасаларида анъанавий тамойиллар асосида меҳнат тақсимотининг амалга оширилишини  
D. A ва B жавоблар тұғри  
E. Таълим муассасасидаги таълим-тарбия жараёнини ташкил этиш ҳамда умумий фаолиятдаги ички барқарорликни  
F. Бошқарув фаолиятида анча қулайликлар яратади ва уни самарали ташкил этишни

**3. Бажариладиган вазифаларнинг йұналишлари бўйича таълим муассасаси ходимлари анъанавий равишда уч тоифага: ..... бўлинадилар**

- A. Раҳбарлар, мутахассислар ва ижрочиларга  
B. Раҳбарлар, ўқитувчи ва ўқувчиларга  
D. Раҳбарлар, педагоглар ва ёрдамчи техник ходимлар  
E. A, B ва D жавоблар тұғри  
F. Тұғри жавоб берилмаган

**4. Мактаб фаолиятини такомиллаштириш ва ривожлантиришда умумий ўрта таълим мактабларида ташкил этиладиган бошқарув органлари .....ни ўз ичига олади.**

- A. Жамоавий бошқарув органлари ва жамоатчилик ташкилотлари  
B. Маъмурият ва жамоатчилик ташкилотлари  
D. Маъмурият, жамоавий бошқарув органлари ва жамоатчилик ташкилотлари  
E. Маъмурият, касаба уюшма қўмиталари ва жамоатчилик ташкилотлари  
F. Тұғри жавоб берилмаган

**5. Мактаб маъмурияти таркибига ..... киради.**

- A. Директор, мактаб кенгаши ва педагогик кенгаш
- B. Директор, директор ўринбосарлари ва педагогик кенгаш
- D. Директор, ота-оналар кенгаши ва касаба уюшма қўмитаси
- E. Раҳбарлар, педагогик кенгаш ва касаба уюшма қўмитаси
- F. Директор, директор ўринбосарлари ва бошлангич синфлар бўйича илмий бўлим мудири

**6. Мактабнинг жамоавий бошқарув органлари таркибига ..... киради.**

- A. Мактаб кенгаши, касаба уюшма қўмитаси ва методик бирлашма
- B. Педагогик кенгаш, ўқувчилар кенгаши ва ота-оналар қўмитаси
- D. Педагогик кенгаш, илмий-методик кенгаш ва ўқувчилар кенгаши
- E. Мактаб кенгаши, педагогик кенгаш ва илмий-методик кенгаши
- F. Касаба уюшма қўмитаси, ота-оналар қўмитаси, методик бирлашмалар ва ўқувчилар кенгаши

**7. Мактабда ташкил этиладиган жамоатчилик ташкилотлари таркибига ..... киради.**

- A. Педагогик кенгаш, ўқувчилар кенгаши ва ота-оналар қўмитаси
- B. Педагогик кенгаш, илмий-методик кенгаш ва ўқувчилар кенгаши
- D. Касаба уюшма қўмитаси, ота-оналар қўмитаси, методик бирлашмалар ва ўқувчилар кенгаши
- E. Мактаб кенгаши, педагогик кенгаш ва илмий-методик кенгаши
- F. Мактаб кенгаши, касаба уюшма қўмитаси ва методик бирлашма

**8. Мактаб раҳбарларининг бошқарув функцияларининг интегратив сифатларини тавсифловчи хусусиятлар бошқарув фаoliyatiini ..... асосида ташкил этишни кўрсатади.**

- A. Мактаб бошқарувини ички ва ташки ўзгаришларга

**мослаштириш**

- B. Раҳбарлик услубларидан корпоратив фойдаланиш
- D. Таълим менежменти тамойилларини ўзлаштириш ва кўллаш
- E. Бошқарувни мактабнинг фаолиятини ривожлантириш ва тақомиллаштиришга йўналтириш
- F. Барча жавоблар тўғри

**9. Таълим муассасаси раҳбарларининг бошқарув фаолиятида самарадорликни ривожлантириш учун ..... зарур.**

- A. Таълим муассасаларини бошқариш жараёнига, инновацион тузилишга эга бўлган мураккаб педагогик тизим сифатида ёндашиш
- B. Раҳбарнинг бошқарув маданияти, шахсларо муносабатлар хамда тарбиявий муносабатларни илмий асосланган тамойиллар асосида шакллантириш, таълим муассасасини бошқариш жараёнида инновацион ёндашувларнинг натижалари бўйича тескари алокани йўлга қўйиш
- D. Таълим муассасасининг инновацион фаолияти жараёнида раҳбарнинг касбий маҳорати ва ўзи ҳақидаги фикрларига илмий ёндашиш, раҳбарлар томонидан бошқарув фаолиятининг таҳлилий йўналиши, педагогик тизимни концептуал ва дастурий бошқаришнинг ўзлаштирилишини амалга ошириш
- E. A ва D жавоблар тўғри
- F. Барча жавоблар тўғри

**10. Бошқарув самарадорлигига таъсир этувчи омилар:**

- A. Бошқарув тамойиллари, раҳбарлик услублари, инновацион фаолият
- B. Стратегик режа, фаолиятни лойиҳалаштириш технологиялари, инновацион ёндашиш
- D. Объект ва субъект муносабатлари, жамоанинг интегратив фаолияти
- E. A ва B жавоблар тўғри
- F. Барча жавоблар тўғри

**11. Педагогнинг жамоага таъсири ..... сингари кўринишларда намоён бўлади.**

- A. Унинг обрўси, билими, дунёқараши, ўзи танлаган касбга қизиқиши ва қобилияти
- B. Ўз фанини пухта билиши, ўқувчилар билан муносабати, ўз устида мустақил ишлаши
- D. Ташкилотчилик қобилияти, пешқадамлик қилиши, шахсий фаолиги ва ташаббускорлиги
- E. A, B ва D жавоблар тўғри
- F. Тўғри жавоб берилмаган

**12. Бошқарув самарадорлигига эришиш учун таълим муассасаси раҳбарлари муассасанинг асосий мақсадлари йўналишида ..... зарур.**

- A. Стратегик режалаштириш сирларини, бошқарув усуллари, методлари ҳамда тамойилларини билиши
- B. Инновацион технологияларни билиши
- D. Жамоанинг интегратив фаолиятига мураккаб педагогик тизим сифатида ёндашувларга йўналтирилган инновацион фаолиятни ташкил этиши
- E. A ва B жавоблар тўғри
- F. Барча жавоблар тўғри

## **VI БОБ. УМУМИЙ ЎРТА ТАЪЛИМ МУАССАСАЛАРИНИ БОШҚАРИШДА РАҲБАРЛИК**

### **6. 1. РАҲБАР ВА ЛИДЕР ТУШУНЧАЛАРИ**

Ҳозирги замон фанида “раҳбар”, “лидер” ёки “лидерлик услуги” ва “раҳбарлик услуги” тушунчаларининг нисбати йўналишидаги муаммолар энг долзарб муаммолардан бири ҳисобланади. Буларнинг ичидаги кўпроқ аҳамият касб этувчи Б.Д. Парыгин фикрига кўра лидер маълум бир гуруҳда шахслараро муносабатларни мувофикаштириб турди, микромухитнинг элементи ҳисобланади, кутимагандаги вужудга келади ва унинг холатининг баркарорлиги камрок бўлиб, харакатланиши гурухнинг кайфиятига боғлик ва у кўпроқ гурухнинг фаолиятига алоқадор бўлган карорлар қабул қилади. Раҳбар эса ижтимоий ташкилот ҳисобланган гурухларда расмий муносабатларни мувофикаштиради ва макромухитнинг элементи ҳисобланади. Раҳбар холатининг баркарорлиги кўпроқ бўлиб, у маълум бир тизимда бир неча марта кўпроқ ваколатларга, карор қабул қилиш, буйруқ бериш, топшириклар бериш, талаб қилиш ҳукукларига эга. Қарор қабул қилиш жараёни бир-мунча мураккаброқ бўлиб, кўпгина, турли хил вазиятларни камраб олади ва бу вазиятлар фақатгина битта гурухга тегишли бўлмайди. Раҳбар маълум бир кенгрок ижтимоий тизимнинг кичик бир гурухида фаолият кўрсатса-да, унинг харакат доираси кенг ҳисобланади.

Айрим мутахассисларнинг фикрига кўра, лидерлик жамоа фаолиятининг самарадорлигини оширишда раҳбарлик тушунчасини тўлдиради. Г.Кунц ва С.О.Даннелларнинг аниқлашича, “агар бўйсунувчилар раҳбарлар томонидан ўрнатилган тартиб-коидалар ва эҳтиёжларга кўра бошқарилса, улар ўз имкониятларининг тахминан 60 ёки 65% даражасида ишлап мумкин, яъни ўз ишида сақланиб колиш мақсадида, шунчаки ўз мажбуриятларини қониқарли даражада бажаради, бўйсунувчиларнинг имкониятларидан тўлиқ фойдаланиш учун, раҳбарлар лидерликни амалга ошириш билан уларда тегишли мулоҳаза шакллантириши зарур”.

Раҳбарлик – одамларга мақсадли таъсир ўтказишга кара-тилган, уларнинг фаолиятини мувофикаштириш билан боғлик

бошқарувнинг таркибий қисмидир. Сайлаб қўйилган ёки тайинланган раҳбар катор функцияларни бажаради: жамоа фаолияти максадларини аниқлайди ва шакллантиради, шу фаолиятни режалаштиради, рағбатлантириш воситалари ва усулларини белгилайди, уни назорат килишини амалга оширади.

Раҳбар хулқи, ваколатлари, фаолият йўналиши турли меъерий ҳужжатлар, лавозим кўрсатмалари (инструкциялар) билан белгилаб қўйилади. Шунинг учун раҳбарлик индивидуалликнинг маълум бир фаолиятга ёки жамоа фаолиятига таъсири ва мансаб бурчини бажариш, маъсулият ва жавобгарликни ҳис қилиш билан bogлиқ бўлган меъёрлар билан белгиланади. Раҳбарлик услубига мувофиқ шаклланадиган шахсий сифатлар ичиди, энг аввало қадриятлар, ишонч ва эътиқодларни айтиб ўтиш зарур. Бу сифатлар раҳбарнинг роли ҳакидаги тасаввурларни шакллантиришга имкон беради. Айниқса раҳбарнинг ўз қўл остидагилар ҳакидаги тасаввури, уларнинг қизиқиш ва интилишлари ҳакидаги фикри аҳамиятли бўлиб, уларнинг хулк-атвори, одоби, ҳаёти ва келажаги олдида масъулдир.

Шахснинг жамоага таъсири лидерлик, раҳбарлик каби тушунчалар орқали ифода килиниши мумкин. Лекин, раҳбарлик ва лидерлик бир-биридан фарқ қиласи. Энг асосий фарки шундаки, раҳбар жамоада расмий муносабатларни, лидер эса жамоа ичидаги маълум бир гурухларда, маълум бир йўналишлар бўйича норасмий муносабатларни мувофиқлаштиради ва бошчилик қиласи. Лидерлик табиати жуда мураккаб бўлиб, психологияда кўпинча лидерликни маълум бир шахснинг гурухий фаолиятидаги роли нуктаи назаридан қараб келинади, яъни лидер – бу маълум бир вазиятда гурухий вазифаларни бажаришда бошқаларга нисбатан фаоллик кўрсата оладиган шахс, деб қаралади. Демак, лидер гурухнинг шундай аъзосики, у гўёки барча гурухий жараёнларнинг бошида туради ва хулқи билан ўзгаларга таъсир қила олади. Лидер маълум бир гурухда, маълум бир йўналишда шундай мавқега эга бўладики, у ўзидағи айрим ижобий ва кучли фазилатлари туфайли кундалик мулоқот ва турли муносабатлар жараёнида обрў ортирган шахсdir. У аслида раҳбарликка даъво қилмайди, лекин юриш-туришлари кўпчиликка маъкул бўлганлиги сабабли, уни одамлар сайловларда танлашлари ёки раҳбарликка захира танлашганда айнан унинг номзодини кўйишлари мумкин.

Бир жамоада расмий ва норасмий гурухлар мавжуд бўлиши мумкин, шунга кўра расмий сайланган ёки тайинланган раҳбарлар ва бир нечта лидерлар бўлади. Лидерлар ўз хусусиятлари, фаолият йўналишлари ва қобилиятларига кўра бир-биридан фарқ қиласи, масалан, бири – жамоадаги меҳнат ёки ўқиш фаолияти мақсадларини ҳаммадан ҳам аник англагани учун ишчан лидер бўлиши, бошқаси қарорлар қабул қилиш ва маъсулиятли вазифаларни бажариш вактида ҳаммага иш ўргатадиган, ишнинг кўзини биладиган интеллектуал лидер, яна бири – турли вазиятларда одамлар кайфиятларини қўтарувчи, уларни рухан кўллаб-кувватлаш қобилиятига эга бўлган эмоционал лидер, яна бири спорт турларига қизикадиган, спортнинг маълум бир йўналишида лидер бўлиши мумкин. Лидерларнинг ҳаётий даври, яъни таъсир кўрсатиш даврлари вактинчалик жараён бўлиб, вазият ўзгарганда, яъни фаолият жараёнининг ҳолатига кўра лидерлар ўзаро бир-бирларига жой бўшатадилар. Шундай килиб, лидерлик объектив гурухнинг аник бир вазиятдаги мақсад ва вазифасини амалга оширишдаги фаоллик ҳамда субъектив омиллар натижасидир.

Ихтиёрий жамоада умумий манфаатларни ифодаловчи мақсад бўлиб, шу мақсадга эришишда барча шахсларда табиатан фаоллик ва лаёқат мавжуд бўлади, лекин уларнинг фаолияти самарали бошқарилмаса, ўз вактида мувофиқлаштириб борилмаса, жамоада турли хил норасмий гурухлар ва муассасанинг ривожланишига салбий таъсир кўрсатувчи лидерлар ҳам вужудга келиши мумкин. Шунинг учун раҳбарлар ўз ходимларининг фаолиятини доимий назорат килиши, адолатли баҳолаши ҳамда муассаса фаолиятини ҳамкорликда ташкил эта олиши, мавжуд муаммо ва зиддиятларни ўз вактида бартараф этиши, педагогик ходимларнинг самарали фаолият кўрсатишлари учун етарли шарт-шароитларни яратиб бериши зарур.

## 6. 2. РАҲБАРЛИК УСЛУБЛАРИ

Раҳбарлик услублари ва унинг мазмун-моҳияти раҳбар ўзининг бошқарув фаолиятида афзал билган ва асосланган барча усуллар ва харакатининг тактика ва стратегияларидан ташкил топган тизим сифатида қаралади. Бунда бир томондан стратегиялар билан бошқарув фаолияти мазмуни, бошка

томондан бу тизимнинг ўзи, инсон фаолияти мухитида турли аҳамиятга эга бўлган ҳаракатлар ва шу қатори профессионал фаолият бошқарув субъектининг ривожланишида ҳамда унинг профессионал мутахассис сифатида шаклланишида мухим аҳамият касб этади.

Раҳбарлик услуби – бу раҳбарнинг бўйсунувчиларга нисбатан таъсир кўрсатиши ва қўзланган мақсадга эришишга ундашида бўйсунувчилар билан бўлган ўзаро муносабатлардаги одатий ҳаракатлари бўлиб, қўйидагиларга асосан аниқланади:

- қарорлар қабул килиш жараённида бўйсунувчиларнинг иштирок этиш даражаси;
- бўйсунувчиларнинг маълумотлар ва ахборотлар билан таъминланиши;
- раҳбар томонидан қўлланилаётган иш услублари, яъни, у ёки бу масалани ҳал килишда унинг ўзига хос ёндашиши.

Кўпчилик мутахассислар раҳбарлик услубларини таснифлашида мазкур жараённинг бош мезони ва ташкилий тамойили сифатида яккабошчилик билан коллегиаллик нисбатининг устуворлигига зътибор беришади. Шундан келиб чиқиб, раҳбарнинг бошқарув фаолияти асосий услубларининг мазмун ва моҳиятига тўхталиб ўтамиш.

1. Авторитар (директив) услубда раҳбар ўз иродасини кўл остидагиларга маъмурий куч воситасида ўтказишга интилади, яъни мажбурлаш, кўркитиш, рағбатлантириш ва бошка чоратадбирлардан фойдаланади. Бу хил бошқарувчилик бевосита буйруқ ва фармойишлар беришга асосланиб, бошлиқка сўзсиз бўйсунишни тақозо қиласи. Жамоа аъзоларининг бевосита мулокотда бўлишини чегаралаб қўяди. Ўзининг ноўрин ҳаракатларининг танқид қилинишига чидай олмайди. Бундай вазиятда ходимларнинг меҳнат жараёнига муносабатлари, айrim шахснинг манфаатлари психологик жиҳатдан зътиборга олинмайди. У ўз ходимларига ишонмайди, барча мавжуд ахборотларни ўзи орқали ўтказишга ҳаракат қиласи.

Бу “ажратиб ташла ва хукмронлик кил” тамойилига асосланган шафқатсизларча услугadir. Бундай услуг гарчи бирмунча самарали бўлса ҳам, аслида, жамоада мухолифлик, норозилик кайфиятини шакллантиради. Бундай услуг таъсирида инсон ўз меҳнатидан қониқмайди, унинг натижаларидан

бегоналашиб қолади, меҳнат унумдорлиги пасаяди, иш сифати ёмонлашади, расмиятчилик авж олади, таъкиб, чакимчилик, гурхбозлик каби иллатларнинг кучайишига яккахокимликка интилиш сабаб бўлади. Автократ раҳбар жамоадаги муносабатларни издан чикаради, жамоанинг меҳнат унумдорлиги тушиб кетишига олиб келади. Бунда мазкур услубнинг турли хил шакли ва усуллари вужудга келади:

а) мутлок - диктаторлик шаклида - раҳбарнинг карор қабул килишида бўйсунувчилар иштирок этмайди ва у муттасил буйрук беришга, мажбурлаш, қўрқитиши орқали ходимларни ўз истакларига сўзсиз бўйсундиришга интилади;

б) автократик усул – яккахокимлик тушунчасини билдиради, яъни хукмронликни амалга оширувчи раҳбарнинг ихтиёрида кенг имконият ва ваколатлар бўлишини кўзда тутиб, бу маъмурий буйруқбозликка асосланган бошқарувнинг бюрократик тури; бунда раҳбар лавозимларга кўра бўйсуниш тартибини норасмий белгилайди; раҳбар ва ходимлар аниқ бир ўрнатилган коидалар тизимиға бўйсунадилар;

в) патриархал ёки матриархал шаклида раҳбар “оила бошлиғи” мавкеидан фойдаланиш ёрдамида карорлар қабул килади, қўл остидагиларнинг фаолияти учун жавобгарликни ўз зиммасига тўлиқ олган ҳолда қабул килган қарорларини тушунтиради ва буйрук беради; ходимлар унга нисбатан жуда катта ишонч билдиришади ва шунга асосан бўйсунишади;

г) илтифотли – харизматик шакли, бунда раҳбар шахснинг ўзига хос такрорланмас донолик, хайриҳоҳлик, қаҳрамонлик, мардлик каби хусусиятларига асосланган юқори даражадаги мавкеидан фойдаланади; ходимлар унинг хатти-харакатларини, мақсадлари йўналишини ўзаро муносабатлар жараёнида кузатишади, шунингдек, унинг ижобий сифатларига, ички дунёқарашига ҳурмат билан қарашади.

2. Либерал (эркин иш юритиш) услуби раҳбарнинг ўз қарорларини тавсиялар кўринишида берishi, ходимларнинг ишига камроқ аралashiши билан тавсифланади. Бунда раҳбар воситачи сифатида фаолият кўрсатади, ходимларига кенг доирада мустақиллик , тўла эркинлик бериш билан бир каторда уларнинг харакатларига кам эътибор беради ва назоратни сустлик билан амалга оширади. Либерал-раҳбар турли хил низоларнинг келиб

чикишидан чўчийди, шунинг учун муассаса фаолиятини, асосий ишларни ўз оқимига ташлаб қўяди, шунингдек, ўз зиммасига маъсулият олишини ёктирмайди. Суиистеъмолликларга бевосита йўл кўймаса ҳам ўзини билмасликка солади, иродасиз, ташаббуссиз бўлиб, ташқаридан кўрсатиладиган таъсиrlарга мойиллиги кучли бўлганилиги сабабли юкоридан ёки куйидан кўрсатилган тазийклар уни ҳаракатга келтириши мумкин. Танқидларни қабул қиласи, лекин ундан хулоса чикармайди, келишувчанлик асосида фаолият кўрсатади, яъни ходимлар билан ўзаро муносабатларни бузмаслик учун уларнинг барча талабларини бажаради. Коидага кўра жамоада расмий ёки норасмий гурухларни бошқарувчи бир-иккита фаол инсонлар мавжуд бўлади, улар ва айрим вазиятлар (жамоа аъзоларининг ўз ишига ижодий ёндашуви ва ижобий муносабатлари) жамоа фаолиятини мувофиқлаштириб туради.

Мазкур услубда фаолият кўрсатувчи раҳбарда ташаббуснинг йўқлиги ва юкори бошқариш органларининг кўрсатмаларини сўзсиз бажариши ҳамда юкори лавозимдагиларнинг кўрсатмаларига асосан фаолиятни ташкил этиши унинг заиф томонларини, қатъяйтсизлиги ва локайдлигини, низолардан, вазиятнинг кескинлашувидан чўчишини кўрсатади. Бу ўз ўрнида жамоада тартибсизлик вужудга келишига, ходимларнинг хатти-ҳаракати устидан назоратнинг йўқолишига, норасмий гурухбозликларни авж олишига ҳамда турли хил масалалар, ҳатто, муассаса хаётида муҳим аҳамият касб этувчи масалалар ҳам раҳбарнинг интироқисиз ҳал этилишига олиб келади.

Бундай раҳбар барча ходимлари билан хушмуомала, ўзини ҳаддан ташқари эҳтиёт қиласи, бирон-бир бўйсунувчи ходим билан ҳам алокани бузишни истамайди. Қабул килган қарорлари агар бўйсунувчилардан бирортасининг шухратига таҳдид солса, ихтиёрий вазиятда олдин қабул килган қарорларини бекор қиласи.

Юкоридагилардан келиб чиқиб ушбу раҳбарлик услубининг куйидаги усул ва шаклларини ажратиб кўрсатиш мумкин:

а) коммуникацион мойиллик – бунда раҳбар ўзи қарор қабул килишга кийналади ва шунга асосан ходимларни хабардор килгандан кейин қарор қабул қиласи. Ходимлар турли хил саволларни бериши, ўз фикрларини билдириши мумкин, лекин белгиланган тартиб ва кўрсатмаларга амал қилишади, бу

бошқарувнинг маслаҳатли усули бўлиб, ходимлар ўртасида аниқ ахборотлар алмашинуви ҳамда ўтказилган сухбатлардан кейин раҳбар карор қабул қиласи, шунингдек, қабул қилинадиган карор тўғрисида ва муаммонинг ижобий ечими бўйича ходимлар томонидан берилган таклифлар асосида қабул қилинган карорлар улар томонидан бажарилади;

б) ҳамкорликда қабул қилинган карорлар асосида бошқарув – раҳбар муаммонинг ечимини топиш учун барча ходимларни жалб этади ва бунда муаммони ечиш тартибини ўзи белгилайди, шунингдек, ўзининг барча хукуклари ва ваколатларини сақлаб қолган ҳолда ходимлар томонидан муаммонинг ечими бўйича карор қабул қилинишига руҳсат беради.

3. Демократик (коллегиал) услубда раҳбар ўз фаолиятини ўзининг жамоаси аъзоларига таянган ҳолда, жамоа фикрини инобатга олиб амалга оширади. Бошқарув ваколатлари, фаолият учун жавобгарлик бўйсунувчилар ўртасида таксимланади. Ходимларнинг ўзаро муносабатларини рагбатлантириш билан биргаликда уларнинг билдирган фикрига кулоқ солади, улар билан маслаҳатлашади, ижобий томонларини инобатга олиб рағбатлантириб боради.

Бу услуб “бошлиқ” – “тобе” муносабатлари даражасида эмас, балки “инсон-инсон”, “инсон-техника-инсон”, “инсон-китоб-инсон”, “инсон-табиат-инсон”, “инсон-санъат-инсон” каби тарбиявий муносабатлар шаклида бўлишини кўзда тутади ва бунда раҳбар билан ходимларда бир-бирига нисбатан ишонч, ўзаро тушуниш ҳамда жамоада дўстона муносабат, ишчан мухит вужудга келади. Раҳбар ўзини жамоанинг бир аъзоси сифатида тутади, унинг олдида ҳар бир ходим ўзини эркин ҳис қиласи ва турли масалалар юзасидан фикрларини бемалол ифодалайди.

Мазкур услубда фаолият кўрсатувчи раҳбар ташаббускорликни рағбатлантиради, барча билан самимий муносабатда бўлади, ўз мавқеи устунлигини билдирамайди, ҳамкорлик учун қулагай вазиятни яратади, қўл остидагиларга карорлар қабул қилишда иштирок этиш имконини беради, улар томонидан билдирилган танқидга тўғри муносабатда бўлади ҳамда турли хил вазиятларни инобатга олган ҳолда ёндашувларни амалга оширади.

Бундай раҳбарлик услубини такомиллаштириш йўналишида қуидаги бир неча усул ва шаклларни ажратиб кўрсатиш мумкин:

а) инновация орқали бошқарув, бу фаолият йўналишида хилма-хил ташаббуслар ва янгиликларни ўз ичига олувчи, таълимнинг ривожланишига хизмат қилувчи инновацияларни ишлаб чиқиш талабларини белгилайди;

б) мақсад йўналишидаги топшириклар орқали бошқарув – бу усулдаги бошқарув биринчи ўринда барча бўгинлар бўйича поғонавийлик асосида мақсадга эришиш йўналишида вазифалар белгилайди, маълум бир белгиланган тартиб ва режага ҳамда текширувлар таҳлилига, эришилган ютуқларга асосланган ҳолда мақсадга эришиш методлари ва йўлларини белгилашда эркинлик беради;

в) ходимларнинг алоқадорлиги орқали бошқарув – мақсадни шакллантириш, шунингдек, уни амалга ошириш ва таъминлаш жараённида ходимларнинг иштирокини таъминлаш;

г) келишилган мақсад орқали бошқарув – бу бошқарув мақсад йўналишидаги топшириклар ва ходимларнинг алоқадорлиги орқали бошқарувларнинг ўзаро бириккан шакли бўлиб, эришиш зарур бўлган мақсадларни белгилашда ходимлар иштирок этишади ва жорий мақсадларга эришиш йўналишлари келишилади;

д) тизим орқали бошқарув – муассасанинг кўпгина вертикал ва горизонтал тузилган бошқариш шаклларига эга эканлигидан келиб чиқиб, бошқарув амалга оширилаётган жараёнларни умумий назорат қилишга эътибор қаратади. Муассаса ташки тузилишига кўра очик, динамик, алоҳида комплекс ва бир бутун тизим хисобланади. Бу тушунчалар қуидаги белгиларга асосан фарқланади:

- 1) бошқарув мақсадлари;
- 2) мослаштирилган бошқарув ахбороти;
- 3) назорат стандарти;
- 4) тез ва аниқ тескари алоқа;
- 5) назорат ахбороти (яхлит тизимга киритилган алоҳида аникланган ахборотлар тизими билан чекли четга чиқишлар тўғрисидаги ахборот; таълим-тарбия жараёни, эгилувчан ва тизимлаштирилган фикр);

е) натижка мўлжали орқали бошқарув – бунда натижага эришишнинг аниқ йўлларини белгилаш биринчи ўринга кўйилади. Бу лойиха аниқ режа асосида вазифалар белгилаш, назорат тизими, рағбат ва топширикларни талаб қиласди;

ж) топширикларни тақсимлаш орқали бошқарув – мустақил ишлаш имконияти, кобилияти, хуқуқларига эга бўлган ҳамда масъулиятни хис қиласдиган ва жавобгарликни ўз зиммасига оладиган ҳодимлар ва шахслар ўртасида топшириклар тақсимланиши;

з) муаммони ҳал қилиш қоидалари орқали бошқарув – бунда топширикларни тақсимлаш билан биргаликда турли хил масалаларни ҳал этиш усулларини, умумий мақсадга эришиш ўйналишларини ўз ичига олади;

и) мотивлаштириш орқали бошқарув – ҳодимларнинг индивидуал талабларига, эҳтиёжларига мос келадиган рағбатларни ташкил этиш орқали бошқаришни кўзда тутади;

к) мувофикалаштириш орқали бошқарув – муассаса фаолиятининг турли бўғинлари билан келишувлар асосида низоларнинг келиб чиқишини камайтириш;

л) жараённи ўзлаштириш орқали бошқарувда раҳбарнинг ҳаракатлари аниқ бевосита таъсир кўрсатиш ва назорат қилиши орқали ажралиб туради;

м) шахсий ривожланиш орқали бошқарув – бу бошқарув турида шахснинг ривожланишига алоҳида аҳамият берилади, раҳбар ва ҳодимларнинг ўз устида ишлаши, шугулланиши фаолиятни юкори даражада ташкил этишга хизмат қиласди.

Раҳбарнинг услуби – раҳбар ўз фаолиятида инсонлар билан кўллаётган ўзига хос фаолият усуллари тизимиdir. Раҳбарлик услуби қарорлар тайёрлаш, уларни қабул қилиш ва амалга ошириш жараёнида хатти-ҳаракатлари, мулокоти, сўзлаш зеркинлигининг берилиши, бошка инсонларни эшлишида вужудга келади.

Раҳбарлик услублари бошқарув фаолиятининг энг зарур ва асосий ташкил этувчи унсури хисобланади ва раҳбар шахснинг индивидуал хусусиятларига боғлиқ бўлади. Келтирилган услублардан бирортаси ҳам ихтиёрий шароитларда кўлланилишига, универсалликка даъвогар бўла олмайди. Шунинг учун раҳбарнинг муҳим сифатларидан бири турли хил

услублардан фойдалана олиши, турли хил вазиятлардан, шароитдан келиб чиқиб уларни құллай олиши хисобланади. Раҳбарлар у ёки бу услубни танлашда аникланган қатор омилларни хисобга олиши зарур.

1. Вазият (стресс, тинч аникланмаган). Масалан, вакт зик вазиятларда авторитетар услугуб ўзини оклади.

2. Топшириқ (аник тузилишга күра). Мураккаб топширикларни бажаришда экспертларни жалб этиш, давра сұхбатлари ташкил этиш керак ва бунда демократик (коллегиал) услугуб зарур.

3. Гурух (унинг аъзоларининг жинси, ёши, барқарорлиги). Топширикларнинг бажарилишига қизиқувчи, ўзаро иноқ жамоа учун демократик ёки (ижодий жамоада, топширикларни бажаришда ижодий ёндашувда) либерал услубни танлаш максадға мувофиқ бўлади.

Кейинги вактларда турли хил тизимларни бошқаришда “инсон омилига” кўпроқ эътибор каратилмоқда.

Ўз ўрнида эътиборга олиш зарур, бошқарувда раҳбарлик услублари нафакат ташкилотнинг ривожланишига кўра аникланади, балки бошқа кўпгина омиллар ҳам мавжуд бўлиб, улардан қуидагиларни алоҳида ажратиб кўрсатиш мумкин:

1. Бошқариладиган ташкилотнинг тури ва ўзига хос хусусиятлари. Масалан, ҳарбий, педагогик, ишлаб чиқариш ва илмий тадқиқот жамоалари турли хил раҳбарлик услубларини талаб қиласди. Илмий тадқиқот жамоасида самараали бўлган услуб, ҳарбий жамоада самарасиз бўлиши ва аксинча бўлиши мумкин.

2. Топшириқлар, бевосита ташкилотнинг тез ва навбатсиз бажариши зарур бўлган топшириқлар раҳбарлик услубларини тез-тез алмаштириб туришни талаб этади, булар одатий, навбатдаги топшириклардан фарқ қиласди.

3. Топшириқларни бажариш шароитлари, ташкилот олдида турган, топшириқларни бажариш учун мавжуд қулай, ноқулай ва оғир шароитлар ўзига мос раҳбарлик услубларининг аҳамиятини белгилайди.

4. Фаолият воситаси ва усуллари (индивидуал, жуфтлик ёки гурухлар) ҳам раҳбарлик услубларини аниклади.

Бошқарув фаолиятининг услубларини шакллантириш маълум даражада раҳбарнинг яшаш ва меҳнат килиш

шароитларига асосланади (мамлакатдаги ижтимоий-иктисодий вазиятлар, бошқарув фаолияти мұхити ва х.к.) ва бошқарув субъектининг ҳаракатларига тизим орқали таъсир күрсатган ҳолда унинг индивидуал услубларини ривожлантиради.

Бошқарув фаолиятининг самарали услубларини шакллантиришда раҳбарнинг шахсий хусусиятлари, унинг маълумоти, касбий малакаси, ёши, соғлигининг ҳолати мұхим аҳамият касб этади. Бунда мұхим аҳамиятга эга бўлган ўзаро боғлиқликлар мавжуд:

- бошқарув фаолиятининг услубий хусусиятлари билан раҳбарнинг бошқарув фаолиятининг асосини ташкил этувчи тушунчаларнинг компонентлари, унинг бошқарув фаолиятининг субъектив модели, ходимларнинг шахсий хусусиятлари, самарали бошқарув моделлари ўртасидаги боғлиқлик;

- самарали бошқарув фаолиятининг субъектив моделни билан бошқарувнинг мақсади ва вазифаларини раҳбарларнинг тушуниши, уларнинг бошқарув фаолияти ҳолатларини ўзгартиришга таъсир кўрсатувчи мухитнинг ўзаро боғлиқлиги;

- раҳбар шахсининг индивидуал-психологик хусусиятлари билан бошқарув фаолиятининг субъектив модели, бошқарув вазиятларини белгилаш, раҳбар амалга ошираётган бошқарув услублари ўртасидаги боғлиқлик.

Умумий ҳолатда бошқарув фаолиятининг услуби кўп даражали асосларни камраб олувчи мураккаб тизим ҳисобланади. Раҳбарлик услубларининг замонавий тез ўзгарувчан шароитларда ўзгариши жамиятда ижтимоий-иктисодий шароитларнинг ўзгариши билан, шунингдек, раҳбарнинг шахсий хусусиятларининг ёшига боғлик ҳолда ўзгариши, профессионал бошқарув фаолияти кўнкимга ва малакалари, ривожланишининг ижтимоий вазияти, оиласидан ҳолати, маълумоти ва бошқа сабаблар билан белгиланади.

## 6. 3. РАҲБАРНИНГ ИШ ВАҚТИ ВА УНДАН ФОЙДАЛАНИШ

Вакт – бу шундай ноёб ресурски, уни пул сингари жамғаридан бўлмайди. У бизнинг мавжудлигимизнинг энг мослашмайдиган элементидир. Вакт омили – бу шундай ресурски, у раҳбарга қанчалик қимматга тушса, мазкур вактдан шунчалик самарали

фойдаланишга ҳаракат қиласи. Баъзан раҳбарга унинг ўзида бор билим ва қобилиятдан кўпроғи талаб қилинмайди. У факат ўзининг ишдаги малакаларини такомиллаштириб бориши, камчиликларга барҳам бериши ва аввало вақтдан самарасиз фойдаланишга, унинг бекор сарф этилишига барҳам бериши талаб қилинади<sup>1</sup>.

Таълим муассасалари раҳбарлари фаолиятининг самараадорлиги улар сарфлаган вақт билан педагогик ходимларнинг меҳнат натижалари, яъни таълим-тарбия жараёни самараадорлиги, ўқувчиларнинг ўзлаштириш кўрсаткичларининг ривожланиши, замонавий талабларга мос келиш ўлчови бўлиб, бу ўз навбатида раҳбарлар меҳнатининг натижасидир.

Раҳбарлар сарфлаётган вақт, улар учун зарур бўлган вақт ёки вақтнинг етишмаслиги каби тушунчаларга эътибор каратадиган бўлсак, буларнинг ҳар бири ўзига хос мазмун-моҳиятга эга бўлиб, барчаси вақтдан қандай фойдаланишга боғлиқ ҳолда тавсифланади.

Раҳбар сарфлаётган вақт – таълим муассасасининг фаолиятини такомиллаштириш, педагогик ходимлар фаолиятини мувофиқлаштириш, таълим-тарбия жараёнини илмий асосда ташкил этиш учун зарурий чора-тадбирларни белгилаш, моддий-техника базани мустаҳкамлаш ва ривожлантириш, бошқа ташкилотлар билан илмий-амалий ҳамкорликни йўлга қўйиш, юкори ташкилотлар томонидан ташкил этиладиган турли хил тадбир ва йигилишларга қатнашиш, ўқувчиларнинг ота-оналари билан сұхбатлашиш йўналишидаги барча мактабдан ташқари ҳолатда, яъни уйида, кўчада ва бошқа ташкилотлардаги фаолиятлари билан барча мактабдаги фаолиятлари учун, у аклий меҳнат бўладими, жисмоний меҳнатми, барчасига сарфланадиган вақтдир.

Раҳбар учун зарур бўлган вақт – таълим муассасаси шартшароитлари ва фаолиятининг мазмун-моҳиятидан келиб чиқиб айтадиган бўлсак, раҳбарлар учун зарур бўлган вақтни, яъни бажарилиши лозим бўлган кўпгина вазифаларнинг муддатини бугунги кунги ривожланиш, киска муддатда амалга оширилаётган ижтимоий-иктисодий ўзгаришлар, таълим тизимининг ривожланиб бориши, ривожланиб бораётган фан ва

<sup>1</sup> К. Абдурахмонов ва бошқалар. Персонални бошқариш. Т., “Шарқ”, 1998 йил, 252-бет.

техника ютуклари, ривожланиб бораётган замонавий талблар, умуман олганда, кун сайин ривожланиб бораётган замон ва такомиллашиб бораётган яшаш, меҳнат қилиш ва ўкиш шартшароитларининг ўзи белгилаб беради. Ижтимоий-иктисодий ривожланиш, таълим тизимидағи ўзгаришлар ва фан-техника ютукларини мактаб амалиётига ўз вақтида татбиқ этиш, шунингдек, мазкур тараққиёт билан таълим муассасасининг параллел ва боғлиқ ҳолда ривожланиб бориш зарурияти раҳбар олдига қўйган мақсадларга эришиш учун зарур бўлган вақтни белгилаб беради.

Вакт танқислиги – бу тушунча раҳбарлик фаолиятида ёки умуман барча фаолиятлар давомида, яъни раҳбарларнинг бошқарув фаолиятида бирон-бир вазифани бажаришга ёки айрим бир масалаларни ҳал қилишга улгурилмаган вазиятларда ишлатилади. Мазкур тушунча бажарилиши лозим бўлган вазифаларнинг бажарилиш муддатига нисбатан қўлланилади, яъни юкорида айтиб ўтганимиздек, вазифанинг бажарилиш муддатини белгилаш заруриятини аслида раҳбарлар эмас, балки ҳаётий эҳтиёжлар белгилайди. Масалан, вакт танқислиги сабабли мактаб ошхонасининг таъмирлаш ишлари биринчи қўнғирок кунига тугалланмади. Демак, бу ерда ўкув йилининг биринчи кунига, яъни байрам кунига мактаб ошхонасининг фаолият кўрсатиш заруриятини умумий эҳтиёжлар белгилайди. Вакт етишмаслигига келсак, таъмирлаш ишларини режалаштириш ва амалга оширишда раҳбарнинг эътиборсизлиги ёки таъмирлаш гурухи аъзолари ишининг яхши ташкил этилмаганлиги сабаб бўлиши мумкин. Барча фаолиятлар давомида, жумладан, бошқарув фаолиятида вакт ўзига хос аҳамият касб этиб, бажариладиган вазифаларнинг мазмун-моҳияти, замонавий ўзгаришларга ва ривожланишга боғлиқлиги, шунингдек, умумий манфаатлар ва эҳтиёжларнинг ифодаланиши каби омилларни инобатга олган ҳолда фаолиятни режалаштириш ва амалга ошириш вакт танқислигининг олдини олади.

Шундан келиб чиқиб айтиш мумкинки, таълим муассасаларини бошқаришда раҳбарлар ва мутахассислар учун асосий омил уларнинг қанча вактга эга эканлиги эмас, балки бажариладиган вазифаларнинг заруриятидан ва вактга боғлиқлик хусусиятларидан келиб чиқиб тоифаларга ажратиш ва ўз

фаолиятлари давомида вактдан унумли фойдаланиши мухим аҳамият касб этади.

Таълим муассасаларини бошқаришда раҳбарлар ва мутахассислар бажариладиган ишларнинг вақтга боғлиқлик хусусиятларига кўра кунлик – энг зарур, ҳафталик – зарур, ойлик – улгурилиши зарур бўлган ва йиллик – боскичма-боскич амалга ошириладиган ишлар каби тоифаларга ажратишлари ҳамда шунга кура режалаштириш, ташкил этиш, мувофиқлаштириш, рагбатлантириш, назорат ва таҳлил ишларини амалга оширишлари мумкин.

Мазкур тоифалар бўйича бажариладиган ишларни режалаштириш ва ташкил этишда раҳбарларнинг иш режаларига раҳбар ўринbosарлари ҳамда мутахассис ва бажарувчиларнинг режаларини мувофиқлаштиришлари ва иш бошлашдан олдин кунлик режа, яъни биринчи тоифадаги ва бошқа тоифалардаги ишларнинг бажарилиши юзасидан келишиб олиниши мақсадларга эришишда самарали ҳисобланади. Чунки раҳбар кунлик ишини режалаштириб бўлгандан кейинги ихтиёрий юқори ташкилотдан келган кўнғирок ёки раҳбарнинг йигилишга чақирилиши кунлик ишларнинг бажарилишига салбий таъсир кўрсатмаслиги керак. Албатта юкорида келтирилган тоифалар ўзгармас бўлмайди, асосан биринчи тоифа тез-тез ўзгариб янгиланиб боради, шунинг учун булар мунтазам равишда раҳбарлар ўртасида келишиш орқали мувофиқлаштириб борилиши зарур.

Таълим-тарбия жараёнини илмий асосда ташкил этиш, уни ривожлантириб ва такомиллаштириб бориш илгор педагогик тажрибаларни, янги педагогик ва ахборот технологияларини таълим жараёнига татбиқ этиш, фан ва техника ютукларидан амалиётда фойдаланиш каби вазифалар барча таълим муассасалари учун зарур бўлиб, булар маълум бир муддатни белгиламайди, чунки қанчалик тез ўзлаштирилса шунча яхши самара беради. Бундай ишларни режалаштиришда раҳбарлар бутун бир жамоа аъзоларининг фаолиятини таҳлил қилган холда, мазкур вазифалар ким томонидан қачон ва қандай қилиб амалга оширилади, булар қанча вакт талаб қиласди, бу ишларни амалга ошириш учун қандай шарт-шароитлар зарур, мазкур йўналишда бошқа таълим муассасалари қанақа тажрибаларга эга каби катор

саволларга жавоб топган ҳолда амалга оширишлари мақсадга мувофиқ хисобланади.

Таълим муассасаси раҳбарлари иш вактларини тақсимлашда ўз фаолиятларини таҳлил қилишлари, хафта кунларини бажариладиган вазифаларнинг хусусиятларига кўра тақсимлашлари ҳамда бўш вактдан унумли фойдаланиш учун кунлик регламентга эга бўлишлари зарур. Кунлик регламентни белгилашда раҳбарлар томонидан таълим муассасасининг иш регламентига асосланилиши муассасанинг бошқа ходимларининг ҳам шахсий режаларига таъсир кўрсатмайди ва меҳнат унумдорлигига ижобий таъсир кўрсатади. Раҳбарлар ўзларининг бошқарув фаолияти давомида риоя қилиши лозим бўлган регламентларни ишлаб чикишида таълим муассасаси мақсади билан бир каторда бошқарув мақсадларини ҳам инобатга олишлари зарур. Чунки ҳар бир мақсадга эришиш учун бажариладиган вазифалар хусусиятлари ва йўналишлари жиҳатдан бир-биридан фарқ килиб, маълум бир вазифани бажариш иккинчи бир вазифанинг ўз вактида бажарилишига салбий таъсир кўрсатиши ёки қўшимча вакт талаб этувчи муаммоларни вужудга келтириши мумкин. Масалан, таълим муассасасида бошқарув тизимини қайта ташкил этиш зарурияти туғилган бўлса, яъни қайсиdir раҳбар ўринбосарини ёки мутахассисни янгилаш бутун бир жамоа аъзоларининг кайфиятига қандай таъсир кўрсатишига боғликлигини, ҳамда бу муассаса фаолиятига салбий таъсир кўрсатса, фаолият самарадорлигини қайта тиклаш учун қанча вакт зарур бўлишини, шунингдек, мазкур ишларга сарфланган вакт ва меҳнат ўзини окладими, буларни барчасини ҳисобга олиш зарур.

Бошқарувда бажариладиган вазифаларнинг мақсадини белгилаш, мақсадига кўра бажариладиган вазифаларнинг муҳимлик даражасини аниқлаш ҳамда улардан қайсилари муассаса фаолиятини такомиллаштиришда ўта муҳим, қайсиларини босқичма-босқич бажариш мумкинлигини белгилаб олиш зарур. Раҳбарлар кунлик ишларини таҳлил қилишларида, маълум бир вазифани бажариш учун қанча вакт сарфладим ёки шунга яқин, турдош бўлган вазифани бажаришга қанча вакт сарфладим-у, қандай хатоликларга йўл қўйдим ва бу хатоларимни тузатишга қанча вакт кетди, бу ортиқча сарфланган

вакт давомида канча муҳим ишларни амалга оширишим мумкин эди каби саволларга жавоб топишлари вактни түгри тақсимлаш ва фаолиятни такомиллаштиришда муҳим аҳамият эга.

## ТЕСТ ТОПШИРИҚЛАРИ

### 1. Раҳбарлик – бу .....

- A. Одамларга мақсадли таъсир ўтказишга қаратилған фаолият
- B. Ходимларнинг фаолиятини мувофиқлаштириш билан боғлиқ бошқарувнинг таркибий қисмидир
- D. Жамоа фаолияти мақсадларини аниқлаш ва шакллантириш, фаолиятни режалаштириш, рағбатлантириш, бошқарув воситалари ва усулларини белгилаш ва уни назорат қилишни амалга ошириш
- E. А ва В жавоблар түгри
- F. Барча жавоблар түгри

### 2. Лидер – бу .....

- A. Маълум бир гурухда шахслараро муносабатларни мувофиқлаштириб туради
- B. Микромухитнинг элементи ҳисобланади
- D. Фаолиятининг барқарорлиги камроқ бўлиб, ҳаракатланиши гурухнинг кайфиятига боғлиқ бўлган шахс
- E. Маълум бир йўналишда гурухда мавқега эга бўлган, обрў орттирган шахс
- F. Барча жавоблар түгри

### 3. Раҳбар – бу .....

- A. Ижтимоий ташкилот ҳисобланган гурухларда расмий муносабатларни мувофиқлаштирувчи шахс
- B. Макромухитнинг элементи ҳисобланади
- D. Микромухитнинг элементи ҳисобланади
- E. А ва В жавоблар түгри
- F. А ва D жавоблар түгри

### 4. Раҳбарлик услуби асосан ..... аниқланади.

- A. Қарорлар қабул қилиш жараёнида бўйсунувчиларнинг иштирок этиш даражасига кўра

- B. Бўйсунувчиларнинг маълумотлар ва ахборотлар билан таъминланишига кўра
- D. Раҳбар томонидан қўлланилаётган иш услублари, яъни, у ёки бу масалани ҳал қилишда унинг ўзига хос ёндашишига кўра
- E. А ва В жавоблар тўғри
- F. Барча жавоблар тўғри

**5. Раҳбарлик услублари асосан қўйидаги турларга бўлинади:**

- A. Авторитар раҳбарлик, либерал раҳбарлик
- B. Патриархал ва матриархал шаклидаги раҳбарлик
- D. Демократик ва мутлок-диктаторлик шаклидаги раҳбарлик
- E. Авторитар (директив), либерал (эркин иш юритиш) ва демократик (коллегиал) раҳбарлик
- F. Барча жавоблар тўғри

**6. Авторитар раҳбарликнинг ..... каби шакл ва усуллари мавжуд.**

- A. Мутлок-диктаторлик, автократик
- B. Патриархал ва матриархал
- D. Илтифотли-харизматик
- E. A, B ва D жавоблар тўғри
- F. Тўғри жавоб берилмаган

**7. Либерал раҳбарликнинг ..... каби усул ва шакллари мавжуд.**

- A. Коммуникацион мойиллик, илтифотли-харизматик
- B. Ҳамкорликда қабул қилинган қарорлар асосида бошқарув, коммуникацион мойиллик
- D. Мутлок диктаторлик, коммуникацион мойиллик
- E. А ва В жавоблар тўғри
- F. Тўғри жавоб берилмаган

**8. Демократик раҳбарликнинг ..... каби усул ва шакллари мавжуд.**

- A. Инновация орқали бошқарув, мақсад йўналишидаги топшириклар орқали бошқарув
- B. Ходимларнинг алоқадорлиги орқали бошқарув,

- келишилган мақсад орқали бошқарув
- D. Тизим орқали бошқарув, назорат ахбороти, натижага мүлжалы орқали бошқарув
- E. Топширикларни тақсимлаш, мувофиқлаштириш, муаммони ҳал қилиш қоидалари, жараённи ўзлаштириш ва шахсий ривожланиш орқали бошқарув
- F. Барча жавоблар тұғри
- 9. Раҳбарлар у ёки бу услубни танлашда аникланган қатор омилларни, ..... хисобга олиши зарур.**
- A. Вазият ва топширикни
- B. Топширикнинг тузилиши ва гурӯҳ аъзоларининг хусусиятларини
- D. Вазиятни, топшириқ тузилишини ва гурӯҳ аъзоларининг хусусиятларини
- E. А ва В жавоблар тұғри
- F. Тұғри жавоб берилмаган

- 10. Раҳбар иш вактидан фойдаланишда ..... зарур хисобланади.**
- A. Сарфланаётган вактни, зарур бўлган вактни ва вакт танқислигини хисобга олиши
- B. Бажариладиган ишларни вактга боғлиқ хусусиятларига кўра тоифаларга ажратиши, шунга кўра режалаштириши, ташкил этиши, мувофиқлаштириш, рағбатлантириш ва назорат-таҳлилни амалга ошириши
- D. Бажариладиган вазифаларнинг мақсадини белгилаш, мухимлик даражасини аниклаш ва тоифаларга ажратиши
- E. А ва В жавоблар тұғри
- F. В ва D жавоблар тұғри

## **VII БОБ. УМУМИЙ ЎРТА ТАЪЛИМ МУАССАСАСИ ДИРЕКТОРИНИНГ БОШҚАРУВ ФАОЛИЯТИ**

### **7.1. МАКТАБ ДИРЕКТОРИ ФАОЛИЯТИДА БОШҚАРУВ ВОСИТАЛАРИ**

Бошқарувда ўзаро таъсир этиш маданиятининг ривожланиши инновацион ўзгаришлар билан узвий боғлиқ бўлади. Инновациялар бошқарув маданиятининг энг муҳим ва асосий воситаларидан бири сифатида намоён бўлиб, улар инновацион жараёнларда нафакат ўзининг тавсифи ва хусусиятлари билан, балки бошқарув маданиятининг энг муҳим хусусиятлари сифатида ҳам белгиланади. Бу ўз навбатида инновацияларнинг сифатини белгилаш билан бир қаторда уларнинг намоён бўлиши вакътларини ҳам олдиндан белгилайди.

Бошқарув маданияти умумий ижтимоий маданиятнинг ташкил этувчи компоненти сифатида маълум бир ижтимоий маданият контекстида бошқарув тушунчалари, муносабатларнинг ўзаро таъсир этиши натижасида шаклланади ва унда катор катталиклар – анъанавийлик, долзарблик даражаси, мотивлаштириш тизими; раҳбарлик услублари, ташкилий мухитнинг сифати; коммуникациялар; персонални бошқариш; бошқарув стратегияси; раҳбарнинг касбий маданияти расмий жиҳатдан намоён бўлади.

Бошқарув маданиятининг анъанавийлиги миллий-тарихий ижтимоий маданият билан менежментнинг ўзаро боғликлигига асосланувчи умумтараққий ва миллий бошқарув маданиятининг бошқарув тизимида барқарор намоён бўлиши. Бошқарув маданиятининг долзарблиги бошқарув тизимида ижтимоий-сиёсий вазиятларнинг вужудга келиши сифатида ва ижтимоий эҳтиёжларга мос келиши билан белгиланади.

Ташкилий мухитнинг сифати унинг ҳолатининг маданий намуналар билан мос келишини ҳамда бошқарувнинг тезкорлик даражаси ва имконият даражасини белгилайди. Яъни, вужудга келаётган вазиятларни ташкилий мухитнинг асосий ташкил этувчи элементлари билан мувофиқлаштириш бошқарув маданиятининг асосий кўрсаткичи сифатида хизмат килади.

Юқорида келтирилган бошқарув маданиятининг барча катталиклари унинг ривожланиши даражасини кўрсатади ва маълум бир ташкилий тизимнинг инновацияларга тайёргарлиги кўрсаткичи сифатида хизмат қилади.

Шу муносабат билан, мактаб директори инновацияларни амалга оширишга йўналтирилган фаолияти ва ўз ишига бўлган қизиқишини ҳаётий аҳамиятга эга деб билиши, ижодий ва касбий имкониятларга эга бўлиши; чет тилларини, компьютер технологияларини ва менежмент асосларини билиши; ўз жамоасининг касбий маҳорати даражасини танқидий баҳолаш имкониятига эга бўлиши; ижтимоий-иктисодий ривожланишда “инсон омиллари” ва инновацион фаолият заруритини инобатга олиши зарур ҳисобланади.

Мактаб директорларининг, яъни бошқарув субъектларининг турли хил таъсир кўрсатиш воситалари мажмуасини ва таълим муассасасининг ўзгаришини бошқарув воситалари сифатида алоҳида ажратиб кўрсатиш мумкин. Таъкидлаш жоизки, бошқарув воситалари бир томондан, турли хил белгиланган таълим ва бошқарув воситалари (дастурий, информацион, дидактич, тажрибавий-ташхис ва х.к.) мажмуаси ҳисобланса, иккинчи томондан, у таълим ва бошқарувнинг мақсадларини амалга оширувчи технологик механизм ҳисобланади.

Бошқарув воситаларининг назарий-методологик асослари педагогик жараёнларнинг янги шаклини вужудга келтирувчи, таълимнинг таркибий тузилишининг сифатларини белгиловчи янги ғоялар ҳисобланади. Шунга кўра, мактаб директорининг бошқарув воситаларини тавсифловчи интегратив хусусиятларни куйидаги гурӯхларга ажратиш мумкин:

- инновацион тартибда фаолият кўрсатишини ташкил этишнинг умумий тамойиллари;
- ўқитувчиларнинг касбий-педагогик маҳоратини ривожлантириш ва такомиллаштириш билан боғлиқ бўлган ғояларнинг мавжудлиги;
- ижтимоий организм сифатида жамоани ривожлантириш ва ўқитувчи-ихтироочилар жамоасини вужудга келтириш бўйича ташкилий-методик фаолият;

- янги таркибий тузилишга эга ва мазмунан ривожлантирилган таълим дастурларини ишлаб чиқиш ҳамда амалиётга татбиқ этиш асосида ўқув жараёнини ташкил этиш;
- таълим жараёни субъектларининг ижодий қобилияtlарини психологик-педагогик жиҳатдан ривожлантириш;
- мактабда психологик хизматни такомиллаштиришда субъектларнинг индивидуал-психологик ҳусусиятларини ҳисобга олиш;
- ягона таълим-тарбиявий мақсадни амалга ошириш ва ривожлантириш учун ўзаро биринкен ўқувчи, ўқитувчи ва отоналарнинг ҳамкорлигини вужудга келтириш.

Бундай ҳолларда директор бошқарув функциялари билан бир қаторда ўқитувчи ва тадқиқотчи функцияларини ҳам бажариши зарур.

## **7.2. УМУМИЙ ЎРТА ТАЪЛИМ МУАССАСАСИ ДИРЕКТОРИНИНГ БОШҚАРУВ ФАОЛИЯТИ**

Мактаб директори бошқарув фаолияти жараёни ижодий жараён бўлиб, турли хил кутилмаган вазиятларда стереотипларни енгиш, бўйсунувчилар билан бўлган ўзаро муносабатларда ҳамда муаммоли вазиятларни бартараф этишда оқилона қарорлар қабул килиш, уларнинг бажарилишини назорат қилишда раҳбарнинг қобилияти мухим аҳамият касб этади.

Мактабни бошқариш – бу раҳбарлар билан педагогларнинг ҳамкорликдаги фаолиятидан иборат бўлиб, таълим-тарбия жараёнини илмий асосда ташкил этиш ва уни бошқариш, мазкур жараён иштирокчиларининг фаолиятини мувоғиқлаштириш ҳамда ўқувчиларга фанлар бўйича чуқур билим ва ахлоқий тарбия бериш, касб танлашга йўллаш ва хар томонлама ривожланган шахсни тарбиялашга йўналтирилган, илмий асосланган фаолиятdir.

Таълим-тарбия жараёнини ташкил этиш ва унинг мазмунини такомиллаштириш йўналишидаги ихтиёрий инновацион фаолият мавжуд бўлган бошқарув структурасини қайта ташкил этишни талаб этади. Замонавий мактабни бошқариш структурасининг моделини яратишда, энг аввало, мактабнинг ташкилий тузилиши бошқарув объектининг

мазмунини ифодалаши инобатга олинади. Умумий мақсадларни амалга оширишда тизимни ташкил этувчи қисмларнинг ўзаро таъсир кўрсатиш шакли ва уларнинг жойлашуви бошқарув субъектларини ташкил этиш тамойиллари ва қонуниятларига асосланади.

Алоҳида таъкидлаш зарурки, бошқарув фаолияти ёки ихтиёрий фаолият инсон-инсон муносабати, шунингдек, инсоннинг ташки мухит билан муносабатлари шаклида, яъни шахснинг эҳтиёжлари талабларидан келиб чиқиб кўзланган мақсадни амалга оширишдаги ўзаро алоқалар шаклида таҳлил қилинади ва ўрганилади. Фаолият мақсади объектив бўлиб, ўз ўрнида шахс томонидан белгиланади ва у фаолиятнинг асосий компоненти ҳисобланади. Шунингдек, фаолият субъектни маълум бир ҳаракатга келтирувчи сабабларни аниқлайди ва унда аник бир шахснинг фаолияти ва мақсад ифодаланади.

Объектив бошқарув фаолияти факатгина мақсадга йўналтирилган ҳаракатларнинг тўлиқ тўплами ёки ҳаракатлар занжири шаклида мавжуд бўлади. Бошқарув субъектининг мавқеига кўра, бошқарув фаолиятига унинг тайёргарлик даражаси, қобилияти ва фаолият турлари профессионал функцияларни амалга ошира олиш қобилияти сифатида ифодаланади. Демак, бошқарув ўзига хос ҳусусиятларга эга бўлиб, улар мақсадга эришишда ҳаракатлар изчиллиги билан белгиланади. Бу жиҳатлар ўз-ўзидан мақсадга кўра аниқланмайди, балки мақсадга эришишдаги шарт-шароитлар оркали белгиланади. Агар мақсад ўзгармаса, у белгиланган вактдаги шароитлар ҳамда ҳаракатлар таркиби ўзгариб боради.

Шундан келиб чиқиб айтадиган бўлсак, мактаб директорининг бошқарув фаолияти – бу бошқарув жараёнида қабул қилинаётган қарорларнинг йўналишини ифодаловчи ва кўзланган натижаларга эришилишини таъминловчи ўзаро боғлиқ бўлган ва бир-бирини ўзаро тўлдирувчи компонентлардан иборат бўлган тизимdir (19-шакл).

Бунда бошқарувнинг мақсади ва вазифалари таълим тизимини мунтазам ривожлантириб бориш ва рақобатбардош битирувчилар тайёрлаш ҳисобланади.


Мактаб директорларининг асосий функцияси таълим муассасаси олдига қўйилган мақсадларга эришишда мактабнинг

хаётий фаолиятини таъминлаш бўйича бошқарув йўналишидаги масалаларнинг ижобий ечимини топиш, ҳал этиш ҳисобланади. Маълумки, бошқарув фаолияти субъектлар томонидан лавозими йўналишидаги функцияларини бажаришлари жараёнида амалга оширилади, мазкур функцияларга: ахборот-таҳлил, мақсадли-мотивлаштириш, олдиндан кўриш-режалаштириш, ташкилий-ижрочилик, назорат-ташхис, тартибга солиш-мувофиқлаштириш функциялари киради.

Бошқарув алгоритми – бу мактаб директори фаолиятининг кетма-кетлиги (изчиллиги) бўлиб, берилган моделда у еттита (кадам) босқичдан иборат, улар орқали юкорида келтирилган функцияларнинг бажарилиши амалга оширилади.

Бошқарув алгоритми бошқарув методлари: маъмурий, ижтимоий-психологик, иқтисодий, шунингдек, ахборотлар туплаш методлари орқали амалга оширилади.

Бошқарув фаолиятини амалга оширишда ташкилий, бошқарув, педагогик ва бошқа қарорларнинг қабул қилинишини назарда тутган ҳолда мактаб директори бошқарув фаолиятининг моделига бошқарув жараёнида қабул килинадиган қарорларнинг йўналишини ифодаловчи компонентлар киритилган.



19-шакл. Умумий ўрта таълим мұассасаси директори бошқарув фаолияттіннің модели

Бошқарув жараёнида қабул қилинадиган карорларнинг йұналишини ифодаловчы компонентлар қуйидагиларни үз ичига олади:

- бажариладиган вазифалар билан кўлланиладиган раҳбарлик услублари ва бошқарув методларини мувофиқлаштириш;
- педагогик тизимнинг истиқболини ва ривожлантириш йўналишидаги вазифаларни олдиндан белгилаш;
- энг қулай ва самарали бўлган бошқарув мақсадларини белгилаш ва уларни амалга ошириш воситаларини танлаш;
- танланган бошқарув максадларини амалга ошириш бўйича вазифалар белгилаш.

Биз таклиф қилаётган бошқарув фаолиятининг модели нафақат статик, балки динамик компонентларга эга эканлигини, шунингдек, бошқарув фаолиятини бутун структуравий амалга ошириш динамикасини ҳам ёритиб беради. Мазкур моделнинг процессуал томони бошқарув фаолиятини ташкил этишда иккι томонлама ҳаракат, яъни тўғри ва тескари жараён мавжудлиги ҳамда унинг барча компонентлари ўзаро таъсир кўрсатишидадир.

Мазкур моделнинг процессуал жиҳатларига қўйидагилар мисол бўлади:

- тўғри жараён, бунда бошқарувни амалга ошириш белгиланган максад ва вазифалардан бошқарув функцияларини бажаришга караб йўналтирилади. Ҳар бир функция ўзига хос мазмун ва моҳиятта эга бўлиб, улар етти боскичдан иборат бўлган бошқарув алгоритми асосида изчилилк билан амалга оширилади;

- тескари жараён, бу бошқарув алгоритмининг охирги боскичидан кейин бошланади, яъни мактаб фаолиятининг ривожланиш мойиллиги ва динамикаси аниклангандан кейин бажариладиган вазифаларни, раҳбарлик услублари ва бошқарув методларини мувофиқлаштириш, педагогик тизимнинг истиқболини белгилаш ва уни ривожлантириш учун бажариладиган вазифаларни аниклаш, энг қулай, самарали бўлган бошқарув мақсадларини белгилаш ҳамда уларга эришиш йўл-йўриклари ва воситаларини танлаш йўналишларида бошқарув карорлари қабул килинади.

Бунда тескари алоқа бошқарувнинг мустакил функцияси сифатида вужудга келади ва у мъълум бир таълим муассасаси шароитида бошқарув фаолиятини самарали амалга ошириш учун зарур хисобланади.

Мактаб директорининг бошқарув фаолиятининг асосий мазмуни таълим муассасаси олдига қўйилган мақсадларга эришишда педагогик жамоа аъзоларининг самарали фаолият

күрсатышлари учун етарли даражада объектив ва субъектив шарт-шароитлар яратып берішдан иборат. Педагогик жамоанинг юкори даражадаги самараали фаолияти уларнинг педагогик тажрибаси, касбий етуклиги, үзаро ахиллиги ва таълим муассасасининг ривожлантиришга бўлган мойиллигига боғлик бўлиб, жамоадаги рухий мухит, үзаро муносабатлар унинг ҳар бир аъзосининг фаоллигига ва педагогик фаолиятни ташкил этиш шакл ва усуllibарига ўз таъсирини кўрсатади.

Таълим муассасаси фаолиятини ривожлантиришда ва таълим-тарбия жараёнида самарадорликка эришишда педагогик ходимлар нафакат педагогик технологиялар соҳасида етарли ахборотлар билан таъминланиши, балки улардан ўз фаолиятларида фойдаланишлари ҳам зарур. Мактабда педагогик ходимларни бошқарув фаолиятига жалб этиш куйидаги шаклларда амалга оширилади:

- бошқарув карорлари лойихасини жамоавий мухокама қилиш;
- бошқарув йўналишидаги жамоатчилик органлари ишларида иштирок этиш;
- мактаб фаолиятини ривожлантириш бўйича таклифлар ва лойихалар тайёрлашда иштирок этиш.

Замонавий мактаб жамоасига, педагогларига таълим-тарбия жараёнини ташкил этишда янгича ёндашувлар йўналишида қатор талаблар қўйилмоқдаки, улар факат аввалги тажрибаларга асосланибгина қолмай, балки янги ижтимоий-иктисодий шарт-шароитларда яшаш ва ижод қилишга мослашиб боришлари зарур.

Педагогика назарияси ва амалиёти таҳлили натижаларига асосланиб, педагоглар ва ўқувчиларнинг янгича дунёкарошлари йўналишида, инновацион таълим-тарбия жараёнига тегишли бўлган асосий ижтимоий-психологик хусусиятлар сифатида қўйидагиларни ажратиб кўрсатиш мумкин:

- мавжуд вокеликни қабул қилишда очик ва кенг мушоҳадали, сезгир ва муаммоларга нисбатан муросасиз бўлиш, кучли ва ҳар томонлама ўйлаб кўриш зарур;
- турли хил мураккаб ва янги масалаларни ўрганишда ички кечинмаларни ва нуктаи назарни англаш;
- қабул қилинадиган қарорларнинг ички мухолиф шаклларини инобатга олиш, яъни мазкур қарорларнинг ижобий ва салбий томонларини хисобга олиш, таққослаш;

- қабул қилинадиган қарорнинг натижасини, истиқболини англаш;

- қарорлар қабул қилишнинг асосий тамойиллари бахс, музокара ва ҳамкорликни инобатга олиш;

- дунёнинг бир бутун, интегратив кўринишини англаш, ҳаётда ўз ўрнини билиш, инсонлар билан алокаларни кенгайтириш;

- барча қарашлар, урф-одатлар, анъана, кадрият ва маданиятнинг яхлит ва ўзаро боғликлигини англаш, инсонлар билан бўлган муносабатларда инсонпарварлик тамойилларига асосланиш;

- ўз дунёкарашини кенгайтиришга ёрдам берувчи воқеа ва воситаларни англаш, билмаганларини ўрганиш, нотўри тасаввурлар, хато ва қийинчиликларни енгиб ўтиш.

Бу хусусиятлар замонавий мактаб директори ва педагогик жамоа фаолиятининг методологик асоси бўлиши зарур. Ташқи мухитни, мавжуд жараёнларни, фаолиятни шундай англаш шахснинг зарурий когнитив томони ҳисобланади ва у инсоннинг креатив, шахсий-интеллектуал сифатларини шакллантириш жараёни, яъни мураккаб рефлексив жараён билан боғлик.

Шундай қилиб, мураккаб ташкилот ҳисобланган мактабда тартиб-интизомни, уюшқоқлик ва ахилликни, кўзланган мақсадларга эришишда ҳамкорлик ва яқдилликни жорий этиш ҳамда қўллаб-қувватлаш учун бошқарув зарур.

Юқорида келтирилган фикрларга асосланиб хулоса қилиш мумкинки, замонавий мактаб директорининг бошқарув фаолияти ўзига хос бир фан ва бошқарув санъати ҳисобланади. Мазкур фаолият жараён сифатида меъёрий ва ижодий хусусиятларга эга. Меъёрий хусусиятларга эга деб айтишимизга асосий сабаб, мазкур жараён регламентлаштирилган бўлиб, ўзининг босқичларига, шакл ва методларига, шунингдек, амалга ошириш усулларига эгадир. Ижодий хусусиятлари – бу бошқарувга ижодий муносабатда бўлиш, яъни мазкур жараённи нафақат кенгроқ тушунишни, балки илмий асосланган фаолият, сезгирилик ва қобилиятни ҳам талаб этади.

## **МАВЗУЛАР БҮЙИЧА АСОСИЙ ТУШУНЧАЛАР, ТАЯНЧ СҮЗ ВА ИБОРАЛАР**

**Авторитар рахбарлик** – раҳбарнинг кучли ҳокимияти ва қуий қисмнинг бўйсунишига асосланган раҳбарлик услуби бўлиб, бунда таълим муассасаси раҳбари педагогларни ёки жамоанинг бошқа ходимларини, яъни бўйсунувчиларни бошқарув жараёнига жалб килмайди. “Авторитар” – французча “autorité” сўзи бўлиб, катъий, каттиқ, катъий буйруқ тарзда маъноларини ва лотинча “auctoritas” сўзи бўлиб, хорижий сўзлар лугатида кўрсатилишича ҳокимият, таъсир этиш каби маъноларни англатиб, ҳокимиятга сўзсиз бўйсунишига асосланган, диктаторлик, ўз хукмини ўтказишга интилиш деб таърифланади.

Бу услубда фаолият кўрсатувчи раҳбарлар асосан буйруқ орқали, яъни бошқарувнинг директив усули бўлган кўрсатма бериш, йўл-йўрик кўрсатиш, юкоридан берилган кўрсатма ва буйрукларга амал килишга, мақсадга эришиша ходимларни сўзсиз бўйсунишига каттиқ талабchan бўлиб, шунингдек, муттасил буйруқ беришга, ҳаммани ўз истакларига сўзсиз бўйсундиришга интилади. Ўзини жамоадан узоқ тутишга ҳаракат қиласи ҳамда жамоа аъзоларининг бевосита муроқкотда бўлишини чегаралаб кўяди, буйруқ чиқариш, карор қабул қилиш, ходимларга жазо бериш ёки рағбатлантиришда жамоа фикрини хисобга олмайди.

**Аниқ қарорлар** – аниқ ҳамда тўла-тўқис исботланган маълумотлар, хабар ва янгиликлардан иборат ахборотлар асосида қабул қилиниб, улар мазкур қарорларнинг бажарилиш хусусиятларини белгилайди.

**Анъянавий қарорлар** – бу таълим жараёнини илмий асосда ташкил этиш, таълим сифатини давлат таълим стандартлари талабларига мувофиқлаштириш, педагогик ходимларда зарурий қўнишка ва малакаларни шакллантириш ҳамда таълим муассасаси фаолиятини такомиллаштириш йўналишидаги иш режалари, турли дастурларни тасдиқлаш, шунингдек, одатий вазиятларда муассасанинг фаолиятига оид қабул қилинадиган қарорлардир.

**Ахборот** – бу таълим муассасаларини бошқарув жараёнида педагогик ходимлар ва ўкувчилар фаолиятини ташкил этиш ва уларни мувофиқлаштиришда, таълим жараёнини илмий асосда

ташкил этиш ҳамда таълим самарадорлигини оширишда ўзига хос, турли хил янгиликларни ўз ичига олган маълумот ва хабарлардан иборат бўлиб, ишончли ва зарур ахборотлар раҳбарлик фаолиятида муҳим аҳамият касб этади.

**Ахборотлар билан ишлаш** – турли маълумотларни тўплаш, қайта ишлаш ва узатишдан иборат бўлиб, гурухлар ва педагогик ҳодимлар фаолиятини мувофиқлаштириш жараёнида қўлланилади. Бу жараёнда раҳбар муассасага келиб тушаётган асосий маълумотларнинг генератори сифатида фаолият кўрсатади ва унинг учун асосий меҳнат предмети ахборотлар бўлиб, улар асосида карорлар – бошқарув жараёнининг маҳсулотлари ишлаб чиқлади. Унинг асосий хусусияти раҳбарлар томонидан ҳодимларнинг меҳнат жараёнидан қониқишиларига қизикишиларнинг вужудга келиши билан белгиланиб, бу хусусият раҳбарнинг бошқа функциялари ва ахборотлар билан ишлаш функциясининг колган кўрсаткичлари билан боғлик бўлади.

**Ахборотлар тизими** – бу таълим муассасаларини бошқарув жараёнида педагогик аҳамиятта эга бўлган маълумотларни, ўқитишининг янги педагогик ва ахборот технологияларини ҳамда таълим жараёнини ташкил этиш йўналишидаги барча месъёрий ҳужжатларни, шунингдек, иктисадий-ижтимоий, илмий-техникавий, хукукий ва ташкилий янгиликлардан иборат ахборотлар оқимини, замонавий ахборот технологиялари, компьютерлаштириш ва компьютерлар тармоқлари негизида таълим жараёнини ахборот билан таъминлашни ўз ичига олувчи мураккаб тизим ҳисобланади.

**Ахборотлар тўплаш методлари.** Барча методлар катори ахборотлар тўплаш методлари ҳам таълим муассасасининг фаолиятини такомиллаштириш учун раҳбарларнинг бошқарув фаолиятини илмий асосда ташкил этишда педагогик жараённинг ҳолати тўғрисида ишончли ахборотлар тўплаш ва таълим жараёни иштирокчиларининг фаолиятини объектив баҳолашни амалга оширишга хизмат киласди, мазкур метод меъёрий ҳужжатларни ва илгор педагогик тажрибаларни ўрганиш, таълимтарбия жараёнини тахлил килиш, сўровномалар ўтказиш, ҳодимларни аттестациядан ўтказиш, тахлилий баҳолаш, умумлаштириш ва тизимлаштириш, статистик ва математик тахлил ва бошқа кўпгина усусларни ўз ичига олади.

**Ахборот-таҳтил функцияси.** Унинг асосий вазифаси педагогик тизимлар (педагогик жараён) түғрисида узлуксиз равишда ахборотлар тўплаш ва уларни чуқур ўрганиш хамда объектив баҳолашдан иборат. Бу вазифаларни бажариш асосида бошқарув фаолиятининг стратегияси, ривожланиш омиллари, бажарилишини ташкил этиш ва назорат қилиш йўллари аникланади. Шунинг учун, ахборотлар нафақат ишончли, балки янги ва фойдали бўлиши ҳам зарур.

**Ахлоқий ҳислатлар** – одамийлик, қаноатлилик, жонқуярлик, меҳрибонлик, олижаноблик, олихимматлилик, байналминаллик, гоявий содиқлик, кечиримлилик, андишалик, шахсий манфаатдан ижтимоий манфаатдорликни юқори қўя олишлик.

**Билим даражаси** – раҳбарнинг бошқарув жараёнида энг зарур бўлган асосий шартлардан бири бўлиб, бошқариш, назорат қилиш, қарорлар қабул қилиш, буйруқ ва кўрсатмалар, насиҳат ҳамда маслаҳатлар беришида илмий асосланган маълумотларга таяниши зарур ҳисобланади. Таълим муассасасини ривожлантириш, бошқарув жараёнини такомиллаштириш ва таълим самарадорлигини оширишда замонавий ахборот технологиялари, компютерлаштириш ва компютерлар тармоқлари негизида таълим жараёнини ахборотлар билан таъминлашни ривожлантириши учун техника ва технологияни билиши ва улардан фойдалана олиши, иктисодиётни билиши, бошқариш услубларини, функциялари ва структурасини билиши, истиқболни белгилаш ҳамда бошқарув жараёнини лойисхалаш технологияларини жорий эта олишини белгилайди.

**Билиш компоненти** – бошқаларни ва ўз-ўзини билишга қаратилган психик жараёнлар: сезги, идрок, тасаввур, хотира, тафаккур, хаёл ва х.к.

**Биоритмлар назарияси** – ихтиёрий таълим муассасаси шароитида фаолият кўрсатувчи педагоглар ва бошка ходимлар ўртасидаги ўзаро таъсир ва субъект билан объектнинг ўзаро таъсирлари билан бир қаторда ташки мухит таъсири мавжуд бўлади. Педагог ходимларга бўлган таипки мухитнинг таъсири уларнинг ўз фаолиятига нисбатан мойиллигини ўзгартиради. Мазкур назарияга кўра меҳнат фаоллигини оширишнинг икки чўйқиси мавжуд бўлиб, биринчиси соат 11 дан 12 гача ва иккинчиси 16 дан 18 гачадир. Шундан келиб чиқиб, куннинг биринчи ярмида педагогларни асосий фаолияти бўлган таълим-тарбия жараёнига жалб этиш, йигилиш ва

шунга ўхшап тадбирларни иккинчи чўққига мўлжаллаб ўтказиши мақсаддага мувофиқдир.

**Бошқариш қарори** – бошқарув жараёнида турли масалалар юзасидан, турли даражада хилма-хил моҳиятга ва мазмунга эга бўлган стратегик, тактик, умумий, анъанавий, тезкор ва бошқа турли қарорлар қабул қилинади. Булар турли масалаларни ва муаммоли вазиятни ҳал қилишга йўналтирилган акт бўлиб, уни ишлаб чиқиш раҳбарлар фаолиятида ижодий жараён ҳисобланади.

Раҳбарнинг мустакил аҳамият касб этувчи вазифаларидан бири бу қарор қабул қилиш функцияларидир. Турли хил ташкилий ва шахсий масалалар бўйича қарорлар қабул қилишда раҳбар ўзига ишониб толширилган ташкилотнинг ривожланиши ва натижалари ҳамда қабул қилган қарорнинг мақсади, тўғри қабул қилингандиги бўйича жавобгарликни ўз зиммасига олади.

Тажрибаларнинг кўрсатишича, қарорлар қабул қилишда кўпчилик раҳбарлар асосан иккита усулага ёндашишади:

а) ўз ҳодимлари билан маслаҳатлашиб, сўнgra ўзларининг бевосита раҳбарлари билан маслаҳатлашишади;

б) мустакил, ёлғиз ўзи қарор қабул қилиш.

Бу кўрсаткичлар раҳбарларни иккита асосий “маслаҳатлаптүвчи” ва “мустакил” турларга ажратишга имконият яратади.

Биринчи турдаги раҳбарлар ўзларининг ҳаракат услублари билан тавсифланади, яъни уларнинг иш услублари демократик, коллегиал услубларга яқин бўлиб, улар ўз ижтимоий-психологик вазифаларини тўла ва яхши тасаввур қилишади ва бажаришади.

Иккинчи турдаги раҳбарлар муттасил буйруқ бериш услубини кўллайди ва ўзининг ижтимоий-психологик вазифаларини яхши тасаввур қила олмайди ва етарли даражада бажармайди.

**Бошқариш қарори** – бошқарув жараёнида турли масалалар юзасидан, турли даражада хилма-хил моҳият ва мазмунга эга бўлган стратегик, тактик, умумий, анъанавий, тезкор ва бошқа турли қарорлар қабул қилинади. Булар турли масалаларни ва муаммоли вазиятни ҳал қилишга йўналтирилган бўлиб, уни ишлаб чиқиш раҳбарлар фаолиятида ижодий жараён ҳисобланади. Муассаса раҳбари, у бўлмаганда унинг ўринбосари томонидан чиқариладиган бошқарув ҳужжатларидан яна бири бу буйрукдир.

**Бошқариш структураси** – “структурата” лотинча сўз бўлиб, нарсалар таркибий қисмларининг ўзаро боғлиқ равишда жойла-

шиши, ташкилий тузилишини билдиради. Бошқарув мақсадларини амалга оширувчи ва функцияларини бажарувчи бир-бири билан боғланган турли бошқарув органлари ва бўғинларининг мажмуи тушунилади. Бошқаришнинг мақсадлари, функциялари, вазифалари, обьектлари ва унинг ташкилий тузилишини белгилаб беради.

**Бошқаришнинг демократиялаш тамойили** – унинг моҳияти, асосан, бошқариш жараёнига барча жамоа аъзоларини жалб этиш, қарорлар қабул қилишда, муассаса мақсади ва вазифаларини белгилашда барча ҳодимлар катнашишини тақозо этади. Катнашиш шакли турлича бўлиши мумкин: бошқаришда ягона маъмурыйлик, биргаликдаги пул маблаглари, бошқариш қарорларини коллегиал ҳал қилиш ва ҳоказо.

**Бошқарув** – бу сўз одатда аниқ бир мақсадга эришиш учун бошқарилувчи тизим (ёки бошқарув обьекти)га фаол таъсир кўрсатиш тўғрисида гапирилганда кўлланилади. Бу ўзига хос юксак санъат ва маҳоратни талаб қилувчи фаолият бўлиб, қарор қабул қилиш ва унинг бажарилишини назорат қилишdir. Японлар бошқарувни аввало тўла берилиб ишлаш, агар керак бўлса, ўзини қурбон қилишга ҳам тайёр туриш, деб тушунадилар.

Бошқарув – ҳар қандай жамиятга хос бўлган, ҳаёт ва турмуш заруриятидан келиб чиқадиган фаолиятдир. Бундан кўзланган асосий мақсад меҳнат аҳлининг моддий ва маънавий эҳтиёжларини кондириш учун ишлаб чиқариш ва шу аснода барча ижтимоий муносабатларни тараккий эттиришдан иборат.

**Бошқарув алгоритми** – бу мактаб раҳбарлари бошқарув фаолиятининг кетма-кетлиги (изчиллиги) бўлиб, у еттига босқич: педагогик жараённинг ҳолати тўғрисида ишончли ахборотлар тўплаш, қайта ишлаш ва обьектив баҳолаш; бошқарув фаолияти мақсадини белгилаш; бошқарув фаолиятини олдиндан кўриш (англasi) ва режалаштириш; кадрлар танлаш ва жой-жойига кўйиш; жамоа фаолиятини назорат қилиш ва ташхис; жамоа аъзоларининг фаолиятларини мувофиқлаштириш; мактаб фаолиятининг ривожланиши мойиллиги ва динамикасини аниқлашдан иборат, мазкур босқичлар изчиллигида, бошқарув методлари: маъмурий, ижтимоий-психологик, иқтисодий, шунингдек, ахборотлар тўплаш методларини кўллаш ёрдамида бошқарув функцияларининг бажарилиши амалга оширилади.

**Бошқарув ваколатлари** – таълим муассасасини бошқаришда мактаб раҳбари ёки бошқа раҳбарлар томонидан ўз кўл остидаги ходимларга ўзи жавобгар бўлган вазифаларни, маълум бир масалани ҳал этиш ёки ташкилий ишларни амалга оширишда раҳбарлик қилиш ҳуқукини вактинча беришидир.

**Бошқарув воситалари** – инновациялар бошқарув маданиятининг энг муҳим ва асосий воситаларидан бири сифатида намоён бўлади ва улар инновацион жараёнларда нафақат ўзининг тавсифи ва хусусиятлари билан, балки бошқарув маданиятининг энг муҳим хусусиятлари сифатида ҳам белгиланади. Бу ўз навбатида инновацияларнинг сифатини белгилаш билан бир қаторда уларнинг намоён бўлиши вақтларини ҳам олдиндан белгилайди.

**Бошқарув жараёни негизи** – ҳар қандай таълим муассасасининг асосий вазифаси ҳисобланган таълим жараёнини илмий асосда ташкил этиш ва уни такомиллаштириш негизи бошқариладиган обьект ва бошқарувчи субъект тизимларидан ташкил топади. Бу тизим ўқитувчилар, педагогик ходимлар ва ўқувчилар (объект) ва раҳбарлар, раҳбар ходимлар (субъект) ўртасидаги алоқа, яъни жамоа аъзоларининг ўзаро муносабатларидан ташкил топади.

**Бошқарув маданияти** – умумий ижтимоий маданиятнинг ташкил этувчи компоненти сифатида маълум бир ижтимоий маданият контекстида бошқарув тушунчалари, муносабатларнинг ўзаро таъсири этиши натижасида шаклланади ва унда қатор катталиклар – анъанавийлик, долзарблик даражаси, мотивлаштириш тизими; раҳбарлик услублари, ташкилий мухитнинг сифати; коммуникациялар; персонални бошқариш; бошқарув стратегияси; раҳбарнинг касбий маданияти расмий жиҳатдан намоён бўлади.

**Бошқарув масъулияти** – таълим муассасаси олдига кўйилган мақсадларга зришиш, таълим-тарбия жараёнини замонавий талабларга мос, илмий асосда ташкил этиш, педагогик ходимлар фаолиятини мувофиқлаштириш ҳамда умумий манфаатларни кўзловчи натижаларга зришиш учун қабул қилган карори, унинг ижроси, ўз хатти-харакати ва фаолияти учун жавобгарликнинг раҳбарлар томонидан ҳис қилинишидир.

**Бошқарув мулокоти** – бу таълим муассасаси фаолиятини ташкил этиш, ходимлар фаолиятини мувофиқлаштиришда инсон-

ларга раҳбарлик килиш жараёнидаги мuloқот, яъни уларнинг фаолликларини таъминлаш, хатти-харакатларини мақсадга йўналтириш ёки мотивлаштиришdir.

Раҳбарлар бошқарув функцияларини амалга ошириш жараёнида ўз жамоаси аъзолари билан турли хил муносабатларда, яъни бажарилиши лозим бўлган вазифалар йўналишида турли шаклларда мuloқотда бўладилар, буларнинг ичидаги зарури самарали мuloқот бўлиб, мақсадни киска вақт ичидаги аниқ ва тушунарли килиб етказишидир. Самарали мuloқот вақтида ёки ихтиёрий мuloқот жараёнида сухбатдошларнинг бир-бирларини яхши тушунишлари, аниқ тасаввурлар мuloқотнинг самарадорлигини белгилайди, бундай ҳолатлар учун идентификация, рефлексия ва стереотипизация тушунчалари хизмат қилади.

**Бошқарув поғонаси** – ташкилий тузилишга кўра таълим муассасасининг юкори бўгини (раҳбарлар) билан қўйи бўгини (ижрочилар) ўртасидаги масофанинг катта-кичиклиги – поғонавийлиги, яъни бу бир звенонинг (ходимнинг) бошқасига бўйсуниш кетма-кетлигидир. Раҳбар билан оддий ижрочи ўртасидаги масофа канчалик катта бўлса (даражалар сони) таълим муассасаларидағи поғонавийлик даражаси шунчалик катта бўлади.

**Бошқарув стратегияси.** Кўзланган мақсадларга эришишда таълим муассасаси фаолиятини такомиллаштириш, педагогик ходимлар фаолиятини мувофиқлаштириш, стратегик режа асосида фаолиятни ташкил этиш ва бошқариш йўналишида асосан бошқарувнинг икки хил тури назарда тутилади: стратегик бошқарув, конъюнктуравий бошқарув. Амалий фаолиятда у ёки бу бошқарув йўналишининг устунлиги ташкилий тизимнинг янгилик даражаси кўрсаткичлари билан белгиланади.

**Бошқарув услуби** – бу муассаса олдига кўйилган мақсадларга эришишда ходимларни бошқариш ҳамда бошқарув жараёнида вужудга келадиган муаммоларни ҳал қилишда кўлланиладиган усуслар, йўллар мажмуудир. Бошқарув фаолиятининг услубларини шакллантириш маълум даражада раҳбарнинг яшаш ва меҳнат килиш шароитларига асосланади (мамлакатдаги ижтимоий-иқтисодий вазиятлар, бошқарув фаолияти мухити ва ҳ.к.) ва бошқарув субъектининг харакатларига тизим орқали таъсир кўрсатган ҳолда унинг индивидуал услубларини ривожлантиради.

**Бошқарув фаолияти** – мактаб раҳбарларининг бошқарув фаолиятини иккита субъектнинг, яъни раҳбар билан таълим тизимининг ўзаро боғлиқ фаолияти сифатида қараш мумкин. Бундай ҳолатда раҳбарнинг бошқарув обьекти бошқариш ва ўзини-ўзи бошқариш каби зарурий хусусиятларга эга бўлган таълим тизими хисобланади, турли хил таъсирлар асосида, бошқарилаётган таълим муассасаси ҳам ўз ўрнида бошқарув натижаларига ва бошқарув субъектига таъсир кўрсатади.

**Буйрук** – маълум бир муассаса ваколати доирасида, амалдаги конунлар, юқори ташкилотлар карори ва фармойишлари асосида шу карор ва фармойишларни бажариш учун чиқарилади. Буйрук юридик хужжат бўлиб, уни ижро этиш мажбурийдир. Агар буйрук умумий коидаларни белгиласа меъёрий хусусиятта эга, унга асосланиб лавозимга тайинланса, ташаккур эълон қилинса, у ҳолда буйрук индивидуал хусусиятта эга бўлади. У муайян вазифанинг муҳокамасиз бажарилишини талаб қилувчи мулокот шакли бўлиб, раҳбарлар фаолиятида кенг кўлланилади. Ифода усулига караб буйруклар ёзма ва оғзаки кўринишида бўлади.

**Вазиятли ёндашув** – бошқаришнинг самарадорлигини аник вазиятларга кўра аниқлашни кўзда тутади. Вужудга келаётган вазиятларга мувофиқлаштирилган бошқарув энг самарали хисобланади.

**Вакт танқислиги** – бу тушунчаи раҳбарлик фаолиятида ёки умуман барча фаолиятлар давомида, яъни раҳбарларнинг бошқарув фаолиятида бирон-бир вазифани бажаришга ёки айрим бир масалаларни ҳал қилишга улгурilmagan вазиятларда ишлатилади. Мазкур тушунча бажарилиши лозим бўлган вазифаларнинг бажарилиш муддатига нисбатан кўлланилади, яъни юқорида айтиб ўтганимиздек, вазифанинг бажарилиш муддатини белгилаш заруриятини аслида раҳбарлар эмас, балки ҳайтий эҳтиёжлар белгилайди.

**Гурух** – бу муайян белгига, масалан, синфий мансубликка, биргаликда фаолият кўрсатиш мумкинлигига ва унинг ташкил топиш хусусиятлари ва шу кабилар асосида ажralиб турадиган инсоний умумийликдир.

**Гурухлар** – расмий (формал) бўлиши, яъни юридик жиҳатдан қайд этилган хуқук ва бурчларга, меъёрий хужжатлар асосида ўрнатилган тизимга, тайинлаб ва сайлаб қўйилган раҳбарликка эга ёки улар юридик жиҳатдан қайд этилмаган, аммо

таркиб топган шахслараро муносабатлар (дўстлик, хайриҳохлик, ҳамжиҳатлик, ишонч,...) тизими билан ифодаланган норасмий (ноформал) бўлиши ҳам мумкин.

**Гурухлараро ва шахслараро ихтилофлар** – айрим шахсларнинг гурух билан ёки гурухларнинг ўзаро келишмовчилигини билдиради.

**Демократик раҳбар** – бундай турдаги раҳбар ўз фаолиятини ўзининг жамоаси аъзоларига таянган ҳолда, жамоа фикрини инобатга олиб амалга оширади. Бошқарув ваколатлари, фаолият учун жавобгарлик бўйсунувчилар ўртасида таксимланади. Ходимларнинг ўзаро муносабатларини рағбатлантириш билан биргаликда уларнинг билдирган фикрига қулок солади, улар билан маслаҳатлашади, ижобий томонларини инобатга олиб рағбатлантириб боради.

**Демократлашув тамойиллари** – турли муаммоларни ҳал килишда, қарорлар қабул килишда жамоа аъзоларининг фикрини инобатга олиш, кенгаш ва маслаҳатлар орқали амалга оширишдир. Бугунги кундаги таълим тизимининг аввалги тизимдан асосий фарки ва афзалликларидан бири таълимнинг демократлашуви – таълим ва тарбия услубларини танлашда ўқув юртлари мустақиллигининг кенгайиши, таълимни бошқаришнинг давлат-жамият тизимига ўтилишидадир. Шундан келиб чикиб, таълим муассасасини бошқаришда субъектлар мустақил қарорлар қабул қилиш, таълим муассасасининг мустақил сиёсатини олиб бориш, тактика ва стратегияни мустақил белгилаш, худудий ва бошқа ривожланиш дастурларини ишлаб чикиш имкониятларига эгадир.

**Деструктив ихтилофлар.** Бундай ихтилофлар жамоадаги қадриятларни, меҳр-оқибатни йўқотиб, инсонларнинг ўзаро муносабатларини бузган ҳолда уларнинг бирлигини, жипслигини, уюшкоқликни, ўзаро ҳамкорликни йўқотади, шунингдек, меҳнат унумдорлигини пасайтиради ва муассасанинг ривожланишига тўсқинлик қиласди.

**Дефектология** фанлари ўз навбатида алоҳида мустақил фанларга бўлинади: кар ва гунг болалар тарбияси ва таълими масалалари билан сурдопедагогика, кўзи ожизлар билан тифлопедагогика, ақли ожизлар тарбияси ва таълими билан олигофренопедагогика шуғулланади.

**Диалектиклик** – бу инновацияларнинг ривожланиш жараёни бўлиб, унинг меъёрий асослари секин-аста, босқичма-босқич

янгиланиб бориши жараёни билан тавсифланади. Инновациялар мавжуд урф-одат, анъаналар билан ижодий зиддиятларни вужудга келтиради ва улар асосида амалга оширилади ва ривожлантирилади. Бу тизимнинг узлуксизлиги муассасанинг инновацион ривожланиш кўрсаткичини белгилайди.

**Диверсификациялашган стратегия** – таълим жараёнини илмий асосда ташкил этиш, иктидорли ўкувчиларни аниқлаш ва уларни ўқитища табақалаштирилган ёндашувларни жорий этиш асосида ўкувчиларнинг ўзлаштириш кўрсаткичларини кўтариш, мактаб битирувчилари ўртасида ракобатбардош, хорижий тилларни биладиган, билимли, кенг дунёкарашга эга бўлган битирувчилар сонини кўпайтиришга каратилган вазифаларни амалга ошириш йўлларини ифодалайди.

**Дидактик қобилиялар** – бу жамоани бошқаришда, турли вазиятларда кўзланган мақсаднинг мазмун ва моҳиятини, унга эришиш йўлларини ва мазкур йўналишдаги вазифаларни барча ижрочиларга аник ва равшан, тушунарли қилиб етказа олиш, уларда мазкур вазифаларни бажаришга масъулият ҳиссини ҳамда қизиқишини ўйғота олиш, шунингдек, мақсадга эришища жамоа аъзоларининг барчасини иштирокини таъминлай оладиган қобилиялардир.

**Жамоавий бошқарув органдари** – жамоавий бошқарув (мактаб кенгаши, педагогик кенгаш, илмий-методик кенгаш, педагогик ходимлар ва ўкувчилар вакилларининг конференцияси). Бу ерда мактаб кенгапи – жамоавий-давлат бошқаруви органи, педагогик кенгаш – педагогик ходимларнинг ўз-ўзини бошқариш органи, илмий-методик кенгаш – ўкув-методик ишлар буйича мавжуд муаммоларни ҳал этиш йўлларини ишлаб чиқувчи, юкори малакали педагоглар ва раҳбар-ходимлар уюшмаси.

**Жамоатчилик ташкилотлари** – ўкувчилар кенгаши, касаба уюшма қўмитаси, методик бирлашма, ота-оналар қўмитаси.

**Замонавий мактаб** – бу ижтимоий-педагогик тизим бўлиб, тизимли кайта ташкил этиш натижасида оддийдан-мураккабга, эскилиқдан-янгиликка қараб ривожланган янги имкониятларга, таълим ва тарбия услублари ва воситаларини танлаш мустақиллигига, замонавий таркибий тузилишга, функционал вазифаларга, мақсадларга, стратегия ва тактика, таълим сиёсатига эга бўлган янги сифатдаги таълим муассасаси ҳисобланади.

**Замонавий мактабни бошқариш** – бу раҳбарлар билан педагогларнинг таълим-тарбия жараённда ўқувчиларга фанлар бўйича чуқур билим ва ахлоқий тарбия бериш, касб танлашига йўллаш ва ҳар томонлама ривожланган шахсни тарбиялашга йўналтирилган, илмий асосланган фаолияти бўлиб, мазкур жараённи илмий асосда ташкил этишда ҳамда зарурий шарт-шароитлар яратиша таълим муассасаларида ташкил этиладиган бошқарув органларининг ҳам фаолияти мухим аҳамият касб этади.

**Идентификация.** Бунда жараён иштирокчилари, яъни сұхбатдошлар бир-бирларини яхшироқ тушунишлари учун ўзларини сұхбатдошларининг ўрнига қўйиб кўришга харакат қиладилар. Идентификация – бу билимлар, тушунчалар, тасаввурлар ва шахсий хислатлар орқали сұхбатдошни тушунишга харакат қилиш, ўзини иккинчи бир шахс билан солицтиришдир.

**Ижрочилар** (бажарувчилар) жумласига ўқитувчилар, тарбиячилар, ёрдамчи техник ходимлар ва ўз навбатида ўқувчиларни ҳам мисол қилиш мумкин.

**Ижтимоийлаштириш** – ходимларда юксак маънавият, маданият ва ижодий фаолиятни шакллантиришдан иборат бўлиб, жамоада ижодий мухитни яратишга хизмат қиласди.

**Ижтимоий-психологик методлар** – жамоа аъзолари ўртасида шундай муносабатларни вужудга келтиришни назарда тутадики, бунда раҳбар бўйсунувчиларнинг бемалол, эркин харакат қилиши, ўзини-ўзи намоён қилиши, турли жараёнларда эркин иштирок этиши, фикр билдириши учун шароит ва ижодий мухитни яратishi зарур.

**Ижтимоий-психологик мослашув** – бу шахснингижтимоий мухит таъсирига мослашувини назарда тутади ва унинг маълум бир гурухдаги қадриятлар билан яқинлашуви, мазкур янги мухитдаги ижтимоий меъёрларни, анъана ва гурухий маданият элементларини ўзлаштиришидир. Ижтимоий-психологик мослашув ҳам касбий мослашув сингари маълум бир имкониятлар даражасида, ташки мухит таъсирини ўз ички дунёси, кечинмалари доирасида ўз мақсад ва эҳтиёжларига мослаштириб олишига боғлик.

**Иктисодий методлар.** Бу методлар ўзаро боғлик бўлган иктисодий кўрсаткичларнинг йигиндисини тавсифлаб, ҳар бир ишли ва бутун муассаса учун талаблар белгилаш билан биргаликда

замонавий талаблар даражасида фаолият кўрсатишлари учун шароитлар яратади. Бунда раҳбарлар ўз ходимларини фаолиятлари натижаларига кўра рағбатлантириш, мукофотлаш, жазолаш (жарима солиш) ёки моддий ёрдам кўрсатишларида бошқаришнинг мазкур методидан фойдаланишлари зарур бўлади. Иктиносидий қайта ташкил этишлар мазкур методларни кучайтиришга йўналтириллади.

**Инновацион жараён.** Инновацияларни вужудга келтириш, амалиётга татбиқ этиш ва оммалаштириш фаолиятлари билан боғлик. Инновацион салоҳиятига кўра янгиликлар; модернизация, фаолиятни такомиллаштириш, шаклан ўзгартириш, ривожлантириш билан боғлик бўлган модификацион инновациялар; олдиндан маълум бўлган методлар элементларининг янги тизимга бириккагина назарда тутувчи бириккан инновациялар; ўхшашлик ва умумийликка эга бўлмаган радикал инновациялар ислоҳотларнинг асоси сифатида белгиланади.

**Инновацион таваккалчилик** – инновациянинг эҳтимоллик хусусиятлари билан боғлик бўлади. Натижавийликка ишончсизлик инновация субъектида таваккалчилик ва хавотирланиш ҳиссиётларини вужудга келтиради ҳамда татбиқ этиш фаолиятининг натижаларига ўз таъсирини кўрсатади.

**Инновация** – мақсадга йўналтирилган ўзгартишишлар бўлиб, маълум бир ижтимоий бирликка – муассаса, уюшма, жамоа ва грухларга янги ва нисбатан барқарор бўлган элементларни, умумий ҳолда халқнинг маънавий-маданий муносабатлари ва мамлакатнинг ижтимоий-иктисодий ривожланиши билан узвий боғлик бўлган янгиликларни киритишидир.

**Инновациялар диффузияси** – ижтимоий тизим аъзолари ўртасида янгиликларнинг коммуникацион воситалар орқали вакти-вакти билан узатилиш жараёни. Маълум бир субъект учун янги бўлган гоя, нарса ва технологиялар янгиликларни ташкил этиши мумкин. Бошқача сўз билан айтганда, диффузия – аввал ишлатилган ва ўзлаштирилган инновацияларни янги шароитда ёки янги жойда омалаштиришни билдиради.

**Инновацияларни оммалаштириш** – бу ахборотлар жараёни, коммуникацион воситаларнинг қудратига боғлик бўлган ахборотлар алмашинувининг шакли ва тезлиги, субъектларнинг ахборотларни қабул қилиш хусусиятлари ва мазкур ахборотлардан амалиётда фойдаланиш қобилиятлари ва ҳоказо.

**Инновацияларнинг субъект томонидан қабул қилиниши.** Шахс томонидан маълум бир янгиликларнинг қабул килиниши мавжуд харакатдаги тизимнинг ўзига хос хусусиятларига кай даражада мос келишига ҳамда имкониятларни шакллантиришда субъектнинг ҳолатини яхши ёки ёмон томонга ўзгартеришига боғлиқ бўлади.

**Инновацияларнинг бошқарувчанлиги** – янгиликларни татбиқ этишда ташкилий вазиятларни ривожлантиришнинг дастурлаштириш имкониятларига боғлиқ бўлади.

**Инновацияларнинг ижтимоий мўлжалланганлиги** – индивидуал мақсадлар ва вазифаларни ташкилий тизимнинг мақсад ва вазифалари билан мувофиқлаштириш асосида инновацион жараён субъектларининг ўзини-ўзи ривожлантириши шахсий ривожланиш истиқболларини белгилайди.

**Инновацияларнинг инсонлар қизиқиши бўйича табақалаштириш қобилияти.** Алоҳида индивид ва гурухлар учун инновациянинг турли хил муносабатлари мавжуд. Маълум бир ходимлар томонидан қўшимча имкониятлар олиниши бошқа ходимларнинг имкониятлари камайишига олиб келади ва бу ўз навбатида янгиликларни қабул қилиш учун аник тартиб ўрнатишга ўз таъсирини кўрсатади.

**Инновацияларнинг раҳбарликнинг инновацион услублари стратегиясини шакллантириш имконияти.** Инновацион дастурларни амалиётта татбиқ этишининг самарадорлиги инновациялар субъектининг қизиқишлирага ва улар натижасида инновацион жараёнларга индивидларнинг психологик тайёргарлигини шакллантириш ҳамда тайёргарлик даражасини ривожлантиришига боғлиқ бўлади.

**Инновацияларнинг структуравийлиги.** Янгиликлар билан танишиш, баҳолаш, синаш, маъқуллаш ва тўла қабул қилиш инновацияни амалиётта татбиқ этишининг асосий босқичларини белгилайди.

**Инновациянинг асосланганлик даражаси.** Сифатли ўзгаришларнинг микдори билан ифодаланади. Мавжуд бўлган харакатдаги стандартлардан инновация қанчалик кўп фарқ килса, унинг ўзгартериш салоҳияти ва асосланганлик даражаси шунча юкори бўлади.

**Инновациянинг аҳамиятлилиги** – инновацион жараён даврида ташкилот раҳбарларида ходимларнинг янгиликларга бўлган муносабатларини объектив баҳолаш имконияти туғилади, жамоада ички муносабатларнинг ўзгариши, кескинлашуви вужудга келади ва ўз наебатида мазкур жараёнга мос келувчи бошқарув тактикаларни ишлаб чикиш имконияти туғилади.

**Инновациянинг вазиятга алоқадорлилиги.** Инновацияни муваффакиятли амалга ошириш кўп жиҳатдан жамоа аъзоларининг типологик хусусиятларига ҳамда ташкилий муҳитнинг янгиликларни қабул килиш учун тайёргарлик даражасига боғлик бўлади.

**Инновациянинг ихтилофлилиги.** Ихтиёрий янгиликни киритиш ўзига хос хусусиятларга боғлик бўлмаган ҳолда ихтилофли вазиятларни вужудга келтириши мумкин, чунки ваколат ва имтиёзларнинг муносабатларни мураккаблаштиришига боғлик ҳолда, ташкилотда одат тусига кирган ўзаро таъсир ва муносабатларни ўзгартиради.

**Инновациянинг раҳбарлик услубларини тавсифлаш қобилияти.** Инновацион мўлжалланган раҳбарлик услуби инновацион жараённинг натижасига ходимларнинг шахсий кизиқишлигини вужудга келтиришни кўзда тутади.

**Инсон-инсон муносабатлари** – бунда мулокот жараёнини ва мулокотсиз ўзаро таъсир жараёнларини тўғри ташкил этиш билан бир каторда раҳбарлар ўз ходимларининг меҳнатларини тўғри баҳолай билишлари ҳам зарур ҳисобланади.

**Инсон-китоб-инсон муносабатлари** – инсон бутун умри давомида тажриба орттириб борар экан, у ўз хаётида дуч келган муаммолар ва уларнинг ечимларини, инсон эҳтиёжи учун зарур бўлган янгиликларни коғозга тушириб китоб яратади ва бу китоб иккинчи бир инсоннинг тарбияланишида, хаётда ўз ўрнини топишида энг асосий манбалардан бири бўлиб хизмат килади.

**Инсон-санъат-инсон муносабатлари** – таълим муассасаларидаги бошқарув жараёнида ўзига хос аҳамият касб этади, чунки санъат бор жойда янгиликка интилиш, меҳр-муҳаббат, инсонийлик туйғулари ҳукм суради. Ҳар бир инсон қайсиdir бир санъат турига қизиқади, қайсиdir бир санъаткорни севиб тинглайди ва уни кўрганда ёки эшитганда беихтиёр кайфияти кўтарилиб кетади. Таълим муассасаси раҳбарининг санъатга

бўлган қизикиши нафақат бошқарув жараёни, балки, ўкув жараёнига ҳам ўз таъсирини кўрсатади, чунки таълим олаётган ўқувчи-ёшларнинг ўртасида бир неча бўлажак буюк санъаткорлар ҳам бўлиши мумкин.

**Инсон-табиат-инсон муносабатлари** – бошқарув фаолиятида раҳбарларга жуда катта вазифалар юклайди, масалан, таълим муассасасининг ташки кўриниши, яъни, ер участкаларидаги дарахт, мевали дарахтлар, гулларнинг турлари, уларнинг парвариш килиниши ҳамда уларга берилаётган эътибор раҳбарнинг рейтингига таъсир қилиш билан биргаликда ўқитувчи-ходим ва ўқувчиларнинг табиатга бўлган муносабатларига ҳам ўз таъсирини кўрсатади.

**Инсон-техника-инсон муносабатлари** – инсон ўз тафаккури, билими ва қобилияти билан ҳаётий эҳтиёжларни кондириш мақсадида техникани яратади, бу мураккаб тузилишга ва ишлаш принципига эга бўлган техникадан фойдаланиш учун эса, унинг тузилиши ва ишлаш принципини ўрганиш зарурияти туғилади, шунингдек, бу техникадан фойдаланиш услублари ҳам инсон томонидан яратилади. Бундан кўриниб турибдик, инсонлар томонидан яратилган техника ва техника воситалари бошқа бир инсонларни билим олиш, янгиликларнинг ўрганиш, илмий-ижодий фаолият билан шуғулланишга чорлайди.

**Интегратив маҳорат** – бу умумлаштирилган маҳорат бўлиб, таълим муассасаси раҳбарлари бошқарув фаолиятида ижобий натижаларга эришишга, таълим-тарбия жараёнини ривожлантиришга йўналтирилган мактабнинг ички бошқарувининг мақсадини тизимли режалаштириш ва амалга оширишда зарур хисобланади.

**Интеграцион ёндашув** – таълим-тарбия жараёнини ташкил этиш ва бошқаришда бошқарилувчи обьектга бир неча ёндашувлар (вазиятли, тизимли, инновацион,...)ни биргаликда кўллаш бўлиб, умумлаштирилган ёндашувларни ифодалайди.

**Ихтилоф** – шахслараро ихтилофлар шахсларнинг бир-бируни англамаслиги, манфаатларининг турли хиллиги, тушунчаларнинг номутаносиблиги, бир-бируни ёқтирофаслиги, қизикишлари, қарашлари ва интилишларининг ўзаро мос келмаслиги натижасида намоён бўлади. Ҳар қандай ихтилоф маълум вакт бирлиги давомида содир бўлади, етилади ва бартараф этилади.

**Ихтилофларни бошқариш** – бу ихтилофни вужудга келтириши мумкин бўлган сабабларни олдиндан аниқлаш ва уларга

барҳам бериш йўналишида аниқ мақсадли таъсир кўрсатиш ёки ихтилоф катнашчилари хулк-авторини ўзгартиришга қаратилган таъсир кўрсатиш. Ихтилофни келтириб чиқарган сабабларни тўлиқ ёки кисман барҳам тоғтириш ёхуд ихтилоф катнашчилари мақсадларининг ўзгариши ихтилофларнинг ҳал этилишидир.

**Ихтилофли вазият** – томонларнинг бирон-бир йўналишдаги қарама-қарши, зиддиятли нуқтаи назари, ўзаро умумий манфаатларга мос келмайдиган мақсадларга интилиш, уларга эришиш учун турли-туман воситалардан фойдаланиш ёки фаолиятни амалга оширишни режалаштириш жараёни.

**Ички коммуникация.** Таълим муассасаларида вертикал ва горизонтал ахборот алмашинуви мавжуд бўлиб, булар таълим муассасаси фаолиятини ташкил этиш ва такомиллаштириш учун зарур бўлган ахборотлар алмашинуви, яъни ички коммуникацияни ифодалайди.

**Иш юритиш** – бу таълим муассасасининг ўз функция ва вазифаларини бажариши давомида амалга ошириладиган фаолият ва унга тегишли кўрсатмаларни меъёрий ҳужжатлар асосида расмийлаштириш усуслари ва жараёнлари мажмуаси хисобланади.

**Ишибилармонлик, ишчанлик, улдабуронлик хислатлари** – кунтлилик, тиришқоқлик, масъулиятлилик, ҳалоллик, рақобатбардошлилик, чаққонлик, абжирлик, ташаббускорлик, тадбиркорлик, чидамлилик, сабр-тоқатлилик, бардошлилик, мунтазамилилик, тежамкорлик, эхтиёткорлик, сахийлик, мардлик.

**Ишлаб чиқариш педагогикаси** – ишлаб чиқаришда ишлайдиган шахсларга таълим ва тарбия бериш қонуниятларини ўрганади.

**Карор** – бу таълим муассасаси фаолиятини такомиллаштиришда раҳбарлар ва ходимлар томонидан амалга ошириладиган вазифаларни бажариш йўлларини танлаш ва белгилаш ёки инновацион фаолиятни ташкил этишда маълум бир тўхтамга ёки муайян бир фикрга келишдир.

**Касбий маҳорат ва лойиҳалаштириш** – бошқарувда стратегия, стратегик мақсад ва вазифаларни тўғри белгилаш, карорлар қабул қилиш, муассасанинг умумий фаолиятини лойиҳалаштириш, инновацион фаолиятни ташкил этиш, бошқарув жараёнига тизимли ёндашувларни лойиҳалаш технологияларини

жорий этиш ҳамда бошқарув усуллари, методлари ва тамойилларидан самарали фойдаланишидир.

**Касбий тажриба** – авлодларнинг ижтимоий тажрибасини ўзлаштириш ва уларни бошқарув амалиётида қўллашни таъминлаб берувчи тушунчалар тизими бўлиб, раҳбарнинг ўз фаолияти давомида фан-техника янгиликларига, илғор тажрибаларга таяниши ҳамда мазкур тажрибалар асосида ўзининг кўникма ва малакаларини шакллантириб бориши билан бир қаторда жамоа фаолиятини бошқаришидир.

**Касбий фаолиятнинг белгилари** – ихтисослаштириш, меҳнат фаолиятининг моҳияти ва мазмуни, бошқарув объекти, мақсадга эришиш учун зарур бўлган ўзига хос воситалар, тушунчалар, бошқарув фаолиятнинг натижаси, асосий фаолият учун сарфланган вакт, иш ўрнининг кўлами ва жойи – бу ларнинг барчаси умумий ўрта таълим муассасалари директорларининг фаолияти профессионал фаолият эканлигини исботлайди.

**Касб-хунар таълими педагогикаси** – умумий ўрта таълим мактаблари-нинг юқори синф ўқувчилари ёшида бўлган болалар, академик лицей ва касб-хунар коллежи шарт-шароитларидаги ўқув-тарбиявий жараённинг ўзига хослигини тадқик этади.

**Келишув** – педагогик ходимлар ва бошқа мутахассисларнинг таълим муассасасида фаолият кўрсатиши учун маълум муддатга тузилган шартнома, бошқа ташкилотлар ва ўқув юртлари билан илмий-амалий ҳамкорлик йўналишлари бўйича олдиндан шартнома тузиш тизими.

**Қобилият** – бу раҳбарда интеллектуал, касбий малака ва кўникма, чидамлилик, яратувчанлик, ташаббускорлик, ижодкорлик, ташкилотчилик, ўз фикрини яхши баён эта олиши – нотиқлик, ишонтира олиш, назорат, кузатувчанлик, талабчанлик, хотирада саклаб колиш, тарбиявий муносабатларда фаоллик ҳамда педагогик таъсир кўрсатиш, бошқарувчилик ва лидерлик хусусиятларининг шаклланганлиги.

**Қобилият** – инсоннинг билим, кўникма ва малакаларини орттириш хусусиятларига боғлик бўлиб, мазкур хусусиятлар билим, кўникма ва малакаларга тааллукли бўлмайди, яъни қобилиятлар билим, малака ва кўникмаларнинг ўзида кўринмайди, балки уларни эгаллаш динамикасида намоён бўлади. Қобилият инсонларни сифат жиҳатидан бир-биридан фарқлайдиган индивидуал-психологик

хусусиятлардир. Қобилиятлар инсонларнинг аниқ бир фаолиятидан ташкарида мавжуд бўлмайди, балки уларнинг таркиб топиши таълим ва тарбия жараёнида содир бўлади.

**Коллективаллик** – таълим жараёнини ташкил этиш ва бошқариш ҳамда муассаса фаолиятида мавжуд камчиликларни бартараф этиш ва турли муаммоларни ҳал қилишда қарорларни жамоа аъзоларининг кўпчилигининг фикри асосида биргаликда қабул қилиш, шунингдек, таълим муассасаси фаолиятини такомиллаштиришда жамоа аъзоларининг ҳамкорлигини йўлга кўйиш ва биргаликда бошқариш.

**Коммуникативлик қобилияти** – бу ходимлар билан мулоқотда бўлишга, бошқарув мулоқотини тўғри ташкил этишга, бўйсунувчиларга ёндашиши учун тўғри йўл топа билишга, улар билан педагогик нуқтаи назардан мақсадга мувофик ўзаро алоқа боглашга педагогик тактнинг мавжудлигига қаратилган қобилиятдир.

**Коммуникация** – бу таълим жараёни иштирокчилари ўртасидаги ўзаро ахборот алмашинуви бўлиб, маълум бир муассасани бошқаришда ўзига хос мураккаб тизим ҳисобланади ва таълим муассасаси раҳбарлари бошқарув жараёнида амалга ошираётган барча ишлар ахборотларнинг самарали алмашишини талаб қиласди, шунинг учун у ўзининг функционал даражаси билан тавсифланади ва бошқарув маданиятининг ташкилий сифатини белгилайди. Таълим муассасаси коммуникацияси бу ўзига хос мураккаб ва кўп босқичли тизим бўлиб, нафақат таълим муассасаси ичидаги, балки унинг ташқарисидаги ахборот алмашувини ҳам қамраб олади.

**Конструктив ихтилофлар** – ихтиёрий муассаса ҳаётининг мухим муаммолари ва унга қарашлар кураши, фикрлар хилмакилигидан иборат бўлиб, турғунлик ва қотиб қолишнинг олдини олишга, ривожланишнинг асоси бўлиб хизмат қилишга, жамоанинг мақсад сари илгарилаб боришига, янги анъана ва қадриятлар шаклланишига ўз таъсирини кўрсатиши мумкин. Ҳар қандай ихтилоф асосида томонлар ўртасида аввалги муносабатларни инкор қилишга ҳаракатлар ётганлиги учун янги муносабатлар ва янги шароитлар яратишга олиб келиши мумкин.

**Конъюнктуравий бошқарув** – маълум бир даврда муассасанинг иқтисодий ҳолатини тавсифловчи белгилар мажмуаси билан боғлик бўлади.

**Кўникма** – белгиланган мақсадга мувофиқ равишда харакат усулларини танлаш ва амалга ошириш учун мавжуд билимлар ва малакалардан фойдаланиш.

**Либерал раҳбарлик** – муросасозлик (кўнгилчанлик)ка асосланган раҳбарлик. Либерал (эркин иш юритиш) услуби раҳбарнинг ўз қарорларини тавсиялар кўринишида бериши, ходимларнинг ишига камрок аралашиши билан тавсифланади. Бунда раҳбар воситачи сифатида фаолият кўрсатади, ходимларига кенг доирада мустақиллик, тўла эркинлик бериш билан бир қаторда уларнинг ҳаракатларига кам эътибор беради ва назоратни сустлик билан амалга оширади.

Либерал-раҳбар турли хил низоларнинг келиб чиқишидан чўчиди, шунинг учун муассаса фаолиятини, асосий ишларни ўз оқимиға ташлаб қўяди, шунингдек, ўз зиммасига маъсулият олишни ёқтирамайди. Суиистеъмолликларга бевосита йўл кўймаса ҳам ўзини билмасликка олади, иродасиз, ташаббусиз бўлиб, ташқаридан кўрсатиладиган таъсирларга мойиллиги кучли бўлганлиги сабабли юқоридан ёки қуйидан кўрсатилган тазииклар уни ҳаракатта келтириши мумкин. Танқидларни қабул килади, лекин ундан хулоса чиқармайди, келишувчанлик асосида фаолият кўрсатади, яъни ходимлар билан ўзаро муносабатларни бузмаслик учун уларнинг барча талабларини бажаради. Қоидага кўра жамоада расмий ёки норасмий гурухларни бошқарувчи бир-иккита фаол инсонлар мавжуд бўлади, улар ва айrim вазиятлар (жамоа аъзоларининг ўз ишига ижодий ёндашуви ва ижобий муносабатлари) жамоа фаолиятини мувофиқлаштириб туради.

**Лидерлик.** Лидер асосан маълум бир гурухда ўзи бошчилик килаётган йўналишларда шахслараро (норасмий) муносабатларни бошқариб, у ўз гурухи аъзоларининг кучли ва салбий томонларини, ижобий ва салбий одатларини, шунингдек, уларнинг психологик хусусиятлари, кайфиятлари, мойиллиги, интилишлари ҳамда кизиқишлигини яхши билганлиги сабабли етакчилик килади. Ихтиёрий жамоада турли йўналишларда лидерлар бўлиши мумкин. Масалан, турли хил тадбирларни (жамоа аъзоларининг турли хил уй ишларида ҳашарлар, дам олиш тадбирлари, гурух бўлиб турли хил зиёфатлар уюштириш ва ҳ. к.) ташкил этиш бўйича жамоатчилик йўналишида, спорт ёки спортнинг маълум бир тури бўйича, ўкув

жараёнини ташкил этиш ёки фанларни юқори даражада ўзлаштириш йўналишларида.

**Лойихалаш** – таълим муассасаларини бошқариш дастурларини лойихалашда тизимли объект сифатида яхлит таълим муассасасининг ривожланиши ва унинг уникал моделини такомиллаштиришида ташкил этувчи қисмларнинг таъсир кўрсатишининг аҳамиятини инобатта олиш, шунингдек, бир хил, teng шароитда таълим муассасасининг ривожланишига кўпроқ таъсир кўрсатувчи баъзи қисмлар ва бўғинларни ўзгартиришга имтиёзлар бериш зарур. Таълим муассасасининг умумий моделини ўзгартиришда директор ва педагогларнинг ишончларига асосланиш керак, чунки янгиланган модел замонавий талаблар даражасида ўкувчилар ва бўлажак ўкувчилар, ёш авлоднинг ўзгарувчан таълим-тарбиявий, маънавий эҳтиёжларини қондира олиш, юқори даражада кўникма ва малакаларга эга бўлган ўқитувчиларнинг тажрибаларини қўллаш ҳамда педагогларнинг ижодий салоҳиятини ривожлантиришга етарли шароитларни яратиб бериш зарур ҳисобланади.

**Локал баҳолаш** – бу баҳолаш таълим муассасаси фаoliyatiini takomillashaShiriSh, taъlim-tarbia жараёнини ташкил этиш ва бошқариш йўналишида маълум бир вазифани ёки унинг бир қисмини бажариш натижаларига асосланади.

**Мақсад** – ихтиёрий тизимнинг тизим ташкил этувчи компоненти ҳисобланади, педагогик тизимни бошқаришда мақсаднинг аҳамияти аниқ фаoliyatiinng maқsadi sifatida belgilanadi. Бунда аввал мақсад умумий ҳисобланади, уни лойихалаштириш жараённида тактика ва вазиятлар ҳам инобатта олинган ҳолда топшириклар бўйича тақсимланади. Яъни, бошқарувда мақсадни шакллантириш бир неча даражада амалга оширилади: умумий мақсадни белгилаш; умумий (стратегик) мақсадни аниқлаштириш; вазиятга кўра мақсадларни ишлаб чикиш.

Бошқарув тизимида мақсадга самарали эришишнинг асосий шартларидан бири мақсадни белгилаш талабларига риоя қилиш: мақсадлар олдиндан белгиланган ва аниқ шакллантирилган бўлиши; бажарувчилар томонидан қабул килинган ва уларга тушунарли бўлиши; мақсадлар тахлил қилинган ва бажарилиш муддати белгиланган, шунингдек, бажарувчиларнинг ҳаракати мотивлаштирилган бўлиши; вертикал ва горизонтал бўйича келишилган турли хил топшириклар

йўналишида тақсимланишида мақсадларнинг бирлиги сақланиши зарур ҳисобланади.

**Мақсадли-мотивлаштириш функцияси.** Мотивлаштириш олға сурилаётган мақсадга эришиш бўйича барча бошқарув субъектларида кизиқишлар уйғотишга йўналтирилган тадбирларни ташкил этишни назарда тутади. Мотивлаштириш ҳаракатлар ва тадбирларни етарли даражада ташкил этиш учун зарур. Бунда мотивларнинг хусусиятларини ҳисобга олиш зарур бўлиб, қандай мотивлар бошқарув фаолиятини йўналтиради ва қайсилари самарали ҳаракатлар режасини тузишга имконият яратишини билиш ўзига хос аҳамият касб этади.

**Мактаб директори бошқарув фаолияти** – мазкур жараён ижодий жараён бўлиб, бу бошқарув жараёнида қабул қилинаётган қарорларнинг йўналишини ифодаловчи ва кўзланган натижаларга эришишни таъминловчи ўзаро боғлиқ бўлган ва бир-бирини ўзаро тўлдирувчи компонентлардан иборат бўлган тизимдир.

**Мактаб директорларининг асосий функцияси** – таълим муассасаси олдига кўйилган мақсадларга эришишда мактабнинг ҳаётий фаолиятини таъминлаш бўйича бошқарув йўналишидаги масалаларнинг ижобий ечимини топиш, ҳал этиш ҳисобланади. Мъълумки, бошқарув фаолияти субъектлар томонидан лавозими йўналишидаги функцияларни бажаришлари жараёнида амалга оширилади, мазкур функцияларга: ахборот-тахлил, мақсадли-мотивлаштириш, олдиндан кўриш-режалаштириш, ташкилий-ижрочилик, назорат-ташхис, тартибга солиш-мувофиқлаштириш функциялари киради.

**Мактаб педагогикаси** – умумий ўрта таълим мактабларида ўкувчиларга таълим бериш ва тарбиялашнинг қонуниятларини тадқиқ этади.

**Мактабгача ва мактаб ёшидаги болалар педагогикаси** – мазкур гуруҳ болалари билан олиб бориладиган тарбиявий-ташкилий ишларнинг қонунийлигини тадқиқ этади ҳамда энг аввало уларни болаларнинг мактабгача таълим муассасалари шарт-шароитларида амалга ошириш дастурини ишлаб чиқади.

**Мактабни бошқариш** – бу раҳбарлар билан педагогларнинг ҳамкорликдаги фаолиятидан иборат бўлиб, таълим-тарбия жараёнини илмий асосда ташкил этиш ва уни бошқариш, мазкур жараён иштирокчиларининг фаолиятини мувофиқлаштириш

ҳамда ўқувчиларга фанлар бўйича чукур билим ва ахлоқий тарбия бериш, касб танлашга йўллаш ва хар томонлама ривожланган шахсни тарбиялашга йўналтирилган, илмий асосланган фаолиятдир.

**Маслаҳат** – муайян шароитларни ҳисобга олган ҳолда психологияк таъсир ўтказишидир.

**Масъулият** – бу ихтиёрий шахснинг ўз хатти-харакати ва фаолияти натижаси учун жавобгарликни ҳис этишидир.

**Масъулият** – бу шахснинг ўз зиммасига олган ёки унга топширилган мажбуриятларига ҳисоб бера олишида, хатти-харакатларида, кимнидир-ниманидир айбламай, хатти-харакати натижалари ва унинг оқибатлари учун жавобгарликни ўз зиммасига олишида кўринадиган фазилатдир.

Психологияк ҳодиса сифатида шахснинг кўпгина психологик функцияларида намоён бўлиб, инсон хулқидаги мухим белги ҳисобланади. **Масъулиятнинг** инсон хулқидаги мухим белгиси – ўз вазифасини бажаришидаги аниклик, пухталик, ҳозиржавоблик, ўзини мажбур қила олиш, ўз хатти-харакатлари оқибатига жавоб беришга тайёр туриш ва ҳ.к. **Масъулиятли** хулқни амалга ошириш қуидаги иродавий сифатларга эга бўлишни талаб қиласди: қатъиятлилик, чидамлилик, ўзини тута билиш, баркарорлик ва ҳ.к. Инсонларда масъулият хулқини шакллантириш факат психологик омилларгагина боғлик бўлмай, меҳнатни ташкил этиш ва назорат қилиш билан боғлик бошқа омилларга ҳам боғлиқдир. Масалан, ҳодимларга бўлган ишонч, турли хил вазифаларнинг топширилиши ва уларни назорат қилиш хусусиятлари таъсир кўрсатади.

**Махсус қарорлар** – таълим муассасасининг маълум бир бўлими ёки бирон бир гурухи ҳодимларига таалукли бўлиб, уларнинг фаолиятларини мувофиқлаштириш, тажрибаларини оммалаштириш йўналишида бўлиши мумкин. Масалан, фанлар йўналишидаги методик бирлашмаларнинг фаолиятини такомиллаштириш йўналишида қабул қилинган қарорлар.

**Махсус стратегия** – таълим муассасасида таълим жараёни самарадорлигининг пасайиб кетишини, ўқувчиларнинг ўзлаштириш даражасининг ДТС талаблари даражасидан тушиб кетмаслигини, шунингдек, тажрибали, билимли, ўз қасбининг фидойилари бўлган педагогларнинг таълим муассасасидан кетиб қолишларининг олдини олиш мақсадида узок муддатга тузилади.

**Махсус ташкил этилган маълумот берувчи тизим** – бу таълим-тарбия муассасаси, қайта тайёрлаш ва малака ошириш институти, ўқув-моддий база, молия, кадрлар, илмий-методик таъминот. Уларда маълум мақсадларга кўра тажрибалар ўргатиш ва ўрганиш маҳсус дастурларга асосан тегишли маълумоти, қасб тайёргарлиги бор ва юксак ахлоқий фазилатларга эга бўлган шахслар томонидан амалга оширилади.

**Маъқуллаш** – хизмат жараёнида ходимларнинг иш фаолиятига, хатти-харакатига, билдирган фикрларига нисбатан раҳбарнинг ижобий муносабати.

**Маълумот** – маълум мақсадга йўналтирилган, инсон шахснинг ривожланишини таъминловчи, маҳсус ташкил этилган тизим бўлиб, ўқитиш жараёни ва унинг натижаси хисобланади.

**Маълумотлилик** – шахсий сифат кўрсаткичи, яъни шахснинг ривожланиш даражаси, унинг тажрибаси, кўникма ва малакаларни қай даражада ўзлангтирганлиги ва улардан фойдаланиш ҳамда улар ёрдамида янги билим-кўникмаларни эгаллаб, тўлдириб бориш қобилиятлари тушунилади.

**Маъмурий менежмент** – бошқаришнинг маҳсус қисми бўлиб, бошқарувчи тизим ичидаги муносабатларни, унинг ривожланиш қонуниятлари, тамоиллари, усул ва услубларини ўрганади, яъни турли соҳа ташкилотлари маъмурияти фаолиятларини ташкил этиш, режалаштириш, тартибга солиш, мувофиқлаштириш, мотивация қилиш (ундаш) ҳамда раҳбарликни оқилона уюштириш усуllibарини ўрганади.

**Маъмурият** – бунга директор, унинг ўринbosарлари ва илмий бўлим мудири киради.

**Менежмент** – инглизча сўз бўлиб, ўзбек тилида бошқарувни ташкил этиш (бошқариш, бошқарув ҳокимияти, ташкил этиш), раҳбарлик қилиш (режалаштириш, тартибга солиш-мувофиқлаштириш, назорат қилиш) маъноларини англатади. Менежмент – бу кўзланган мақсадларга эришиш учун фаолиятни, яъни индивидлар ёки уларнинг гурӯхларининг фаолиятини мувофиқлаштириш ҳамда бошқариш усуllibари, шакллари ва воситалари мажмуи.

**Менежмент фани** – бу раҳбарларга бошқарув фаолиятини тўғри амалга ошириш, ходимлар фаолиятини самарали бошқариш ва мувофиқлаштиришда, шунингдек, корхона ва муассаса

олдига кўйилган мақсадларга ҳамда кўзланган натижаларга эришишда мухим аҳамият касб этувчи қарорларни қабул қилиш ва уларнинг бажарилишини назорат ва таҳлил қилишни ўргатувчи фан бўлиб, унинг асосий мақсади замонавий ижтимоий-иктисодий шарт-шароитларда бошқарувнинг барча бўғинларида самарали ишлай оладиган юқори малакали бошқарувчиларни тайёрлашдан иборат.

Менежмент фан сифатида ўз мақсадига кўра қуидагиларни ўрганади: бошқариш назарияси ва амалиёти; бошқариш обьекти ва субъекти; бошқариш тамойиллари ва усуллари; раҳбар маданияти; раҳбар ва лидер, уларнинг фазилатлари; раҳбар рейтинги; бошқаришда киришувчанлик ва қарор қабул қилиш; бошқариш функциялари; ҳодимларни бошқариш; ишлаб чиқаришни бошқариш, самарадорликни бошқариш; ўз-ўзини бошқариш; худудий бошқариш ва ҳ.к.

**Миллий-худудий ёндашув.** Таълим муассасаларини минтақалаштириш жараёнлари турли хил тизимлар ва тизимости бўғинлар ўртасидаги ўзаро муносабатларнинг сезиларли даражада ўзгаришига сабаб бўлмоқда. Бошқарув қарорларининг мазмун ва моҳияти турли хил даражада белгиланмоқда: давлат, худудий, шаҳар, туман ва муассасалар миқёсида. Бугунги кундаги тизимнинг аввалги тизимдан асосий фарқларидан, афзалликларидан бири таълимнинг демократлашуви – таълим ва тарбия услугларини танлашда ўқув юртлари мустақиллигининг кенгайиши, таълимни бошқаришнинг давлат-жамият тизимига ўтилишидадир. Шундан келиб чиқиб, таълим муассасасини бошқаришда субъектлар мустақил қарорлар қабул қилиш, таълим муассасасининг мустақил сиёсатини олиб бориш, тактика ва стратегияни мустақил белгилаш, худудий ва бошқа ривожланиш дастурларини ишлаб чиқиш имкониятларига эга.

**Мойиллик** – бу англаб етилмаган қобилиятдир. Ўз қобилиятларини англаб етиш меҳнатга кизиқиши кескин орттиради ва шахснинг ижодий меҳнат қилиши учун маълум имкониятларни яратади.

**Мотивлаштириш** – бу маълум эҳтиёжлардан келиб чиқиб, кишилар фаолиятини психологик таъсир этиш йўллари билан мақсадга мувофик йўналтиришдир. Таълим муассасаси фаолиятини ташкил этишда мотивлаштириш, ташабbusларни

ишлиб чиқиш ва таҳлил қилиш учун шароитлар яратиши, барча таркибий кисм ва бўлимларнинг фаолиятини мувофиқлаштириш, ижтимоий амалиёт ва таълим эҳтиёжларидан келиб чиккан ҳолда натижаларнинг самараадорлигини таҳлил қилишни ҳамкорликда ташкил этиш, давлат талаблари асосида педагогларни қайта тайёрлаш ва малакасини ошириш орқали амалга оширилади.

**Муаммо** – ҳар кандай тизимда мавжуд ва зарур бўлган ҳолатдан четта чиқиши тавсифловчи вазият (вокеликни)ни англатади.

**Мувофиқлаштирилган ёндашув.** Таълим самараадорлигини ошириш, кўзланган мақсадга эришишда бошқарув фаолиятига жалб этиладиган сарф-харажатларнинг меъердан ортмаслигини таъминловчи, мактабнинг шароитига мос келувчи, энг қулай бўлган ҳамда бошқарув жараёнини ва унинг таркибий тузилишини қайта ташкил эта оладиган тизимни вужудга келтириш мувофиқлаштирилган ёндашувни жорий этишдир.

**Мужассамлаштирилган стратегия** – таълим жараёнини илмий асосда ташкил этишининг барча йўналишларини қамраб олган ҳамда таълим муассасанинг яхлит фаолиятини ўзида жамлаган мўлжалдир.

**Музокаралар** – ихтилофларни ҳал қилиш усули сифатида тактик усусларнинг мажмуидан иборат бўлиб, қарама-карши томонларнинг ўзаро мақбул ечимга келишларига қаратилган бўлади.

**Мулокот.** Инсонларнинг маълум бир жамоада ёки гурӯҳда ҳамкорликдаги фаолиятлари жараёнида вужудга келадиган эҳтиёжлардан бўлиб, фаолиятлари давомида ўзаро муносабатларга киришиш жараёни ҳисобланади. Инсонларнинг барча фаолиятлари давомида ўзаро муносабатлар, таъсир этиш шаклларини ўз ичига оладиган мазкур тушунча уларнинг ўзаро бир-бирларини тушунишлари, ҳамкорлик қилишлари ҳамда ўзаро ахборотлар алмашинишлари учун зарур ҳисобланади.

Ижтимоий психологияда мулокот учта турга бўлинади. Биринчиси, инсонларнинг ўз-ўзи билан мулокоти, иккинчиси инсоннинг бошка инсонлар билан мулокоти, учинчиси авлодлараро мулокот бўлиб, мазкур мулокотлар натижасида бир авлоднинг тажрибаси иккинчи авлодга ўргатилади, бу эса пировардида инсонларнинг ривожланишига, ҳаёт, фан-техника ва технологияларнинг тараққий этишига замин яратади. Шундан

кўриниб турибдики, мuloқот ёки бошқарув мулокотисиз бошқарув жараёнини тасаввур қилиб бўлмайди.

**Мустақил маълумот** – бу авлодлар тажрибасини, фан ва техника ютукларини ўз ички туйғулари асосида мустақил ўрганишга қаратилган харакатлар мажмуасининг натижаси бўлиб, инсоннинг шахсий кобилиятларини ривожлантириш жараёни ҳисобланади. Мустақил маълумот инсон шахсининг ривожланишида, тажрибаларни эгаллашида кулагицлар яратса, мустақил таълим эса таълим олишнинг асоси ҳисобланади.

**Мустақил таълим** – бу инсоннинг ўзи танлаган воситалар ва адабиётлар ёрдамида авлодлар тажрибасини, фан ва техника ютукларини ўрганишга йўналтирилган шахсий харакатлар жараёни. Бунда инсоннинг ички дунёси, ҳис-туйғулари, мустақил фикрлаш қобилияти асосий роль ўйнайди.

**Мутахассислар** – маъмурӣ хокимиюятга эга бўлмайдилар, лекин таълим-тарбия соҳасида мутахассис сифатида фаолият олиб борадилар. Мутахассисларга мактаб амалиётчи психологи, етакчилар ва тўгарак раҳбарларини киритиш мумкин.

**Назорат** – бу бошқарув жараёниниң фаол босқичларидан бири бўлиб, у бошқарувнинг барча функциялари билан боғлиқ бўлади. Умумий ҳолда назорат режалаштирилган натижка билан ҳақиқий эришилган натижаларни ўзаро солиштириш жараёни бўлиб, у фаолиятнинг муваффақиятини аниқлашга имконият яратади. Педагогик тизимни бошқариш жараёнида кўзланган йўналишдан четга чикишлар ҳам вужудга келиши мумкин, бундай вазиятларда назорат йўл қўйилаётган хатоларнинг сабабини ўз вактида аниқлаш ва уларни тузатиш усусларини белгилаш имкониятларини яратади. Шунинг учун бошқарув фаолиятнинг барча босқичлари учун назорат зарур ҳисобланади.

**Назорат-ташхис функцияси.** Назорат – бу бошқарув жараёниниң фаол босқичларидан бири бўлиб, у бошқарувнинг барча функциялари билан боғлиқ бўлади. Умумий ҳолда назорат режалаштирилган натижка билан ҳақиқий эришилган натижаларни ўзаро солиштириш жараёни бўлиб, у фаолиятнинг муваффақиятини аниқлашга имконият яратади.

**Насиҳат** – психологоик таъсир ва мулокот шаклларидан бўлиб, мазмун жиҳатидан буйруққа, тақиқка, маслаҳатга ўхшаб кетади. Лекин насиҳат улардан фарқли ўларок, муайян бир

фаолиятга ёки ходисага нисбатан кўникма, мослашувни шакллантиришга каратилган бўлади.

**Натижалар бўйича бошқарув.** Бундай ёндашувнинг асосий ғояси шундан иборатки, ҳеч бир ташкилот (бошқарув, аввало, муассаса) ўз-ўзича ҳеч кандай аҳамият касб этмайди, аммо, у кўзланган натижаларга эришиш учун ўзаро бирлашган индивидларни ёки уларнинг гурухларини тартибга солишини кўзда тутади. Натижалар бўйича бошқарув тушунчasi ривожланиш тизими сифатида амал қиласди, булар ёрдамида таълим муассасасининг барча субъектлари билан келишилган холда белгиланган натижаларга эришиш мумкин.

**Низом** – муассаса ёки унинг таркибий бўлинмалари тузилиши, ҳукуки, вазифалари, бурчлари, таълим жараёнини ташкил этиш ва бошқариш тартибларини белгилайдиган меъёрий-ҳукукий хужоат.

**Ноаниқ қарорлар** – бу таваккалчилик билан, яъни тўла аниклаштирилмаган ахборотларга асосланиб қабул қилинган қарорлар бўлиб, уларнинг бажарилиш самарадорлиги паст бўлади.

**Новаторлик ғоялари** – янгиликлар яратиш, уларни таълим-тарбия жараёнига татбиқ этиш ва маълум бир инновацион фаолиятни ташкил этиш бўйича ғоялар.

**Нутк қобилияти** – раҳбарнинг ўз фикрини, ҳистойгуларини нутк ёрдамида, шу билан бирга мимика ва пантомимика ёрдамида аник ва равшан қилиб ифодалаб бериш ҳамда уларнинг фаолиятини маълум йўналишда ўзгартириш ёки керакли йўналишда ташкил қилиш қобилиятидир.

**Олдиндан кўриш-режалаштириш функцияси.** Бошқарув фаолиятини олдиндан кўриш (англаш) ва режалаштириш функцияси учун мақсадли-мотивлаштириш бошланғич асос бўлиб хизмат қиласди, олдиндан кўриш-режалаштириш функцияси ташкилий шакллар, усуллар, таъсир этувчи воситаларни аниклайди, назоратнинг меъёри ва натижаларини баҳолашга хизмат қиласди, шунингдек, педагогик тизимни ва унинг иштирокчиларининг харакати ва фаолиятини мувофиқлаштириш ва тартибга солишига имконият яратади.

**Олий мактаб педагогикаси** – олий ўкув юрти шартшароитларида талабаларга таълим-тарбия беришнинг назарий асослари ва методикасини ишлаб чиқади.

**Педагогик қобилият** – бу бошқарув жараёнида раҳбар учун энг зарурий хусусиятлардан бўлиб, раҳбарнинг педагогик

фаолиятга яроклилигини ва шу фаолият билан муваффакиятли шугуллана олишини, шунингдек, педагогик жараёнларни ташкил этиш ва бошқара олишини белгилайди.

**Педагогик маҳорат** – педагогик ходимлар ва таълим жараёни иштирокчилари қалбини ҳис қилиш ва миллий кадриятларимизни, ҳаётий тажрибаларни, фан ва техника соҳаларидағи ютуқларимизни ўргатишни таъминлайди ҳамда уларнинг педагогик қобилиятларини ривожлантиришга хизмат килади.

**Педагогик тақт** – ҳар қандай педагогик таъсирга нисбатан қўлланиладиган чора-тадбирларни (рагбатлантириш, жазолаш, панд-насиҳат) ҳис эта билишдан иборатdir. Қобилиятли раҳбар ходимларга эътибор бериб зийраклик билан қарайди, уларнинг индивидуал психологияк хусусиятлари билан хисоблашади. Бунда мухими – бўйсунувчиларга таъсир этишининг энг қуладай усулларини топа билиш, тарбиявий таъсирни қўллашда мақсадга мувофиқ педагогик чораларга эътибор бериш, аник педагогик вазифаларни ҳисобга олиш, ходим шахсининг психологик хусусиятлари ва унинг имкониятлари ҳамда мазкур педагогик ҳолатларни ҳисобга олиш зарур.

**Педагогика тарихи.** Педагогик таълимотнинг тарихи ва тарбиянинг ривожланиши масалаларини ижтимоий ҳодиса сифатида татбиқ этувчи педагогик билимлар тармоғидир. У илғор педагогик ғояларнинг салбий педагогик ғояларга қарши кураш тарихини ҳукмрон табақаларнинг демократияга қарши сиёсатини очиб ташлайди, илғор педагогик ғоялар, ҳур фикрлар таълим қонуниятларининг айрим олинган тарихий даврдаги ривожланиш тамойилларини таҳлил қиласди, мухим умумий хуносалар чиқаради ва буғунги кун учун долзарб муаммоларни ўртага ташлайди.

**Персонални бошқариш** – бу кўзланган мақсадларга эришишда таълим муассасасининг фаолиятини такомиллаштириш ва ривожлантириш, таълим-тарбия жараёни иштирокчилари, педагог-мутахассислар ва барча ходимларнинг фаолиятларини мувофиқлаштиришда бошқарувни амалга оширишнинг мухим механизми сифатида таълим-тарбия жараёни иштирокчиларининг ўз вазифасига масъулият, яъни фаолиятлари натижаларига жавобгарлик ҳиссини шакллантириш ҳамда мақсадга эришишда умумий манбаатларнинг уйғунлашувини ҳисобга олган ҳолда бошқаришни самарали амалга оширишни назарда тутади.

**Перцептив қобилиялар** – жамоа аъзоларининг, педагогик ходимларнинг, шунингдек, ўқувчиларнинг ички дунёсига кира билиш, психологик кузатувчанлик, бўйсунувчиларнинг вақтингчалик психик ҳолатлари билан боғлиқ нозик томонларини тушуна билишдан иборат қобилияларидир.

**Погонавийлик** – ташкилий тузилишга кўра таълим муассасасининг юкори бўғини (раҳбарлар) билан қуий бўғини (ижрочилар) ўртасидаги масофанинг катта-кичикилигини ифодалайди, яъни раҳбар билан оддий ижрочи ўртасидаги масофа қанчалик катта бўлса (даражалар сони) таълим муассасаларидағи погонавийлик даражаси шунчалик катта бўлади.

**Принцип** – бу сўз лотин тилидан олинган бўлиб, асос, дастлабки, хатти-харакат ва фаолиятнинг асосий негизи каби маъноларни билдириб, раҳбарнинг бошқарув фаолиятидаги бир сўзлиги ва қатъиятлилигидир. Раҳбарнинг принциплилиги таълим муассасасини бошқаришда ва ходимлар фаолиятини мувофиқлаштиришда ҳамда жамоада ижодий мухитни шакллантиришда мухим аҳамият касб этади.

**Психик жараёнлар** – бу объектив оламни субъектив акс эттиришининг тури шаклларидир. Психик жараёнлар психик функциялар деб ҳам айтилади. Психик жараёнларнинг асосий турлари сезги, идрок, хотира, тасаввур, хаёл, тафаккур, нутқ, хиссиёт, ирова бўлиб, улар ўз навбатида уч гурухга бирикади: билиш жараёнлари, иродавий жараёнлар, хиссий жараёнлар.

**Психик хоссалар ёки хусусиятлар** – шахснинг индивидуал-психологик хусусиятлари бўлиб, булар ёрдамида инсонлар бир-биридан фарқланади, уларнинг типологик ва индивидуал фарқлари аниқланади. Психик хусусиятларга темперамент, характер, қобилият, эҳтиёж ва мотивлар киради.

**Психика** – юксак даражада ташкил топган материянинг алоҳида хоссаси бўлиб, объектив оламни субъектив ҳолатда акс эттиришдан иборатdir. Психика юононча “псюхе” сўзидан келиб чиқкан бўлиб, “руҳ”, “жон” деган маъноларни билдиради. Психика сезги, идрок, хотира, тафаккур, ирова, хиссиёт ва бошқа шу каби номлар билан гурухларга ажратилиб, барчаси биргалиқда психика, кишининг психик, ички дунёси, унинг руҳий ҳаёти ва х. к. деб аталаған тушунчаларни ҳосил қиласди.

**Психологик маҳорат** – раҳбарнинг инсон ресурсларини бошқариш маҳоратидир. Чунки, бунда раҳбар ҳар бир ходимнинг психологик хусусиятлари ва гурух психологиясини яхши билиши зарур, бу заруриятни инглиз олимлари “ўзгалар психологиясини билиш улар устидан ҳукмронликнинг ягона йўлидир” деб таърифлашган.

**Психологик ҳолатлар** – психик фаолиятнинг вақтинчалик динамикаси билан тавсифланади. Бу инсон ички дунёсининг муҳим томони бўлиб, фаолиятга таъсир кўрсатади. Психик ҳолатларга чарчаш (толиқиши), эмоционал зўрикиш (стресс), монотония ва бошқа психик ҳолатлар киради ва булар ўзаро боғлиқ бўлади.

**Психология** – инсон ички дунёси, руҳий ҳолатлари ҳакидаги фандир.

**Психология** фанларининг вазифаси – психологик омиллар ва конуниятларни ўрганиш билан бир каторда психик фаолиятнинг механизмларини аниқлашдан иборатdir. Психология фан сифатида психиканинг омиллари, конуниятлари ва механизмларини ўрганади.

**Раҳбар маданияти** – раҳбар одоби ва иқтидори ўртасидаги диалектик боғланиш. Бу боғланиш одоб, иймон, инсоф, адолат ва иқтидор каби фазилатлар мажмуудан иборат бўлади. Раҳбарнинг касбий маданияти деганда раҳбарнинг профессионаллиги, унинг профессионал бошқарув фаолиятини бажаришга тайёргарлик даражаси тушунилади. Бунда раҳбарларнинг максадга мувофиқ уёки бу касбий сифатлари алоҳида вазиятларда ҳар бир раҳбарнинг “идеал моделини” шакллантиришга асосланади.

**Раҳбар сарфлаётган вақт** – таълим муассасасининг фаолиятини такомиллаштириш, педагогик ходимлар фаолиятини мувофиқлаштириш, таълим-тарбия жараёнини илмий асосда ташкил этш учун зарурй чора-тадбирларни белгилаш, моддий-техника базани мустаҳкамлаш ва ривожлантириш, бошқа ташкилотлар билан илмий-амалий ҳамкорликни йўлга кўйиш, юкори ташкилотлар томонидан ташкил этиладиган турли хил тадбир ва йиғилишларга катнашиш, ўқувчиларнинг ота-оналари билан сұхбатлашиш йўналишидаги барча мактабдан ташқари ҳолатда, яъни уйида, кўчада ва бошқа ташкилотлардаги фаолиятлари билан барча мактабдаги фаолиятлари учун, у ажлий

мехнат бўладими, жисмоний меҳнатми, барчасига сарфланаётган вактдир.

**Рахбар учун зарур бўлган вақт** – таълим муассасаси шартшароитлари ва фаолиятининг мазмун-моҳиятидан келиб чиқиб айтадиган бўлсак, раҳбарлар учун зарур бўлган вактни, яъни бажарилиши лозим бўлган кўпгина вазифаларнинг муддатини бугунги кунги ривожланиш, қиска муддатда амалга оширилаётган ижтимоий-иктисодий ўзгаришлар, таълим тизимининг ривожланиб бориши, ривожланиб бораётган фан ва техника ютуқлари, ривожланиб бораётган замонавий талаблар, умуман олганда, кун сайн ривожланиб бораёттан замон ва такомиллашиб бораётган яшаш, меҳнат килиш ва ўқиш шарт-шароитларининг ўзи белгилаб беради. Ижтимоий-иктисодий ривожланишлар, таълим тизимидағи ўзгаришлар ва фан-техника ютуқларини мактаб амалиётига ўз вақтида татбик этиш, шунингдек, мазкур тараққиёт билан таълим муассасасининг параллел ва боғлиқ ҳолда ривожланиб бориш зарурияти раҳбар олдига кўйган мақсадларга эришиш учун зарур бўлган вақтни белгилаб беради.

**Рахбар фаолияти объектининг моҳияти** – таълим муассасаси нафакат самарали меҳнатни ташкил этувчи, ўзаро алоқалар фаолиятининг мазмуни ва мантиқини назарда тутиши, балки аниқ объектив ва субъектив шароитларни хисобга олган ҳолда уларни олдиндан кўра билишидадир. Касбий маҳорат, кўнкималар асосида турли хил муаммо ва масалаларнинг ижобий ечимларини топиш бошқарув фаолиятининг мазмунини белгилайди.

**Рахбарлар** – мазкур таркибга таълим муассасаси директори, директорнинг маънавий ва маърифий ишлар бўйича ўринбосари ҳамда ўкув ва илмий ишлар бўйича ўринбосарлари, бошлангич синфлар бўйича илмий бўлим мудири, шунингдек, ўз йўналиши бўйича хўжалик ишлар бўйича бўлим бошлигини ҳам киритиш мумкин.

**Рахбарлик** – инсонларга мақсадли таъсир ўтказишга қаратилган, уларнинг фаолиятини мувофиқлаштириш билан боғлиқ бўлган фаолиятдир. Раҳбарлар катор функцияларни бажаради: жамoa фаолияти мақсадларини аниқлайди ва шакллантиради, мазкур фаолиятни режалаштиради, рағбатлантириш воситалари ва усулларини белгилайди, уларни назорат килишини амалга оширади.

**Раҳбарлик** – одамларга мақсадли таъсир ўтказишга қаратилган, уларнинг хулқини тартибга солиш билан боғлик бўлган бошқарувнинг таркибий қисмидир.

**Раҳбарлик услублари** – раҳбар ўзининг бошқарув фаолиятида афзал билган ва асосланган барча усуллар ва ҳаракатининг тактика ва стратегияларидан ташкил топган тизим сифатида қаралади. Бунда бир томондан стратегиялар билан бошқарув фаолияти мазмуни, бошқа томондан бу тизимнинг ўзи, инсон фаолияти мұхитида турли аҳамиятта зга бўлган ҳаракатлар ва шу қатори профессионал фаолият бошқарув субъектининг ривожланишида ҳамда унинг профессионал мутахассис сифатида шаклланишида мухим аҳамият касб этади.

**Раҳбарнинг ўз ишини ташкил қила билиши деганда унинг бошқарув фаолиятини тўғри режалаштириши, яъни буйруқ бериш, топшириқ ижросини текшириш, ходимлар фаолиятини баҳолаш ҳамда турли хил қарорлар қабул килиши ва уни назорат қила олиши назарда тутилади.**

**Рефлексив бошқарув.** Шахс ривожланишига таъсир этувчи турли хил омиллар билан ўзаро алоқага киришади, бунда хатти-ҳаракатларнинг мазмун-моҳияти ва мақсадга йўналтирилган ўзгартирувчи фаолиятнинг эҳтиёжини англаш мумкин бўлади, чунки ўз-ўзини чукур англаб етиш натижасида жамоада ўз ўрнини аниқлаш, ўзини намоён килиш (ўзини кўрсата билиш), ўз-ўзини (ҳаракатларини, феъл-атворини) маъкуллаш, ўзининг ички имкониятларидан, кобилиятидан фойдаланиш, ўз-ўзини идора қилиш вужудга келади.

**Рефлекция.** Мулокот жараёнида сухбатдошнинг тасаввурини англашга ҳаракат қилиш, яъни унинг ўрнида туриб ўзига баҳо беришга ҳаракат қилиш, яъни бу иккинчи шахснинг идрокига тааллукли бўлиб, ўзига бирорнинг кўзи билан қарашга ҳаракат қилиш.

**Ривожланиш** – бу инсоннинг рухияти ва организмидаги сифатий ўзгаришларидир. Бу ўзгаришлар ижтимоий мұхит, уй-жой шароитлари, уни курсаб турган кишиларнинг таъсири натижасида юз беради.

**Ривожланиш** – бу объектив жараён бўлиб, ташқи ва ички бошқарилувчи омиллар томонидан миқдор ва сифат жиҳатидан физик ва маънавий шаклланиш, яъни, шахснинг фазилатлари,

сифатлар ва хулкларнинг шаклланиши, тушунчаларнинг чукурлашиши, кенгайиши, осондан - кийинга, оддийдан - мураккабга, мавхумдан - билишга, оддий ҳаёт кечириш шаклларидан - олий фаолиятга ўтиш жараёнидир.

**Стереотип қарорлар.** Бундай қарорлар одатда мавжуд меъерий ҳужжатлар, йўрикномалар, муассасанинг низоми асосида қабул қилинади. Мазкур қарорлар ходимларни ишга олиш ва ишдан бўшатиш, муассаса фаолиятини такомиллаштириш йўналишида чиқарилган буйрукларни ўз ичига олади.

**Стереотипизация.** Мулоқотлар жараёнида инсонларнинг онгида шаклланиб ва муҳрланиб колган тушунча ва тасаввурлардан доимий намуна сифатида фойдаланиш ҳолатлари бўлиб, бундай ҳолатлар ҳамиша ҳам ижобий натижаларга олиб келмайди. Масалан, раҳбарлар ўзининг маълум бир ходимининг мурожаат қилгани келаётганлигини кўриши билан “ҳозир иш ҳакининг озлигидан шикоят қилишни бошлайди” деган шубҳани кўнглидан ўтиши стереотипни англатиб, бўлажак сухбат жараёнига олдиндан ўз салбий таъсирини кўрсатади.

**Стратегия** [strategos] грекча сўз бўлиб, ўзбек тилида “генерал санъати” деган маънони англатади. Ўзбек тилининг изоҳли лугатида ҳам мазкур атама уруш олиб бориш санъати, ижтимоий-сиёсий курашга раҳбарлик қилиш санъати ва илми маъноларида талқин этилган.

Стратегия сўзи буғунги кунда бирон-бир фаолиятга раҳбарлик қилиш, корхона ёки муассасаларнинг фаолиятини бошкаришда истиқболни олдиндан аниқлаш, фаолиятни олдиндан режалаштириш, бажариладиган вазифаларнинг йўналишини аниқлаш, шунингдек мақсадга эришишда натижаларни олдиндан аниқлаш ва назорат қилиш йўналишларида кенг қўлланилмоқда. Мазкур сўздан стратегик режа, стратегик режалаштириш, бошқарув стратегияси, стратегик бошқарув каби тушунчалар келиб чиккан бўлиб, бу тушунчаларнинг ҳар бири ўзининг мазмун-моҳиятига кўра таълим муассасаларини бошкаришда муҳим аҳамият касб этади.

**Стратегик бошқарув** – бу таълим муассасасининг стратегик мақсади йўналишида муассаса имкониятларини педагогик ходимларнинг умумий манфаатлари билан мувофиқлаштиришни назарда тутувчи узок муддатга тузилган

дастур, режа ва лойиҳалар асосида бошқаришдир. Стратегик бошқарув, одатда, мазкур тизимни бошқарув маданиятининг юкори даражасини белгиловчи кенг инновацион дастурларни амалга ошириш имкониятини яратади.

**Стратегик қарор.** Бундай турдаги карорлар таълим муассасаси олдига қўйилган мақсадларга эришишда муҳим аҳамият касб этиб, унда муассасанинг узоққа мўлжалланган ривожланиш вазифалари ва мақсадлари белгиланади. Стратегик карорларни қабул қилишда таълим муассасасининг истиқболли харакат дастури асос қилиб олинади, узоқ муддатларга кўзланган мақсадларга эришишда бажариладиган вазифаларнинг муддати белгиланади, мавжуд муаммоларни ҳал этиш йўллари ва услублари кўрсатилади.

**Стратегик ражалаштириш.** Таълим муассасасининг мақсадларидан келиб чиқиб амалга ошириш зарур бўлган вазифаларни белгилаш, мазкур вазифаларни амалга ошириш учун бошқарув функциялари, методлари ҳамда мақсадларини аниқлаш ва амалга ошириш юзасидан стратегик режалар ишлаб чиқиш жараёни бўлиб, бунда мақсад ва вазифаларнинг илмий асосланганлиги, белгиланган муддатларнинг аниклиги ва объективлиги, ижрочиларнинг билими ва касб маҳорати, ташки муҳит таъсири, фан-техника ва технологияларнинг ривожланиши, муассаса имкониятлари, шунингдек, бошқарув стратегияси, яъни стратегияни амалга оширишни бошқариш йўналишлари ўрганилиб таҳлил қилинади.

**Стратегик режа** – бу муассасада таълим тизимини ривожлантириш, таълим-тарбия жараёнида кўзланган мақсадларга эришиш – рақобатбардош битирувчилар тайёрлаш йўналишида узоқ (беш, ўн йил ва ундан кўпроқ муддатларни ўз ичига олади) муддатларга мўлжалланган вазифаларни ўз ичига олган дастур (истиқбол режа) бўлиб, у таълим муассасасининг ҳамда раҳбар ходимларнинг йиллик ва жорий режалари учун асос сифатида хизмат киласади.

**Стресс.** Асабийлик ва кескинлик сўзлари инглизчада stress [стресс] деган маънони англатади. Стресс тушунчаси ижтимоий психологияда шахсга нисбатан таъсир этаётган вазиятлар, омиллар натижасида вужудга келаётган холатни ифодалайди. Масалан, инсонлар фаолият кўрсатаётган жамоадаги

рухий мухитнинг таъсири, ходимлар фаолият кўрсатаётган хоналардаги ҳароратнинг жуда юқорилиги ёки паст даражадалиги, ўткир ҳидлар, етарли даражада ёритилмаганлик, ўкув қуролларининг етишмаслиги, ортиқча ва мураккаб бўлган топширикларнинг берилиши ва х. к. шулар жумласидандир.

**Тавсияли қарорлар** – таълим муассасаси фаолиятини такомиллаштириш, таълим-тарбия жараёнига илғор педагогик технологияларни татбиқ этиш, янги ахборот технологияларини жорий этиш ҳамда илғор педагогик тажрибаларни оммалаштириш йўналишида қабул қилинадиган қарорлар бўлиб, бунда таълим муассасасини ривожлантириш ва педагогик ходимларнинг фаолиятини такомиллаштириш йўналишидаги тавсиялар ўз ифодасини топади.

**Тактик қарорлар.** Мазкур қарорлар таълим муассасаси олдига кўйилган максадга эришишда қўлланиладиган восита ва усуслар йўналишидаги қарорлар бўлиб, жорий ва тезкор қарорларни ифодалайди. Масалан, таълим муассасасининг йиллик ва жорий дастурларини ҳамда режаларини тузиш ва жорий этиш, юқори малакали кадрлар билан таъминлаш йўналишидаги қарорлар бўлиб, юқори ва ўрта бўғин раҳбарлари томонидан узоги билан икки йилгача бўлган муддатга қабул қилинади.

**Талаб** – раҳбарнинг ходимларга муносабатининг бундай шакли мазмун жиҳатидан буйрукка яқин туради. Буйрук у ёки бу фаолиятни бажариш ёки бажармасликка қаратилган бўлса, талаб эса айнан ўша буйрукларнинг бажарилишига қаратилган бўлади.

**Тарбия** – инсонлар ривожланишида асосий роль ўйнайдиган жараён бўлиб, бир авлод ижтимоий тажрибасининг кейинги авлодлар томонидан ўзлаштирилиши ва уларнинг ижтимоий ҳаётга қўшилишларини таъминлаб берувчи зарурий фаолиятдир.

**Тарбиявий жараён.** Ўсиб келаётган авлоднинг катта ёшдагилар тажрибасини эгаллаб бориш жараёни бўлиб, у инсонлар ривожланишини бошқаради ҳамда уларнинг шахсий хислатларини шаклланишига зарур шароитлар яратиб беради.

**Тарбиявий муносабатлар** – инсонлар ўртасидаги доимий муносабат (алокалар) бўлиб, улар инсон шахсини ривожлантиришга, яъни мустақил маълумот, мустақил таълим

олиш ва ўзини-ўзи тарбиялашни шакллантиришга хизмат қиласи, шунингдек, бу бошқарув жараёнида раҳбарлар билан ходимлар ўртасидаги муносабатларда турли шаклларда намоён бўлади, яъни, раҳбарларнинг билими, муомала ва мулокот маданияти, кийиниши, гавда ҳаракатлари, бошқарувчилик қобилияти, фантехника, санъат ва табиатга бўлган муносабати ҳамда кизикиши ходимларнинг фаолиятига ўз таъсирини кўрсатади.

**Тарбияланганлик** – шахснинг сифат кўрсаткичи, тажрибаларни яхши ўзлаштирганлиги, тарбиявий-ривожлантириш максадида йўналтирилганлик.

**Тарбияланувчи** – тажрибаларни эгаллайдиган ва ўрганадиган шахс.

**Тарбиячи** – инсон, авлодлар тажрибасини эгаллаш учун мажбурий ёки зарурий таъминотчи.

**Тартибга солиш-мувофиқлаштириш функцияси.** Мазкур функция педагогик тизимнинг ҳолатини зарурий, белгиланган даражада ушлаб туриш, уни янги сифат даражасига кўтариш ва педагогик жараёнда йўл кўйилаётган хатоликларни тузатиш ҳамда педагогик жараён иштирокчиларининг хатти-харакатларини тартибга солиш учун хизмат қиласи.

**Тафаккур.** Инсонларнинг ақлий фаолиятининг ва онгли хатти-харакатларининг юксак шакли ҳисобланиб, социум ва ижтимоий мухитни, мавжуд жараёнларнинг вужудга келиш сабаблари ва воқеликни англаш воситаси, шунингдек, барча инсонларнинг эҳтиёжларини қондириш йўналишидаги фаолиятларини мувофиқлаштирувчи фикрлар, гоялар ва қарашлар натижасида вужудга келган хулоса ёки қабул қилинган карор.

Тафаккур сезги, идрок, тасаввурларга нисбатан мавжуд жараёнларни, ходисаларни аниқ ва равшан, объектив акс эттирувчи билиш жараёни. Бошқарув жараёнида раҳбар томонидан ходимларнинг ёки ходимлар томонидан раҳбарларнинг ўрганилиши ва хулосалар чиқарилиши, шунингдек, ўзаро муносабатлар, алокалар ва ахборотлар алмашинуви мазкур тушунча оркали амалга оширилади. Демак, бошқарув жараёнида муассаса фаолиятини такомиллаштириш ҳамда жамоа аъзоларининг фаолиятларини мувофиқлаштиришда раҳбарлар тафаккурининг ҳар томонлама ривожланганлиги ўз самарасини кўрсатади.

**Ташаббусли қарорлар.** Бундай шаклдаги қарорлар раҳбарларнинг бошқарув фаолияти жараёнида ахборотлар тўплаш методларидан фойдаланилиб тўпланган маълумотлар, амалга оширилган таҳдиллар хамда ўрганилган вазиятларнинг натижаларига асосан қабул қилинади ва улар муассасанинг истиқболини назарда тутади.

**Ташки коммуникация.** Таълим муассасаси билан ташки муҳит ўртасидаги ахборот алмашинуви жараёни ташки коммуникацияларни ифодалаб, бунга ташқаридан келган ахборотлар, юкори бошқарув органлари, ҳокимият, вазирлик ва ҳалқ таълими бошқармаларидан келган ахборотларни киритиш мумкин.

**Ташкилий бошқарув.** Бу тушунчага ташкилий жиҳатдан кадрлар билан ишлашга жавобгар бўлган барча шахслар ва институтлар, масалан, раҳбарлар, кадрлар билан ишлаш бўлими, мактаб кенгаши, педагогик кенгаши, илмий-методик кенгаши, касаба уюшма қўмиталари ва бошқа жамоатчилик ташкилотларини ҳам киритиш мумкин.

**Ташкилий ихтилофлар.** Бундай ихтилофлар таълим муассасасида педагогик ходимларга ўқув юкламаларини тақсимлашда (фанлар бўйича дарс соатлари ажратиш, хамда соатлар тақсимотида адолатнинг бузилиши), имтиёзлар беришда, мукофотга тавсия қилишда, жамоатчилик топширикларини беришда ва бошқа ташкилий жараёнларда раҳбарлар томонидан йўл кўйилган хатолар сабабли ёки раҳбарият томонидан берилган топшириклар маълум бир ходимлар томонидан бажарилмаса, маъмурият талабларини четлаб ўтишга ҳаракат қилса келиб чиқади.

**Ташкилий таъсир кўрсатиш** – таълим-тарбия жараёнини ташкил этиш ва бошқаришнинг ташкилий тузилишларини белгилаш, ички тартиб-қоидаларни ўрнатиш; бошқарилувчи ва бошқарувчи тизимлар ўртасида мувофиқлик ва оқилона нисбатни ўрнатиш кабиларни ўз ичига олади. Таълим-тарбия жараёнларини самарали амалга ошириш учун ташкил этилган мактабнинг таркиби, ташкилий тузилиши (структуря) ва таркибий қисмларини (компонентлар) аниқлашда фаолият жараёнларининг хусусиятлари инобатга олинади.

Бу жараёнларни асосан куйидаги турларга бўлиш мумкин. Асосий (таълим-тарбия) жараён мактабнинг асосий мақсадларида, кўзланган натижаларга эришишга йўналтирилган бўлади ва таъминловчи жараён мактабнинг натижаларига тўғридан-тўғри ўз таъсирини кўрсатмаса-да, унинг асосий вазифаларини бажариши учун зарурй шароитларни яратади ва таъминлаб беради. Мактабда умумий таълим-тарбия жараёни иккита кичик тизимлар доирасида, яъни дарсда ва дарсдан ташкари (тарбиявий) фаолият жараёнларида амалга оширилади.

Бу жараёнларни ҳамда ўзаро боғлиқ бўлган ташкил этувчи қисмларнинг ички табиатида мавжуд бўлган жараёнларни ўз ичига олган ҳамкорликдаги фаолиятлар, шунингдек, ички шароит ва имкониятлар педагогик тизимни ташкил этади, бунда тизимнинг субъекти ҳисобланган педагоглар, ўқувчилар, отоналар ва бошқарувчиларнинг фаолияти муҳим аҳамият касб этади. Педагогик тизим мактабнинг вазифаси, мақсадга қаратилган йўналиши, фалсафаси, таълим муассасаси томонидан танланган модел, стратегия ва тактикаси орқали тавсифланади.

**Ташкилий таъсир кўрсатиш шакллари** – лойиҳалаш, регламентлаш, меъёrlаш, кўлланмалар тайёрлаш ва х.к. Таълим муассасаси фаолиятини ташкил этишда уни мотивлаштириш, ташаббусларни ишлаб чиқиши ва тахлил қилиш учун шароитлар яратиш, барча таркибий қисм ва бўлимларнинг фаолиятини мувофиқлаштириш, ижтимоий амалиёт ва таълим эҳтиёjlаридан келиб чиқсан ҳолда натижаларнинг самарадорлигини тахлил қилишни ҳамкорликда ташкил этиш, давлат талаблари асосида педагогларни қайта тайёрлаш ва малакасини ошириш орқали амалга ошириш зарур.

**Ташкилий функция** – ходимларга берилган топширикларни бажариш учун жамоанинг фаолиятини ташкил этишда амалга оширилади. Ташкил этиш раҳбарнинг асосий ва масъулияти функцияларидан ҳисобланади ва у бир неча босқичларни ўз ичига олади.

Биринчи босқич – топширикларни режалаштириш ва бўйсунувчилар ўртасида таксимлаш жараёни. Топширикларни тақсимлаш ва ходимларнинг топширикни бажариш жараёнидаги вазифаларини тушунтириш ташкилотчилик функциясининг асосий кўрсаткичларидан бири ҳисобланади. Бу кўрсаткич

раҳбарнинг бошқа функцияларини ўзига бирлаштиради ва у ахборотлар билан ишлаш функцияси билан узвий боғлик бўлади, чунки, раҳбар бўйсунувчиларга вазифаларни тушунтириш жараёнида уларни зарурый ахборотлар билан таъминлайди.

Иккинчи босқич – ходимлар томонидан бажарилган топширикларнинг натижасини назорат қилиш, текшириш. Раҳбар бўйсунувчилар томонидан бажарилган ишларнинг сифатини текширишдан аввал топширикларнинг ўз вақтида бажарилишини назоратга олиши зарур. Назорат қилиш, текшириш функцияси ҳам раҳбарнинг бошқа функциялари билан ўзаро боғлик бўлади.

Учинчи босқич – топширикларни бажаришда ходимларга ёрдам кўрсатиш. Ходимларнинг фаолиятини мунтазам назоратга олиш жараёнида раҳбар ўз вақтида бўйсунувчиларга ёрдам кўрсатиш имкониятига ва ўз ўрнида ҳар бир ходимнинг фаолияти тўғрисидаги маълумотларга эга бўлади.

Тўртинчи босқич – ходимларнинг фаолияти натижаларига кўра уларни рағбатлантириш ёки жазолаш чораларини кўришни ўз ичига олади. Илғор ходимлар ва ихтирочиларни моддий ва маънавий шаклларда рағбатлантириш, айрим гуноҳкор бўйсунувчиларнинг барча фаолиятларини қатъий назоратга олиш орқали жазолашни амалга ошириш мумкин.

**Ташкилий-ижрочилик функцияси.** Бу функция бошқарув фаолиятининг барча йўналишларида ўз аксини топади. Яъни, у кадрлар танлаш ва жой-жойига қўйиш, ижрочиларнинг ўзаро таъсир этиш тизимини шакллантириш, ахборотлар тўплаш ва уларга ишлов бериш фаолиятлари билан боғлик бўлади. Бунинг натижасида у ёки бу педагогик тизимга хос таркибий тузилиш вужудга келади.

**Ташкилий-маъмурий методлар.** Ушбу методлар ҳам иқтисодий методлар бажарадиган вазифаларни бажаради, фақат уларнинг таъсир кўрсатиш усуллари ва шакллари ўзаро фарқ қиласди. Иқтисодий методларда белгиланган масалаларни ҳал қилиш учун раҳбарлар таъсир кўрсатишнинг турли хил усул ва шаклларини танлаш имкониятига эга бўлади. Ташкилий-маъмурий методлар қарорлар, буйруклар, фармойишлар ва кўрсатмалар тайёрлаш, уларни ўз вақтида тегишли шахсларга етказиш ва бажарилишини назорат қилиш орқали таъсир кўрсатишни назарда тутади.

**Ташкилотчилик қобиляти** – бу биринчидан, таълим муассасаси жамоасини уюштира билиш, яъни жамоада аҳиллик, бирдамлик ва ҳамкорликни вужудга келтириш, жамоа аъзоларини жипслаштира олиш ва иккинчидан, ўзининг шахсий ишини тўғри ташкил эта олиш қобилятидир.

**Таълим** – тажрибалар алманиниши жараёни бўлиб, режали равишда амалга ошириладиган “ўқитувчи-ўқувчи-ўқитувчи” мулокоти, унинг натижасида маълумот, тарбия ва ривожланиш амалга ошади.

**Таълим менежменти** – бу илмий асосда ташкил этилган, ўзига хос погонавийликка асосланган бошқарув: раҳбар, педагогик жамоа, таълим олувчилар жамоаси. Шунга кўра бошқарувни турли хил моделлар асосида амалга ошириш мумкин: интеграл модел, биринчи погона – педагогик жамоа фаолиятини бошқариш, иккинчи погона – ўқувчилар фаолиятини бошқариш.

**Таълим менежменти фани** – таълим муассасалари раҳбарларининг бошқарув фаолияти, бошқарув масъулияти ва маданияти, бошқарув функциялари ва методлари, бошқаришнинг конун-қоидалари ва тамойиллари, раҳбар ва лидер фазилатлари, таълим муассасаси раҳбарларининг функционал вазифалари, таълим муассасаларини бошқаришда аҳборот ва коммуникация, раҳбарларнинг инновацион фаолиятлари, бошқарувда тарбиявий муносабатлар ва раҳбарлик услублари, таълим муассасаларининг ташкилий тузилиши, стратегик бошқарув ва режалаштириш, раҳбарнинг иш вақти ва ундан фойдаланиш, персонални бошқариш ҳамда таълим муассасаларини бошқаришда мотивлаштириш ва мотивлаштириш назарияларини тадқик этади.

**Таълим менежментининг асосий мақсади** – таълим муассасаларида ташкил этиладиган таълим-тарбия жараёнини илмий асосда ташкил этишда, муассаса олдига кўйилган мақсадларга эришиш ва рақобатбардош битирувчилар тайёрлашда таълим-тарбия жараёни иштирокчилари, раҳбарлар, мутахассислар ва ижрочиларнинг муносабатлари ва фаолиятларини мувофиқлаштириш, назорат қилиш ҳамда самарали бошқаришни таъминлаш кўнгилмаларини шакллантиришдан иборат.

**Таълим муассасаларини бошқариш** – жамоа аъзоларини ҳамда уларнинг фаолиятини бошқаришдан иборат бўлиб, улар ўз

навбатида таълим жараёнини ва воситаларини бошқарадилар. Бошқарув юқори савияда олиб бориладиган муассасаларда интизом, педагогларнинг меҳнат унумдорлиги, таълим жараёни самарадорлиги ва ўқувчиларнинг ўзлаштириш кўрсаткичлари юқори даражада бўлади ҳамда таълим жараёни иштирокчилари фаолиятида мажбурий итоаткорлик ўрнини ижодий ёндашувлар эгаллайди.

**Таълим муассасаси функциялари** – таълим-тарбия жараёнида қуидаги функцияларни амалга оширади: таълимий (тушунчалар тизими, дунёвий тушунчалар, фанлар бўйича умумий билимлар, кўникма ва малакалар; мустақил таълим); тарбиявий (таълим жараёни иштирокчиларида дунёкараш, ўзини-ўзи англаш ва ижтимоий мавқе, мотивлаштириш, тажриба ва ахлоқий одат, муҳим ижтимоий кўникма ва малака, хулқ ва муомала, маънавий ва ахлоқий маданият, ўзини-ўзи тарбия кўникмаларини шакллантириш); психологик ривожланиш (олий психологик функциялар: идрок, хиссиёт, ирода, руҳий кечинмалар, ўзини-ўзи англаш, шахсий фаоллигини шакллантириш), таълим жараёни иштирокчиларида яратувчанликни ривожлантириш; ижодий фаолиятга тайёрлаш; соглом турмуш тарзига одатлантириш; мактаб битирувчиларини ижтимоий-шахсий аҳамиятга эга бўлган турли хил фаолиятга тайёрлаш; таълим-тарбия жараёнини ташкил этиш, ўзаро алоқаларни ўрнатиш ва мувофиқлаштириш, барча бўғин ва бўлимлар ўртасида вазифалар таксимоти, раҳбар ходимлар ўртасида масъулиятларни белгилаш, бошқаришнинг аниқ услубини танлаш ва қарор кабул килишда иш тартиби изчиллiği, ахборотлар оқимини ташкил қилиш.

**Технология** – таълим-тарбия жараёнини ташкил этиш, уни бошқариш, педагогик ва ўқув фаолиятини ташкил қилиш усуллари тавсифи.

**Тизим** – алоқа, муносабатлар, интеграция, яхлитлик, ташкил этувчи қисмлар каби тушунчалар оркали ифодаланади. Бу тизимнинг бир-бири билан боғлик бўлган, ўзаро таъсир этувчи қисмларининг мажмуюй яхлит обьектни ташкил этади. Ҳар бир қисм яхлит тизимнинг ўзгаришига ўз ҳиссасини кўшади.

**Тизимли ёндашув** – бунда таълим муассасаси тизим сифатида, яъни ташки мухитда хизмат қиласётган мураккаб тизим сифатида кўриб чиқилади. Бунда унинг алоқалари ва

воситаларининг мазмун ва моҳиятига кўра объектни бир бутун, яъни яхлит ҳолда тасаввур қилиш талаб этилади.

**Таълим** муассасасини ўрганишда алоҳида хусусиятларга эга бўлган бир неча қисмларга ажратиб, улар ўртасидаги алокалар ҳамда ўзаро боғлиқлик хусусиятлари аникланади, чунки ҳар бир қисм яхлит тизимнинг ўзгаришига ўз ҳиссасини кўшади.

**Толикиш** – маълум бир фаолиятни бажариш жараёнида меҳнат қобилиятининг пасайишидир. Бу фаолиятга хос тушунча бўлиб, толикишнинг кучайиб бориши натижасида шахс чарчайди. Толикишнинг психологик ҳолат сифатида намоён бўлиши кучсизланиб бориш, диққатнинг чалгиши бошланиши, сезигрликнинг ўзгариши, харакатларнинг ўзгариши, хотира ва тафаккур сифатининг пасайиши, фаолликнинг пасайиши ва уйку босишида кўринади.

**Умумий қарорлар.** Таълим муассасаси фаолиятини ва жамоа аъзоларининг иш тартибини белгилаш, яъни таълим муассасаси регламентини белгилаш йўналишидаги қарорлар бўлиб, улар умумий тавсифга эга бўлади ҳамда барча бўғинлар учун бирдек амал килади.

**Фаолият** – бу билиш ва ирода билан узвий боғлиқ бўлиб, уларга таянади, мазкур жараёnlарсиз юз бериши мумкин эмас. Фаолият инсоннинг белгиланган максад йўналишида бошқарилиб турадиган ички ва ташқи фаоллиги бўлиб, мазкур фаоллик орқали табиатга ва бошқа инсонларга таъсир кўрсатилади.

Фаолият – фалсафа фанида фаолият тушунчаси бутун оламга нисбатан бўлган ўзига хос инсоний муносабатлар усули сифатида қаралса, ижтимоий назарияда фаолият ижтимоий воқеиликнинг мавжудлиги ва ривожланиши, ижтимоий фаолликни вужудга келиши деб таърифланади.

Психология ва педагогика фанлари йўналишидаги тадқиқотларда фаолият тушунчаси алоҳида объективлаштирилган моддий ва маънавий маҳсулотларни ишлаб чиқиш ва вужудга келтиришга йўналтирилган фаоллик, яъни субъектнинг фаоллиги сифатида тадқиқ қилинади.

**Аниқ** ва содда қилиб айтганимизда, мактабни бошқариш фаолияти – бу кўзланган максадларга эришиш, шахсни шакллантириш ва унинг фаоллигини белгилаш, фикр ва

гояларнинг туғилиши ва уларни бошқаришга йўналтирилган харакатлар мажмуасидир.

**Фаоллик** – бу инсонларда “ўз кучи билан жавоб қилиш” кобилиятини билдиради. Инсонларни муайян тарзда ва муайян йўналишда ҳаракат қилишга ундаидиган эҳтиёжлар унинг фаоллиги манбаи ҳисобланади.

**Фармойиш бериш** – таълим муассасаси фаолиятини мувофиқлаштириш ва такомиллаштиришда, педагоглар ва бошқа ходимлар, барча таълим жараёни иштирокчиларининг фаоллигини таъминлашда зълон қилинадиган ёзма ёки оғзаки кўрсатмалар, ёзма шаклда нашр этилган ёки оғзаки буйруклар бериш.

**Фармойиш бериш шакллари** – буйруқ чикариш, фармойиш бериш, қарор қилиш, кўрсатмалар бериш ва ҳ.к.

**Фармойишли таъсир ўтказишга қўйиладиган талаблар:** биринчидан, нимага асосланиб чиқарилганлиги аниқ кўрсатилиши шарт; иккинчидан, қабул килинган қарор моҳияти киска ва равshan баён этилиши лозим; учинчидан, ижрони назорат қилиш шакли, фармойишнинг кучга кириш ва бажарилиш муддати кўрсатилиши зарур; тўртинчидан, буйруқ ва фармойишлар киска, тушунарли ва аниқ бўлиши керак; бешинчидан, буйруқ ва фармойишларни энг қулай муддатларга чикариш ва ижрочиларга етказиш керак; олтинчидан, буйруқ ва фармойишлар имкон кадар камроқ бўлиши зарур.

**Функционал бошқарув** дейилганда кадрлар соҳасидаги ишлар билан боғлиқ бўлган барча вазифалар ва қарорлар, масалан, кадрлар танлаш, улардан фойдаланиш, малакасини ошириш, уларнинг меҳнатига ҳак тўлаш, рағбатлантириш ва мукофотлаш, лавозимларга тайинлаш, ишдан бўшатиш ва ҳ.к. тушунилади.

**Функционал ихтилофлар.** Бу хилдаги ихтилофлар таълим муассасалари раҳбариятининг ўз вазифасига совукконлик билан муносабатда бўлиши, яъни ўкув хоналарининг етарли даражада ёритилмаганлиги, қиши мавсумда иситилмаслиги, ўқитувчи ва ўқувчилар учун ишлаш, ўкиш, овқатланиш, спорт билан шуғулланиш, дам олиш ҳамда ижодий фаолиятни амалга оширишлари учун етарли шароитлар яратилмаганлиги, шунингдек, мактаб кутубхонасидаги шароит ҳамда ўкув жараёнини илмий асосда ташкил этиш учун илмий-методик маҳсулотлар ва янги

ахборот технологиялари, компьютер техникаси воситалари билан таъминланмаганлиги сабабли вужудга келиши мумкин.

**Функционал стратегия** – таълим муассасасининг таълимтарбия жараёни иштирокчилари, бўлимлари, жамоавий бошқарув органлари ва маъмурият ҳамда жамоатчилик ташкилотлари олдидаги вазифаларни амалга ошириш усулларини ўз ичига олган ишчи стратегия хисобланади.

**Функция** – бу лотинча сўз бўлиб, бирор кимса ёки нарсанинг иш, фаолият доираси, вазифаси деган маъноларни билдиради. Раҳбар ўзининг ишлаб чиқариш ва технологик вазифаларини бажариши професионал функцияларини белгилайди ва бунда раҳбар професионал-мутахассис сифатида доимо инсонлар билан муносабатда бўлади.

**Ходимларни бошқариш** – педагогик жамоа салоҳиятини ривожлантириш ва ундан самарали фойдаланиш, уларнинг мўътадил фаолият кўрсатиши учун зарурй шарт-шароит яратиш бўйича ўзаро боғланган ташкилий-иктисодий ва ижтимоий, маънавий-маърифий тадбирлар тизими.

**Ходимларни бошқариш тушунчаси** – меҳнат муносабатлари ва уларни мувофиқлаштиришда кадрлар билан тезкор ишлашни англатади.

**Ходимларни мотивлаштириш** (ундаш) – бу усул ходимларнинг бошқарув жараёнида кенг миқёсда иштирок этишига асосланган бўлиб, бу усулни қўллаш орқали соғлом ижтимоий-рухий мухит яратилади. Бунда ижтимоий-психологик усуллар меҳнат фаоллигини оширишга қаратилган бўлиб, у ходимларга, яъни уларнинг маънавий ва ижтимоий хулқига таъсир этиш орқали амалга оширилади.

Ташкилий мухитнинг сифати унинг ҳолатининг маданий намуналар билан мос келишини ҳамда бошқарувнинг тезкорлик ва имконият даражасини белгилайди. Яъни, вужудга келаётган вазиятларни ташкилий мухитнинг асосий ташкил этувчи элементлари билан мувофиқлаштириш бошқарув маданиятининг асосий кўрсаткичи сифатида хизмат қиласи.

**Хулқий компонентлар** – саъй-ҳаракат, қилиқ, мимика, имо-ишора, нутқ ва бошқа инсон хулқи билан боғлиқ бўладиган муносабатлар.

**Шахс обруси** – шахснинг жамоа аъзолари томонидан тан олиниши ва хурмат қилиниши, унинг субъектив сифатларининг жамоа фаолиятининг объектив талабларига мос келишини билдиради. Бунда шахснинг билими, тажрибаси, касб маҳорати, уддабуронлиги, тадбиркорлиги, фаоллиги мухим аҳамият касб этади.

**Шахслараро ихтилофлар.** Таълим муассасасида шахслараро муносабатлар жиддий ва нозик бўлиб, бунда раҳбарлар ўртасидаги муносабатлар, раҳбар-ходим, раҳбар-ўқитувчи, раҳбар-ўкувчи, раҳбар-ота-она, ходим-ходим, ўқитувчи-ходим, ўқитувчи-ўқувчи, ўқитувчи-ота-она, ўкувчи-ўкувчи, ўкувчи-ота-она ҳамда педагоглараро муносабатларни ўз ичига олади. Таълим муассасасидаги шахслараро муносабатларни ҳам нозик, ҳам мураккаб дейишимизга асосий сабаб, ёш авлодни тарбиялашда бу муносабатлар мухим аҳамият касб этади, ҳаттоки ота-оналарнинг ўз фарзандлари билан бўлган муносабатлари ҳам таълим-тарбия жараёнига ўз таъсирини кўрсатади. Шахслараро ихтилофлар, асосан, инсонларнинг бир-бирини тушунмаслиги, манфаатларнинг номувофиқлиги, бир-бирини кўролмаслиги ёки арзимас сабабларга кўра ўзаро аразлаб юриши туфайли келиб чиқиши мумкин.

**Шахслараро муносабатлар** – бу бир жамоа ёки гурухнинг аъзолари бўлган инсонлар ўртасидаги объектив алоказлар, мулокот ва ўзаро таъсирларни ифодалаб, расмий ва норасмий турларга, хизмат ва шахсий муносабатларга бўлинади. Хизмат муносабатлари бирор ижтимоий фойдали фаолият билан – ўкув, меҳнат фаолияти билан боғлик бўлади. Шахслараро муносабатлар ўзаро таъсир кўрсатиш, мулокот, биргаликдаги фаолиятда вужудга келади ва шакланади.

**Шахснинг заковатлилик, иродалилик, зукколик хислатлари** – зийраклик, эсда саклаб колишлиқ, ижодкорлик, танқидийлик, кизикувчанлик, ишиқбозлик, диккатлилик, билимдонлик, савиялилик, ҳозиржавоблилик.

**Шахснинг умумий хислатлари** – ёқимлилик, жозибадорлик, дилбарлик, кўркамлик, хурматга сазоворлилик, буюклиқ, салоҳиятлилик; жиддийлик, босиқлик; мослашувчанлик, маданийлилик, одоблилик, зиёлилик, табиийлик, одиллик, оддийлик.

**Шахс-фаолият ёндашуви.** Мазкур ёндашув бошқарув жараёнида зарур ҳисобланиб, бошқарув фаолияти жараёнида педагогик тизимларнинг бошқаришни мақсадга мувофиқ равишда амалга оширишда, аниқ мақсадларга эга бўлган бошқарув субъектининг мотивлаштириш йўналиши сифатида вужудга келади.

**Эмоционал компонентлар** – эмоционал кечинмалар билан боғлиқ бўлган муносабатлар.

**Эҳтиёж** – инсонларни маълум бир фаолиятга йўналтирувчи омиллар бўлиб, уларни жисмоний ёки аклий меҳнатга, шунингдек, дам олиш, билим олишга, ҳунар ўрганишга, умуман олганда яшаш учун курашишга чорлайди. Инсон эҳтиёжлари турли хил бўлиб, уларнинг психологик хусусиятларига, яъни одати, диди ва кайфияти, ёши ва соглиги, жинси, оиласиб аҳволи, меҳнат қилиш ва яшаш шароитларига ҳам боғлиқ бўлади.

Эҳтиёж – инсонларнинг ҳаёт кечиришининг аниқ шарт-шароитларга қарамлигини ифода этувчи ва бу шарт-шароитларга нисбатан унинг фаоллигини вужудга келтирувчи ҳолатdir.

Инсоннинг эҳтиёжлари ҳам ижтимоий, ҳам шахсий хусусиятларга эга бўлиб, у биринчидан, шунчаки тор маънодаги шахсий тавсифга эга бўлиб туюлганда ҳам ижтимоийдир (масалан, нон – нон бўлиб дастурхонга келгунича кўплаб инсонлар меҳнати сарфланади, бу эса ижтимоий маҳсулотdir). Иккинчидан, инсон ўз эҳтиёжларини қондириш учун мазкур ижтимоий муҳитда тарихан таркиб топган воситалар ва усуллардан фойдаланади. Учинчидан, инсоннинг кўпгина эҳтиёжлари шахсий эҳтиёжларидан кўра ўзи биргаликда меҳнат қиласиган жамиятнинг, жамоанинг, гурухнинг эҳтиёжларини ифодалайди, яъни жамоа эҳтиёжлари кишининг шахсий эҳтиёжлари тусини олади (йигилишда маъруза билан чикиш учун тайёрланиш эҳтиёжи).

**Эҳтиросли хислатлар** – ўзгалар ютукларидан қувониш, ўз фаолиятидан қоникиш, баҳтиёрлик, кўтаринкилик, тантанаворлик, қувноқлик, ҳазил-мутойибалик, уятчанлик, тортичоклик, мўмин-қобиллик, диёнатлилик, озодалик, нозик табиатлилик.

**Янгилик** – янги тартиб, янги услуб, янги метод, янги ихтиrolар бўлиши мумкин.

**Янгилик киритиш** – бу янгиликнинг қўлланишини билдиради. Янгиликларни амалиётда қўллаш ва оммалаштиришга киришилган вақтда у янги сифатга эга бўлади ва инновациялар вужудга келади. Янгилик киритишни оммалаштириш ва уларни ташкил этиш инновацион жараённинг ташкил этувчи қисмлари хисобланади.

**Ўзини-ўзи тарбия** – бу ички туйғулар ёрдамида миллий қадриятларни, инсон ҳаётидаги ютук ва муаммоларни, тажрибаларни ўрганиш, кўникма ва малакалар ҳосил қилиш, яъни, мустақил ривожланиш жараёнидир. Таълим-тарбия жараёни қандай ташкил этилмасин, ўзини-ўзи тарбиялашсиз уни амалга ошириб бўлмайди.

**Ўқитиш** – миллий қадриятларимизни, ҳаётий тажрибаларни, фан ва техника соҳаларидаги ютукларимизни ёш авлодларга ўргатишни таъминлайди.

**Ўқишиш** – миллий қадриятларни, фан-техника соҳасидаги ютукларни, тажрибаларни ўрганиш, тушуниш, тафаккурнинг ривожланиши, мустақил фикрлаш ва улардан ҳаётда фойдаланиш учун кўникма ва малакаларни шакллантиради.

## АДАБИЁТЛАР

1. Ўзбекистон Республикасининг “Кадрлар тайёрлаш миллий дастури тўгрисида”ги Қонуни. – Тошкент: “Адолат”, 1998.
2. Каримов И.А. Ўзбекистон XXI аср бўсағасида: хавфсизликка таҳдид, баркарорлик шартлари ва тараққиёт кафолатлари. – Тошкент: “Ўзбекистон”, 1997.
3. Каримов И.А. Баркамол авлод – Ўзбекистон тараққиётининг пойдевори. – Тошкент: “Шарқ”, 1997.
4. Инсон баҳт учун туғилади. Ўзбекистон Республикаси Президенти И.А.Каримовнинг ҳикматли сўзларидан. – Тошкент: “Шарқ”, 1998.
5. Каримов И.А. Баркамол авлод орзуси. – Тошкент: “Ўзбекистон”, 1999.
6. Каримов И.А. Ўзбекистон иктисадий ислоҳотларни чукурлаштириш йўлида. – Тошкент: “Ўзбекистон”, 2000.
7. Каримов И.А. Озод ва обод Ватан, эркин ва фаровон хаёт – пировард мақсадимиз. – Тошкент: “Ўзбекистон”, 2000.
8. Каримов И.А. Иктисадиқчи эркинлаштириш, ресурслардан тежамкорлик билан фойдаланиш – бош йўлимиз. “Халқ сўзи”, 15 февраль 2002 йил.
9. Каримов И.А. Одамларни ташвип ва орзу-интилишлари билан яшаш фаолиятимиз мезонига сийлансан. “Халқ сўзи”, 19 июль 2002 йил.
10. Каримов И.А. Ўзбекистонда демократик ўзгаришларни янада чукурлаштириш ва фуқаролик жамияти асосларини шакллантиришининг асосий йўналишлари. “Халқ сўзи”, 30 август 2002 йил.
11. Каримов И.А. Ислоҳотлар стратегияси – мамлакатимиз иктисадий салоҳиятини юксалтиришди. “Халқ сўзи”, 18 февраль 2003 йил.
12. Каримов И. А. Ватанимизнинг тинчлиги ва хавфсизлиги ўз куч-кудратимизга, халқимизнинг ҳамжихатлиги ва букилмас иродасига боғлиқ. – Тошкент: “Ўзбекистон”, 2004.
13. Каримов И. А. Бизнинг бош мақсадимиз – жамиятни демократлаштириш ва янгилаш, мамлакатни модернизация ва ислоҳ этиштир. – Тошкент: “Ўзбекистон”, 2005.
14. Каримов И. А. Инсон, унинг ҳуқук ва эркинликлари ҳамда манфаатлари – энг олий кадрият. – Тошкент: “Ўзбекистон”, 2005.
15. Ўзбекистон иктисадиётида ҳусусий секторнинг улуши ва ахамиятини тубдан ошириш чора-тадбирлари тўгрисида. Ўзбекистон Республикаси Президентининг 24 январь 2003 йилдаги ПФ-3202-сонли Фармони.

16. “2004-2009 йилларда мактаб таълимини ривожлантириш давлат умуммиллий дастури” тўгрисида. Ўзбекистон Республикаси Президентининг 21 май 2004 йилдаги ПФ-3431-сонли Фармони.
17. Вазирлар Маҳкамасининг 2004 йил 9 июлдаги “2004-2009 йилларда мактаб таълимини ривожлантириши давлат умуммиллий дастурини амалга ошириш чора-тадбирлари тўгрисида”ги 321-сонли Қарори. – Тошкент, 2004.
18. Абдураҳмонов К., Ю. Одегов ва бошқалар. Персонални бошқариш. Тошкент: “Шарқ”, 1998.
19. Абдураҳмонов К. Ҳ., Д.Н. Раҳимова ва бошқалар. Давлат хизмати персоналини бошқариш. – Тошкент: “Академия”, 2002.
20. Адизова Т. М. Бошқарув мулокоти. – Тошкент: Низомий номли ТДПУ, 2000.
21. Азизхўжаева Н.Н. Ўқитувчи мутахассислигига тайёрлаш технологияси. – Тошкент: Низомий номли ТДПУ, 2000.
22. Ахлоқ-одобга оид ҳадислар. – Тошкент, 1990.
23. Ахлидинов Р. Ш., Носирова Ф. А., Ражабова М. Р. Мактаб бошқарувида ички назорат. – Тошкент: “Шарқ”, 1996.
24. Ахлидинов Р. Ш. Ўзбекистон Республикасида мактаб таълими тизимини бошқариш хусусиятлари (назарий-методологик жиҳатлар). – Тошкент: ЎзПФИТИ, 1997.
25. Ахлидинов Р., Саидов Ҳ. ва бошқалар. Истиқлол ва таълим. – Тошкент: “Шарқ”, 2001.
26. Ахмадхўжаев Ҳ. Т., Мирдадаев К. М., Қозоқов О.С. Менежмент ва стратегияни бошқариш. – Тошкент: “Илм Зиё”, 2004.
27. Безрукова В.С. Педагогика. – Екатеринбург, 1994.
28. Бурхонов А., Турғунов С.Т. “Мутахассислик психологияси” фанидан маърузалар тўплами. – Наманган: НамМПИ, 2000.
29. Бурхонов А., Турғунов С. Т. “Психология” фанидан маърузалар тўплами. – Наманган: НамМПИ, 2000.
30. Валижонов Р., Қобулов О., Эргашев А. Менежмент асослари. – Тошкент: “Шарқ”, 2002.
31. Давлетшин М. Г. Замонавий мактаб ўқитувчининг психологияси. – Тошкент: “Ўқитувчи”, 1999.
32. Джураев Р. Ҳ., Турғунов С. Т. Умумий ўрта таълим муассасаларини бошқаришда менежментнинг асосий тушунчалари. – Тошкент: “Фан”, 2006.
33. Зуннунова А. Педагогика тарихи. – Тошкент, 1997.
34. Ильенкова С.Д., Гохберг Л.М., Ягудин С.Ю. и другие. Инновационный менеджмент. Учебник для ВУЗов. – Москва: ЮНИТИ, 1997.

35. Йўлдошев Ж. Ф. Ўзбекистон Республикаси таълим тараккиёти йўлида. – Тошкент: “Ўқитувчи”, 1994.
36. Йўлдошев Ж. Ф., Ахлидинов Р. Ш., Отабоева Р. Н. Мустакил Ўзбекистон таълими. – Тошкент: “Шарқ”, 1997.
37. Йўлдошев Ж. Ф. Таълим янгиланиш йўлида. – Тошкент: “Ўқитувчи”, 2000.
38. Каримова В. М. Ижтимоий психология асослари. – Тошкент: “Ўқитувчи”, 1994.
39. Комилов Н., Бегматов А., Куронов М. Раҳбар ва ходим. – Тошкент: “Академия”, 1998.
40. Конаржевский Ю. А. Внутришкольный менеджмент. – Москва, 1992.
41. Лазарев В. С., Поташник М. М. Управление развитием школы. – Москва, 1995.
42. Менеджмент в управлении школой. Под ред. Т. И. Шамовой. – Москва: «NB Магистр», 1992.
43. Миркосимов М. Мактабни бошқаришнинг назарий ва педагогик асослари. – Тошкент: “Ўқитувчи”, 1995.
44. Моисеев А. М. Качество управления школой: каким оно должно быть. – Москва, 2001.
45. Мунавваров А. К. Педагогика. – Тошкент: “Ўқитувчи”, 1996.
46. Муракаев И. У., Саифназаров И. С. Менежмент асослари. – Тошкент: “Ўзбекистон”, 2001.
47. Ожегов С. И. Словарь русского языка. Под ред. Н. Ю. Шведовой. 2-е изд-е – Москва: «Русский язык», 1990.
48. Перегудов Л. В., Сайдов М. Х. Олий таълим менежменти ва иктисадиёти. – Тошкент: “Молия”, 2002.
49. Пономаренко В. А. Психология духовности профессионала. – Москва: «Русский язык», 1997.
50. Поташник М. М. Управление современной школой. – Москва, 1995.
51. Сафо Очил. Мустакил маънавият ва тарбия асослари. – Тошкент, 1995.
52. Словарь иностранных слов. – 16-е изд., испр. – Москва: «Русский язык», 1988.
53. Статистика науки и инноваций. Краткий терминологический словарь. Под ред. Л. М. Гохберга. – Москва, 1985.
54. Топоровский В.П. Аналитическая деятельность руководителя образовательного учреждения. – Санкт-Петербург, 2000.
55. Топоровский В. П. Развитие исследовательской культуры директора школы. – Санкт-Петербург, 2000.

56. Турсунов И. Й. Халк педагогикасининг долзарб муаммолари. – Тошкент: “Ўқитувчи”, 1990.
57. Турсунов И. Й., Нишоналиев У. Н. Педагогика курси. Дарслик. – Тошкент: “Ўқитувчи”, 1997.
58. Турғунов С. Т. “Педагогика” фанидан маъruzалар тўплами. – Наманган: НамМПИ, 1999.
59. Турғунов С. Т. Мактабни бошқаришда педагогиканинг асосий тушунчалари ва тадқикот методлари. – Наманган: НВПҚТМОИ, 2003.
60. Турғунов С. Т. Замонавий мактаб раҳбарларининг функционал вазифалари. – Наманган: НВПҚТМОИ, 2004.
61. Турғунов С.Т. Умумий ўрта таълим муассасалари директорларининг малакасини ошириш курси тингловчилари учун таълим бошқаруви (менежмент)дан ўкув дастури. – Тошкент: ЎПФИТИ, 2005.
62. Тўхтабоев А. Маъмурий менежмент. – Тошкент: “Молия”, 2003.
63. Управление – деятельность профессиональная. Сборник статей. – Санкт-Петербург, СПбГУПМ, 2001.
64. Шакуров Р. Х. Социально-психологические проблемы руководства педагогическим коллективом. – Москва, 1982.
65. Шамова Т. И., Тюлю Г. М. и другие. Как руководителю школы оценить свою управленческую деятельность. Методические рекомендации. – Москва: МПГУ, 1994.
66. Шарифхўжаев М., Абдуллаев Ё. Менежмент. Дарслик. – Тошкент: “Ўқитувчи”, 2001.
67. Курбонов Ш., Сейтхалилов Э., Қурунов М., Ахлидинов Р., Мажидов И. Миллий истиқбол гоясини шакллантиришда ташкилий-услубий ёндашувлар. – Тошкент: “Академия”, 2002.
68. Фозиев Э. Тафаккур психологияси. – Тошкент: “Ўқитувчи”, 1990.
69. Гуломов С. С. Менежмент асослари. – Тошкент: “Шарқ”, 2002.
70. Ҳошимов К., Нишонова С. ва бошқалар. Педагогика тарихи. – Тошкент: “Ўқитувчи”, 1996.

# МУНДАРИЖА

Кириш .....	3
<b>I БОБ. МЕНЕЖМЕНТ НАЗАРИЯСИ ВА АМАЛИЁТИНИНГ РИВОЖЛАНИШИ .....</b>	<b>6</b>
1.1. Менежмент фани предмети ва вазифалари .....	6
1.2. Менежмент назарияларининг ривожланиш босқичлари .....	9
1.3. Таълим менежменти фани предмети ва унинг таълим муассасаларини бошқаришдаги ўрни .....	14
Тест топшириклари .....	18
<b>II БОБ. БОШҚАРУВНИНГ АСОСИЙ ТУШУНЧАЛАРИ .....</b>	<b>21</b>
2.1. Бошқарув тушунчасининг мазмуни ва моҳияти .....	21
2.2. Бошқарув функциялари .....	28
2.3. Бошқарув алгоритми .....	36
2.4. Бошқарув методлари .....	39
2.5. Бошқарув карорлари .....	44
Тест топшириклари .....	49
<b>III БОБ. БОШҚАРУВДА ПЕДАГОГИКА ВА ПСИХОЛОГИЯ ФАНЛАРИНИНГ ЎРНИ .....</b>	<b>53</b>
3.1. Бошқарув жараённида педагогика фанининг вазифалари .....	53
3.2. Таълим-тарбия жараёнини ташкил этиш ва бошқарища педагогиканинг асосий тушунчалари .....	57
3.3. Бошқарув жараённида тарбиявий муносабатлар .....	63
3.4. Педагогик тадқиқот функциялари .....	69
3.5. Педагогик тадқиқот методлари .....	70
3.6. Бошқарувда педагогик қобилиятлар .....	74
3.7. Бошқарув жараёнларида психология фанларининг вазифалари .....	81
3.8. Психологиянинг асосий тушунчалари ва уларнинг бошқарув жараёнидаги аҳамияти .....	84
Тест топшириклари .....	90

## **IV БОБ. УМУМИЙ ЎРТА ТАЪЛИМ МУАССАСАЛАРИДА БОШҚАРУВ ..... 93**

4.1. Мактабни бошқаришга замонавий ёндашувлар .....	93
4.2. Умумий ўрта таълим муассасаларида инновацион бошқарув .....	103
4.3. Педагогик ходимларнинг инновацион фаолиятини ташкил этиш ва бошқариш .....	113
4.4. Стратегик бошқарув ва режалаштириш .....	119
4.5. Ихтилоф ва стрессларни бошқариш .....	123
4.6. Персонални бошқариш .....	129
4.7. Бошқарувда меҳнат муносабатлари этикаси .....	133
4.8. Бошқарувда мотивлаштириш ва мотивлаштириш назариялари .....	138
4.9. Умумий ўрта таълим муассасаларини бошқаришда ахборот ва коммуникация .....	142
Тест топшириклари .....	146

## **V БОБ. ЗАМОНАВИЙ МАКТАБ РАҲБАРЛАРИНИНГ ФУНКЦИОНАЛ ВАЗИФАЛАРИ ..... 152**

5.1. Замонавий мактабда ташкилий тузилиш .....	152
5.2. Замонавий мактаб бошқарув органларининг функционал ташкилий тузилиши .....	154
5.3. Раҳбарларнинг бошқарув фаолияти самарадорлиги .....	160
5.4. Педагогларнинг касбий фаолигини оширишда раҳбарларнинг вазифалари .....	163
5.5. Ўқувчиларда Ватанга мухаббат туйғусини ривожлантиришда раҳбарларнинг вазифалари .....	168
5.6. Педагогларнинг малакасини оширишга раҳбарларнинг тизимли ёндашуви .....	175
Тест топшириклари .....	178

## **VI БОБ. УМУМИЙ ЎРТА ТАЪЛИМ МУАССАСАЛАРИНИ БОШҚАРИШДА РАҲБАРЛИК ..... 183**

6.1. Раҳбар ва лидер тушунчаси .....	183
6.2. Раҳбарлик услублари .....	185
6.3. Раҳбарнинг иш вакти ва ундан фойдаланиш .....	193
Тест топшириклари .....	198

<b>VII БОБ. УМУМИЙ ЎРТА ТАЪЛИМ МУАССАСАСИ</b>	
<b>ДИРЕКТОРИНИНГ БОШҚАРУВ ФАОЛИЯТИ .....</b>	<b>201</b>
7.1. Мактаб директори фаолиятида бошқарув воситалари .....	201
7.2. Умумий ўрта таълим мактаби директорининг бошқарув фаолияти .....	203
<b>Мавзулар бўйича асосий тушунчалар,</b>	
<b>таянч сўз ва иборалар.....</b>	<b>210</b>
<b>Адабиётлар .....</b>	<b>257</b>

Ўзбекистон Педагогика фанлари илмий тадқиқот институтининг  
Илмий Кенгаши томонидан нашрға тавсия этилган

ДЖУРАЕВ РИСБОЙ ХАЙДАРОВИЧ,  
ТУРҒУНОВ СОБИТХОН ТОШПҮЛАТОВИЧ

**ТАЪЛИМ МЕНЕЖМЕНТИ**

**Умумий ўрта таълим муассасалари  
директорлари учун қўлланма**

Тошкент  
«Voris-Nashriyot» – 2006

*Муҳаррир:*  
**Юсупова X.**

Босишга рухсат этилди: 09.08.2006 йил.  
Коғоз бичими 60x84  $\frac{1}{16}$  Офсет босма. Офсет коғоз.  
Ҳисоб нашриёт т. 17,5. Шартли босма т. 16,5  
Адади 3000 нусхада. Келишилган нархда.

**«Voris-Nashriyot» МЧЖ, Тошкент, С.Рахимов тумани,  
Широк кўчаси, 100-уй.**

**«Сано-Стандарт» МЧЖ  
босмахонасида чоп этилди.  
Тошкент ш., Широк кўчаси, 100.**